

5

Ж. О. Артықбаев

# Қазақстан тарихы

Оқулық-хрестоматия



АСТАНА - 2003

БК 63.3 /БК03/ = БК3

А82

ББК 63.3 (2 Каз)

А 86

П і к ір ж а зға н д а р:

*A. Қузембайұлы*, тарих ғылымдарының докторы, профессор

*Әбдіәкімов*, тарих ғылымдарының кандидаты, доцент

*P. Хасенов*, оқу-ағарту ісінің үздігі, тарихшы

**Артықбаев Ж.О.**

А 86 Қазақстан тарихы: Оқулық-хрестоматия. – Астана:  
“Фолиант”, 2003. – 264 бет.

ISBN 9965-612-57-9

yr 3996

Оқырман назарына ұсынылып отырған “Қазақстан тарихы” (окулық-хрестоматия) тарихшылардың жаңа буын өкілдерінің “ұлттық тарихқа” деген көзқарасы мен өдістемелік тұжырымдамасының нотижесі. Кітапқа көне замандардан сакталған шежірелер, жазба деректер, археологиялық және этнографиялық мәліметтер енді. Қазақстан тарихының негізгі, шешуші кезеңдерін сипаттау үшін біздің қоғамтану ғылымдағында алғашқы рет қазақ шежіресі пайдаланылды. Сонымен қатар, автор өзінің этнологиялық дайындығын тарихи материалдарды сұрыптау мен жүйелеуде, талдауда онтайлы қолданды. Оқулық-хрестоматия қазақ қоғамының мындаған жылдарға созылған даму логикасын, ішкі мазмұны мен системалық ерекшеліктерін толық көрсетеді. Бұрын-соңды осыншама уақыт межесін қамтыған деректік жинақ бізде болған жок. Кітап Қазақстан тарихының көне кезеңдерінен бастап қазіргі күнге дейінгі уақытты қамтиды.

А 0503020905 03  
00(05)-03



ISBN 9965-612-57-9

ББК 63. 3 (2Каз)

Артықбаев Ж.О., 2003  
«Фолиант», 2003

Оқулық-хрестоматия

*Артықбаев Жамбыл Омарұлы*

**ҚАЗАҚСТАН ТАРИХЫ**  
(История Казахстана)

Редакторы *А. К. Лиясова*

Техникалық редакторы *Т. Б. Алексотина*

Көркемдеуші *О. Л. Чемезов*

Теруге 20.01.03 берілді. Басыға 07.03.03-қол койылды. Пішімі 84x108 1/32.

Офсеттік қағаз. Офсеттік басылтыс. Есептік баспа табагы 16,7.

Тапсырыс № 131. Тараптыймы 1000 дана. Бағасы келісімді.

“Фолиант” баспасы

473000, Астана қаласы, Қазақ көшесі, 87/1

“Регис-СТ Полиграф” ЖШС баспаханасында басылды

## АЛФЫ СӨЗ

Әр адамның тарихқа көзқарасы әр түрлі. Адамзат баласының көпшілігі тарихты тек әр түрлі оқиғалардың, құбылыстардың, адам аттары мен тарихи фактілердің жиынтығы деп түсінеді. Біреулер тарихтан ата-бабалары атқарған ұлы істердің белгісін іздейді, біреулер үшін тарих өміртіршіліктері ғұлама ұстаз. Біз осы соңғы қағиданы ұстанамыз. Тарих біз үшін тереңге кеткен тамыр сияқты: ол шыққан тегімізді, қоғамдық болмысымызды және жер бетіндегі тіршілік иелерінің алдындағы жауаптылығымызды сезіну үшін қажет. Тарих – адамзат баласының рухани тұғыры, адам есебінде, ұлт ретінде бізді өзге тіршілік иелерінен жоғары қойып отырган қасиетті құбылыс.

Тарихи процесс – адам қоғамның мәңгілік ішкі өзгерістері: бізге белгілі фактілер мен даталар сол өзгерістердің тек сыртқы белгілері ғана. Оның ішіне үнілу онай емес, ол үшін қоғамды тұтас алып, құрылымдық белгілерін, ірі тұлғаның рухани іргетасы мен өмір сұру ортасы қандай болғанын анықтап алу қажет. Осы ұлан-байтақ істі тындыруды әр ұлттың, әр қоғамның рухани және интеллектуалды өкілдері шешеді. Солар ғана адамзат баласының жүріп откен жолын ой талқысына салып, содан кейін нақты этностың, мемлекеттің, мәдениет пен өркениеттің орнына, қызыметіне баға бере алады. Қазақ тарихын жазу үшін адамзат тарихын білу шарт.

Дәл қазіргі күні бізге тұжырымды тарих керек. Бүкіл Орталық Азия жүздеген жылдық отаршылдық бұғаудан босады, ұлан-ғайыр өзгерістер үстінде. Біздің тарихымыз керемет үлкен жылдамдықпен алға тартып келе жатқан локомотивті еске түсіреді. Біз қайда барамыз? Осы сұраққа жауап беру үшін, ең алдымен тарих керек.

Қазақ халқы – еуразиялық, көнеден келе жатқан көшпелілер өркениетінің мұрагері. Көшпелілердің айтулы істері тарих сахнасынан баяғыда өшті, жарқын мәдениетін қалың шаң басты. Бірақ олардың ер, жасампаз рухы өлген жоқ. Ерте замандарда біздің көшпелі ата-бабаларымыз кеңістіктің шексіздігін, уақыттың жалғандығын алдымен сезінді, тарихи сана мен эпикалық рух туғызды, мемлекеттерді қаз түрғызды, дүниенің төрт бұрышын теңгеріп тұрды. Осы іргетас тәуелсіздігін жаңа бекітіп жатқан Қазақстанға тұғыр болуға жарамай ма?!

Біздің еліміз дағдарыс кезеңінен шығып келе жатыр. Болашаққа болжам да жасап, жоспар қабылдадық. Ұзак жылға созылған үйқыдан оятып, бейжайлыштан, құлдық санадан біздің реформаларымыз алып шығар болса, Еуразияның геополитикалық кескіні өзгеріп шыға келмек.

Тарих оқулығы не үшін керек? Адамның өз ата тегін, шыққан ортасын білмекке, қызықпаққа. Кей адамдар үшін тарихты білу – табиғи қажеттілік сияқты.

Тарих оқулығы не үшін керек? Адам өзінің жер бетіндегі ерекше миссиясын сезіну үшін болар. Алла тағала оны өзгеден артық қылыш жаратты, оған рух пен сананы құйды, енді тіршілік үшін ол өзі жауапты.

Бұл кітапқа көне және орта ғасырлық тарих бойынша жинақтаған бүкіл білімізді жұмсадық; оны этнологиялық зерттеу әдістерімен әдіптедік; негізгі тарихи кезеңдер туралы қысқа-қысқа түжырым жасадық. Жаңа тарих – көшпелілердің соңғы империясы – Алтын Орда ыдыраған тұста өмірге келген біздің өз төл мемлекетіміз – Қазақ хандығының тарихы. Автор ұзак жылдар бойы Қазақстан тарихының XVIII-XIX ғғ. кезеңімен үзбей айналысып, көптеген ой түйді, белгілі нәтижеге жетті. Өкінішке орай, оның бәрін оқулық-хрестоматияға енгізуге мүмкіндік болмады. Әсіресе, оқиғаларға өте бай, өзіміздің ата-анамыз бастан кешкен, өзіміз өмір сүріп жүрген XX ғ. бойынша көп деректерді кітапқа енгізе алғанымыз жоқ. Мүмкін, ол тарих әлі бағасын алуы керек шығар, бәріне уақыт – таразы.

## ТАРИХТЫ ТАНУФА БАСТАЙТЫН САРА ЖОЛ (методология, тарихнама, дерекнама)

Тарих туралы классикалық түсінік өте қарапайым. Ол эмпирикалық деректердің жиынтығы. Бірақ тарихты түсінүшін, алдымен қоғамды түсіну керек. Әр қоғам өз тарихын өзі жасайды. Қоғам дегеніміз адамзат тарихының даму процесінде өз орны бар, шаруашылығы, өмір салты, билік нұсқасы қалыптасқан соны жүйелерге негізделген құбылышы. Жалпы адамзат баласын осындай нақты қоғамдардың жиынтығы деп қарастырган жөн. Әр құбылыштың өмір сүру заңдылықтары ерекше, олардың әрбірінің құрылым-дақ қасиеттері де ерекше болатындығы сондықтан.

Қоғамның негізінде табиғи ортаға бағынышты шаруашылық қарым-қатынастарының системасы орналасқан. Осы шаруашылық негіз – қашанда әлеуметтік, саяси, этникалық өмірдің құрылымдық қасиеттерінің іргетасы. Қандай да болмасын нақты қоғамды белгілі бір дәрежедегі жүйе деп қарастыруға болады. Қазақ қоғамы да өзінің дәстүрлі шағында (XIX ғ. дейін) осы заңдылықтарға бағынғанына біздің күмәніміз жок. Қазақ қоғамының бір ерекшелігі – оның қандай саласын зерттеуге ден қойсақ та, біртұтас, синкретті, бір-бірімен тығыз қабысқан құрылымдық жүйелдерден тұрады.

Осы күнге дейінгі қазақ тарихына қатысты күрделі кез-қарастар бір жақты пайымдаудан келіп шығады. XIX ғасырдың басында тарихи зерттеулерге негіз болып көшпелілер қоғамын саяси аморфты, этникалық тұrlаусыз, әлеуметтік деңгейін төмен санайтын тұжырымдама үстемдік етті. “Жақын танысқанда, біз қазактардан анархияны көреміз”, – дейді А. Левшин. – Себебі, билік дәрменсіз, заң жок, қылмыс жазаланбайды”. Әдістемелік жағынан

өндірістік тірлікті көшпелі өмір салтының түп қазығы деп алу дұрыс болғанымен, таза осы қоғамдық системаны бағалауда оң нәтиже бермейді. Көшпелілер қоғамы – өзі өмір сүрген ортамен біте қайнасқан этноәлеуметтік саяси құндылықтардың жиынтығы. Көшпелі шаруашылық құрылымы – белгілі бір қызметті атқаруға бейімделген белгілі бір символдардың, түсініктердің тілі. Жалпы көшпелі қоғам жеке адам ынтасына шексіз мүмкіндік бермесе де шаруашылық, әлеуметтік, этникалық және саяси өмірдің ерекше құрылымы арқылы, әр адамның өз қасиетін танытуға толық жағдай жасайды. Біздің ойымызша, көшпелі қоғам жөніндегі осы күнге дейінгі қалыптасқан түсініктердің бір жақтылығы осы мәселелерді ескермеуге байланысты.

Қазақстан тарихына қатысты тағы бір ерекшелік – көшпелілерді адамзат өркениетінен тыс қарастыру. Одақтық тарихнамада ескі европоцентристік идеялардың ықпалымен көшпелі Орталық Азия халықтарын төменгі (варварлық, жабайылық) даму кезеңіне енгізу орын алады. О. Шпенглер, А. Тойнби сияқты батыстық зерделі ғалымдардың өркениет кестесінен көшпелілерге орын тауып бере алмауы да қалыптасқан қөзқарастардың салдары деп есептеуге мәжбүр етеді. Біздің ойымызша, егер адамзат тарихына тек қазіргі заман тудырған ара-қатынас биігінен қарар болсақ, мүмкін осындай пікірге негіз де болар, бірақ көшпеліліктің тарихқа қатынасы тек соңғы жүз жылдықтардан гөрі, одан әрі мыңжылдықтарда көбірек болған. Жаратылыс әлемінен оқшаша шыққан адам баласы үшін кәсіптің ең табысты деңгейі көшпелі мал шаруашылығымен тығыз байланысты болғаны белгілі. Олардың әлеуметтік құрылымының, рухани тұлғасының, саяси табыстарының өз заманында өзге қоғамдарға тигізген ықпалы әлі де зерттеуді қажет етеді. Біз тек “Орталық Азияның көшпелі халықтарының Қытай, Үндістан және Батыс елдеріне жетуі (олардан ежелгі дүниенің мәдениеттері жылқыны пайдалануды үйренді) үш облысқа да бірдей әсер етті: жылқыны иеленген бұл көшпелі халықтар әлем кеңістігін таныды. Олар ежелгі дүниенің ұлы мәдениеттерін жаулап алды. Қынқыстау тіршілік, қатерлі жорықтар дүниенің жалғандығын түсінуге көмектесті, ал үстем нәсіл есебінде олар бұл әлемге

ерлік және трагикалық сананы енгізіп, оны эпос түрінде білдірді", – деген пікірді білеміз (А. Вебер).

Бір өкініштісі, қазақ қоғамын зерттеу дәстүрі ешқашанда ежелгі дүниемен байланыстырылған жок. Еуропада үстем болып тұрған отырықшылық өркениеттің қол жеткізген ең биік шыны деп есептеледі. Осы себептен әлі күнге дейін қазақ тарихына қатысты еңбектерде европоцентристік ойлау жүйесі сакталып отыр. Қазақ қоғамы жөніндегі үстірт пікірлердің көшілігі тарихтың жете зерттелмеуімен тығыз байланысты. Зерттеушілердің біразы XIX ғ. соны мен XX ғ. басындағы деректерді негізге ала отырып, оның нәтижесін (ретроспекциялық өдіс) оған дейінгі тарихи кезеңдерге телиді. Бұл қалыптасып қалған ізденіс сорабы зерттеушілердің екі үдай методологиялық қорытындыларга келуіне жол ашады.

Сонымен, бұдан түйінді қорытынды біреу – қазақ тарихына деген тың методологиялық көзқарас қажет. Оның негізгі шарты көшпелілікті әлемдік өркениеттің құрамдас бөлігі деп танудан басталады. Қазақ тарихын таза көшпелілікпен байланыстыра отырып, этностың тарихи бастаулары өте көне замандарда екенін ұмытпаған жөн деп білеміз. Қазақ қоғамын зерттеу үшін таптық методологияның пайдалы нәтижесінен гөрі зияны көбірек екенін есберген жөн.

Қандай тарих болмасын дерексіз жазылмайтыны ақырат. Қай елдің тарихына қалам тартса да ғалым сипаттау немесе зерттеу жүйесі дәлелді деген деректерді жинақтайты. Сол сияқты Қазақстан тарихын зерттеуде де осы онтайлы дәстүрден шығуға өсте болмайды. Біз төл тарихымызды зерттеу барысында бірнеше түрлі қайнар көзге сүйенген жөн деп пайымдаймыз. Алдымен – қазақи деректер, олардың ішінде шежіренің орны бөлек, сонымен бірге, мындаған, жұздеген жылдар тезіне шыдаған тарихи аныз, қиял-ғажайып және батырлық ертегі, тарихи жырлар мен толғауладың тарихты түсінуге қосар үлесі зор. Қазақ тарихын түсінемін деген адамға көшпелілердің әдет-ғұрыптарына, жол-жосын зандарына көңіл бөлудің аса қажеттілігі бар.

Екіншіден, әр түрлі архивтерден, соның ішінде Ресей, Қытай, Орта Азия, Қазақстан мемлекеттерінің құжат кор-

ларынан табылып, осы күнгі жинақтарда жарияланған немесе сақталған құнды деректер. Қазақ тарихының соңғы бірнеше жуз жылдығы үшін бұл қор аса пайдалы, сонымен қатар, көне заманнан бері жазылып, көшіріліп келген тарихи еңбектер (нарративті ескерткіштер) тарихтың нағызы қуәсіндей. Жазу мәдениеті пайда болғаннан бастап, Орталық Азия өлкесін мекендерген көшпелі тайпалардың тұрмыс-тіршілігі хатқа түсе бастаған, тек соларды терең зердемен ұтымды пайдалана білу керек.

Үшіншіден, Қазақстан тарихының көне кезеңдерін жете түсінуге археологиялық және этнографиялық зерттеулердің берері мол. Материалдардың көпшілігі біржақты болғанымен, жазба және фольклорлық деректермен салыстыра келе, көп мағлұмат аламыз. Тас дәуірі, қола дәуірі, ерте көшпелілер мен орта ғасыр мәдениеті біздің археологиялық экспедицияларымыз тарапынан жақсы зерттелген.

Қазақ қоғамына, Қазақстан тарихына жан-жақты баға берген алғашқы ғылыми зерттеулер XIX ғ. 20-шы жылданынан басталды. Ғылыми тарихнаманы таразылағанда оның бірнеше кезеңдерге бөлінетінін ескерген дұрыс. XIX-XX ғғ. басы – бұл кезеңде зерттеушілер Қазақстанға Ресейдің отары есебінде ғана көңіл бөліп, негізінен этничалық мәселелерден гөрі шаруашылық, қоғамдық, әлеуметтік дәстүрлерге көңіл бөледі. Одақ заманында ғалымдардың көпшілігі таптық методологияның ықпалында өз зерттеулерін қашанда әлеуметтік қайшылықтармен байланыстырып, қоғамды зерттеуде көптеген үстірт пайымдауларға жол берді. Қазіргі күні Қазақстан тарих ғылымы “актаңдақ проблемаларды” зерттеумен қатар, бұрын тыйым салынып келген тарихи әдебиетті жариялаумен айналысып жатыр. Тарихи сананың қалыптасу барысындағы ерекшеліктерге байланысты қазақ тарихында этноцентристік немесе траибалистік еңбектер де кездесіп қалады.

Жалпы, ғылыми тарихнама қашанда методологиямен тығыз байланысты, бірінің жоғын екіншісі түгендереп отырады. Тарихнама жөнінде сөзді қозғау үшін қалыптасқан тарихи-зерттеу мектептердің болуы бірінші және негізгі шарт. Төңкеріске дейінгі кезеңде осы талапқа татитын еңбек шамалы, көбінесе үстірт суреттеу, өуестенушілік басым

болды. Одақтық кезенде тарихи зерттеу мектебін құрмак түгілі, тарихи шындықты айту да мүмкін болмады. Тарихнама саясатқа мойынсұнған, бағынышты ғылымға айналды. Қазіргі кезенде қоғамдық ғылымдар осы шырғалаңнан шығып, өзіне жүктелген міндеттерді анықтау үстінде деп түсінеміз. Қоғамдық талап мұддесінен шығу тарихтың ғылыми негізін салумен тығыз байланысты және болашакта іске асатын жұмыс.

Қазақстан тарихын кезендерге бөлу әлі де тиянақты және дәлелді түрде іске асқан жок. Ол мәселе болашақта, тарихтың сүбелі кезендері монографиялық түрғыдан зерттеліп, жеке құбылыстарға ғылыми баға берілгендеғана шешілмек. Бұғынгі күні Қазақстан тарихын іргелі төрт кезенге бөлу керек деп ойлаймыз. Бірінші кезең – көне дәуір, оның шекарасы 2,5 млн. жылдан бастап б.э. V ғ. дейін, яғни адамзат жаратылысынан бастап Рим империясының құлауы, халықтардың Ғұндар бастаған ұлы қоныс аударуымен сәйкес; екінші кезең – орта ғасырлар, оның шекарасы ұлы қоныс аударудан бастап, Еуропада капитализмнің дамуы, Қазақстан жерінде Қазақ хандығының пайда болуымен аяқталады; ал үшінші кезең – Қазақ мемлекетінің құрылуынан қазіргі күнге шейінгі уақытты қамтиды. 1990-шы жылдан басталатын Тәуелсіз Қазақстан Республикасының тарихы – төртінші кезең. Сонымен, Қазақстан тарихы осындай төрт ірі кезенден, ал әр кезең бірнеше ішкі сатылардан тұрады деп есептейміз.

Осындай жағдайларға байланысты біз бірінші тарауға қазақ тарихын түсінуге қажет болады деген еңбектерден үзінділерді енгіздік. Қазақ тарихының алдымен көшпелі рулардың тарихы екендігін, ол көшпеліліктің өзегі азаматтық қоғам екендігін оқырман қауым осы үзінділерден түсінсе керек. Сонымен қатар, қазақ тарихын зерттеу үшін оның өз шежіресін пайдалану, шығыс деректеріне көніл аудару қажет екендігі анық болар. Оқырман қауым қазақ тарихына қатысты мәселелерде тапшылдыққа, отаршылдыққа, европоцентристік идеяларға бой үрмай, өз тарихына байсалды қараганы жөн. Өз халқын өзгеден биік қылышпек болып тыраштанудың да тарих ғылымы үшін зияны болмаса, пайдасы жок.

## ТАРИХ НЕГЕ КЕРЕК?

“...тарихшының жауаптылығы мынадан шығады, әр халықтың және ұлыстың аңызы мен хабарын сол қалпы, өзгертпей, олар өз кітаптарына немесе аңыздарына қалай енгізсе, сол қалпында бергені міндет. ...Осы себептен, мүмкіндік болса, әр халықтың ауызша аңыздары мен әңгімелеріне енген жағдайдың бәріне салмақты қараған жөн. Оның бәрі көпшілікке сенімді, немесе кей халық оны толық мойындаиды, тіпті ішінде шындығы мен өтірігі қатар келсе де, тарихшы өз ісіне жауапты қарап, сыйлы және белгілі адамдардан естігенін және сенімді кітаптардан алғанын өз жаңынан ештеңе қоспай жазуы қажет. Егер ол өз қиялына беріліп, оған өзгеріс енгізсе, онда сөзсіз ол баяндаудың қате және негісіз болып шыққаны.

Үламалар мен ғалымдардың тәртібі мен дәстүрі мынадай: әр ұлы оқиғаны, әр дәуірдің жақсылығы мен жамандығын қаз-қалпында, ай-күнімен беру. Содан кейін келер үрпақ және қабілетті түқым алдында беделі болып, осы арқылы кітап бетінде атақты патшалар мен бақытты билер жөнінде мағлұмат мәңгілік қалар еді, себебі оны ескермеген жағдайда оқиғалар мен болған істер күндер мен айлар, жылдар мен дәуірлер өте келе адам жадынан өшіп, көмекіленіп қалады”.

*Рашид-ад дин. Сборник летописей. –  
1952. – т.1., кн.1. – 50-65-бб.*

## ҒЫЛЫМСЫЗ ҚАЛУ ҰЯТ!

“Біздің қазақтың ықыласы ғараптан шықты дегенді, яки Бәни Исраилдан шықты дегенді үнатқандай. Онысы, әрине, тауарихтан хабар тисе, сол жақтан тигендіктен, ислам діні бұрынғы ата-бабаларды ұмыттырып, діндестерді жақын көрсеткендіктен, һәм артқы жағы хабарсыз қарандылықта қалғандықтан болған іс, һөммаға мәлім, әуелде адам балалары бұл күнгі орындарына екі жақтан толқынып келгендей; бірі – Үндістан тарапынан, ол жақтан келген жұрттардың көбі білімді жұрт болып, ертерек ғылымға үйір болып, қайdan шыққандарын білгендер; екінші – маңғол

жағынан келген, олар заманның көбін ғылымсыздықпен өткізіп, тауарихларын терең білмей, түбі ескерусіз қалып, ата-бабаларын ақсақалдарының айтуымен, ауыз хабарынан білгеніне қанағат қылып жүріскең. Соның бірі, яғни сол манғолдан шыққан халықтың бірі – біздің казақ. Біздің қазақтың манғолдан шықпақтығы бізге үят емес, бірак біздің білімсіз, ғылымсыз қалғандығымыз үят”.

1. Фарап – араб елі.
2. Бәни Исраил – Мұса (Моисей) пайғамбардың соны-на ерген қауым, семит (араб-яхуди) жұртының ескі нұсқасы.
3. Һәммаға – баршаға.
4. Үндістан – онтүстік деген ұғымға сәйкес қолданылған.
5. Манғол – Мүнғыл (монгол өлкесінің халықтары).
6. Тауарих – тарих, шежіре деген мағынада.

*Абай (Ибраһим Құнанбаев). Біраз сөз қазақтың тубі қайдан шыққаны туралы. Екі томдық шыгармалар жинағы. – Алматы, 1986. – т. 2. – 165-б.*

## ҚАЗАҚ ШЕЖІРЕСІ – ТАРИХ

“Бұл елдің, одақтың тәуелсіз тұтас ел есебінде өз бетімен жаңа өмір тіршілік жасай бастаған уақытын дәл анықтау өте қыын, тіпті, мүмкін емес. Алайда, халық аныздары тарихи факті болмаса да, осы кезең тұрасында тиянакты жалпы пікір білдіреді. Қай елдің болмасын аныздары, өсіреле тарихи аныздары маңызды деуге келмеген күнде де өте қызығылты. Осы тұрғыдан келгенде, қазақ аныздары өзінің ерекше қарапайымдылығымен, ашықтығымен және қиял-ғажайыптар ауылынан алыс шынайылығымен, сенімділігімен сыйлы орын алды. Көп жағдайда Әбілғазы және қазақ қаламынан шыққандығымен даңқты “Жәмиат тауарих” деректерімен дәлелденеді. Ауызша айтылғанына қарамастан, уақыт елегіне, үрпак талғамына шыдап өтіп, көне жырлар мен аныздар ақындардың керемет жады мен мүмкіндіктерінің, елдің өз ата-бабаларының ерлік істерін баяндайтын өлең, жыр, аныз берілгенде деген махаббатының арқасында осы күнге дейін жап-жаксы сакталған. Ұлан-байтақ даланың өр қиырынан жинақталған көшір-

мелер бір-біріне таңғажайып ұқсас. Қазақтар туралы, олар көне түрік әлемінің бүкіл соларға тән әдет-ғұрпымен, ойын-тойымен, тарихи жырлардың орасан зор қорымен-нен, әр заманда өмір сүрген ақындардың өлеңдерімен, музика мен ойын-сауыққа әуестігімен, құқықтық ел ғұрыптарының үлкен кодекстерімен, жазба-білік жолыменен сақталып қалған қазынасы деп кесіп-пішіп айтуға болады.

Өз бетімен ел болғаннан бері не бір салмақты оқиғасын, не даңқты адамын естен шығармай, ел жадында жазылмай қалмаған. Біреуін ақын жырласа, басқасын үрпақтарының жадында мәңгілік қалып, өзінің өшпес күйледімен сыйызғышылар мен қобызғышылар жазып кеткен. Әрбір ру басы, сыйлы қазақ өзінің руының шежіресін толық біледі. Өзі тәрбиелі, тәртіпті топ қатарына кіру үшін, халық алдында абыройлы, билігі өтімді кәрі билер жетекшілігімен, әдет-ғұрып зандарын ыждахатпен жаттайды. Шешендік өнерді менгеріп, көптеген мақал, мәтел, әзіл-қақпай сөздерді жадына тоқып жетіледі, өсіреле, соның арқасында қазақ әзіл-қалжың жағына ұста болып жетіледі. Өкінішке орай, енді бір он жылдан кейін “мұның бәрі бұрын болған” деуден басқа амал жоқ. Біздің халық күрт өзгеріс үстінде”.

*Ч. Ч. Валиханов. Киргизское родословие. Собрание сочинений в пяти томах. – Алматы, 1985. – т. 2. – 157-б.  
Ш. Үәлиханов // Таңдамалы. Алматы, 1985. – 111-115-бб.*

## ТАРИХТЫ ТАНЫМАҚ ШАРТЫ

“Атамыз Адам пайғамбардан бері қарай атадан балаға үзілмей жазылып келген шежіре ешбір жүртта жоқ. Адам пайғамбардан Нұқ пайғамбарға дейін айтылған атапар, Таурат сөзі, қай кітапта болса да сол Таурат кітабынан алып жазған. Оナン соңғы шежірелер біреуден біреу естіп жүрген ертегі сықылды сөздерден шыққан. Оның ішінде кейбіреу білімді атану үшін, енді бірі жақсы атаның баласы болмақта, жаңылыс үққаны, өтірік, яки қате айттылғаны көп болған. Мысалы, біздің Ғақаша Сақабаның нәсіліміз дегені

сықылды сөздер. Бергі заманда шыққан білімділер сол ертегі сықылды сөздердің қисынына қарап, кіслердің, жерлердің атының мағынасына қарап және онан беріректегі халықтың жайын әзірлегенде ескі заманда патшалы жұрт болған халықтардың ескі жазулары, ақша тенгедегі жазу һәм моланың басына койған тастағы жазулардан қарап біліп және сөйлеген сөз, әдет-ғұрып, таңба-белгілерінің ретіне қарап, қай ел қай елмен тұқымдас, қай уақыттан бері қай жерде жүргені, кім деген ел атанып, қай ханға қарағаның анықтап, тапқан соң, бұрынғы ертегі сықылды сөздердің көбі қате екені мағұлым болған”.

1. Таурат (Тора) – Алладан түскен төрт кітаптың бірі. Мұса пай-ғамбарға жіберілген. Яғни, осы кітаптардың ішіндегі ең көнесі. Ел көбінесе Библия деп атайды, Таяу Шығыста қалыптасқан ежелгі аңыздардың көбі сол кітапқа енгендіктен дерек болып саналады.
2. Расында да қазак шежіресінің көпшілігі тұп бастауды Faқаша Сақабадан алады. Тарихи тұрғыдан Faқаша аты Нұқтың Яфет деген баласына қатысты болуы керек. Қазақтың арғы тегі алтай тілдік-нәсілдік тобымен тығыз астасатындықтан, арабтық, яғни семиттік тамыр туралы әңгіме еш қисынсыз.

*Шах Керім Құдайбердіұлы. Түрік, қыргыз-қазақ һәм хандар шежіресі. – Орынбор, 1911. – 3-б.*

## АТА-БАБАНЫҢ ҚАСИЕТТІ СӨЗІ

“Бұл (қазақ) руларының көнеден келе жатқан жазылған тарихы болмағанымен, ата-бабаларымен, түрлі үрпақтарының ақпарлары ауыздан ауызға аныз болып ұласып келе жатқанын ешкім жокқа шығармайды. Дегенмен, уақыт оза келе бұл шежірелер өз негізінен артық-кемі болып, ілгері-кейінді айтылып, шатастырлықтай жағдайда болса да, өзге тарихи мәліметтермен салыстыра отырып, реттестіру нәтижесінде белгілі бір шындыққа жақын, тоқтамды пікірлер айтуга болады. Бұл хабарлар негізсіз дәлелденбесе де, себепсіз жалғанға да шықпайды. Негізінде, шындығы басым тарихи оқиғалары анық. Себебі, бұл тайпалар өздерінің тарихты терендетіп оқымағанының сал-

дарынан нақтылы анық айтып, білімге таласатындары болмағанымен, бабаларының сөздерін зейінімен тындал, үғып, олардан естіген шежірелерін еске алып, әр мәжілісте, әр жиын-отырыста үнемі қайталап, шын ниетімен ойларына үстап, ұрпақтан ұрпаққа жалғастырып, насабшыларына “шежіреші” деп ат қойған. Ұлы дүбір мерекелерінде шежірешінің маңайын толтырып, өткендерін сұрастырып, үйлерінде болса, ол кісінің алдында дәріс оқығандай үйреніп, жақсысын жаттап, қынын қаттап жататын болған.

Бұл елдің мұндай істері тек осы ғасырымында ғана емес, көнеден келе жатқан дәстүрлі әдеттері. Содан әр тіршілік істеріне шежіре қағидаларын пайдаланып, мақал-мәтелдерін қолданғанда да, бабаларға ұқсауға тырысар еді. Бұл ел мақалдарды өздерінше үлкен медет етеді. Шынында, сол сүйенген тірегі негізсіз, мағынасыз емес. Қайта түп төркіні бір кітапқа байланысты, шығу тегі бір зандылыққа бағынған сияқты, көне кезде бұлар бір әділ патшаның иелігінде ме, жоқ бір кәміл данышпанның тілін алды, тәлімін алды ма деген ойға келесін. Бұлар, біріншіден, үлкеннің аузына қарап, естігендеріне сүйеніп, оқымай қалған болар. Екіншіден, сөзқуарлық, шешендіктің негізгі мақсаты – өз ойын көркем тілмен жеткізе білуді толық менгеріп алған соң, жазу, оқу бұған қажет болмас. Себебі: “оқуға сенген – ұмытшақ, жазуға сенген – жаңылشاқ” деген қағиданы ұранға көтергендігінен болса керек. Бірақ осы соңғы жылдары бұлар да оқып, жазып, тарихтардан хабардар болу нәтижесінде ауызша сөзге аса құлақ қоймай барады”.

*Имам Құрбанғали Халидулы. Тауарих ҳамса и шархи  
(Шығыстың бес тарихы). – Қазан, 1910.  
Алматы, 1992. – 51-52-66.*

## АСЫЛ ШЕЖІРЕ ТУРАЛЫ

“Біздің бұл қазақта тасқа таңба басқандай анық шежіре жоқ. “Оқуға сенген – ұмытшақ” деп оқуды керек қылмаған, “жазуға сенген – жаңылشاқ” деп жазуды керек қылмаған. Оқу мен жазудың жоқтығынан жазылған шежіре болмаған. Естігенін ұмытпайтын құлағының тесігі бар,

кеудесінің есігі бар, үқлақ жандар болған. Сондай жандардың айтуымен, кеудесі хат, естігені, көргені жад болған қариялар кейінгіге ауыздан-ауыз алып айтумен үлгі-өсіет қалдырған”.

*М.Ж. Қопейұлы. Қазақ шежіресі. — Алматы, 1993. — 9-б.*

“Біздің айтатынымыз: “естіген құлақтың жазығы жоқ”. Басқа жұрттан шықкан тарих жазушылар қайдан шығып, қайдан барып ұшырасарыңды білмейді. Анас пен Мәлік хәзіретті араб, қазақ өзін араптан шығарып, туғызып, пайғамбарға туысқан, бауыр болғысы келеді дейді. Мына мен, Мәшіүр Жүсіп Қопейұлы баласы, осы сөзді жазып отырмын! Бақсыздай бал ашып, тұлкідей түс көріп, жауырын жағып, құмалақ салып айтып отырғаным жоқ. Нұскалардан көрумен, кәрі құлақтан естүмен өз білгенімді шамам келгенше қорытып, шындалап, таңдал айтып отырмын. Бұл қазақ деген кеше мен бүгін қойылған ат емес, заман-заманнан айтылып келе жатқан ат. Араб тілінде “ұғызак” деп жазылған, шағатай түркісінде “хазак” деп жазылған, өзіміздің жуан тілде “қазак” деп жазылған. Әуел басы Нұқтан тарап бөлінгенде, Жаппас деген баласынан Түрік, одан Тұтік, одан Қой, одан Киік, одан Еділше, одан Алаша, одан Монғол-Татар. Монғолынан Қара хан, одан Уыз хан! Осы Уыз ханнан өрбіп-өнген нәсілден тарадық. Киіз үй сол Уыз ханның жасатқан үйі, “кігіз туырлықты қазақ, уыз үйлі” атанғаны сондықтан.

Ол Уыз хан балаларына Құн, Ай, Жұлдыз, Көк, Тау, Теніз деп ат қойған. Қазақ күні бүгінге шейін сол аттардың ізімен келеді. Айдың басында туғаны – Айбас, таң ата туса – Таңатар, күн шыға туса – Күншығар, тұн ортасында туса – Тұнқатар, көлде туса – Көлбай, тауда туса – Таубай, жайлауда туса – Жайлаубай, қыстауда туса – Қыстаубай, күзекте туса – Күзек. Уыз ханнан қалған өрнек-үлгі. Түріктен тоғыз атага шейін хандығым үзілмей келді деп киіт те тоғыз, күн да тоғыз, осы тоғыз-тоғыздан бөлеңін жобаны сол Уыз хан қалдырған. “Бейіштің қақ төрінен тимесе де, орын-морын тимей ме босағадан”, – деп, баяғы

Шәкір-Шәкіреттағы кемпір-шал айтқандай, бізге Күн, Ай, Жұлдызды кимаса да Қек, Тау, Тенізді көпсіне ме?! Қазақтың бетімен жайылған қойдай емін-еркін, өз тізгіні өзінде жүрген құндерінде қатын керек болса ноғайлардың қызын еріксіз, сұраусыз алып кете бергендейтін, ноғай халқы қазақты бұл құнгіше жек көріп кеткені – ол, қалмақ, ежелден атасының асында болған. Не нәрсенің анығын Алла біледі. Мен солардың қасында бірге жүріп-тұрыппын ба? Біздікі “естіген құлақтың жазығы жок” деп соға бермек. Қазак өзінің кигіз кітабынан, яғни ауыздан-ауызға айттылып, бірден-бірге қалып келе жатқан сөзді айтады. Бұл жоғарыда айттылған сөздер қазақ ішінде, бұдан бұрын қазақ елінде нұсқа болып жазылмаған. Өтірік-ойнас қолымнан келмеген соң “күнөсі жокқа құдайдың рахматы жок” деген сөздерден қорқып, “май жесен тойғаныңша же” деп еді ғой дегендей надандықтың бейпіл байлығына тартынбай-ак кіріп кеткенім ғой. Алла өз пазылына алып, рахматынан наумит қалдырmasын.

...Арғын бабамыздың бәйбішесінің аты – Өргүл еken. Одан Құтан, Ботан деген екі ұл туады. Ботан жасында өліпті. Бұдан нәсіл жок. Құтанның Мейрам сопы жалғыз. Бұл туралы бұрынғы ақындардан қалған бір ауыз өлең бар:

*Сұрасаң аргы атамды Ер Қотан-ды,  
Сұлтанбек, Әзіздерден ол бата алды.  
Мейрам ұлы, Қарааш бір қызы тауып,  
Куандық, Сүйіндік бол сонда атанды, –*

деген сөзін дәлел қылып және Көтеш ақыннан уақ Жарқын би сұраған еken: “– Бұл ақындық ата-бабаңнан бар ма, яки нағашы тегінізде бар ма?” – деп. Сонда Көтеш ақын айтқан бір ауыз сөз өлең:

*Қазақта Аргын ата болған зерек,  
Өзгеден ол кісінің жөні бөлек.  
Біздердің түп атамыз ақын Құтан,  
Өзгеден өлеңге үста болса керек, – деп.*

Осындағы сөздерден біздің Құтан деген атамыз бар болғанын білеміз.

Бұқарекен айтыпты деген сөз бар:

*Бәрімізді сұрасаң, Құтандайдың баласы,  
Карақожа бас болып, қабыл да болгай батасы, —*

деген екен”.

1. Уыз хан – Оғыз хан. Шежіреде Оғыз қаганның ата-тегі берілген. Оғыз қаган – мифтік тұлға, өмір сүрген кезеңі б.э.д. дәуір.
2. Қазақтың шежірелерін, азыз-дастандарын “кітіп” деп атаяу XX ғ. дейін жиі кездеседі. “Шәкір-Шәкірат” – Шығыс елдерінде кең тараған жыр.
3. Мәшһүр-Жұсіп шежіресінің тарихи азыздарға, жырларға, нақыл сөздерге сүйенетінін көрсету үшін осы тарихи этюдті әдейілеп қосып отырмыз.
4. Бұқарекен – әңгіме Бұқар жырау жөнінде (XVIII ғ.).

*М.Ж. Конев. 14-15-бб.*

## ЭПОС – СҰЛУ ҚАЗЫНА

“Қазақ халқына көп ғасырдан бері мұра болып келе жатқан ғажайып азыздарды, мазмұны ертегіге айналған терең мифтерді, жан-күйін қокке сермейтін аскак ерлік жырларын, фәлсафалық қария сөздерін терендеп алып қарасақ, онда бүкіл дүние мәдениетіне қосылатын бір үлкен сөүлетті сыр бар екені көрінеді. Бұл жойқын шығармалардың ту баста келіп шығуның өзі бір жарқын дүние. Оны ең алдымен келістіре жыр шығарған елдер – ерлік дәуірін бастан кешірген, қазақтың байтақ сахара-сын қоныстанған сақтар, ғұндар, үйсіндер, қанлылар, олардың соңын ала қарыштаған үрпақтары – оғыздар, қыпшақтар, қарлұқтар (қазылықтар), наймандар, керейлер, пешенелер, хазарлар... Бұл елдердің барлығы тарихи дәуірлерде бүгінгі қазақ даласында тіршілік жасап, олардан таралған рулардың көпшілігі бері келе қазақ елінің іргесін құрауға негіз болды. Сондықтан да бұл айтқан есқі рулар жасаған мәдениет бүйымдарының іздері де, оның ішінде халық жырлары, эпос, ою-өрнек, сөүлет өнегі, жүртшылық салты, елдік заны, барлық рухани тіршілігі

саҳараны үздіксіз қоныс еткен олардың түбегейлі мұрагері қазақ елінің түрмисында ашығырақ сақталған. Көрі заманның ертегі-жырын, миф, аңызын біздің дәуірімізге дейін сұлу қазына түрінде сақтап қалдырған. Бұл айтқан жүрттар Қытай мен Рум жазушыларының айтуынша, Орта Азиядағы ең білікті елдерден саналып, өз алдына жер, су, қонысқа ие болып, өздерінше өлеуметтік, мәдениет тіршілік жасаған еді”.

*Әлкей Марғұлан. Ежелгі жыр-аңыздар. – Алматы, 1985. – 5, 352-бб.*

## ЕШКІМНЕҢ ДЕ КЕМ ЕМЕС

“Көшпелі қоғамда техникалық прогресс болмайды деп ойлаудың өзі қате. Жалпы көшпелілер, оның ішінде ғұндар мен түркілер, адамзаттың күнделікті тіршілігінен еш айрылмайтын көп бүйімдарды ойлап тапты. Қазір еуропалық аталатын киім үлгісін көшпелілер тіпті ерте замандағы ойлап тапқан. Ұзенғы II-IV ғғ. арасында Орталық Азияда пайда болды. Алғашқы ағаш дөңгелекті арба кейін үлкен дөңгелекті күймеге айналды, кейіннен көшпелілер орманногайлардан қиналмай өтетінде, ықшам түйелі көштерге айналды. Қайқы қылышты көшпелілердің ұзын, құранды садақтары жебелерін 700 м. дейін жеткізетін. Ақыр соңында айтарым, ол заманда түрғын жайдың ең жетілген түрі де – кигіз үй болатын. Көшпелілер рухани мәдениетте де өзінің отырықшы көршілерінен артта қалып көрген жоқ. Әрине, олардан ғылыми теорияларды талап ету ессіздік, тіпті гректер де өз ғылымының негізін Мысыр мен Бабылдан алғанғой. Көшпелілер жыр-аңыздардың екі түрін: батырлық эпос пен қиял-ғажайып хикаяларын жасады.

Бұл екеуі де әдебиеттен гөрі мифологияға жақын, бірак ақиқат өмірді қабылдаудың бір жолы.

Көшпелілер тарихты да бізге ұқсамайтын осындай жолмен қабылдаған. Тарих көшпелілерге бір атаның, рудың шыққан тегінің шежіресі сияқты. Оларға тарих оқиға немесе қоғамдық құрылым туралы деректердің жиынтығы емес, өзінің ата-бабасының салып кеткен жолы. Еуропа-

лықтар үшін бұл есептеу мағынасыз сияқты көрінгенмен, ғылымда қолданылатын кез келген есептеу жүйесі сияқты, бұл да өтіп жатқан уақыт ағымын түсіндіреді. Көшпелілер тарихының мақсаты мен туындаған қажеттіліктері өзгеше және олардың өз талаптарына сай.

Ежелгі көшпелілердің фольклоры мен тарихы жөнінде мәліметтерді біз этнографиялық аналогиялар мен үзік-үзік деректерден аламыз, ендеше ол дәл емес, долбар ғана. Оның есесіне бейнелеу өнерінің туындылары бізге сол түпнұсқа бойынша жеткен, сол себептен де ежелгі далада шын мәнінде не болып, не қойғанын әлдеқайда толық кескіндейді.”

Л. Гумилев. Қиял патшалығын іздеу  
(Пірәдар Иоанның мемлекеті туралы аңыз). —  
Алматы, 1992. — 39-40-66.

## ҚАРИЯ СӨЗДЕР – ДАЛАЛЫҚ ТАРИХНАМА

“...Қазақстан тарихының XIII-XIV ғғ. зерттеу, сол арқылы Қазақ хандығының одан бертінгі тарихын түсіну тарихи деректану саласында атқарылатын кең көлемдегі зерттеулермен тығыз байланысты. Осы күнге дейін деректанушылар бұл бағытта өжептәуір іс бітірді, бірақ жеткілікті деуге келмейді.

Біздің баяндамамыздан біз Ақсақ Темір немесе сол кездегі басқа иеліктердегі қалыптасқан сарай тарихнамаларын жеріне жеткізіп бағаламады деген пікір қалыптасуы мүмкін. Бірақ олай емес, шығыстың жазба деректері Қазақстанның Ресейге қосылу дәуіріне дейінгі тарихын зерттеуде накты орны бар, олар негізгі болып табылады және оларсыз айтылған кезеңдегі қазақ тарихын қалпына келтірем деу күр бекер шаруа.

Мениң нұсқағым келгені ерекше, бөлек дерек, оның беретінінің маңызы кем емес, көп жағдайда таптырмайтын, баға жетпес қор. Ол – далалық ауызша тарихнама. Тарихи атқарушының (субъект) өзінің өткені жөніндегі жады. Қазақстан тарихын қалпына келтіру тек осы екі тарихнамалық дәстүрді пайдалану арқылы ғана іске аспақ.

Бірі – кәдімгі жазбаша, яғни отырықшы елдердің мәдениетінің нәтижесі, екіншісі – далалықтардың ауызшасы.

Далалық ауызша тарихнама – Дешті Қыпشاқ көшпелілерінің тарихи білімі. Біз үшін Дешті Қыпшақтың шығыс бөлігі мұнғыл заманынан бері көшпелілердің ортақ тарихи зердесінен бөлектене бастаған ерекше өлке. Осы себептен тарихи білімді не “ауызша дәстүр” деп, не “аңыз”, “хикая” деп анықтауға болмайды. Далалық ауызша тарихнама не мифология, не фольклор, мысалы, батырлық эпос түрінде ұтылмауы керек, себебі, фольклордың өзі далалық ауызша тарихнамадан нәр алған.

Осыны көрсететін шығармаларды далалық ауызша тарихнаманың деректері, қайнар көзі деп белгілесе болар еді. Олар Дешті Қыпшақ көшпелілерінің тарихи білімдерінің тарауларына құрылған тарихи әңгімелердің жинағы сияқты. Бұл әңгіме-тараулар “қария сөз”, яғни ескіден қалған көне сөз деп ерекше аталған. Осы белгісімен бұл деректер шығыстың кәдімгі сарай тарихнамасынан бөлек-тенбеді. Оларда далалық ауызша және шығыстың жазбаша тарихнамасының элементтері аралас.

Далалық ауызша тарихнама жалпы тарихнамамен сәйкеспегенімен, заңдылықтары жағынан бір. Далалық тарихнаманың көздерін зерттеу Дешті Қыпшақ көшпелілерінің тарихи білімін ерекше құбылыс (феномен), құрылым (система), мәдени дамудың көрсеткіші (индикатор) ретінде қарастыруға мүмкіндік береді деп сенеміз”.

*В.П. Юдин. Чингиз-наме. – Алматы, 1992. – 64-65-бб.*


## ЕРТЕГІДЕН ДЕ ЕСКІ ТАРИХ (тас дәуірі)

Біздің заманымыздан бұрын миллион жылдың шамасы, Қазақстан жерін алғашқы адамдар қоныстана бастады. Ол дәуірді тарихи әдебиеттер ерте палеолит деп атайды (палео – көне, литос – тас). Оларды адам дегеннен гөрі адам текес гоминид деп атаған жөн, себебі адамзат баласына тән көптеген қасиеттер ол заманда әлі де қалыптаспаған болатын. Қазақстан жеріне гоминидтердің қай жақтан келгені анықталған жок, мүмкін, Шығыс Азиядан, мүмкін, Кіші Азиядан келген болар деген жорамал бар. Сонымен қатар адамзат баласының қалыптасу процесіне Орталық Азия өзінше үлес қосты дейтін де ғылыми тұжырымдар бар. Оның бір көңілге қона тыны – адамның ақылойы, қоғамдық тіршілігі күрделі табиғи ортада ғана қалыптасуы мүмкін деген жорамалы. Бұл қисынды сөз, неғұрлым солтүстікке қарай мекендерген адамдар соғурлым табиғат қаһарымен көбірек күресуге мәжбүр екендігі белгілі, ал оңтүстік өлкесі жаймашуақ табиғатымен, азық-тұліктің молдығымен, адамды қанағатшылық сезіміне көбірек бөлесе керек. Қалай дегенмен де, адамзат баласы – табиғаттың төл баласы ғана емес, сонымен қатар, күресуші тұлға.

Қазақстан жеріне тас дәуірінің қай кезеңі болмасын ескерткіштерді мол қалдырган. Олардың ішінде әсіресе тастан жасалған қару-жарактардың орыны бөлек. Археологтардың зерттеуіне негіз болатын алдымен осы мұра. Тас қаруларын зерттеу барысында ғалымдар тас дәуірі үшкे бөлінетінін анықтады: палеолит, мезолит (орта тас дәуірі – б.э.д X-XII мыңжылдықтар ұлы жаңалықтар ашқанының күесі) және неолит. Егіншілік пен бақташылық сияқты кәсіптер осы жаңа дәуірдің нәтижесі. Неолит үш мыңжыл-

## *Шарттың белгілері:*

- ◆ Нәсілт ескерткіштері
- Палеолит ескерткіштері
- Тас дүйрінің жартас суреттері



**Tas дүйрі (б.э.б. 1,5 млн.-3 мын.)**

дыққа созылғанымен, тарихқа қосар жемісі бәрінен де мол болды. Әрине, ол жаңалықтардың бәрінің де негізі миллиондаған жылдарға созылған палеолиттің заманында қаланғанын ешкім де жоққа шығара алмайды.

Адам әволюциясын анықтауға тек қана тас қаруларығана емес, қазба жұмыстарынан табылған сүйек қалдықтары да үлес қосады. Өкінішке орай, неолит дәуірінен болмаса, палеолиттен адам қаңқасы табылған жоқ. Сол себепті Қазақстан жерін ол кезеңде мекендерген адамдардың нәсілі синантроп (Қытай адамы) немесе питекантроп (маймыл адам) тектес болар деген жорамал бар. Б.ә.д. 100 мың жыл бұрын қазақ жерін неандерталь кейіпті, кескінді адамдар жайлаған. Ал енді соңғы мұз басу кезеңінен кейін (40-35 мың жылдар бұрын) қазіргі адамдар толық биологиялық түрғыдан қалыптасып болса керек. Оларды ғылыми әдебиетте “хомо сапиенс” деп атайды, ал адам әволюциясының түпкі төркіні “хомо хабилис” – шебер адамнан баставлады, синантроп пен питекантроп заманын “хомо еректус” – аяғымен тік жүрушілер деп те атайды.

Б.ә.д. 10 мың жылдай бұрын Қазақстан жерінің флорасы мен фаунасы өзгеше болған. Сарыарқа өлкесінде сынсыған емен ағаштары өсіп, оның арасында мамонт, жұндес мүйізтүмсық, бизон бұқалары, ұңғір аюы, арыстан, жолбарыс жүрген. Далалық көк шалғынды өлкеде киік, арқар, марал қойдай жайылып жүрген. Бертінірек ірі аңдардың азайып, табиғаттың қуан тартуы адам өмірін құрделі өзгерістерге душар етті. Ұсақ аңдарды аулау үшін амал жоқ аңшылық әдістерін дамыту керек болғаны аян. Аң аулаушы рулар өмір сүру үшін ұзақ сапарларға аттануға мәжбүр болды. Бірнеше ру қауымдары қосылып, күзге қарай жылы жаққа жылжыған аңдардың жолын тосып, қамап ұстau үшін әр түрлі құрылыштар салды. Осы бір салт кейін келе бақташылықтың негізін салса керек. Оның басты шарты – малды қолға үйрету болып табылыштыны хак. Орта есеппен шаққанда 40-50 адамнан тұратын аңшылар қауымы үшін жылына 10 т. ет керек. Осыншама етті 750 км<sup>2</sup> ғана қамтамасыз етуі мүмкін. Сонда бүкіл Қазақстан жері бар болғаны 3500 қауым ғана мекендеуге жетеді. Қарап отырсаңыз, тас дәуірінде біздің өлкемізде 150 мың шамалы адам қоныс еткен. Халықтың санының өсуі амалсыздықтан

аңшылықтан өзге де кәсіп түрлерін игеруге бастағаны сөзсіз. Соның ішінде ең пайдалысы және жер мен ауа райына келетіні – бақташылық.

Адамдар бірден қауым құрып, отбасы болып тұрған жоқ. Эрине, жалпы адам текстестердің дүниеге келуі, олардың санасының өзгеден жоғары болуы жаратылыстың басты құпиясы екені рас. Бірақ қауым мен отбасын қалыптастыру үшін гоминидтер бірнеше миллион жыл күрескені даусыз. Алдыменен көрші отырган ру бір-бірінен қыз алатын, қыз беретін болып “дуальдік” одақ құрса керек және ол заманда қауымды ұстап тұрған, туыстастырған аналар деп есептеуге болады. Дуальді некеден жұпты от басы бертінірек бөлінгенге ұқсайды. Неолит кезеңінде ұсақ рулар ірі тайпалық одақтар құру процесіне өтті. Осыған байланысты неолитті этнос пайда болған дәуір деуге толық негіз бар.

Палеолит дәуірінде адамдар көбінесе табиғи баспана-ларды, ұнгірді пайдаланса, кейінірек тастан, ағаштан жер үйлер де сала бастады, ал діни сенімдері күн мен айды құдірет тұтуға негізделген. Эр түрлі андарды қасиет көріп, тотем есебінде құрметтеу де тас дәуіріне тән құбылыс.

## ЖАРАТЫЛЫС БАСТАУЫ

“Құдай тағала адамды жаратар болғанда, Жәбірәйіл ғалайссаламды жер бетінен топырақ алып кел деп жұмсады. Ол жерден алмақ болғанда жер хәл тілінде одан:”Не қылғалы жатырсың?”, – деп сұрады. Жәбірейіл келген жұмысын айтып еді, жер: ”Менен топырық алманыз, өйткені ертең адам перзенттері көбейгенде бірі көпір, бірі залым, бірі күнәһар болып, құдайдан азап шегер”, – деді. Жәбірәйіл қайтып келіп Құдай тағалаға жердің айтқанын жеткізді. Құдай тағала Мәкәйіл ғалайссаламды жіберді, ол да сол сөзді айтып келді. Одан соң құдай тағала Исрапыл ғалайссаламды жіберіп еді, ол топырақ алмай, естігенін айтып келді. Одан кейін Құдай тағала Әзірейіл ғалайссаламды жіберді. Жер оған да жоғарыдағы айтқандарын айтып еді, Әзірейіл: “Сенің айтқаныңнан Құдайдың хукімі күштірек”, – деп, қазіргі Қағба тұрған жерден топырақ алып келді.

Құдай тағала өзінің құдіретімен топыракты қамыр қылышп, одан адамның суретін жасап, отыз тоғыз күн Мекке мен Тайфтың арасына қойды. Қырық күн дегенде оған жан берді. Ібілістің адамға сәждә қылмағаны, адамның бейішке барып, одан бұл дүниеге қайтып келгені айдан анық, күннен мәшһүр болғандықтан, оның несін айтайдын.

Адам бұл дүниеде мың жыл жасап, о дүниеге кетті. “Адам” деген – арабтың жер қыртысы деген сөзі, өйткені Әзірейіл топыракты жердің үстінен алмай, қыртысынан алып еді. Адамның лақабы – Сафиолла делінеді. Адам өз үрпактарынан қырық мың кісіні көріп өлді. Өзі өлер болғанда, орнына Шес атты ұлын қойды”.

1. Фалайссалам – оны алла жарылқаған деген үғымды білдіреді (арабша).
2. Хәл тілі – мағынасы түсініксіз, тіршілік тілі дегені болса керек.
3. Қағба – мұсылмандардың қасиетті орыны, Мекке шаһарында, бірақ Араб тайпалары ол жерді жаһилият заманынан бері қадір тұтқан. (“Жаһилият” – мұсылмандыққа дейінгі дәуір).
4. Жәбірөйіл ғалайссалам – алла әмірін орындаушы төрт періштенің бірі. Алланың әмірін пайғамбарларға жеткізеді, тіршіліктің қамқоры.
5. Мәкәйіл ғалайссалам – қасиетті төрт періштенің бірі, мұсылманға көмек етуші, аспан әлеміндегі тәртіпті бақылаушы.
6. Исрапыл ғалайссалам – жаһаннамның күзетшісі, төрт қанатты, алып тұлғалы, өзге періштереге Алла әмірін жеткізуши.
7. Әзірейіл ғалайссалам – ажал періштесі. Көп қолды, көп аяқты т.б., адам тағдырының иесі.
8. Ибіліс – шәйтант аты.

*Әбілгазы. Түрік шежіресі. – Алматы, 1991. – 10-11-бб.*

## АЛЛАНЫҢ АДАМДЫ ЖАРАТУЫ

“Алла тағала екі күнде байтақ жерді жаратты, жер үстіндеңі тау-жоталарды жаратты. Әрі сол араға бақыт пен қайратты түсірді. Іле-шала төрт күнде тұрмысқа керектілерін қарастырды, мұнарлыш зенгір көкті шарлады.

– Ерікті иә еріксіз болса да алдыма келіп, әмірімді тындандар деп Жер мен Күнді алдына алып келді.

– Үқиярымызбен келдік, – деді Жер мен Көк.

Алла тағала тағына келіп отырды. Күн мен Айды белгілі бір уақытта айналатын етті. Соңан соң перштегерді жаратты. Олар Алланы мадақтады, бар ыждахатымен құлшылық етті.

Онан әрі Алла тағала байтақ жерді мекен тұтуға Адам атаны және оның үрпактарын жаратуды ойлады. Осылай балшықтан Адам ата – Сапиолланы жасады.

Оған жан берді. Адам атаға жүгіну жайында Алла тағала перштегеріне әмір берді. Олар Алланың әмірі бойынша, Адам атаға ізетпен келіп, бәйек болып бас иді. Бірақ Ібіліс Алланың әміріне бағынбады, тағзым етуден бас тартты. Бұл Алланың қылышына шек келтіру еді.

– Адамнан қалайда артықпын, – деді Ібіліс, – мені өзің оттан жасадың, ал оны балшықтан жаратып отырсың, оған қалай бас иемін?! Одан әрі Ібіліс: – Адамзатқа қиямет-қайым болғанша тірі жүруіме рұқсат ет, – деп алладан кеңшілік сұрап жалбарынды.

– Сол күнге жетуіңе кеңшілік еттім, – деді Алла тағала.

Алла тағала Ібілісті мейір-шапағатынан маҳрум қалдырыды, ал Адам ата мен оның зайыбын жұмақта түрғызды, әрі былай деп өсиет айтты:

– Шапағатым мәңгі есінде болсын, сені өз құдіретіммен жараттым, жер бетіне ие еттім. Сен деп рухымды қўйдым, перштегерді аяғына жықтым, парасат пен білімді бердім. Ібіліске деген мархабатымды қайтып алдым, бақылық жұмақты саған түрғын еттім. Ібіліске еріп, жамандық жолына түссен, жұмақтан қуып, тозактың азабына бұйырамын!

Адам баласы осылайша жаралған.

## АДАМ АТА МЕН ХАУА АНА

Біз өзіміздің арғы бабамыз Әзіреті Адам жөнінде сөз ете міз. Аспаннан берілген құдайдың аянында Әзіреті Адам жұмақта болған кезде оның бидай ағашының жемісін та-тып коруіне Тәнірі құдай қатаң тыым салып, егер тында-маса, жұмақтан қуатынын ескерткен.

Қарғыс атқыр Шайтан түрлі амал-айламен Хая анамызы-ды жолдан тайдырып үлгерген. Ол бидайдың жемісін же-

теннен кейін, Әзіреті Адамға да келіп: “Бұл жемістің тәттілігіне тең келер ештеңе жоқ, жеп көріңіз!” – деген екен.

Әзіреті Адам, иә, жаны жәннәтта болсын, қызығып, бидайды жеп қойған. Бидайды жегесін, Әзіреті Адамның иығынан сол сәтте жұмактың лыпасы түсіп қалып, олар жалаңаш қалған. Жамылу үшін ағаш жапырағын қанша сұраса да бермеген. Ақыр сонында құрма ағашы оларға жапырағын берген, олар жалаңаш денелерін сол жапырактармен жауып, Тәңірі құдайдың әмірімен жұмактан шығарылған.

Әзіреті Адам мен Хая Ана жұмакты тастап шыққан уақытта бұл дүниеде ай да, күн де болмай, маңайды қарандылық басып, жер-дүние мұзға оранып жатыпты. Әзіреті Адам мен Хая Ана бір-бірін жоғалтып, жүз жыл бойы қаңғырып іздеген. Әзіреті Адам көз жасын қолдете дүниені кезіп: “Адам, сен өз жұбайыңмен жұмакта әмір сүре бер, қай жерде болсын, барлық ырзығын же, бірақ өзің қылмысқа батқың келмесе мынау ағашқа жақындама”, – деген құдайдың аянын қайталай беріпті.

Жүз жыл өткен соң, Адам Хауамен кездесті.

## ҚАБЫЛ МЕН ӘБІЛ

Әзіреті Адам мен Хая кездескен. Арғы өжеміз Хая жыл сайын бір үл, бір қыздан туа берген. Хауаның бірінші үлін Қабыл деп атаған, екінші туған үлін Әбіл деп атайды. Көп күндер өткен соң, Қабыл мен Әбіл ержеткен. Қабыл егінші болып, жер баптаса, Әбіл бақташы болып, қой баққан. Күндердің күні Қабыл жерден өнген өнімді Тәңірі құдайға сый деп алып келеді, ал Әбіл болса өзінің баққан қойынан, оның өнімінен сый ұсынады. Құдай тағала болса, Әбілдің сыйын қабылдап, Қабылдың сыйын қайтарып жіберіпті. Сол себептен Қабыл қатты ренжіген, өні тутігіп, жерге қараған.

Күндердің күнінде олар аң аулауға шыққан. Аң аулау кезінде Қабыл: “Егер біз үйленетін болсак, онда мен жақсы бойжеткенді аламын,” – дейді. “Жок, менің бауырым, Жоғары Жаратушы әркім өз жұбын алсын”, – деп бұйырган, – деді Әбіл.

Қызға бола жанжалдасқан Қабыл Әбілді таспен ұрып, оны өлтіріп тастайды”.

1. Бұл үш әңгіме де “Таурат” (Библия) аңыздарының жобасы бойынша айтылып, қазақ арасына кең тарған. Бұл ең көне шежірені тудырган бақташи-көшпелі елдер екені мазмұнан да белгілі.

*Тарту. Әбубекір Диваев жинаған әдебиет түрлерінен тізілген оқу кітабы. Тізуі – М. Жұмабаев. – Ташкент, 1924. – 23-25.*

## ТАС ДӘУІРІНДЕ ФОЛЬКЛОР БОЛҒАН БА?

“Фольклор өкілдері типтерінің шығу тегін анықтау үшін зерттеуді ең бастапқы кезеңдерден бастауымыз қажет. Эрине, тас дәуірінде ақын, жырау т.б. типтер әлі қалыптаса қойған жок. Дегенмен, осы ұзақ процестің бастамасын ең көне дәуірлерден іздеу керек екенінде күмәніміз жок, мындаған жылдарға созылған процестің тарихи ретроспективасынан жаңылмай, дұрыс аңғаруымыз үшін ең көне замандарға барлау жасағанымыз жөн.

Кей адамдардың “Тас дәуірінде адамзат баласы жартылай Хайуан еді ғой! Олардың тарихын фольклор тарихымен байланыстыруға бола ма?” дегендерін талай естіген едік. Алғашында мұны қалжың деп түсініп жүрдік, кейіннен байқасақ, бұл қалжың емес, бірталай адамдардың шын ниеттен айтқан сөзі екен. Өкінішке қарай, тас дәуірінде өмір сүрген ата-бабаларымыз туралы теріс түсінік жүртқа кең тараған екен. Мұның себебін түсіну оте қын, сондықтан ол жағына бармай-ақ қояйык.”

*Е.Д. Тұрсынов. Қазақ ауыз әдебиетін жасаушылардың байыргы өкілдері. – Алматы, 1976. – 7-б.*

## АЛАҢҒАСАР АЛЫП

“Бұрынғы өткен заманда Аланғасар атты дөу болған екен. Оның бір баласы бар екен – Арсалан алып деген.

Екеуі жолаушылап, Талас өзенінің жағасына барған екен. Ол жерде бір шаһар бар еді, Ханның аты – Күркө деген, оның бір қызы бар еді, аты – Тұйме. Алаңғасардың баласы – Арсалан Тұйме сұлуға ғашық болып, “Маган ти”, – десе: “Тастан шаһар соқсан тиемін”, – деген екен. Соңда Алаңғасар шаһар соқпақшы болып, Бота мойнақ тауының бір тұсына келіп, баласын он шақырым жерге жіберіпті. “Сен тас лақтырып тұр, мен шаһар соға берейін, – депті, – бірак еш жаққа қарама”, – деп тапсырыпты.

Арсалан тас лақтырып тұрды, атасы шаһар соға береді. Арсалан әр лақтырғанда түйедей-түйедей тас лақтырар еді. Бір уақыттарда Арсаланың көзі Тұйме сұлуға түсті. Екі арасы жиырма шақырым бар. Қызға алаң болған себепті тастары атасына жетпей, жолға түсे беріпті, “сен тілімді алмадың” деп, баласын өлтірмекке қолына ашумен тоқсан батпан күрзі алып қуған екен. Қолында тоқсан батпан кетпені бар екен, бір кетпен топырақ алып, соның үстіне отырыпты. Сол топырағы – бір төбе.

Арсалан қашып бір шаһарға барыпты. Оның ханы: “Өзің таудан үлкенсің, не өнерің бар?” – деп сұрапты. Арсалан: “Көңілім қаласа, әр нәрсе қыламын”, – депті. Хан: “Олай болса, біздің шаһарымызды су басып кетті, тоқтатшы”, – деген екен. “Су басты” деп қулықпен айтқан екен, шынында да су болмай ғаріп болған еді. Оған Арсалан ерегіспін, бір таудың анғарына барып, бес саусағын сұқты, әр саусағынан бір-бір дария ақты, үлкендігі – Сырдариядай.

Тағы бір күні шақырып айтты: “Әй, Аланғасар, біздің шаһарымызды отын басты, керуен жұруге жол жок. Отын, ағашты бір жөн қылсаныз”, – деді. Арсаланың ашуы келіп, Қызылқұмнан жүзген, сексеуілді жинап өкеліп, шаһарға тастағанда іші отынға толып, үйлерді басып кетті. Сонымен оны өрдайым алдап жұмсар екен. Асылы, өзі үлкен болғанымен ешкімге зорлық не зұлымдық қылмас екен. Хан одан құтылу үшін: “Әкең сәлем айтты, “іздел келемін, мені тоссын осы шаһарда”, – деді”, – дейді. Арсаланың ерегіспе кеселі ұстап, ол шаһардан қашып шығыпты.

Зарафшан дариясына барып мекен қылыпты. Ажалы же-тіп, өлерге келіпті. Олай-бұлай сандалып жүргенде, халық уайымдапты, тау құлағандай болады, қандай амал қыла-мыз десіпті.

Шаһарға құлатпай, әрмен құлаталық деп, барша халық жиналып қатты дауыспен шулаған еken дейді. Сонда: “Арсалан әрі құламайды, бері құлайды,” – деп айғайлаған. “Саған қарап құлағанша”, – деп, ерегісіп, ары жығылып кетіпті, сөйтіп халық аман қалыпты. Осы уақыттарда Арсаланың бір жілігі сол Зарафшан дариясында көпір дейді. Көшкен ел сол көпірді әр жыл жүз серкештің майымен майлап тұрады”.

1. Қазақ ертегілерінің ішінде көне дүниетаным мен тарихтан хабар беретіндері аз емес. Мәшіүр Жүсіп Көпесев жазады: “Досбол би шежіре таратқыш еken. Заманында одан асқан білгір болмаса керек. Адам атага дейін таратады, өзінен бастап. Сонда бір қу жаңылтпақ болып сұраса керек: “Адамның атасы кім?” – деп. Досбол: “Адамның атасы Аланғасар”, – деген. Бұл ертегіні жинаққа косуымызға да осы себеп болды. Тарихтың көне кезеңдерінде біз түсінбеген тылсым сыр көп.

*Қазақ ертегілері. – Алматы, 1991. – т. 3. – 25-б.*

## **ҚАРАТАУДАҒЫ КӨНЕ ҚОНЫСТАР**

“Қазақстан жерінде ежелгі заман адамының сүйек қалдығы табылған жоқ. Дегенмен, Қазақстанның онтүстігіндегі палеогеографиялық жағдай ежелгі адамға өте қолайлы болды. Оған Онтүстік Қазақстанның табылған өте ескі замандағы тас қарулары (ОНТҮСТИК ШЫҒЫС АЗИЯ мен АФРИКАДАН ТАБЫЛҒАН ЕСКЕРТКІШТЕРМЕН ҮҚСАС) және Қытай жеріндегі Чжоу коу дянь үңгірінен ежелгі адам сүйегімен қатар табылған аң сүйектерінің құрамымен сәйкес сүйектер күө.

Адамға қолайлы болған өлкениң бірі – Қаратай. Ширектік дәуірдегі мұз басу Қаратаяға жеткен жоқ. Ертеде түрлі аны, құнарлы өсімдігі мол аймақ болған. Кіші Қаратудың солтүстік шығыс беткейінде адам баласының қоныстары жиі кездеседі. Әсіресе, шақпақ тас (кремний) кені мол жерлерде. Шақпақ тас – көне заманының құрал-сайман жасауға пайдаланатын бірден-бір шикізаты екені анық. Осы жердің радиусы 5-10 км аумақта палеолиттің 12 тұрағы табылды, 5 мыңнан аса шақпақ тас құрал шықты.

Тас дәуірінің ең көне кезеңдерінің ескерткіштері Шабақты, Тәнірқазған, Бөріқазған, Ақкөл, Қазанғап деген жерлерде кездеседі.

Шамамен 700 мың жылдар бұрын адам қоныстары Орталық Қазақстан жерінде де жиі орналасқан. Есіл озенінің басына қарай, Қарағандыдан солтүстік бағытта Батпак деген жерде осы дәуірдің мыңнан артық тас каруы табылды”.

*Х.А. Алтысбаев. Памятники нижнего палеолита Южного Казахстана. — Алматы, 1979. — 155-б.*

## ТАС ФАСЫРЫНЫҢ ӨНЕРІ

“Хомо сапиенстің” Сарыарқа жерінде пайда болған уақыты Батыс Еуропадан горі кеш емес. Қайта батыс жерінде оның кездейсоқ, неандерталецпен қатар, немесе сәл жоғары келіп кірігіп кетуі түсініксіз, осыған байланысты “аяу райы мен табиғаттың ықпал етіп қудалауы мен рухани бір аусарлыққа байланысты” кенеттен болған осы шабуыл ғылымға белгісіз өлкелердің бірінен басталған жок па еken? Ол арада адамзат баласы өз бетінше аяғымен қаз тұрып, псевдонеандерталь кезеңінен отіп, содан батысқа жылжыған болуы керек. Бұл өлке біздің жорамал бойынша Каспий мен Ертістің арасы. Бұл қоныста коне және кеш палеолиттің іздерін табу Еуропаға “Хомо сапиенстің” Еділден әрі, Азияның ішкі өлкесінен келді деген болжамды қандай да болсын қисынға сидырады.

Тас дәуірінің соңғы кезеңіндегі қисапсыз петроглифтер құрамында жоғары полеолит заманындағы фауналық комплекске жататын хайуанаттардың иконографиялық үлгілерін жиі көреміз. Олардың арасында тұтас композициялар да, жеке суреттер де бейнеленген. Мұз дәуірінің сонына қарай тастың дамыған өндірісі өзінің типологиялық және техникалық ерекшеліктерімен қазақ жеріндегі мәдениетті Сібір-Мұңғылдық формацияға жақындастырады. Палеолит мәдениетіне сәйкес плейстоцен кезеңі өзінің экологиялық жағдайымен мамонттық комплекске және адам баласына өте ыңғайлыш болды. Палеолиттің соңғы

дәүірінде адамдар өлі де ірі аңдарды аулап жүрді (Сарыарқа тас суреттері бойынша), сонымен бірге, адамдар өздерінің конысын маусымдық тәртіппен ауыстырып отырғанын жокқа шығара алмаймыз. Голоцен кезеңінде Сарыарқа өнірі қайта құрғакшылыққа үрінген, қысқа қоқтем, ауыр, сүйк қыс, ыстық, кебу жаз, желді және кебу күз режиміне өтіп, өзі шамалы бұлактардың көпшілігі кеуде қалды. Плейстоценнің сонына қарай басталған табиғат озгерісін экологиялық апат деп бағалауға болады.

Микролит мәдениетіне жататын тайпалар онтүстік Сарыарқа онірін коныс ете бастағанда (б.э.д. V-IV мыңжылдық) олар құрғап қалған өзендердің маңындағы бұлактарға токтады. Плейстоцен мен голоценнің бас кезінде коныс аудару – Сібірді жаңадан игеру деп есептеуге болмайды, оның алдында да ірі коныс өзгертулер болғаны сөзсіз».

1. Хомо сапиенс – қазіргі адам.
2. Плейстоцен, голоцен – геологиялық кезеңдер.
3. Микролит – тасты үсатып, одан қару жасауды менгерген неолит дәүірінің мәдениеті.

*А.Г. Медоев. Гравюры на скалах. – Алматы, 1979. – 7-8-бб.*

## ҚАЗЫҒҮРТТЫҢ БАСЫНДА КЕМЕ ҚАЛҒАН

“Нұк пайғамбар екі жұз елу жасқа келгенде, құдай тағала оны пайғамбар қылып жарияладап, сол кездегі халыққа жіберді. Жеті жұз жыл Нұк халықты мұсылмандыққа үгіттеді, ер және әйел бар сексен адам иман келтірді. Жеті жұз жыл жатпай-турмай халықты: “Құдайға сеніп, иман келтіріндер,” – деп үгіттегендегі, сексен адамның ғана мұсылман болғанына қатты ренжіп, Нұк құдай тағаладан сексен адамнан басқаларын жок қылуын сұрап, дүға оқыды. Нұкка Жәбірейіл ғалайссалам келіп: “Құдай тағала сенің дүғанды қабыл қылып, пәлен уақытта жер жүзіндегі халықтың баршасын суға қарық қылмак болды, саган “кеме жасасын”, – деді”, – деп, өзі кемені қалай жасауды үйретті. Нұк пайғамбар құдайға иман келтірген кіслермен бірге кеме жасады.

Сол кезде жерден су шықты, аспаннан жаңбыр жауды. Нұқ пайғамбар үшар құстың, аяқты жануардың әрқайсысынан бір жұптан алып, мұсылмандық қабылдаған сексен адаммен кемеге отырды. Жер бетіндегі өзге жанды нәрселердің бәрі суға қарық болды. Алла тағаланың әмірімен су қайта тартылды. Нұқ мінген кеме Шам жұртындағы Мұсіл шаһарының қасындағы Жуды тауынан шықты. Кемеге рәджеп айында алғашқы күні мініп еді, алты ай он күн дегенде мұхаррам айының онында кемеден шықты. Таудың етегінде отырды, кіслердің көвшілігі ауру болды, Нұқтың үш ұлы мен үш келіні ғана сау қалды, өзгелері о дүниеге сапар шекті.

Нұқ пайғамбар үш ұлын үш тарапқа: Хамды – Үндістан жаққа, Самды – Иран жаққа, Иафесті – солтүстікке жіберді. Ұшеуіне айтты – Адам перзенттерінен ұшеуінізден өзге ешкім де қалған жоқ, ұшеуініз үш жұртта отырыныз, ұрпақтарыңыз көп болсын, сол барған жерлерінді жұрт етіп отырындар”.

1. Тұп төркіні “Таурааттық” әңгіме. Бірақ тарихи негізі жоқ емес. Тек палеолит дәүірінде бірнеше рет құрлықты мұз басу процесі болғаны белгілі. Миғтік “топан су” қаншалықты шындыққа келетінін осы күні өкінішке орай ешкім зерттең, анығына жеткен жоқ.
2. Қазақ ортасында кеменің тоқтаған жері деп Тәшкент пен Шымкент арасындағы Қазығұрт тауы аталады. Қазығұрт атаплатын тау Орталық Қазақстанда да бар (биіктігі 1078 м). Қарап отырсақ, әр халықтың өз топонимиялық ортасына қатысты Әулие таудың аты өзгеріп отырады – Аарат, Сион, Жуды, т.б.
3. Шам жұрты – қазіргі Сирия елінің жері. (Мысыр – Египет)

*Әбілгазы Баҳадұрхан. “Шежіре түрік”. –  
Алматы, 1992. – 11-12-бб.*

## МЫҚ ҚОРЫМДАРЫН ТҮРФЫЗҒАН ҚАУЫМ (қола дәүірі)

Б.э.д. III мыңжылдықта Қазақстан жерін мекендерген қауымдар металды өндіруді кең көлемде қолға алды. Сол себептен б.э.д. IV-III мыңжылдықтар “энеолит”, яғни “мыс тас” дәүірі деп те аталады. Қазақ жерінің түсті металдарға өте бай болуы кең өндірісінің дамып, өлемдік ірі орталықтың пайда болуына бірден-бір себеп болғаны анық. Адамдар алдымен таза мысты қолданған, содан кейін барып оған қалайыны қосып, сапасын жақсартқаны байқалады. Таза мыс морт келеді және құрал-сайман жасауға ыңғайсыз, ал оның құрамына 10% қалайы қосылса, нағыз берік металл шығады. Қола өндірудің ең тамаша шоғырланған жері – Сарыарқа. Фалымдардың есептеуі бойынша ерте кезеңде Жезқазған өнірінде – 100 мың тонна мыс рудасы, Өскеменде – 200 мың т., Имантауда (Көкшетау) – 50 мың т. мыс өндірілген. Қалайының көлемі – 130 т. болса керек. Өкінішке орай, тарихи ескерткіштерге дұрыс көзқарас болмағандықтан, XX ғ. ол жерлердің көпшілігі ғылыми түрде толық зерттелген жок.


Қола дәүірі деп аталатын б.э.д. II мыңжылдықта Қазақстан өлкесінде тек қола өндірісі дамып қана қойған жок, сонымен қатар, мал шаруашылығы, суармалы егіншілік қатар дамып, адамдардың күн көрісі, тұрмысы күрт жақсарғаны анық. Егіншілікпен айналысқан қауымдар өзен бойларындағы, бұлақ көздерінің жанындағы жерді барынша өндеп, суарып, мол өнім жинап отырған. Ал мал шаруашылығы жөнінде айтар болсақ, оның үлес салмағы біртін-деп күшеге түскенге үқсайды. Алдыменен бақташылық үлгісі қалыптасып, қауымның бір бөлігі малмен бірге шұрайлы жайылым іздел, қоныстан алыс көшіп жүрсе, қола

### **Шарттың белгілері:**

■ Кола дауірінің си көркесті съектікшілтері

■ Орианассан жерлері

■ Кола дауірінің жартасқа салынған суреттері



► Ундістан

**Кола дауірі (б.э.б. II мың. жили)**

дәуірінің соңына қарай (Бегазы – Дандыбай кезені) тұтас рулы елдер қошпелі мал шаруашылығына өте бастаған. Оған себепtek табиғи ортаның өзгеріп, қуанышылықтың көбеюі ғана емес, мал шаруашылығының пайдалы болғандығы да.

Археологиялық әдебиетте қола дәуірінде қазақ жерінде пайда болған мәдениетті “андронов” (Сарыарқа және одан онтүстікке қарайғы жер) және “срубный” (Батыс Қазақстан – Еділ бойы) деп атау қалыптасқан. Ал қазақ шежіре-сінде қола дәуірінің ескерткіштерін “мықтың үйі” дейді және соған байланысты көптеген аңыздарды айтады. “Мық” сөзі – әлі этимологиялық түрғыдан зерттелмегендіктен, үзілді-кесілді пікір айту қыын, дегенмен, қысқа, бірақ нығыз дүниеге қатысты айтылады деп ойлаймыз. Мәселен, “мық жусан”, “мық шеге”, т.б. Мыққа қатысты шежірелер бұл жинаққа да енгізіліп отыр. Олай болса, Қазақстан жеріндегі қола мәдениетін “андронов” дегеннен гөрі, өзінің төл атауымен “мық мәдениеті” деген жөн деп ойлаймыз.

Қола дәуірінің этникалық тарихын “Авеста” аталатын көне Зәрдүш дінінің қасиетті кітабынан табамыз. Бұл қасиетті жырдың алғашқы нұсқасы б.э.д. III-II мыңжылдықтарда қазақ жерін мекендеген арийдің бақташы тайпалары арасында туып, кейін келе Сасан әuletі билеген Парсы елінде хатқа түскен (б.э.III-VI ff.). Авеста кітабында арийлердің ата қонысы Арианам Байджа (Ариана Байтак) деп аталады. Ол – Қара теңіз жағалауынан Алтай мен Шығыс Түркістанға (Қашқария), Орал тауларынан Иран қыратына дейінгі ұлан-ғайыр өлке. Бағатындары – қой, сиыр, жылқы мен түйе. Көліктепі екі донғалакты арбакүйме. Бұл өлкедегі өзендер – Ранха (Еділ), Ардви (Әму), Дағыя (Сыр). Осы этникалық ортада пайда болған, кейін дүниенің кең тарабына тараған дін – зороастризм (зәрдүш). Бұл діннің негізгі идеясы жаратылыс құрылымы, дүниенің тұтқасы жақсылық пен жамандық арасындағы күрестен келіп шығады дегенге саяды. Егер адам баласы жақсылық жағында болса, ол екі дүниеде де бақытты болмақ. Зороастризм дінінің әдет-ғұрпы отты қасиеттеуге арналған (Авестада – от, қазақ тілінде де – от). Адамдарды жерлеу дәстүрі ерекше – мұрдені жер астына түсіріп, сөкіге орналастырады, еті акқан соң, сүйегін бөлек шұнқырға салады (сақана

төртібімен жерлеу қазакта әлі кездеседі). Осы дінлі тұтудың негізгі белгісі – свастиканы (күн символы) қадірлеу.

Деректерден біз Қазақстан жерін қола дәуірінде арийлерден басқа тур және хиона (қиян) тайпаларының мекен-дегенін білеміз. Олардың өзара соғыстары Шығыс елдерінде миф немесе батырлық ертегі түрінде сақталған. Қола дәуірінің соңына қарай бақташылықтың өрістеп, көшпелі тіршілікке басы бүтін өту көне тайпалардың дүние-танымына және әдет-ғұрпына орасан зор өсер етті. Еуразиялық далалық кеңістікті игеру, әр түрлі қауіп-қатерден өту уақыттың жалғандығын сездірді. Жылқы сияқты жануарды қасиет тұту да сол кезеңнен басталғаны сөзсіз, эпостардан батырлар мінген небір құдіретті аттардың образын кездестіреміз (Шалқұйрық, Керкұла т.б.). Дүние кеңістігі ол заманда үш түрлі сферадан құралған сияқты – жоғары, орта, төменгі әлемдер. Ария тайпалары қоныс іздел, Иран қыратынан әрі немесе Солтүстік Индия, Шығыс Еуропа жеріне аттанныны да көшпелі өмір салты тудырған бір құбылыс.

Қола дәуірі өлеуметтік өмірде ерекше өзгерістер туғызыды: ру көсемдері, жыраулар, ер-батырлар қоғамдық басты құштерге айналды. Әсіреле, Бегазы – Даныбай сияқты ірі қорымдар – осының көрінісі.

## ТОПАН СУДАН БҮРЫНҒЫ ТАЙПАЛАРДЫҢ ӨНЕРІ

“Орал тауына дейін біздің жерлеріміз төбелерге (қорымдарға) толы, Үндістанда да осылай деседі. Көпшілік адамдар бұл төбелер Шынғыс пен Жоңғардан қалған белгі десе де, біз көрген қалмақтар мен торғауыттарда өліктің үстіне белгі орнату әдеті байқалмайды. Меніңше: бұл төбелер аныздарда айтылатын “мұғ тұрса” қауымның белгілері болар, қазактар оны “Мұқтың үйі” деседі. “Мұқ”, яғни асылы Нұқ дегені болар...

Қарқаралыдан сөзі сенімді Уәли Бекматов айтады: “Біз жақта орыстар мен қазактар Мұқ төбелерін көп қазады, ашады. Біреулері үш, кейбірі төрт қабат болып, бірінші қабаттан тек сүйек пен шөлмек сықылды ыдыстар шықты, екіншісінен еңбек құралдары, үшіншісінен қымбат ба-

ғалы нәрселер, алтын-күміс аспаптар табылады. Бір мәйіт төртінші қабатта екен, күміспен кебіндепті, енді бір мәйіт тас кереует үстіне қойылған екен, қолында білезік, мойында алтын алқа, шашы басының екі жағына төгілген екен”, – деді.

Қазіргі сахарадағы төбелерге үй ме, көр ме деп таласады, анықтап байқағанда олар көр, өйткені оны қазса, сандық сияқты жасалған төрт бұрышты тастар шығып, оның ішінен сүйек шығады. Үй болса ондай болмас еді және суға жақын болар еді, судан қашықтығының өзі көр екеніне дәлел болуы мүмкін. Қайтсе де, осы төбелер топан судан бұрынғы тайпалардың өнері боп шығады. Топан су басқаннан кейін болса, мұңғыл-қалмақтан басқа бір өнерлі тайпаның ісі болып танылуы керек. Себебі, жер астына қойылған тастар тақтайдай жонылып, үстіндегінің дәйекті түрғаны – мұндайды жонуға аспап һәм ұстаз керек екені, оған қоса біз көріп жүрген қалмақ пен мұңғылда мұндай тас жону әдеті байқалмайды, тіпті ондаймен ісі де жоқтығын есепке алсақ та, түсінікті болар. Қытайлар жасады деуге де жобасы келмейді, қытай мен мұңғыл тайпаларында бұлайша тас жону, жер астынан қабір қазу әдеті болмаған және төбелерден табылған сүйектер өте ірі. Бұлар туралы ешбір тарихта баяндалмаған, бұл туралы негізсіз жорамал айтқанмен, ғылым мен ой иелері не айтады? Қабірді бұлайша қат-қабат ету, бұлайша мәйіт қою ешбір халық пен тайпаларда болмаған; байқалмаған ғұрып, сондықтан “Нұқ, яки одан да бұрынғы халықтардың ісі ме?” – деуге аузым барады. Өте көне, ежелден келе жатқан мәдени мұраларға “Фарам” деп айтылады, оның өзі “қартаю” деген сөз. Осындағы жұмыстарды атқару үшін: үлкен тастарды ағаштай жонып, қилюластыру, бір-біріне ұқсату, өте үлкен тастарды таудан қопарып әкелу сынды күрделі жұмыстарды жасай білген халықты кейбір ақымақтар маймылға ұқсатқысы келеді. Ал ондай төбелерді Шыңғыс хан заманынан қалды деу ешқандай нанымсыз, өйткені оның заманы аса қашық емес, қазіргі үрпақтары ескі мәдениетінен біржола арылып, болмаса оны ұмытып болған жоқ. Тарихтан аса хабары жоқтарға салса, оның дәуірін де соншалық ұзак болды деп, көп нәрсені соларға жапсыруын көріп жүрміз. Ескі Мұқ қауымы мен жаңа мұңғылдың арасын айыра

білмейтіндерден ақыл сұрауға болмайды. Қорытындымыз: біз айтып отырған мәдениет иелері жер бетінен жоғалып, мәңгілік аты өшкен қауымдар болса, ғажап емес”.

1. Шығарма XX ғ. басында жарияланған, деректің көзі XIX ғ. соңын қамтиды.
2. Қазақтар Мықтың үйі дейді (Мұқ немесе Мұғ – әр түрлі қолданыста өзгеріп отырады). Автордың, менің ойымша, Мықты Нұқ пайғамбармен шендестіруі қисынға келмейді. Себебі мық сөзі ергежайлі деген ұғымды білдіреді. Мысалы: мық жусан, мық шеге, мықын, мықыр т.б. Бұл сөз қазақтың көне тілдік қорынан бар.
3. “Топан судан бұрынғы”. Автор Тауарат аңыздары арқылы көп тараган ұғымды қолданып отыр. Топан су, яғни Нұқ пайғамбардың уақыты қола дәуірінен әрі, ерте палеолит дәуіріне тән құбылыс. Ғылымда бұл дәуірді “мұз басу” дәуірі деп атайды. Жер бетін соңғы рет мұз басқаны палеолиттің соңына қарай.

*Халид Құрбанғали. Тауарих хамса (Бес тарих). – Алматы, 1992. – 120-121-бб.*

## ҚАРА ОБА МЕН САРЫ ОБА

“Күн батысы – Сырдария, күн шығысы – ұзын аққан Ертіс, оңтүстігі – Жетісу – жеті өзен, солтүстігі – Еділ-Жайық. Сол төрт судың арасы заман қадымда Дешті Қыпшақ аталған қыпشاқ жұртының қонысы еді, сол қыпшақтан тоқсан екі ру ел тарайды. “Қытай көп пе, қыпшақ көп пе?” – деп мақал болған себебі осы.

Сонан бірнеше жұрт келіп, неше жұрт кетіп, ақыр аяғы “мық” деген бір жұрт иеленіпті, ол да кетіпті. “Ширейші” деген бір жұрт иеленіпті, о да кетіпті. Бұл екеуінен сон, “ноғай қазак” деп ноғай иеленіпті. Олардан қалған белгі бар, әр жерде қалған үлгі бар.

Күн шығыс жағы ашық намаз оқитүғын, құбылаға төрі тура дәл келетін тас қорғандар бар, ол ногайлының қалмақ қамаған күнде намаз оқу үшін, тастан жасаған қорғаны екен деп айтады. Сарыарқада жары терең, сұы аз өзендер сол заманда ногайлардың егін салу үшін қазған арығы екен. Шідерті деген өзеннің аяғында Ақжар, Сасай деген

жер бар, ноғайлардың көнт салып, тақ құрған Бұқар, Қоқан хандары сықылды орда жасатқан жері екен. Өлеңтінің аяғында “Қара оба, Сары оба” деген екі төбе Қарабай мен Сарыбай деген екі байдың қоныс қылған мекені екен. Бұл екеуде қазақ байлары. Сол Сарыбайдың жалғыз қызы – Баян Сұлудың туған жері – Баянаула тауы. Бұл таудың аты – Баянаула қойылған себебі, Баян ауылы аталып кеткеннен. Сол қыздың қарқарасы жоғалып қалған жері – Қарқаралы-Қазылым аталған, домбырасы мен бет моншағы түсіп қалған жер – Домбыралы-Моншақты аталған, жамшысы түсіп қалған жер – Тоқырауын-Жәмшілі аталған, сандығы түсіп қалған жер – Алтын сандық, Ақша тау аталған, өлең айтып, той қылған жері – Өлеңті аталған, аттарының шідері түсіп қалған жер – Шідерті аталған, аттарының арқасы жауыр болған жер – Жауырбұғы аталған. Қайыр – Сарыарқадағы жер аты – бәрі қазактың ата-бабаларының аттары.

Есіл – Нұраның арасында “тоғанастың тоқсан екі көлі” – ноғайлардың егін салған көлдері, “Қызыл мола”, “Сұлу там”, “Сырлы там”, “Хан сүйегі” деген жерлер сол замандағы ноғайлардың қадірлі өліктерінің мolasы екен. “Он сан ноғай бұлінген соң, Орманбет би өлген соң” – бұл Сарыарқаны қара қалмақ-қатисыбан деген жұрт иеленіп-ті”.

1. Мәшһүр Жүсіп Көпейұлының “Сарыарқаның кімдікі екендігі” кітабы 1907 жылы Қазан қаласында жарық көрген. Бұл тарихи шежіре мен қофамдық сипаттағы өлеңдер жинақталған қысқа дүние.
2. Мық, Ақжар, Сасай, Қара оба, Сары оба – қола дәүіріне қатысты ескерткіштері бар жер аттары, ал күн шығысы ашық қорған – “тасмола мәдениеті” аталатын ерте темір дәүірінің қорғандары. Жер аттары туралы аңыз – Қозы Қөрпеш – Баян Сұлу – ғұн дәүірінен, Қызыл мола – Хан сүйегі бертінгі тарихи жәдігерліктер.
3. Тоганастың тоқсан екі көлі – Арқа жеріндегі су атаулары.
4. Жамшы – Арқа жеріндегі өзен атауы.

*М.Ж. Көпейұлы. Сарыарқаның кімдікі екендігі. –  
Қазан, 1907.*

## **ЖИМА ПАТШАЛЫҒЫ**

1. “Зәрадүш Ахура-Маздадан сұрады: “Ахура-Мазда, Қасиетті Рух, Тәни дүниенің жаратушысы, Хақ, менен басқа мына жалғанда қай о дүниелікпен алғаш сөйлестің? Кімді, ахур, зәрдүш дініне бастадың?”

2. Сонда Ахура-Мазда айтты: “Мол табындардың иесі, сәнді Жимамен. О, ниеті оң Зәрадүш! Сол о дүниелікпен сөйлестім мен, Ахура-Мазда, сенен басқа, Зәрадүш. Оны бастадым мен, ахура, зәрдүш дініне”.

3. Солай дедім мен, о Зәрадүш, мен, Ахура Мазда: “О, Жима қызыл шашпаулы, Вивахвантаның ұлы, Дінді сактайтын және қорғайтын бол мен үшін!” Бірақ, о Зәрадүш, былай деп жауап қатты қызыл шашпаулы Жима: “Мен Дінді қамқор сактауға және алып жүргүте үйренгенім жок, ол үшін жаратылғаным жок”.

4. Сол кезде, о Зәрадүш, мен айттым саған, Ахура Мазда: “Егер сен мен үшін, сәнді Жима, дінді сактап, алып жүре алмасаң, онда мен үшін мына әлемді көркейт, көбейт! Бұл әлемнің қорғаушысы, сактаушысы, ұстазы бол!”.

5. Осылай болай деп жауап берді, бұл Жима қызыл шашпаулы, о Зәрадүш: “Мен саған әлемді көбейтемін, мен саған әлемді өсіремін, мен әлемнің қорғаушысы, сактаушысы, ұстазы боламын! Менің патшалығымда не суық жел, не шөл, не ауру, не өлім болмайды”.

6. Сонда мен екі қару бердім оған, мен, Ахура Мазда: “алтын мүйіз және алтынмен әдіптелген қамшы”.

7. Жиманың қарамағында екі патшалық бар... .

8. Міне, сонымен, Жиманың патшалығы үш жүзінші қысты бастан өткерді. Осы жер ірілі-ұсақты малға, адам мен итке толып кетті, ит пен құсқа, жанған отқа толып кетті. Ірілі-ұсақты мал, адам өзіне орын таба алмады.

9. Сонда мен Жимаға хабар айттым: “О қасиетті Жима, Вивахвантаның ұлы, мына жер ірілі-ұсақты малға, адамға, ит пен құсқа, жанған қызыл отқа толып кетті. Ірілі-ұсақты мал, адам өзіне орын таба алмауда”.

10. Сонда Жима қырға шығып, Күннің бағытына қаралды. Алтын мүйізбен үрлеп, күй тартты және қамшысын

көтеріп былай деді, жалынып: "Айналайын Спэнта-Армайти, жазыла түс, қанатынды жай, менің ірілі-ұсақ малым мен адамым сыйсын!"

11. Осылай Жима бұл жерді бұрынғыдан үштен біріндей қосып ұлғайтты, ірілі-ұсақты мал өзіне жайылым тауып, адам баласы өзінің тілегіне, еркіне сай өмір кешті.

12. Енді, міне, Жима патшалығы үшін алты жүзінші қыс келді. Сол кезде бұл жер ірілі-ұсақты малға, ит пен құска, жанып тұрған қызыл оттарға толды. Ирілі-ұсақты малға, адамға орын табылмады.

13. Сонда мен Жимаға хабар айттым: "О, қасиетті Жима, Вивахвантада ұлы, мына жер ірілі-ұсақты малға, адамға, ит пен құска, қып-қызыл боп жанған отқа толды. Өздеріне ірілі-ұсақты мал, адам орын таба алмады".

14. Сонда Жима қырға шықты, Күннің бағдарын байқады. Өзінің алтын мүйізіне үрледі, қамшысын сермеді: "Айналайын Спэнта-Армайти, менің малым мен адамым сыйсын, жазыл енді, қанатынды жай," – деп жалынды.

15. Осылай Жима бұл жерді бұрынғы көлемінің үштен екісіне дейін көбейтті және осы жerde өзіне ірілі-ұсақты малы азық тапты, адам баласы өзінің тілегіне, еркіне сай өмір кешті.

16. Енді, міне, Жима патшалығы үшін тоғыз жүзінші қыс та түсті. Сонда бұл жер ірілі-ұсақты малға, адамға, ит пен құска, қып-қызыл боп жанған отқа толып кетті. Ирілі-ұсақты мал мен адам өзіне орын таба алмады.

17. Сонда мен Жимаға хабар айттым: "О, қасиетті Жима, Вивахвантада ұлы, мына жер ірілі-ұсақты малға, адамға, ит пен құска, қып қызыл боп жанған отқа толып кетті. Ирілі-ұсақты мал, адам өзіне орын таба алмады".

18. Сонда Жима қырға шықты, Күннің бағдарын байқады, өзінің алтын мүйізіне үрледі, қамшысын сермеді: "Айналайын Спэнта-Армайти, менің малым мен адамым сыйсын, жазыл енді, қанатынды жай", – деп жалынды.

19. Осылай Жима бұл жерді бұрынғы көлемінің үштен үшіне дейін ұлғайтты, және осы жerde ірілі-ұсақты мал жайылым тапты, адам баласы өзінің тілегіне, еркіне сай өмір кешті.

20. Жаратушы Ахура Мазда – Көк Тәнірімен бірге даңқты Арианам-Байджа белінде, Вахва-Датия жағасында мәжіліс құрды. Тумысы бөлек мол табындардың иесі, адамзат баласының ең жақсы өкілдерімен бірге даңқты Арианам Вайджага, Вахва Датия жағасына Жима келді.

22. Ахура Мазда былай деді: “О, қасиетті Жима, Вивахвантаның ұлы, мына жалған дүниеге қыс та келер, алдымен қардың қара бұлты Ардви қойнауындағы биік таула-рға жауар”.

23. Осы сүмдық жүттән малыңның үштен бірі ғана қалар, оның өзінде өзен жағасындағы қалың қамыс пен таудың ағашына паналап.

24. Қыс түсердің алдында шебі де шығар бүл жердің, қар еріп қатар. О, Жима мына жалған дүниеде қойдың тұяғының ізін кездестіру ғажап қалдырар.

25. Сен Вар (Қора) жаса төрт қабырғасын ат шаптырым қылып, сол жерге ірілі-ұсақты малдың, адамның, ит пен құстың тұқымын жина, қып-қызыл жанған отыңды дайында. Жаса енді Қораның төрт жағын ат шаптырым қылып адамдарға жайға және төрт жағын ат шаптырым қылып малыңа қора сайла”.

1. Авеста – б.э. дейінгі II мыңжылдықта қазақ жерін мекендеғен “Арья” елінің қасиетті кітабы.
2. “Жима Вивахвантаның ұлы” – Шахнаме кітабында Жәмшиит деп те атайды. Ол – бақташы тайпалардың патшасы. Оның билік құрған дәуірі “алтын дәуір” деп саналады.
3. “Ахура Мазда – Ормазд” – Зәрадұш дініндегі басты Құдай, жақсылық иесі.
4. “Зәрадұш – Зороастр, Заратуштра” – оның аты – “көрі түйенің иесі” деп аударуға келеді. Ол зәрадұш дінінің негізін салған пайғамбар, ал зәрадұш діні ең көне дін (“Аспанин түскен төрт кітап” әңгімесіне көніл аударыңыз).
5. “Арианам Вайджа” – арийлердің көне қонысы. “Арқа-Байтак” деген сөздер арқылы этимологиялық талдау жасауға болады деп жорамалдаймыз. Ол алтын қоныс, мал өсіруге та-былмайтын шүйгін жайлау, шетсіз-шексіз дала.
6. “Вахви-Датия” – арий жеріндегі ұлken өзен. Оның бойында олар ұлы кенестерді өткізеді, ас береді. Сырдария не Әмудария болуы мүмкін. Дәл талдау қыын.

- “Вар” – деген сөзді “қора” деп аударған жөн. Төрт қабыргалы дегенмен, ол негізінен дөңгелек құрылыш, бір ерекшелігі – үш құрсау қылып салынады. Археологиялық қазбалар кезінде Онтүстік Орал тауынан бастап, онтүстікке қарай жиे үшіншірайды.
- Біз хрестоматияда келтірген текст Видевдата тарауынан алынды. Ол өзі 22 бөлімге бөлінеді.

*Авеста. Перевод с авестийского И. Стеблин-Каменского. – Москва, 1993. – 176-180-бб.*

## ОБАНЫҢ БӘРІ “ҚАЛМАҚТІКІ” ЕМЕС

“Кей-кейде заңды бұзып, өз молдаларының айтқанына болмай қазактар өлген адамдарын кез келген қорғанның айналасына жерлей береді. Содан былай осы қорған жерленген адамның атымен аталағы кетеді. Төмендегі атаулар соған байланысты шыққан: Сейіт оба, Теміrbай оба, Омат оба, Сәлім оба, т.б. Сырдария облысында оларды “төбе” деп атайды, ал енді Семейпалат, өсіреле Зайсан ояздарында дәл осы қорғандарды, М. Никитиннің айтуы бойынша, “мықтың үйі” деп атайды. Көрші оязда, атап айтсақ, Өске-менде, бұл сөзбен құлаған орындарды, ал Торғай облысында үңгірлерді атайды.

Ақыр соңында Жетісу облысында, Верный оязында, қорғандарды “мық”, “муқ” деп атап жие қолданылады.

Сонымен бірге, “қарауыл қорған” деуге келетін, адамды жерлеуге еш қатысы жоқ ескерткіштер де бар. Бір-біріне белгілі қашықтықта орналасқан олар жолдың бағытын көрсетсе керек. Кейбіреулері көрші рулардың қоныс ара-лық шекарасын, болыстар мен ояздардың арасын белгілейтін межесі болуға лайық. Осы топтағы қорғандарға өз отбасынан алыста болған туыстарына, достарына немесе басшы адамдарына қойылатын ескерткіш қорымдарды енгізуге болады. Қылыш оқиғаларға арнап та ондай қорғандардың соғылуы мүмкін”.

*И.А. Кастанье. Надгробные сооружения киргизских степей. – Оренбург, 1911. – 6-7-бб.*

## ҚОЛА МӘДЕНИЕТІ

“Шу мен Сырдариядан солтүстікке қарай жатқан ғаламат далалық кеңістік, қазақша айтқанда Сарыарқа, көне дәуірдің жазба ескерткіштеріне аз іліккен. Фасырлар бойы бұл өлкे үлкен ғылыми жұмбак болып келді. Тіпті аздаған жазба еңбектердің өзіндегі деректер де дұрыс жинақталған жоқ. Өкінішке орай, Орталық Қазақстанның тарихи-археологиялық тұрғыдан зерттелмеуі Қазақстанның солтүстік далалық аймағында көне өркениеттің ошағы пайда болуы мүмкін емес деген теріс тұжырым туғызады. Тіпті Орта Азияның көне тарихының тамаша білгірі В.В. Бартольдтің өзі “мәдени орта Сырдария жағасы мен Қаратай аралығындағы кеңістікпен шектелді” деген пікір білдірді, оның ойынша солтүстікке қарай адамы жоқ қу медиен дала болған.

Жаңа зерттеулер көрсеткендей, бұл айтылған пікірлер революцияға дейінгі ғылымның деңгейіне ғана дәлел. Біздің археологиялық экспедициялардың зерттеуі бойынша Орталық Қазақстан өлкесінде мындаған жылдар бойы өзара этникалық туыс дала тайпаларының күрделі дамуы мен мәдени жалғастық процесі үздіксіз жүріп жатқан. Ескерткіштердің шоғырын зерттеу сол дәүірде Орталық Қазақстанды мекендерген тайпалардың тарихи өткен жолын анықтап, өлкенің тарихының көптеген беттерін ашуға мүмкіндік берді. Қола мәдениеті өзінің айрықша белгілерімен: қоныстар мен рудниктерден, бейіттер мен қурбандық шалған орындардан, үй және суару құрылыштарынан, қыш жасау мен тас өңдеу өнерінен, тас скульптуралардан, металл, және сүйекті өндеп, әр түрлі заттарды жасау әдістерінен анық көрінеді. Осының бәрі, түптеп келгенде, Орталық және Солтүстік-Шығыс Қазақстанда мыс, қалайы және қорғасын т.б. металдарды игеру кезеңінде орасан даму процесі болғанынан хабар береді.

Әрине, қола мәдениетінің және ерте темірдің дамуы табиғи байлыққа негізделген – ұлан-байтақ жайылым бұл аймақты мал бағуға, мал өсіру орталығы болуға, әр түрлі кен орындары өндірісті өркендетуге бейімдеді”.

*A.X. Маргулан. Бегазы-Дандыбаевская культура Центрального Казахстана. — Алматы, 1979. — 6-7-бб.*

## АЛТЫН КЕЗДІКТЕГІ ЖАЗУ

“Ерте замандарда бір әйел мал бағып жүріпті. Бір таудың беткейінде қар астында жер көрінеді. Қыс ішінде бұл жер неге қара бауыр болып жатыр деп таң қалып, сол жерге келіпті. Жақындаса, ол жерде құрт-құмырска, жылан т.б. жәндіктер өріп жүр екен. Әйел таянған соң, жаңағының бәрі жоқ болып кетіпти. Тек бір тақта таста алтыннан жасалған кездік-пышақ жатыр екен. Әйел оны қолына алып қарапты, сонда байқағаны жазу бар екен. Жазуы бар алтын пышақты ауылға өкеліп, оны бір қожаға оқытыпты. Сол қожа айтқан екен: “Бұл “мық” деген елден қалған зат деп. “Мық” деген ел осы жерде ерте заманда мекендеген, зат-дүниесінің бәрі сап алтыннан жасалады,” – дейді”.

*Ел аузынан жазылған. Аңыз айттушы. –  
Бетталгазы ақсақал. Қарқаралы, 1993.*

## ЕР ТӨСТІК

“...Төстік жолға шықты. Ол ауылынан ұзап шыққан соң, Шалқұйрық атқа тіл бітті.

– Төстік батыр, енді екеуіміздің жанымыз бір, қандай пәле болса да бірдей көреміз. Егеуіңнің қасында сені жалмауыз кемпір күтіп отыр, сен егеуінді ала бергенде үстап алмақ. Егеуге жақындаған кезде кемпірді алдайтын бір ақыл тауып ал. Кемпір алдана бергенде, мен бетегеден биік, жусаннан алласа бола берейін, сол кезде сен егеуді іліп ал да жөнел, артына қараушы болма, – дейді.

Көп уақыт жол жүріп, Төстік егеу жатқан жерге келді. Келсе, егеудің қасында кемпір отыр. Ер Төстік жақындағы түсіп: “Шеше, шеше, артындағы қыздардың бәрі өзіндікі ме?” – дейді. Сонда кемпір артына жалт қарайды. Сол мезгілде Шалқұйрық бетегеден биік, жусаннан алласа бола береді. Төстік егеуді іліп алып жөнеледі.

Сонда кемпір: “Сен бе едің, Төстік, алдаған? Сені ме, Төстік, қап, бәлем!” – деп тамағы қырылдап, өкпесі сырылдап, қатты сасып, етегін басып, Төстікті қуя жөнеледі. Төстік қашып келеді, кемпір күтп келеді. Бір мезгілде тау

қаңбақтай үшады, тас бүршақтай жауады. Шалқұйрықтың құйрығына қазандай қара тас орала кетеді. Шалқұйрықтың шапқан салмағына шыдамай, қара жер қақ айрылады. Шалқұйрық пен Ер Төстік жер астына түсіп кетеді.

Сол кезде Шалқұйрыққа тіл бітіп: “Біз енді жер астына түстік, бізге енді бұдан былай жер астының елі жолығады. Біраз жүрген соң, жылан Бапы ханның ордасына келеміз. Жылан Бапы ханның ордасына келгенімізде, мені алыска тастап, өзің ордаға кіресің. Ордаға кіргенде есінде болсын: үйге кіргенде екі босағадан екі қара шұбар жылан ысылдап тұра келеді, олардан сескенуші болма, жылан Бапы ханның есігін күзеткен құлдары. Төрге жақындағанда, екі сұр жылан екі жеңінен кіріп, қойыныңнан шығады, қойыныңнан кіріп, қонышыңнан шығады. Бұлар – Бапы ханның ұлы мен қызы. Төрге отыра бергенде екі дәү сары жылан ысылдап тұра келеді, одан да сескенбе. Бұлар жылан Бапы ханның өзі мен әйелі. Егер де бұлардан сескенсөң, сені Ер Төстік демейді, жер асты еліне қадіріміз болмайды, жер үстіне жол тауып шыға алмаймыз! – дейді”.

1. “Ер Төстік” – ертегісі көне эпостан сақталған қазына. Онда суреттелеңін оқиғалар кемі қола дәуірінен бастау алады. Оның бір әдемі көрінісі – Шалқұйрық – адамша сөйлейтін, ақылды, желеп-жебеуші жануар (тотем). Жер асты патшалығы – дүниетанымдық модельдің көрінісі, оның иесі Бапы хан – (ол да тотем) қындық кезде адамға жол көрсететін, сынайтын бейне, қайырымды образ (қазактар жыланды атын атауға қорқып, “түйме” деген бұрын). Қазактың ертегілерінің қиялғажайып, немесе батырлық ертегі деген циклдарының көпшілігі өз мазмұнын б.э.д. II мыңжылдықтан әрі кезеңдерден алады.

*Ертегілер. Қазақ халық әдебиеті. – Алматы, 1989. – м. 4. – 15-16-бб.*

### АЛТЫН КИІМДІ ЕРТЕ КӨШПЕЛІЛЕР (сақ – скиф дәуірі)

Б.э.д. I мыңжылдықты тарих ғылымында “ерте көшпелілер дәуірі” немесе “ерте темір дәуірі” деп атайды. Өз бастауын қола дәуіріндегі Бегазы – Дандыбай тайпаларынан алатын сақ-скиф қауымдастыры б.э.д. VIII-VII ғғ. Таю Шығысқа сан алуан жорықтар жасап, Египет, Мидия, Ассирия патшалықтарының қауіпті көршісі болды. Олардың өсіресе жиі араласқаны Ахеменид Әuletі билеген ежелгі парсы жұрты еді. Олардың қарым-қатынасы бірде бейбіт (сақтардың парсы өскерінің құрамында Эллин өлкесіне шабуыл жасауы немесе Спитаменнің Ескендір Зұлқарнайынға қарсы құресіне қолдау жасау), бірде жаугершілік мазмұнда болғаны тарихи деректерден белгілі. Әсіресе, VI ғ. ортасында (530 ж.) Кир патшаның сақ-массагет еліне жасаған шапқыншылығы жылнамашылар тарапынан жақсы сипатталған. Сақ-скиф этномәдени ортасына енген тайпалардың көпшілігі көшпелі мал шаруашылығымен өмір сүрді. Көшпелі тіршіліктің арқауы сан мындаған мал өсіріп, сол малдың ыңғайымен үздіксіз жайылым ауыстырып көшіп жүруде. Геродот “олар ағаш үйде тұрады” дегенде, алдымен көшпелілердің осы өмір салтына лайық кигіз үйін айтқан болар. Александр Македонскийдің атасы Филипп патша сақ-скиф еліне жасаған бір жорығында 20 мыңдан астам асыл тұқымды жылқыны айдал оралды делінеді, ол да болса көшпелілердің негізгі кәсібі жылқы өсіру екенін ай фактаса керек. Сақ-скифтердің алдында Таю Шығыс пен Еуропаға танылған көшпелілерді “киммер” деп атайды, бұл белгілі бір халықтың аты емес, жалпы салт атты жауынгер ел дегенді білдіреді. Көне Греция тарихшылары жазып алған сақтардың этногенеалогиялық аңыздарына қарағанда,

көшпелілердің шыққан ортасы Орталық Азия. Олардың бабасы – Тарғытай-Тәңірі (Папай) мен өзен Құдайы (Борисфена) арасындағы махаббаттың жемісі, алғашқы адам. Сақ аңызы бойынша Тарғытайдан үш үл бала тарайды: Липоксай, Арпоксай, Колаксай. Осылардың заманында аспаннан бірнеше асыл зат түсіп: айбалта, тостаған, мойын-түрық – скиф еліне нышан беріледі. Екі үлкен ағасы ала алмаған нәрселер Колаксайға бұйырып, сақтың төл жұрты кенже балаға еншіге тиеді.

Сақтар туралы деректердің негізгі көзі – Қара теңіз жағалауларына орныққан грек колонияларының тұрғындары. Екі ел шаруашылық-мәдени тұрмыста жиі араласқан. Тіпті сақ ортасынан ұлы философ Анахарсистің шығуы да осы араластықтың жемісі деп тану керек.

Ол кезеңде сақ-скиф тайпалары аздал егіншілікпен айналасқан. Оған күә скиф қалалары аталатын Батыс өлкедегі отырықшы қоныстар (Неаполь). Ал енді қазақ сахаrasын мекен еткен қауымдар (аргиппей, исседон, гипперборей, дай (дах), массагет т.б.) таза көшпелі мал шаруашылығынан айырылмаса керек. Жоғарыда айтқанымыздай, сақ елінің тығыз араласқан өркениетті өлкесінің бірі – Иран жұрты. Екі ел арасында тек жаугершілік қана болып қойған жок, мәдени де қарым-қатынас тығыз дамыды. Оның тамаша көріністерін көшпелілердің материалдық мәдениетінен айрықша сезінеміз. Сақтар туралы деректер Иранның Персеполь сарайының іргетасына, Бехистун тас жазуына іліккен, тіпті сақ суреті де бар. Парсылар сақтардың үшке бөлінетінін баяндайды – тигра-хауда – жебе бас киімділер, хаомаварга – хаом қайнатушылар, тиай-парадарайа – теңізден әрілер. Бұлардың көпшілігі Қазақстан жерін мекендей, тамаша ескерткіштер қалдырган. Сонымен қатар, сақтар жөнінде Қытай деректері де кездеседі. Мәселен, Шығыс Түркістан, Жетісу өлкесін ғұндар мен үйсіндерге дейін “сә” елі мекен еткен. Оларды батысқа қарай тықсырған юечжілер еді делінеді. Осы қозғалыс сә (сақ) тайпаларын Орта Азия жеріне, одан әрі Солтүстік Индия өлкесіне жетелегені белгілі. Бұл оқиғалар б.э.д. III-II жүзжылдықтарда болған. Сақтардың әлеуметтік құрылымы көшпелілерге тән қасиеттерімен танылады. Елдің көпшілігі жауынгерлікті кәсіп еткен, руларға біріккен еркін азаматтар. Саяси тізгін Тарғытай нәсілінен

тараған патшаларда, дегенмен, елдің тағдыры үлкен кеңестерде шешіледі. Бұл салт Кир жорығына қатысты дайындықтың кезінде анық көрінеді. Көшпелі сақ этномәдени қауымдастығына енген рулардың ішінде әлеуметтік-саяси өмірде белсенді қызметке ие болғандары да немесе солардың айтқанымен ғана қозғалатын бағыныштылары да бар. Осыған қарағанда, әлеуметтік өмірдің бір реттеуші салты рулардың ішкі иерархиясында деп ойлауға тұра келеді. Мемлекеттік институттардың қалыптасуы сырттан түсетін алым-салық мөлшеріне тығыз байланысты болса керек. Себебі, сақ-скиф қоғамында саяси биліктің іргетасы болатындағы экономикалық негіз сезілмейді. Геродот Еспакқай көсемнің заманында сақтардың 28 жыл бойы Таяу Шығыста жорықта жүргенін жазады.

Сақ-скиф заманы адамзат баласы үшін өте маңызды кезең. Б.э.д. VIII-VII ғғ. дейін әлемнің қай өлкесі болмасын өз бетінше, бейтарап дамып келсе, осы уақыттан бастап күрт өзгерістер басталғанын сезінеміз. Сондықтан ол дәуірді “кіндік уақыт” деп те атайды (К. Ясперс). Осы әлемдік жарыска Еуразия ішкі өлкесін мекендерген сақ-скиф тайпалары елеулі үлес қости. Олар Батыс пен Шығысты бір-бірімен араластырып, өркениет жетістіктерін үйлестіріп отырды. Көшпелілер Еуразиялық деңгейде рухани салт-дәстүрдің, дүниетанымның қалыптасуына тікелей ықпал етті. Мемлекет аталатын құбылыстың өзі де ол заманда көшпелілердің отырықшы елді бағындырып, басқару жүйесін жасауымен тығыз байланысты еді. Егер қазақ этногенезі тұрғысынан келсек, сақтарға тән құндылықтар (Тарғытай-Алаша хан, оның үш ұлы – қазақтың үш жүзі, әлеуметтік символдар, көктен түскен қасиетті заттар, әлеуметтік страттар құрылымы) өте өміршең екеніне көзіміз жетеді.

## ӘКЕСІ – ТӘҢІРІ-ҚӨҚ, ШЕШЕСІ – БАЙ АНА – ТАРҒЫТАЙДЫҢ ҮРПАҚТАРЫ

1. “Скифтердің айтуыша, олар барлық халықтардан жас және шығу тегі былай: бұрын адам аяғы баспаған олардың жерінде Тарғытай атты бірінші адам туған; Тарғытайдың ата-анасы деп, менің ойымша қателескен болар, олар

Зевс пен өзен күдайының қызы Борисфенаны атайды. Соныменен, Тарғытайдың шыққан тегі осылай, олардың айтуынша, ал одан үш ұл туған: Липоксай, Арпоксай және кенжесі Колаксай. Олардың заманында скиф жеріне аспаннан алтын заттар түскен: соқа, мойынтурық, айбалта және тостаған. Ағайындылардың үлкені бұл заттарды бірінші көріп қойып, жақындалап барып, алайын деп үмтүлғанда, алтын жалындалап, оны жолатпады. Ол кетісімен, екіншісі жақындалап еді, алтынмен жаңағы тағы қайталанды. Соныменен, алтын жалындалап, өзіне оларды жақыннатпады, бірақ үшінші бала, ең кенжесі, жақындағанда алтынның жануы тоқтап, ол алтынды өзіне алып барды. Үлкен агалары осы таңғажайып оқиғаның мағынасын түсініп, бүкіл патшалықты кенжесіне берді.

Сейтіп, енді Липоксайдан қазір “аухат” атанып жүрген скиф руы тарады, ортаншысы Арпоксайдан “катиар” және “траспи” атанғандар, ал кенжесі Колаксай патшадан: “парат” атанатындар тарады; олардың бәрінің ортақ аты – “сколот”, бір патшасының атына байланысты қойылған атау, ал оларды скиф атандырғандар – эллиндер. Міне, осылай баяндайды өзінің шығу тегі жөнінде скифтер, олардың бірінші патшасы Тарғытайдан, яғни өз бетімен өмір сүре бастаған уақытынан Даридің оларға жасаған жорығына дейін, сөздеріне қарағанда, орташа есеппен мың жыл, иә, дәл сонша уақыт өтті”.

2. “Геракл, Герионның өгіздерін айдал келе жатып, қазір скифтер мекен етіп жүрген, ал ол кезде жан баласы жоқ бос жерге кездесті. ...жолда оны қатты аяз бен үскірік жел бөгеп, амалсыздан арыстан терісімен қымтанаң, батыр үйқыға кетеді, осы уақытта түсініксіз бір ғажайыптың күшімен оның жылқылары жайылымнан жоқ болып кетті. Үйқыдан оянған Геракл оларды іздел, бүкіл жерді аралап кетті, ең ақырында Тогай деп аталатын жерге жетті; міне, енді осыдан үңгірді мекен еткен жартылай қыз, жартылай жылан бейнелі аралас нәсілді жан иесін кездестірді, оның денесінің жамбастан жоғары жағы – әйел, төменгі жағы – жылан еді. Оны көріп, таң қалып, Геракл өз сауалын қойды, жоғалып кеткен биелерін осы маңдан көрген-көрмегенін білгісі келді; бұл сұраққа ол: “Иә, биелер осы жерде, бірақ оларды сен маған үйленсең ғана қайтарамын”,

— деп жауап берді. Геракл осы шартқа көнді, бірақ әйел жылқыларды қайтаруды кешіктіре берді, Гераклмен неғұрлым көбірек бірге өмір сүрсем дегенді қалады, ал батыр болса, жылқыларын алып тезірек осы жерден кетсем деп армандасты. Соныменен, ақырында ол: “Мен сенің адасып, осы жерге келіп қалған жылқыларыңды аман сақтадым, сен де сөзінде тұрдың: менің сенен туған үш ұлым бар. Олар өседі; не істесем еken, олар осы жерді, менің жұрттымды, мекендересін бе, әлде саған жіберейін бе? Соны айт?” — деген сөздермен қоса жылқыларын қайтарып берді. Иә, ол әйел осы сауалды қойды, Геродот, елдің ай-туынша, былай деп жауап беріпті: “Ұлдардың ер жеткенін көрген соң, былай жасағаның дұрыс болады: мына садақты осылай қылышп тарта алады ма, мына белдікті (кісе) осылай қылышп, менше буына ала ма? Осыған қара, солай істегеніне осы жерді қоныска бер, ал енді жаңағы айтқанды жасауға шамалары келмесе, оларды бұл жұртта ұстама. Осыны атқарсан, сен өзің де риза боласың және менің де тілегімді орындаісың”.

Гераклдың екі садағы болатын, осы сөздерден кейін оның бірін тартып көрсетті, кісені буынудың әдісін үйретіп, айылбасы алтын тостаған кісе белбеуін әйелге берді, ал өзі еліне қайтты. Әйел ұлдары ер жеткенде оларға есім берді, бірін — Ағафирс, одан кейінгісін — Гелон, ал кенжесін — Скиф деп атады, ал содан кейін Гераклдың осиетін еске алып, оларды сынады. Ұлдарының ұсынған ерлік сынына төтеп бере алмай, жұрттан кетті, ал кенжесі — Скиф тапсырманы орындалап, жұртта қалды. Қазіргі күнгі скифтің патша руы ел билеп отырған Гераклдың осы Скиф деп аталатын ұлынан тараған. Осылай деп Понт бойында өмір сүретін эллиндер әнгімелейді”.

3. “Ең бастысы, мен өзім көбірек сенетін тағы бір әнгіме бар. Ол әнгіме бойынша, Азияда мекен еткен көшпелі скифтер массагеттермен болған соғыстан кейін ығысып, Аракс өзенінен өтіп, киммерлердің жеріне енді. Шынында да, қазір скифтер иелік жасап жүрген жұрт, олардан бұрын киммерлердің болғанын ел айтады. Скифтер шабуыл жасап, қалың әскермен төніп қалғанда, киммерлер өзара кенес өткізе бастады, бірақ олардың пікірлері екі жарылды,

екі жағы да өз дегенінен қайтпай тұрып алды. Дегенмен, патшаларының айтқаны ақылға қонымды еді: ал халық болса саны көп әскермен соғысып, өздерін қатер-қауіпке душар қылғанша ауа көшкен дұрыс деп, патшаларының отан үшін шабуылға қарсы тұрайық дегеніне көнбей қойды. Соныменен, патшаларын ел тыңдаған жоқ, патшалар болса елдің айтқанына құлақ асқан жоқ, ел болса туған жерді жауға беріп, соғыссыз шегінгенді дұрыс көрді, патшалар елмен бірге қашқаннан ғөрі туған жерде жау қолынан өлгенді дұрыс көрді... Осылай деп шешілгеннен кейін патшалар бастап, саны тең екі топқа бөлініп, өзара соғысты. Осы өзара қырғынның кезінде өлген бүкіл патшаларды киммер халқы Тирас өзенінің бойында жерлеп, қорым әлі кунге дейін көрініп тұрады, жерлегеннен кейін бұл жерден қоныс аударды. Сол себепті басып енген скифтер халқы жоқ, күр бос жатқан өлкені иемденді”.

1. Геродот кітабынан біз үш генеалогиялық анызды ұсынып отырмыз. Олардың алғашқы екеуі – өте көне дүниетаным сілемінен хабар берсе, үшіншісі – сақ-киммер саяси қарым-қатынасының інтижесі.
2. Эллин – гректің өз атауы.
3. Дари – парсы патшасы.
4. Геракл – батыр деген мағынада.
5. Зевс – Тәнірі, күн, аспан құдайы деген мазмұнда қолданылған.
6. Борисфена – жер-су құдайы, Ұмай немесе Бай ана түсініктеріне сәйкес.
7. Тирас – Днестр болуға тиіс.

*Геродот. История в девяти книгах. – М., 1972. – IV болім, 8-12, 5-7-бб.*

## ИАФЕСТИҢ ӨСИЕТІ

“Иафесті біреулер “пайғамбар еді” дейді, біреулер “пайғамбар емес” дейді. Иафес атасының әмірімен Жуды тауынан кетіп, Еділ мен Жайық суының арасына қоныс тепті. Екі жұз жыл онда тұрып, опат тапты. Иафестің сегіз ұлы бар еді, үрпақтары көп болатын. Олар мыналар: Түрік, Хазар, Сақлаң, Орыс, Мен, Шын, Кеймар, Тарих. Иафес

олерінде өз орынына үлкен ұлы – Тұрікті отырғызып, өзге үлдарына: “Баршаңыз Тұрікті патша біліп, оның сөзінен шықпаңыздар”, – деп өситет қылды, оған “Иафес үғланы” деген лақап қойды. Иафес өте ақылды және әдепті кісі еді, атасынан кейін оның қалдырған жерін аралап көрді. Оған, өсіресе, Ыстықкөл деген жер қатты ұнады, сол жerde тұрып қалды. Тұріктердегі кейбір рәсімдер сол кісіден қалды. Тұріктің төрт ұлы бар еді: Тұтік, Хақал, Барсажар, Амлақ. Тұрік өзі өлер шағында Тұтікті өз орынына отырғызып, қайтпас сапарға кетті. Тұтік ақылды, дәулетті, жақсы патша болды. Тұрік арасында көптеген әдет-ғұрып ережелерін шығарды. Парсы жұртының алғашқы патшасы – Кеймарспен замандас еді. Күндерде бір күн анға шығып, киік ұстап, көуап етіп жеп отырғанда бір турам ет жерге түсіп кетті. Оны жерден алып аузына салғанда, сондай бір дәмді болды. Сөйтсе, ол жер тұзды жер екен. Асқа тұз салу содан қалды. Тұтік екі жұз қырық жыл ғұмыр кешкеннен кейін, өз орынына ұлы Елше ханды отырғызып, өзі Барсакелмес деген жерге кетті. Елше хан тағы көп жылдар патшалық құрып, асарын асап, жасарын жасап, атасының артынан кетті. Өлеріндеұлы Деббакойды орынына қалдырды. Дебтің мағынасы – тақтың төменгі жері, бақойдың мағынасы – елдің үлкені деген болады. Ол көп патшалық құрып, достарының күлгенін, дүшпандарының жылағанын көріп, сүйсініп, ұлы Күйік ханды өз орынына қалдырып Барсакелмеске кетті.

Күйік хан ата тағына отырып, бірнеше жылдар әділ патшалық құрып, алтыншы ұлы Алыншаны өз орынына қалдырып, халық баратын жерге аттанды...”

1. Бұл анызда Таурат жүйесіндегі өнгімеге түріктердің көне генеалогиялық сюжеттері енген. Дәл хронологиясын анықтау қыын, дегенмен, ерте көшпелілерге қатысты болса керек.
2. Тұрік және Авестадағы “тур” халқы бір-бірінен окшау емес.
3. Кеймарс (Гайумарс) – Иран мифологиясындағы ірі тұлға, алғашқы адам – алғашқы патша.
4. Иафес – ерте әдеби нұсқаларда өр түрлі айтылады: Яфет, Яфес, Жаппас. Қазактар кейде “Faқаша сахаба” деген атауды да колданады.
5. Алынша – Алаша.

*Әбілгазы. Шежіре-түрік. – 12-13-бб.*

## КИР МЕН ТОМИРИС


“Азияны бағындырып және өз билігіне бүкіл Шығысты қаратып болған соң, Кир сақ еліне соғысқа аттанды. Ол заманда сақтардың патшайымы – Томирис еді. Жау шапқанда қандай да әйел болсын үрейленер еді, ол қорықкан жок.

Томиристің жауды Өкістен өткізбеуге мүмкіндігі болды, бірақ, не де болса, сақтың кең даласына енсін, соғысуға жеңіл болады деп есептеді, оның үстіне жау жағы жеңілген жағдайда алдынан өзен бөгеп қашуы қын болар еді. Кир өзеннен өтіп, Сақ өлкесіне бірталай еніп барып, жорық шатырын тікті. Екінші күні, қорыққандай түр көрсетіп, шатырын тастап, қашқандай қимыл жасады. Ал енді аяқ шалдырган жеріне тойға керекті нәрсені түгел, әсіресе, шарапты мол қылып тастап кетті. Осы хабарды патшайымға жеткізгенде, өз әскерінің үштен бірін беріп, жас ұлын жауды қууға жұмсады. Әскери істе сынналмаған жас бозбала Кир шатырына жетісімен соғыста жүргенін, жаудың жақын екенін ұмытып, тойға келгендей өз көшпелілерін шараптан қаға алмады. Сонымен, қарудан жеңілмеген сақтар, арактан жылдам жеңілді. Осыны білісімен-ақ, Кир түн ішінде қайта оралып, бей-қам жатқан сақтардың бәрін патшайымның ұлымен бірге қырып салды. Әскерін жоғалтып, жалғыз ұлынан айрылып қалған Томирис патшайым көз жасына ерік бермей, қайта жеңісін тойлап жатқан жаудың өз зұлымдығын өзіне қайтару үшін кек алмаққа бекінді. Оның амалы табылды да. Ол өз әскеріне жеңілістен кейін сенбегендей түр көрсетіп, соғысдан қашқақтап, ақыр түбінде сонынан құған Кирді тау шатқалына қамап, алдынан тосқауыл қойып, жан-жағынан қамап алды. Сол жерде патшамен бірге 200 мың парсыны сақтар қырып жіберді. Бұл жеңілістің таң-қаларлығы – қырғын соғыстан парсы еліне хабар жеткізетін бір адам тірі қалған жоқ. Патшайым Кирдің басын адам қанымен толтырылған торсыққа салып: “Енді қанға той, сен қашанда оған құмар болдың және оған ешқашан да тойған жоқсың”, – деп, оның қаталдығын айыптады”.

## Шарттың белгілер:

- Ⓐ Ерте көшпелілердің ең көңкесті
- С Сактардың Таяу Шығысқа аттанған жорбысы (VIII ғ. д.э.)
- С Сактардың Үндістан мен Иранға жорбының және миграция-сынын баяндау
- Сактардың ахеменид аскеріне карсы соғысы

1. Кара оба
2. Быковка, Рубежка
3. Бегет, Талдысай
4. Алакөл
5. Айдабол
6. Тасмола
7. Жыланды
8. Кара ағаш
9. Кызыл су
10. Берел
11. Шілкіті
12. Бесшатыр
13. Бірлік
14. Есік
15. Берік кара
16. Үйарақ
17. Кара бие,
- Сыпра оба



*Сак дауірі (б.з.б. I мын. жыл)*

1. Кир – Ахеменид әулетінен, парсы патшасы, өлген жылы – б.э.д. 530-ж. Әмудің Каспий теңізіне құтын Узбой саласында қайтыс болған. Ерте замандарда Узбайдың арнасымен Әмусы негізінен Каспий теңізіне күйған.
2. Томирис – сақ патшайымы. Деректер бойынша парсымен соғысқан сақтардың “массагет” деп аталатын рулары. Кир алдымен Томириске құда түскен, бірақ мәселе массагет билігі болғандықтан, патшайым бас тартқан. Кир қолынан қаза тапқан ханзаданың аты – Спаргапис. Геродот ол жөнінде: “Спаргапис қолға түскеннен кейін, өзін өлтірді”, – деп жазады. Оның баяндауынша, бұл соғыс көшпелілер қатысқан ең қатігез, қантөгіс соғыстардың бірі. Шайқас күн ұзынға созылған, ақыр соңында парсының қатары сөгіліп, қаша бастаған.
3. Өкіс – Әмудария өзені. Ол заманда Сырды Яксарт атаған, бертінірек Әмуді – Жейхұн, Сырды – Сейхұн атаған уақыттар да болды.

*Юстин. Эпитома сочинении Помпея Трога.  
Вопросы древней истории. –  
1954. – 2-4-бб; 1955. – 1-б.*

## АЛТЫН АДАМ

“Есік обасынан табылған комплекстің ғылыми, тарихи-мәдени бағасын анықтау қыын. Қазба жұмыстарының нәтижесінде Есік қорғанынан табылған өте құнды, көлемді информация гуманитарлық ғылымдардың ірі саласына – көне тарих, мәдениет тарихы, өнер мен жазу, тіл сияқты Қазақстан ежелгі тарихының құрамдас бөліктеріне әсер етері сөзсіз. Бұл информацияны қорыту, жинақтау ежелгі қоғамға (көшпелілер қоғамына) қатысты қалыптасып қалған көптеген дәстүрлі көзқарастарды жоққа шыгарады.

Есік олжасы жақсы сақталғандықтан, жерлеу ғүрпyn қалпына келтіруге, салтанатты бас киімді, киім мен аяқ киімді, әр түрлі әшекейлердің орналасу ретін анықтауға мүмкіндік берді. Осы түрғыдан және өнер туындыларының орындалу шеберлігі мен табылған алтын заттардың саны жөнінен Есік қазынасы салыстыруға келмейтін, айрықша табыс.

Табылған заттардың ішінде Қазақстан жерінде пайда болған көне жазудың бірден-бір айғагы – жазуы бар күміс тостаған ерекше орын алады. Қазіргі күні осыдан 2400 жыл бұрын Қазақстандық сақ-скиф тайпалары жазу мәдениетін игерген деген ғылыми мәселені көтере аламыз... .

Есік қорғанынан табылған өнер туындылары өнер тарихының жарқын бетін ашады. Бұл туындыларды Жетісу сақтарының өкілдері – суретші-шеберлер жасап шығарған. Олардың осы өлкеде жасалғанына ешқандай күдік жок...

Дегенмен, Есік обасында табылған өнер туындыларының Таяу Шығыс, соның ішінде ахеменидтік Иранның өте зор әсерінің арқасында пайда болғанын олардың жергілікті ортада жасалғаны жоққа шығармайды. Бұл әсер Есіктен табылған өнер туындыларында анық сезіледі.

Есіктік сақ өнеріндегі “аң стилі” – синкретті өнер, екі түрлі компоненттің қоспасы: төл және сырттан енген дәстүр. Бірақ екі арадағы шекараны ажырату өте қиын, Есік – біртұтас, ертеде қалыптасқан мәдениет нышаны...

Еуразия тайпаларының “аң стиліндегі” өнерді дамытуға сінірген еңбегі өлшеусіз мол. Шынтуайтына келгенде, Еуразия – б.э.д VII-V ғғ. түзілген скиф-сібірлік өнер салтының отаны”.

1. Күміс тостағандағы жазу өлі күнге оқылған жоқ. Тілшілердің арасында екі үдай пікір бар: бірі – оны түрікше десе, екіншілері – иранша жазылған дейді.

*К.А. Ақиев. Курган Иссык (искусство саков Казахстана). – М., 1978. – 85-89-бб.*

## МҰРТТЫ ҚОРҒАНДАР

“Орталық Қазақстанның кең сахараасын ерте темір дәуірінде формасы жағынан біртекті, орнықты зират құрылсының үлгісін қалдырған тайпалар мекендеген.

Сарыарқаның батысы мен шығысын, солтүстігі мән онтүстігіндегі ашық дала мен таулы өнірлерді қоныстанып, өзен жағалауларын жайлап, бұл тайпалар екі түрлі қорған

ескерткіштерді тұргызған. Оның бірі – тастан немесе топырақ араластырып үйлсе, екіншісі – тас, топырақ, сонымен қатар, монументальді құрылыстардан тұрады. Фылыми әдебиетте бұл қорғандарды онша сәтті алынбаған атаумен “мұртты” қорғандар деп атайды. Орталық Қазақстан өнірінде орын тепкен өзге ескерткіштерге қарағанда, “мұртты” қорғандар үлкен зират болып саналмайды. Бір қорымда, көп болса, 10-15 қорған орналасқан. Қорғандардың екі түрінің ара салмағы бұл қорымдарда бірді беске немесе онға шаққандай, яғни, 10 кәдімгі қорғаны бар қорымда тас қатары (мұрты) бар бір қорған кездеседі. Әрине, бұл ара қатынас Орталық Қазақстанның барлық жеріне тән емес. Екінші типті қорғандары бар ірі қорымдар Орталық Қазақстанның таулы өлкесінің Ұлытау, Шет, Актоғай және Қарқаралы аудандарының жерінде жиі кездеседі. Осы аталған аудандарға іргелес жатқан перифериялық өлкелерде олардың саны біртіндеп азая береді. Жалпы айтқанда, “мұртты” қорғандардың орналасқан аясы анық: батыска қарай оның шекарасы Ұлытау мен Есілдің басын, солтүстігінде Қекшетаудың Шортанды және Бурабай көлдерін, шығыста Баянауладан әрі Шыңғыстауға дейінгі таулы-қыратты өлкені қамтиды. “Мұртты” қорғандардың онтүстік шекарасы Балқаш көлінің солтүстік атырабы мен Бетпақ далаға барып тіреледі.

Сонымен қатар, біз нұсқап отырған меже ескерткіштердің ен бір шоғырланған тұсы, бұл жерлерден тыс өлкелерде де осы типті қорғандар болуы ғажап емес. Мәселен, Еділ бойынан осындай қорған ашылғаны белгілі. Онтүстік Қазақстан мен Жетісу жерінде де бірнеше қорғандар анықталды. Бұл ескерткіштердің өзгеше құрылымы Тасмола мәдениетін сақ-скиф заманының басқа да мәдени үлгілерінен ерекше бөліп алуға мүмкіндік беретіні белгілі. Енді осыған тоқталсак.

Осы күні “мұртты” қорғандардың құрделі жерлеу комплексінің айғағы екендігі және оның бірнеше варианттан тұратыны зерттелді. Ол өте көлемді ортаңғы тас қорғаннан және шығыска қарай немесе қашықтау орналасқан кіші қорғаннан тұрады. Осы кіші қорғаннан шығыска қарай жал болып жалпақтығы – 1,5-2 м және ұзындығы – 20-200 м, кейде одан да көп, екі қатар тас құрылыш жасал-

ған. Тас жал жартылай доға болып созылып, басы мен аяғында дөңгелек қорған тектес тас үйінділермен аяқталады. Соныменен, “мұртты” қорған дегеніміз үш құрамдас бөліктен тұрады: адам жерленген ұлкен қорған, аттың қаңқасы және қыш ыдыстар сақталған кіші қорған және тас жалдар.

Әрбірін жеке алып зерттеген уақытта ғалымдар қате пікірге ұрынады, сондықтан бұл комплексті тұтас алып қарау керек”.

1. Тасмола мәдениеті – сақ – скиф этникалық қауымдастыры туғызған ең көрнекті ұлгілердің бірі. Ол мәдениеттің ең кең тараған жері – далалық өлке. Қорғандар негізінен тастан көтерілген, тұтас ру-тайпалардың қатысуымен ғана пайда болса керек. Қорғандардан табылатын бағалы заттар шектеулі. Қебінесе, ат әбзелі: ер-тұрман немесе жылқы сүйектері кездеседі. Жалдың соңындағы кішкене қорғандарда жанган оттан қалған күл қабаты бар. Тас жалдардың шығысқа бағытталуы, дөғал болып келуі көптеген ғалымдарды ойға салып, әр түрлі гипотезалардың тууына мұрындық болып жүр. Орталық Қазақстан жерінде жиі кездесетін “мұртты” қорғандар әлі де құпия жұмбақтарын ашқан жок.

*M.K. Қадырбаев. Памятники Тасмолинской культуры.  
Древняя культура Центрального Казахстана. –  
Алматы, 1966. – 307-308-бб.*

## ЕР ЖҮРЕК АМАЗОНКАЛАР

“...аңыз бойынша эллиндер амazonкалармен соғысып, Термодонт түбіндегі шайқаста оларды женіп, тұтқынға алған амazonкаларды үш кемеге отырғызып, теңізге шықты. Ашық теңізде жүзіп келе жатқанда амazonкалар еркектерге тап беріп, оларды шетінен қырып тастанап, тұтқыннан босады. Бірақ өздерінің кемені, оны жүргізуді білмегендігі себепті, не желкенмен, не ескекпен кемені басқара алмай толқын айдалап, жел қуып, Меотия көліндегі (Азов теңізі) Шақпақ жартас деген жерге келіп тоқтады. Бұл Шақпақ жартас еркін скифтердің жерінде орналасқан еді. Осы жерде кемедегі амazonкалар адамдар мекеніне бағыт

алып, жолда кездескен жылқы табынын үстап, атқа мініп, скиф иеліктерін тонай бастады...

...Ақыр сонында амазонкалармен соғысдан абырой таппасын білген скифтер оларға бір топ жас жігіттерді жіберіп, үйлендірді, сонымен, амазонкалар скиф тілінде сөйлейтін болды. Жас скифтермен қосылған соң олар Танаис (Дон) өзенінен өрі өтіп, қоныс сайлады. Осы ел кейін “савромат” (сармат) атанды. Осындай жағдайға байланысты савромат әйелдері ерте заманнан ерекше өмір салтын үстәнады, олар: атқа мініп еркектермен бірге немесе өздері-ак аңға шығады, еркектермен бірдей киініп, соғысқа аттанады. Савроматтар скиф тілінде сөйлейді, бірақ ерте уақыттан бері бөлектеу, себебі амазонкалар толық ол тілді мен-гермеген. Неке туралы оларда мынадай тәртіп қалыптасқан: ешқандай бойжеткен өзінің бір жауын өлтіргенше, күйеуге шықпайды, ал енді осы талапты орындаі алмағандары қартайғанша, тіпті өлгенше, күйеусіз отырады”.

1. Савромат (сармат) – Батыс Қазақстан, Еділ бойын мекенде-ген сақ-скиф текстес ел. Олардың тұрғызыған қорғандарынан қару-жарақ өте мол табылады. Амазонкалар туралы аңыздың савроматпен байланысы қызықты ойларға жетелейді. Себебі, осы жағдай ерте көшпелілер арасында матриархалдық қоғамның қалдықтары мол болғандығын көрсетсе кепек.
2. Эллиндер – ежелгі гректер. Аңызға олардың кездейсок кіруі мүмкін. Грек жазушылары скиф батырын – Геракл, Тәніріні – Зевс деп атай береді.

*Геродот. История в девяти книгах. –  
М., 1972. – IV-бөлім. – 110-117-бб.*

## “ДУДАР ҚЫЗ ЕРТЕГІСІ”

“...Қыз үйіне келді, төсегіне жатып жылады. Әкесі айтты: “Жылама, басынды көтер,” – деді. Қыз басын көтергенде, әкесі қыздан: “Балам, не аласын?” – деді. “Әке, жағың мен оғынды берсөң, аламын, қара күнді, кара түйені, құла тайды берсөң, аламын”, – деді. Әкесі айтты: “Қара күнді, қара түйені, құла тайды беремін, жағым мен оғым-

ды бермеймін”, – деді. Қыз жылады, сонаң соң шешесі байына ұрысты: “Қызыңнан сенің жағың мен оғың артық па? Балам сұраса, бер! – деді. Бермек болды. “Ал, берем!” – деді. Қыз жылқыдан құла тайға құрық салды – құнан болды, жүгендеді – дөнен болды, ерттеді – бесті болды, қыз мінді – алты жасар ат болды. Қара түйені ұстап алып берді, қара құнді сол түйеге мінгізді, қыз бәрін де алды. Қүйеу қызға айтты: “Мен алдымен озамын, ұзыннан си-зылған жер болса – жұр, дөнгелек сизылған жер болса – қон”, – деді. Қүйеу кетті, қыз қалды. Құла ат айтты: “Ал, Дудар қыз, қүйеуін неге озып кетті, білдің бе?” – деді. Дудар қыз айтты: “Білгенім жок”. Құла айтты: “Мен білдім, қүйеуің қасқыр болып қайтып келіп түйені жейді, қара құнді жейді”, – деді. Азырақ жерге барып еді, бір ұлкен қасқыр келе жатыр. Қасқыр келді де, қара түйені жұтты, қара құнді жеді. Қасқыр кетіп қалды. Бір уақытта жігіт болып құбылып артынан келді, қараса – қүйеуі еken... .

...Сонда ат үйге сүйкенді. “Атты бір жерге байлайын”, – деп Дудар қыз үйден шығып кетті. Шығып атқа мінді, садағын, оғын алды. Ат айтты: “Көзінді жұм, үш күн, үш тұн көзінді ашпа”, – деді. Құла ат үш күн, үш тұн барып тұсті. Құла ат тұра қалды. “Ерімді, тоқымымды ала көр”, – деді. Ер тоқымын Дудар қыз алды, аттың бір қабат терісі тоқымымен бірге алынды. Ат аунады, әрі-бері оттады, бұрынғы қалпына тұсті. Жүгіріп ат кетсе, далада бір адам жұр еken. Ат Дудар қызға қайтып келді: “Ертте, мін маған”, – деді. Баяғы көрген кісіге әкелді. “Ассалаумагалей-кум!” – деді. “Ұағалайкумассалам!” – деді. Жігіт айтты: “Кімсің?” – деп. Қыз айтты: “Мен бір ермін, аң атқалы жүрмін”, – деп. Жігіт айтты: “Мен бір ермін. Мен аға болайын, сен іні бол. Біреуі аға, біреуі іні болды. Екеуі аң атты, қыз бір атқанда екі құланды, анау жігіт бір құланды атты...”

1. “Дудар қыз” ертегісі архаикалық ертегілердің қатарына жатады. Оның мазмұнына аналық дәуірінен аталық дәуіріне өтетін кезеңге сай, ерте бақташылық дәстүрлөрі көп енген. Бұлардың қатарына: жылқы күльті, қасқырдың тотемдік образы, ерлік салты, т.б. қосамыз.

## ЕРТЕ КҮНДЕ ОТТЫ КҮННЕҢ FҮН ТУФАН (Fүн заманы)

Б.Э.Д. I мыңжылдықтың ортасында Орталық Азия да-  
ласында рулардың ірі одағы қалыптаса бастады. Қытай және  
антикалық жазба ескерткіштері оларды “Fүн” (хунну) деп  
атаушы еді. Fүндардың өз шежіресіне қарағанда (б.э.басы)  
“олардың тарихы мың жыл бұрын басталған” еді. Fүндар-  
мен қатар екі дәуірдің шектесетін уақытында усунь (үйсін)  
және кангью (қанлы) тайпалық одақтары да көшпелі  
мәдениеттің тың ұлгілерін жасады. Орталық Азияны мекенде-  
ген ондаған ірі рулардың басын қосқан Fүн мемлекеті  
б.э.д. III ғ. Тынық мұхиты мен Каспий теңізі аралығын,  
кейінірек Орталық Еуропаны қамтыған ұлан-байтақ им-  
перия құрды. Еуразия тарихында бұл көшпелілердің жа-  
саған алғашқы империясы. Үйсіндер алғашқы кезеңде  
Шығыс Түркістанды мекендей, ал юечжі тайпалары онтүс-  
тік-батысқа жер ауған соң, Жетісу мен Фердана өлкелеріне  
орнықты. Сол дәуірдегі көрнекті одақтың бірі – қанлы-  
лар, өуелден Сырдария өлкесімен тығыз байланысты (Авес-  
тада Сыр бойына қатысты Канхга атаяу кездеседі). Әрине,  
Fүн, үйсін, қанлы руларының қоныстану мәселесі толық  
шешілді деуге өлі ерте, оның үстіне халықтардың Fүндар  
бастаған қолы қоныс аударуы кезеңінде (III ғ. бастап) эт-  
нотерриториялық картага елеулі өзгерістер енгені даусыз.

Б.Э.Д. 200-ші жылы Fүндарға қарсы Қытайдан Гао ди  
бастаған (патша) ірі қол аттанды. Олар жылдан-жылға  
кушайіп келе жатқан көшпелі мемлекетті тізе бүктіру ние-  
тімен шекаралық өлкеде билігін нығайтуды көздегенін  
жылнама жасырмайды. Бірақ Fүндарға қарсы соғыста пат-  
шаның өскері жеңіліп, оның өзі қолға түсті. Одан кейінгі  
қарым-қатынас Fүндардың пайдасына жүргені анық. Бір-

неше жұз жылдар бойы Қытай көшпелілерге тәуелді болып келді. Осы соғыста Қытай жылнамашысы ғұн әскерлерінің батыс бөлігі – ақ боз атқа, шығыс бөлігі – ақ тұмсық күрәт атқа, солтүстік бөлігі – шұбар атқа, ал енді оңтүстігіндегілер – жириң атқа мінгендігін суреттейді. Мұның өзі ғұн қауымдастығына енген рулардың нағыз көшпелі жыл-қы өсірушілер екендігін дәлелдесе керек. Үйсіндерге қатысты деректерде “олардың ішіндегі байлары 4-5 мың жыл-қыға иелік етеді” деген мәліметтер бар. Бұл көрсетілген сан ең жоғары шек болмаса керек. Археологиялық деректер ғұн қоныстарында орташа қалалардың орыны барлығын, ал олардың маңында суландыру жүйесі болатынын хабарлайды. Осы сияқты құбылысты үйсін мен қаңлыға қатысты қазба жұмыстарынан да аңғарамыз. Дегенмен, осы аталған рулардың негізгі шаруашылық үрдісі көшпелі мал шаруашылығы болғаны айдан анық. Мәселен, отырықшы өлкелерге ең жақын деген қаңлылардың басшылары арасы 900 шақырым болатын жайлау мен қыстау арасында көшіп жүрген.

Ғұн заманында көшпелі рулардың әлеуметтік тіршілігі күрделі жүйеге орнықты. Оның тамаша көрінісі – ғұндардың мемлекеттік билік құрылымы. Жоғары биліктің атқарушысы – “шаньюй”(шамасы “жәңгір” немесе “шоң” деген әлеуметтік титулдың қытайша транскрипциясы) – көктің ұлы деген лақапқа ие, оны “көк пен жерден туған, күн мен айдан билікті алған ғұнның ұлы билеушісі” деп дәріптейді. Ғұн мемлекетінің негізгі құрамы 24 көшпелі рудан тұрады, олардың әрқайсысын билер – ру басылар басқарады, кейінрек ол руларға шаньюй “түмен басыларды” бекітті. Осылайша мемлекет құрамына кірген рулар 10 мың әскер бере алатын әкімшілік жүйесіне бағынды. Деректерге қарағанда ғұн қауымына енген рулардың басшылары, шаньюйдің туыстары жылына үш рет Лунци тауына жиналып, Тәңіріге арнап құрбандық шалып, мемлекет мәселелерін ортага салатын. Ғұндардың күшеюі көршілес руларға әр түрлі әсер етті. Олардың ішінде юечжі сияқты аянбай соғысып, ақыры жер ауып кеткендері де болды.

Сонымен қатар, үйсін, ухуань сияқты ғұн билігін мойындал, одаққа кіргендері де болды. Бірақ, кейін келе, осы тайпалар б.э.д. 70-ші жылдары ғұн өлкесіндегі жұт

кезінде Қытайға одақтас болып шапқыншылыққа қатысты. Шабуыл жасаушылар ғұндардан 700 мың бас малды олжалап алды.

Орталық Азиядағы ғұн үстемдігі III-IV ғғ. біржолата тылды, бірақ одаққа кірген көшпелі тайпалардың көпшілігі батысқа жылжып, жаңа саяси бірлестіктің іргесін қалады. Сібір және Орал өлкесінен естек жұртын (орал-фин тайпалары) бағындырып, олардың біразын өзіне қосқан ғұн тайпалары, одан әрі славян қауымын ілеңстіріп, ақыры Қара теңіз манында герман тілдес гот тайпаларымен көрші қонды. Бірнеше жылдың ішінде сармат-алан және герман-гот тайпаларын тас-талқан еткен ғұндар 376 жылы Рим империясының шекарасына ілінді. Батыс Еуропаны жаулап алу – Баламердің тұсында басталып, Ругилдің кезінде жалғасты, ал Аттила (Еділ) заманында аяқталды. Ғұндар бастаған халықтардың ұлы қоныс аударуы деген атақпен тарихқа енген бұл құбылыс Еуропаны жаңаша даму жолына бастады. Құл иеленушілік құрылыш жойылып, оның орынына феодализм қанат жайды. Еуропада бөлек-бөлек мемлекеттер дүниеге келді, ал адамзат баласы осы қозғалыстың арқасында көне дүниеден Орта ғасырларға қадам басты.

Көшпелі ұлыстардың түпкі жұрты болып табылатын Алтай тауларынан батысқа жайылған Ғұн көшінің бір тармағы Сыр бойына келіп тірелді. Ол өлкені кезінде ғұндар мен үйсіндер Жетісудан ығыстырып шығарған юечжі тайпалары мекендеуші еді. Олардың құрган мемлекеті бүкіл Шығыс өлеміне танымал Құшан империясы аталатын. Сыр өлкесіне келген ғұндар бірталай шайқастармен осы мемлекетті жаулап алып, оның орнында өз билігін орнатты. Жазба деректерде бұл жаңа саяси құрылымды – Эфталит немесе Ақ ғұндар мемлекеті деп атайды. Олардың тарихы мен мәдениеті жөніндегі мәліметтер Сасандық Иранның патшалары Перуаз, Кей Қуат пен Кей Қысырау жылнамаларына байланысты жақсы суреттегеледі. Перуаз патша 484 ж. Ақ ғұндардың қолынан өлді, ал оның баласы Кей Қуат ғұндардың қолында көп жылдар кепілдікте болды, ғұн билеушісінің қызына үйленді. Кей Қуаттың тұсында Иран жерінде Маздақ бастаған діни қозғалыс болғаны белгілі. Оған да ғұндардың қатысы бар. Ғұндар Кей Қысы-

рау патшалық еткен заманда да белсенді болды, өздерінің Иран тағында отырған жиеніне қашанда қолдау көрсетіп отырды. Бұл тарихи оқиғаларды казактың көне эпостарынан да аңғаруға болады (Алпамыс батыр жыры). Ақ ғұндар билеген және мекендерген өлке XI ғ. атақты ғалымы Махмұд Қашқари кітабында “Арғы” деген атпен белгілі, бертінірек бұл өлке “Шағатай ұлысы” атанды (Шыңғыс қағанның ортанды ұлының үлесіне тиді).

Қысқа әңгімеде ғұндар мен үйсіндер және қанұлдарға қатысты тарихи жағдайлардың бәрін баяндаپ беру мүмкін емес, сондықтан кіріспе бөлімде де, хрестоматияда да негізгі деген құжаттарға ғана тоқталдық.

## FЫН ШЕЖИРЕСІ

“Және бір ескі хабар: Файса пайғамбардан 1300 жыл бұрын Че-әу нәсілі Қытайда хан кезінде Азияның Темірқазық жақ шетінде “ғұн” яки “құн” деген халық болған. Бұл “ғұн” деген Орхон өзеніне қойылған ат еді. Сол себептен ол халық ғұн атанды. Одан кейін бір уақыттарда түріктер “қиунығну” деп те аталды. Оның себебі Қытайлар Ханқу дариясының Темірқазық жағындағы халықты “қиунығну” дегенінен шыққан. Шежірелдердегі “Хунну” атанғаны “Онау”, яғни “үйғыр” дегеннен шықты деп Радлов айтады. Және, бір кезде, бұлардың “құншығыс татар” атанған құнның “Топа сиян-жу-жін” деген таптары Азияның құнбатыс шетіне шейін барды. Бұл құнну Қытаймен көп соғысып, кейде жеңіп, алым да алды. Олар хандарын “Шан-иуи” деп, одан кейін “Тан жу” деп атады. Бергі заманда “таичи” деп қалмақтың айтқаны да сол сөзден, жоғарғы құннулар ханының қатынын “Иан-ши” деуші еді, біздің қазактың өзінен үлкен кісінің қатынын “жеңеше” дегені сол сөз болар. Олардың “Танжуы”, яғни ханы Айышан тауында тұрушы еді. Ол тау Алтайдың Ертіс өзеніне қарай созылған бір тарауы еді. Танжу Қытай ханымен тату тұрып, хат жазғанда Аспан, Күн, Ай тарапынан ғұндардың тағына қойылған Ұлық Танжудан деп жазушы еді. Бұл тату тұрғанының соңғы мезгілдері Файса пайғамбардан бұрынғы 210-шы жылға шейін білінеді. Жоғарыда ай-

тылған: қытайларды ғұндардың шауып, талауы, Файса пайғамбардан бұрынғы 210-шы жылда, құннұлардың ханы – Тумын танжу тұсында еді. Бұл Тумын хан Файса пайғамбардан бұрынғы 206-шы жылы өліп, оның орнына баласы Мете, яки Мәте хан болды. Файса пайғамбардан бұрынғы 174 жылға дейін бек көп жерлерді алды. Қытайдың сол кездегі ханы Киу-хуан-ти еді. Мәте Сопных-фу шаһарын алып, Шәнсиге кіріп, Синхан-фу шаһарына келген соң, Хану-тихан қарсы шыға алмай, қыз беріп бітім қылған. Мұнан соң қытай мен түрік қыз алысты. Файса пайғамбардан 175 жыл бұрын Хұннұлар юеши, яғни шұршіт халқын Қансу һәм Шансиден шығарып, күнбатысқа қарай Балқаш көлі мен Іле өзеніне қуды. Юешилер барып Яқарт, яғни Сырдариядан өтіп, Соғды-Бақтырияны алып, ондағысия, яки саха атанған бұрынғы түріктерді қуды. Бұл кезде ғұнның танжуы, яғни ханы барып күншығыс татарды быт-шыт қылышты. Сол татардың бір бөлегі Қытайдың Пекин деген қаласының Темірқазық жағындағы У-хуан тауына барып, “у-хуан” татары атанды. Және бір бөлегі Сиян пи тауына барып “сиян пи” атанды. Юешилер Мәуреннахра кірген заманда ғұнның батыс жағындағы көршісі у-сун, яғни үйсіндер еді. Іле өзені жағасында еді. Олар хандарын “күнби” деуші еді. Осы үйсінді ғұндардың ынтымағынан айырмақшы болып Қытайдан ең алғаш дүниені көруге шыққан Чан киен дегенді жіберген еді”.

1. Шәкәрім деректерінің көшілігі В.В. Радлов зерттеулеріне сағы, ру-тайпа аттарының транскрипциясы ескіше.

*Шәкәрім Құдайбердіұлы.  
Түрік, қыргыз-қазақ һәм хандар шежіресі. –  
Орынбор, 1911. – 14-15-бб.*

## КӨНЕ ҚЫТАЙ ЖЫЛНАМАСЫ

“Қытайдың солтүстігінен өрі мекендейді, малыменен бір жайылымнан екіншісіне көшіп жүреді. Көбінесе жылқы, сиыр, қой-ешкі өсіреді, аздап түье, есек, қашыр және аргымак тұқымын өсіреді. Көшкенде шөп пен судың

ыңғайына қарайды. Не қалалары, не егіні жок, бірақ әркімнің өз жер еншісі бар. Жазу жок, ал зандарын ауызша жариялады. Үлдары қойдың арқасына мінуге жарағаннан бастап, садақпен құс, ұсақ тышқандарды ата бастайды, осе келе түлкі мен қоян атады және оны тамаққа пайдаланады. Садақты жақсы менгергендер сауытты атты өскерге түседі. Бейбіт уақытта мал сонында жүріп, далада аңшылықпен айналысып, күн көреді; қын кезде әркім де жорыққа дайындала бастайды. Міне, осы – олардың табиғи сүйекке біткен қасиеттері. Алыстағы жауына садақ пен жебені, жақындағысына қылыш пен наизаны пайдаланады. Жолы болса, алға ұмтылады, болмаса, шегінеді, кашуға үялмайды. Пайда түсетін жерде ештеңеден де тайсалмайды, ол жерде әділдік, дұрыстықты ұмытады. Башшысынан бастап бәрі де малдың етін жеп, терісін киіп, жүні мен елтірісін үстіне жабады.

Моде таққа отырған шакта Дунху елі елші жіберіп, Туманнан қалған 1000 лиге шабатын ат сұратты. Моде шақырған кеңеске келген бектер: “Ол ат ғұн елінің қазынасы, беруге болмайды”, – деді.

Моде: “Көрші бола тұрып, бір атты олардан аяимыз ба?” – деп, бергізді. Біраз уақыт өткеннен кейін Моде оздерінен қорқады деп ойлаған Дунху елі елші жіберіп, Моденің бір әйелін сұрайды (Яньчжды). Моде тағы бектерімен ақылдасты. Олар ашу-ызамен: “Дунху өбден ар-ұяттан кеткен екен. Яньчжыны сұрағаны үшін соғыс ашайық!” – деді. Моде: “Көрші тұрып бір әйелді олардан аяимыз ба?” – деп, өзінің сүйікті әйелін Дунхуға жіберді. Дунху билеушісі одан әрі асып-тасып кетті. Ғұн иелігінде Дунхудан батысқа қарай 1000 ли бос жер бар еді. Екі қабырғасында шекара бойында қарауылдан басқа ештеңе жок. Дунху елші жіберіп: “Ғұндар пайдаланбай отырған екі жактың қарауылы арасындағы жерді аламын”, – деді. Моде озінің қарамағындағылардан ақыл сұрады, олар: “Ол ыңғайсыз жер, беруге де, бермеуге де болады”, – деді. Моде бүған қатты ашуланып: “Жер мемлекеттің негізі емес пе, оны қалай беруге болады?” – деп, “Бер!” – деген адамның бәрінің басын шапты. Өзі атқа мінді де, атқа мінбеген адамның бәрінің басын шабуға бүйрый берді, сөйтті де шығыска аттанып, тұтқылдан Дунхуға тиісті. Дунху бұрын Мо-

дені санатқа қоспайтын, сол себепті қапы қалды. Моде өз әскерімен Дунху ордасын тас-талқан қылып, әбден женді. Бүкіл елін, малы мен дүниесін өз иелігіне қаратты.

Елге қайтып келген соң, батыстағы юечжілерге жорық жасап, оларды қып жіберді, онтүстікте Ордостың Лэу-фандың және Байян деген бектерін бағындырып және Янь, Дай деген өлкелерге жорық жасап, Мын Тхянь деген қолбасшының уақытында ғұндардан тартып алынған жердің бәрін қайтарды. Сонымен, Хань әулетінің шекарасына Ордос және Чоона, Лу-ши маңында шықты. Бұл уақытта Хань Әулеті Хянь-юймен құресте еді. Кіндік патшалық ауыр соғыстан әбден әлсіреді, осы қолайлы жағдай Модеге күшетуге мүмкіндік берді. Ол өз қарамағында 300 мың әскер үстады. Шунь-вэйден бастап, Тұманға дейінгі мың жылдан астам уақытта Ғұн Ордасы бір көтеріліп, бір құлап, бөлініп, шашылып жатқан уақытты бастан кешірді, сол себептен тақ мұрагерлерінің тәртібін анықтау қын.

Моде тұсында Ғұн Ордасы аса күшнейеді, көтеріледі: солтүстіктері бүкіл кошпелі руларды бағындырып, онтүстікте Кіндік Ордага тең болды... Ғұндар кеменгер адамдарын “Жұқа” (Чжуки) дейді, сол себепті тақ мұрагері Шығыс Жұқа тегін (князь) атанады. Шығыс, Батыс Жұқа тегіндерінен бастап Данхуға дейін жоғарғы бектерде 10 мың, төменгілерінде бірнеше мың атты әскер бар. Барлығы 24 ел басы бар, олардың бәрі түмен басы аталауды... 24 бектің әрбірі қызмет атқаратын – мың, жұз, он басыларын тағайындауды... Бірінші айда, жаңа жылдың, ел басылардың таңдаулы тобы Шанью ордасындағы ғибадатханаға жиналады. Бесінші айда Лун ченге жиналышп, барлығы аруактарға, Тәңірі көкке, жер мен рухтарға құрбандық шалады. Құзде, жылқы семірген соң, барлығы орманды айналуға жиналады, сол жерде адам мен мал басын қарайды. Олардың заңдары бойынша: сұық қару мен найза көтергені (өлтіргені) үшін – өлім, үрлік үшін – дүние-мұлқін тәркілеу, ұсақ қылмыс үшін – бетіне таңба салу, ауыр қылмыстарға – өлім жазасы. Жүгініс (бiler соты) он күннен әріге созылмайды. Тұтас мемлекетте жазалаған (түрмеде) адам бірнеше ондаған ғана. Шанью таңертен ордасының алдында шыққан күнге, кешке айға тағым етеді. Ол сол жақта бетін солтүстікке беріп отырады”.

1. 1000 ли – 565000 м.
2. Мәтін б.э.д. III ғ. деректері бойынша берілді. Қытай жылна-  
машыларының көшпелі көршілеріне деген теріс пигылы, олар-  
дың түрмис-салтын түсіне алмауы деректе сезіледі.

*Н.Я. Бичурин (Иакинф). Собрание сведений о народах  
обитавших в Средней Азии в древние времена. –  
М-Л., 1950. – т. 1. – 39-40-бб.*

## ҚАҢЛЫ (КАНГЮ) ТУРАЛЫ ЖАЗБАЛАР

“Кангю билеушісі қыста Лоюен өлкесінде, Даобитянь қаласында, Чан-аньнен 12300 ли жерде мекендейді. Қытай уәкіліне бағынбайды. Люенге дейін атпен 7 күндік жол, жаз жайлайтын Фаннейге дейін 9104 ли. 200 мың шаңырақ, адам саны 600 мың, әскері 120 мың. Шығыстағы уәкілге (протекторға) дейін 5550 ли. Әдет-ғұрпы үлкен юечжілерге келеді. Шығыс жағы хундардан теперіш көреді. Сю-ань патшаның кезінде хундар өзара бүлінді, бес хан таққа таласты.

Қытай ордасы Хуханені таққа отырғызды, бірақ Чжи-чжи хан оған келіспей, қытай елшісін өлтіріп, Кангюге барып бекінді (батысқа).

Осыдан кейін протектор Янь шеу мен генерал Чень Тхан Батыс өлкесінің әскерімен барып, Чжи-чжи ханның көзін құртты. Бұл оқиға Юань-ди кезінде, Цзянь билігінің 3-ші жылы болды. Чен ди патшаның уақытында кангю билеушісі сыйлықпен ұлын қытай сарайына жіберді, бірақ соның өзінде өзгелермен қатар бағынышты болғысы келген жок, алыстығын пайдаланып тәкәппарлана берді.

Протектор Го-шунь олар туралы сарайға бірнеше хабар берді: Хундар кангю мен усунды бағындырығандықтан құдіретті болған жок, сол сияқты ол екеуін жоғалтқаннан кейін де Қытай үстемдігін мойындаған жок. Қытай сарайына билеушілерінің балаларын аманатқа бергенімен жаңағы үш иелік бұрынғыша қарым-қатынаста; байланысы мен наразылығы қатар, андып журіп, қолайлы шақта бірі-бірін шауып отырады. Басы қосылса да біріне-бірі сенбейді, бөлініп кетсе, бірі-бірін бағындыра алмайды. Усун ордасымен туысқанымен, Қытай сарайы әлі одан пайда тапқ-

ан жоқ. Бірақ ол байланысты усундар ерте бастағандықтан және хундармен бірге бодандықты мойындағандықтан оларды сырттату өділдік емес. Ал кангю болса тәкәппар, шұғыл және усундардай емес, елшілерге бас игісі келмейді. Протектордан барған қызметкерлерді усун елшілерінен тәмен отырғызады. Өзінің бектері мен жайсандарына та- мақ бергеннен кейін протектордың елшісіне ұсынады және онысын көрші иеліктердің алдында көрсетуге құмар. Осын- дай іс-қимылдан оның өз ұлын сарайға неге жібергенін түсінуге болады. Ол сауда жасау үшін ойлап тапқан жақсы сылтау.

Хундар шет елдерінің ішіндегі ең ұлы мемлекет еді, ал қазір Қытай империясына жағымпазданып қызмет етеді. Кангю басшысы тиісті тағзымын жасамайды деп естісе, сөз жоқ Шанью өзін корсынып қалады. Өзіне құрметті дұрыс түсінбейтіндіктен, Хань өүлетініңabyroyын сақтау үшін оның (кангю) ұлын кері қайтарып, елшілікті тыю қажет”.

## 1. Б.Э.Д. 36-ШЫ ЖЫЛ.

*Би чурин. — 18-19-бб.*

## ҮЙСІН (УСУНЬ) ТУРАЛЫ ЖАЗБАЛАР

“Усуннің үлкен гуньмосы Чигу қаласында өмір суреті, Чань-аньнан 8900 ли, шаңырақ саны — 120 мың, адам басы — 630 мың, әскер — 188 мың. Шығысқа қарай протектордың отырған жеріне дейін 1721 ли, батыска Кангюдің Фанней жеріне дейін 5000 ли. Жері жазық, шебі мол. Жаңбыры көп, ауасы салқын жер. Тауларында қарағай қалың және мань ағашы бар. Егінмен айналыспайды, малымен су мен шөпке қарап көшіп жүреді, салттары хундарға келеді. Ол иелікте жылқы көп, байларында 4-5 мыннан бар. Халқы қатал, зымиян, тойымсыз, жалпы жыртқыштыққа бейім. Осы иелік ең мықты болып саналады.

Бұрын олар хундарға тәуелді болды, сонынан күшейіп, оларға бағынышты болғысы келген жоқ. Шығысы — хундармен іргелес, солтүстік-батысы — кангю, батысы — Да- ванмен, онтүстігі әр түрлі иеліктермен. Усунь гуньмосы

тайсалып, жылқы айдаған елшісін жіберді, қытай ханшасын сұрап, туысуға ниет білдірді. Қытай императоры Аспанұлы (император) қызметкерлерімен ақылдастып, ханшаны алу үшін алдымен сыйлық талап етті. Усунь гуњмосы мың жылқы жіберді. Юань-фың билеген кезде қытай сарайы бір князьдың қызын ханша есебінде аттандырды, оған күйме, киім, қымбат зат, қызметкер мен бірнеше жұз құл қосты, шығарып салып, барлығына да қымбат сыйлық үlestірді.

Усунь гуњмосы оны екінші әйелі қылды. Хун ханы гуњмога өз қызын берген еді, оны бірінші әйелі қылды. Ханша сарай салғызды, үш айда гуњмомен бір рет кездесті, оның бектері мен жақындарына сыйлықтар берді. Гуњмо кәрі еді және қытай тілін білмейтін, ханша болса іші пысқанда өлең шығарды:

*Мені ұзатты туыстарым алыс жаққа,  
Бөтен елге – усуның іп патшасына.  
Кигізбенен жабылган үйде тұрады,  
Кедей тұрмыс құрады,  
Жейтіні – ет, ішетіні – сүт,  
Отанымды сағынганда, аққу болғым кеп тұрады.*

Аспанұлы бұл өлеңді естіп, елшіден сыйлық жіберді. Гуњмо өзі кәрі болғандықтан, ханшаны өзінің немересіне бермек болды...

Соңань-ди патшалық құрған дәуірде гуњмо мен ханша елші жіберіп, хундардың бірнеше рет усунығе әскер аттандырганын, бір бөлек жер, біраз адамды алып қойғанын, елші жіберіп, Қытаймен байланысты тоқтатып, ханшаны өз қолдарына беруді талап еткенін хабарлады. Ал гуњмо болса, мемлекеттің жартысынан жиылған таңдаулы әскерді шығаруға дайын, 50 мың әскерді өзі жасақтап, асырайды, барлық күшті хундерге төгу үшін, Аспанұлының әскер шығарғаны жөн болар еді.

Сонымен, Қытай 150 мың атты әскер жұмсады. Бес генерал әр түрлі жолдармен бір уақытта жорыққа аттанды. Патша генерал Чан-Хойды усунь әскеріне көмекке жіберді. Гуњмо өзі бастап, 50 мың атты әскермен батыстан Батыс Гули князьдің (хун) иелігіне енді. Ол тұтқынға 40 мың адамды алды, оның ішінде ханның туыстары, белгілі бектер

болды, олжадеп 700 мың бас жылқы, сиыр, қой, есек пен түйе алды. Осы олжаның бәрін усуныдер өздері алды. Бұл оқиға Веңь-шидің билік құрған 3-ші жылында болып өтті (б.э.д. 71-ші ж.)”.

1. Қытай мен усуң ордасы арасындағы байланыс б.э.д. 110-шы ж. бастап тығыз жүрді. Усуң ішіне бірнеше қытай ханшасы келген.
2. Қытай жылнамасы “Солтүстік Вэй патшалығының тарихы” (И. Бичуринаудармасы) арқылы беріліп отыр.
3. Қытаймен одақтас болып, кейін бағыныштылық қамытын алдымен усуныдер киді, оған себепкер Қытайдан келген ханшалар. Оларды көшпелілерге жібермес бұрын алдын-ала дайындастын.

*С.Д. Асфендияров, П.А. Кунте // Прошлое Казахстана  
в источниках и материалах / Сб. I. жинағынан.  
Москва – Алма-Ата, 1935. – 20-б.*

## ҚЫЗЫЛ АРЫСТАН ХАННЫҢ ҰЛЫ – АЛАША ХАН

“...Қырық ханның бірі болған Қызыл Арыстан деген Бұқара да тұрыпты. Осы күні бір өзінде он бес азаншы азан айтатуғын мұнараны сол Қызыл Арыстан жасатқан екен деседі. Бәйбішесінен бала болмаған. “Қызыл аяқ” деген елді шауып, ат көтіне салып әкелген бір қызға аяқ салып, онан бір бала – сауысқанның аласында ала туады. Бәйбіше өзінен тумай, тоқалдан туғандықтан, іші тарлық қылып, күндел: “Бұл баланы балам деп сақтама, көзін жоғалт, қарашығын батыр. Мынау өскенде жұртынды ала қылып үстайды, елінді ала тайдай бүлдіреді”, – деген соң, хан қырық жігітіне бүйрық беріпті: “Мына баланы, тапқан шешесін Сырдариядан өрі өткізіп, қоя беріңдер. Өлсе өлсін, өлмесе өз бетімен қаңғып күн көрер”, – деп, жер аударады. “Зинхар қайтып бұл жұртты мына қатын да, бала да көрмесін, сендер де көрмендер”, – депті.

Бұлар Сыр сұынан өтіп, Алатау, Қаратаудың алқабына келіп жан сақтап күн көріпті. Бала өз асын өзі алып ішерлік болған соң, ешкіммен ісі жоқ, өз бетімен қаңғып

кетеді. Дәл он екі жасында Майқы бидің елінен бір адамға кез болыпты. Оған бір ауыз сөз тіл қатпайды. Ол еліне барған соң, Майқы биге сөйлепті: “Бір ағаштың көлеңкесінде жас баланы көрдім, күн дейін десем көзі бар, көрген кісі қызығып, бір қасық сумен жұтып жібергендей. Жалғыз айыбы – тілі жоқ екен”, – депті. Майқы би өзі ақсақ екен. Өмір бойы арбамен жүреді екен. Арбасын көлікке жек-тірмей, жаяу кісіге тартқызады екен. “Мені арбамен алып барындар, оны мен көрейін”, – депті. Бала Майқы биді көргенде-ақ, ұшып тұрып: “Ассалаумағай-лейкүм, хан біт-кеннің қазығы, бұқара жұрттың азығы”, – деп сәлем беріпті. “Үәғалайкүмассалам! Әмсө аман бол, балам. Болайын деп тұрған ұл екенсің, колыңа алып-салушының жоқтығынан кем болып тұр екенсің. Кел балам, қасыма мін”, – деп арбасына мінгізіп алып келіп, төрт көл ошақ қаздырып, ту биені сойдырып, төменгі елді шақырды. Ала биені сой-дырып, аймақ елді шақырды. “Ердің ері, егеудің сынығы”, – деп баласы Үйсінді бас қылып, жүз жігіт қосып берді. “Қаратаудан әрмән қарай асындар, Ұлытау, Кішітау деген таулар бар. Қара кенгір, Жезді кенгір, Құдайберлі деген жерлерге барып, ірге теуіп, қоныс салындар. Ақ білектің күшімен, ақ наизаның ұшымен ел болуды ойландар, жұрт болуды ойландар. Күндердің күнінде осы бала хан болады, сендер қараша боласындар. “Хан әділ болса, қарашасы табанды болса, қара жерден кеме жүргізеді” деген”, – деп батасын беріп, жүргізіп жіберіпті. Ақтау, Ортаудан асып, Шу мен Сарысудан көктей өтіп, Майқы бидің айтқан жеріне келіп, үйқыны бұзып жылқы алды, күймені бұзып қыз алды. Көш елді көш жөнекей алды, ереуіл елді отырған жерінде шапты. Өз алдына мал малданып, жан жанданып, үйлібаранды болды. Сатусыз дүние, қалыңсыз қатын ала ба-стаган соң, ел болмасқа немене!

Бұлардың мұндағы болғанын баяғы Қызыл Арыстан хан естиді. Қотан, Қофам, Қондыгер, Қобан, Майқы билерге елші жібереді: “Менің баламды жігіт-желең беріп, желіктіріп жібергені несі, баламды өзіме берсін, менен қалағанын алсын!” – деп. Соңан соң ғұлар Құтанұлы Болатты жуз жігітпен жіберді: “Сендер барып, шақырып келіндер!” – ісп. Бұлар келген соң, бұрынғы келгендер: “Қайт” деген

сөзді айтпандар, өздерің де қайтпандар”, – депті. “Аты бестісінде қартаятын, жігіті жиырма бесінде қартаятын, кек шөпті жұлғаннан басқа ісі жоқ, еркегі ат болатын, үрғашысы жат болатын, тымақты тацияға айырбастайтын, пышақты қасыққа айырбастайтын, тары мен бидайдың нанын жегенге, жаман көженің сүнн ішкенге құтыратын, бөдененің бір санын жегенге күпті болатын, сарттың жаз болса тұзын, қыс болса отыны мен көмірін тасығаннан басқа қызығы жоқ жерде нелерін, не ақыларың қалды?” – деген соң: “Рас-ая, рас”, – деп шақыра келгендер де қайтпай қалыпты. Қызыл Арыстан хан қайта-қайта жіберіп келмеген соң, Қоғамұлы Алшынды бас қылып, жұз кісімен тағы жіберді. Он үш ақсақал кости. “Есеп саны үш жұз он үшке жетсе, дүние жүзі жиылса да, бетіне шыдамайды” деген. Үндемесе де, үйден шықпай жатып ақсақалдар жұмысты жайлап жатты.

Бұлар енді: “Ел болғанымызды жұрт көзіне түсірейік”, – деп баяғы ала баланы алашаға салып, Ұлы таудың басына алашамен көтеріп шығарып, хан сайлапты. Оған “Алаша хан” деп ат қойды. Бастапқы бірге келген жұз жігіттің бастығы – Үйсін. Бұл “Ұлы жұз” – Үйсін аталды. Түп қазығы салықшы. “Жауға шапқанда, бұлар шаппасын, тастүйін болып тұрсын”, – депті. Ортада келген жұз жігіттің бастығы – Болат қожа. Бұған “Орта жұз” деп ат қойыпты. “Бұл орта тосқауылшы орта буында жүрсін. Ханның бакташысы болсын”, – депті. Бұл Орта жұз “Ақ жол аталсын”, – дейді. Соңғы келген жігіттердің бастығы – Алшын. “Жаудан беті қайтпайтын жау жүрек, қарсы алдында жүріп жан қадірін білмейтін, бұлар кезуілші болып, ең алдында жүріп жауға шабатын болсын”. Бұған “Кіші жұз” – Алшын деп ат қойды. Қазақтың “Үш жұз” атанған жері осы”.

1. Қызыл Арыстан – қазақтың тарихи аңыздарында көп айтылады. Ақ ғұндардың бір тармағы “қарлук” елінің билеуші өүлеті (IX-X ғғ.), Қарахан мемлекетіне қатысы бар.
2. Қотан, Қондыгер, Қобан, Майқы – тарихи-мифтік тұлғалар, қазіргі түрік халықтарының түп аталары.

*М.Ж. Қопейұлы. Шежіре (қолжазба).*

## АЛЫНША (АЛАША) ХАН

“Алынша хан көп жылдар патшалық құрды. Нұқ пайғамбар заманынан Алынша ханға шейін, барша Яфес (Иафес) әuletі мұсылман еді. Алынша хан заманында жүрт байып, дәүлет тасыды... Әр кісі өзінің ең қимас адамы, не ұлы, не қызы, болмаса аға-інісі олсе, соған ұқсатып қуыршақ жасатып қоятын болды. “Бұл пәленшешін суреті,” – деп, оны сүйер еді, ас келгенде оның алдына ас қойып, оның жүзін өбіп, козін сүртер еді, оған бас ұрап еді. Бұндай әдет қайталана-қайталана келе пүтқа табынуға әкелді... .

Алынша ханың егіз ұлы бар еді: бірі – Татар, бірі – Монғол”.

1. “Алынша”(Рашид ад-дин – Абұлше деп жазады, қазақша Алаша хан) – Орталық Азия кошпелі түрік-мұңғыл этностарының түпкі атасы. Оның өмір сүрген уақыты мұсылман дәүірінен әрі, біздің шамалауымызша Фұн кезеңіне әдіптеледі. Қазақ генеалогиялық аңыздары өз бастауын қашанда Алаша ханнан алады.
2. Иафес – Нұқтың үшінші баласы, Еуразия халықтарының атасы.
3. Пүтқа табыну – қазақша буддизмді осылай атайды, ал Әбілғазының жазып отырған құбылысын қазақтар “мәжуси”, орыстар “язычество” деп атайды, яғни аруакка, табигат күштегінен, Тәңіріге табыну кезеңі.
4. Қуыршақ (тұл) жасау жөнс оған сыйыну қазақ арасында XIX ғ. дейін сақталды, қазір де елесі бар.

Әбілғазы... 13 б.

## МАРЦЕЛЛИН ЖӘНЕ ФҮНДАР

“Осы уақытқа дейін коз көріп, құлақ естімеген адамдар – таудан акқан селдей тасып, жолындағының бөрін жапырып, дүлей күшпен жайпап келеді... Олардың бөрі де мығым және шымыр денелі, желкесі тұтас, сықпаттарының коркыныштысы сондай, жабайы анды еске түсіреді. Тау мен даланы қанталдай көшіп жүрген олар сұыққа, аштық пен шөлге көтерлі, бесіктегі кезінен бастап шынықкан, жат жерде жүргенде аса қажет болмаса, үйге де

кірмейді. Аяқ киімдері ешқандай қалыпсыз-ақ жасалған, олардың жүріп-тұруын аса тежейді. Сондықтан олар жаяу соғысқа жарамайды, корбандаپ, қымылы үйлеспейді, оның есесіне атына жабысып қалған, аттары шыдамды, бірақ түрі сүйкімсіз, аттың үстінде отырып алған, құнделікті шаруаларын атқара береді. Күні-түні аттың үстінде өтеді, сатып алады, саудасын жасайды, жейді-ішеді, жалына жабысып мызғып алады, тіпті тұс те көреді, қатты үйықтағандықтан. Салмақты істерді талқыларда өз кеңестерін де аттың үстінде отырып жүргізе береді. Ешқашан патшалық билікті, қаталдықты мойындаған емес, бірақ кез келген ру басының соңынан еріп, айтқанын бұлжытпай орындалп, жолындағысын тасталқан етеді... Олардың ешқайсысы жер жыртпайды, соқаны ұстап көрген жок. Тұракты өмір сүретін қонысы жок, үй-жайы жок, заңы мен қалыпты өмір салты жок, мәңгілік қашқындар сияқты көшеді де жүреді. Күймелерінің ішінде бар өмірі өтеді. Әйелдері қарапайым киімдерін тоқиды, ойнап-күледі, бала туып, оны асырайды, ер жеткізеді. Олардың ешқайсысы “Қай жерде тудын?” – дегенге жауап бере алмайды. Бір жерде анасының құрсағында пайда болса, екінші жерде туды, үшінші жerde ер жетті”.

1. Аммиан Марцеллин – рим офицері және тарихшы (330-400-ші жж). Фұндар туралы сол кездегі еуропалықтардың бәріне тән үшқары пікірлердің жетегінде жазылған дерек. Фұндар еуропалықтарға түсініксіз көшпелі тұрмыс-салттың өкілдері еді.
2. Фұндардың ауыр саптама етіктері. Оның көне түрлері сак киімі комплексіне де тән. Қараныз: “Пазырық қорғандары туралы”. – Руденко С.И. “Горно-алтайские находки и скифы”. – М-Л, 1952.

*Аммиан Марцеллин. Прошлое Казахстана. – С.12-13.*

## АҚ ФҰНДАР ТУРАЛЫ

“Әфталиттер ғұн еліне жатса да, өздері солай деп атalsa да, бірақ өзге ғұндармен араластығы, ауыс-түйісі жок. Біз білетін ғұндар мен олардың ортасында ортақ шекара

жоқ, қоныстары бір-бірінен алыс. Олар көшпелі емес, басқағұндар сияқты. Ерте заманнан бері құнарлы жерлерге қоныс тәпкен. Ғұндардың ішінде өң-түсі ағы да, түрі келістісі де ақ ғұндар. Тұрмыс салты жабайы көшпелі тірліктен оқшау, заңды мемлекеті, елді басқаратын жалғыз патшасы бар. Өз ішіндегі қарым-қатынасы, көршілерімен арадағы сыйластық пен әділдік жолы мығым, осы жағынан келгенде, олар парсы немесе рим жұртынан бір де кем емес”.

1. Ақ ғұн (белые гунны) – осы атақпен Орта Азия жерін V-VII ғғ. мекендейген түрік тілді тайпалар одағы. Деректерде оларды – эфталит және хионит деп те атайды. Ақ ғұндар халықтардың ұлы қозғалысы кезінде Шығыстан жылжыған тайпалардың алғашқы болуы тиіс.

*Прокопий Кесарийский. История войн римлян с персами /  
Византийские историки. I кн. СПб., 1862. – 205-б.*

## АТТИЛА (ЕДІЛ) ПАТША ШАБУЫЛЫ

“Аттила – Скифия даласын мекендейтін тайпалардың әлемдегі жалғыз басшысы, бүкіл ғұндардың көсемі. Варварлар арасында таңғажайып даңқымен танымал. Тарихшы Приск әңгімелейді, төмендегі мына жағдайларды: Керемет үлкен өзендерден – Тизия (Тисса), Тибизия (Темеш) және Дрикка – кешіп өтіп, король Аттила тұрған елді мекенге келдік. Бұл өзі үлкен қалаға үқсайды: бір-біrine тығыз бекітілген жылтыр ағаштардан іргесі бар, арасынан күн сәулесі өтпейді. Біршама алысқа созылған құрылыштары бар, әшекейленген порталдары көрінеді. Король сарайын жағалай қоршау бар, көлемінің өзі патша сарайынан хабар береді. Бұл өз қол астында бүкіл варварлар (кошпелілер) әлемін ұстаған Аттиланың қонысы, осы қонысты ол жаулап алған қалаларынан артық көріп тұр.

Осы Аттила Мундукузуктың баласы, Мундукузукпен Октар, Роас ағайынды. ...Ол халықтарды сілкіндіру үшін жаратылған ер еді. Бүкіл елдерге сүмдық болып тиді, бәрін де қалтыратып жіберді, ол туралы хабардың өзі қорқынышты еді. Оның жүрген жүрісі маңызды, көзқарасы мен қимыл-қозғалысы аса тектілікті көрсетеді. Соғысты жақсы

көргенімен тонаушылығы аз болды, ой қабілеті өте жоғары еді, сұраушыға қайырымды, сенген адамына өте мейірімді. Сыртқы түрі – аласа бойлы, кең қеуделі, басы ірі, көздері кішкентай, мұрыны пісте, терісі түсі бөлек (сары-қоңыр) өз шыққан тегінің барлық қасиетін бойында сақтаған... Катауун соғысында – екі жақтан 165 мың адам, 15 мың гепид пен франкіні есептемегендे, өлді”.

1. Фұндар Рим империясының іргесіне IV ғ. ортасында келді.
2. Иорданның шыққан тегі белгісіз, бірақ Катауун соғысын толық сипаттаған жалғыз тарихшы. Рим мен Фұн арасындағы бұл соғыс 451-ші ж. Париж қаласының маңында болды.
3. Иордан деректерінің біразы Приск деген елшінің күнделігінсүйенеді.
4. Катауун соғысынан кейін ғұндар Оңтүстік Италия қалаларын талқандап шықты. Осы сапарында Аттила Рим императорының қызына үйленіп, жасауына деп көп қазына алды.

*Иордан. О происхождении и действиях гетов. –  
М., 1960. – 102-109-бб.*

### БӨРІ БАСТЫ БАЙРАҚ КӨТЕРГЕН ЕЛ (көне түркі дәуірі)

Бірінші мыңжылдықтың ортасында Қазақ даласында ірі этникалық өзгерістердің нышаны байқалды. Фұндармен бірге мифтік тарих аяқталып, көшпелілер әлемі жазбаша тарихқа аяқ басты. “Жоғарыда – көк аспан, ал төменде – қара жер жаратылғанда, ол екеуінің ортасында адам баласы өмірге келді. Адам баласының үстінен патшалық құрып, менің аталарым – Бумын қаған, Естеми қаған отырды. Олар мемлекетті сақтап, түркі елінің зандарын бекітті” деп басталады, Құлтегін құрметіне қойылған құлпытастағы жазу. Көне түркілер өздерін ерекше жаратылғандай сезінгені хак, олардың санасында жаратылыс пен түркі халқы бір-бірімен тығыз байланысты.

Генеалогиялық жағынан алып қарасақ, түркілер ғұн қауымдастығына енген рулардан сақталған түқым. Олар VI ғ. ортасына дейін жуан-жуан (жужан, авар) мемлекетіне тәуелді болды, тау арасында өмір сүріп, темір балқытып, қолөнермен айналысты. Теле тайпаларымен одақ құрып күшейген уақытында түркілер жужан патшасына елші аттандырды, өздерінің көсемдеріне жужанның ханшасын сұрады. “Терезесі тең” ел боламыз”, – деп, үміт етті. Бірақ жужан патшасы Анақуан: “Сен темір балқытушы құлым екендігінді үмыттың ба? Батылың барып, мұндай өтінішті қалай айттың?” – деп ашу көтерді. Осы оқиғадан кейін екі елдің арасы бұзылып, ақыры жужандардың тас-талқан болып женілуімен бітті. 552-ші жылдан бастап түркілер өз көсемдерін “қаған” деп атай бастағаны анық. Бірнеше жылдың ішінде түркі елі маңайындағы қидан, оғыз, татар, кай, Енесай қырғыздарын бағындырды, ақыры Қытайдың өзіне ауыз салды. Түркілердің құрған ірі империясы

батысында Византия, онтүстігінде Эфталит және Иран, шығысында – Қытай сияқты алып мемлекеттермен тығыз экономикалық-саяси қарым-қатынастар орнатты. VII–VIII ғғ. түркілер асқан белсенділік танытып, Қара теңізге дейінгі ұлан-байтақ далалық өлкені түгел өздеріне қаратты. Түркі тілінің, әдет-ғұрпының, дүниетанымының үстемдігі сол кезеңнен басталады.

Көне түркілер көшпелі шаруашылық-мәдени үлгісінің өкілдері. Араб тарихшысы Әл-Жахиз: “Түркілер – отырықшы өмірді, қымыл-қозғалыссыз тіршілікті, аз қозғалып бір орында отыра беруді ауырсынатын халық. Олардың табиғаты қозғалысқа бейімделген, тыныштыққа ынғайланбаған. Олар қолөнермен, саудамен, дәрігерлікпен, ағаш отырғызумен, құрылышпен, арық қазумен, өнім жинаумен айналыспайды. Олардың ойында, есіл-дерті, жаугершілік, аңшылық, тонау, атқа мініп сейілдеп жұру, батырлардың жекпе-жегі, олжа іздеу және өзге елдерді бағындыру”, – деп көркем суреттейді.

Түркі руларының басы құралып, мемлекет құрауына байланысты шаруашылық жүйесінде ірі өзгерістер туындағы. Оның басты нышаны көшпелі рулардың отырықшы өлкелерді бағындыру барысында қалыптасып, біртұтас экономикалық система құрумен аяқталады. 570-ші жылдары көне түріктер Иран мен Византияның шекарасына ілікті, осы жорықтардың нәтижесінде империясының құрамына Орта Азия қалалық өлкесі тұтас кірді. Түркістан өнірінің тұрақты этникалық топтарының бірі – соғды көпестері мен қолөнершілері Көне Түркі мемлекеті жүргізетін сауданың тізгінің үстады. VI–VIII ғғ. соғды отырықшы қоныстары Жетісу мен Жонғария, Онтүстік Сібір мен Шығыс Түркістан өніріне кең тарады. Олар бір жағы сауда ісімен шұғылданса, екінші жағынан қолөнерді де дамытты. Сонымен қатар, соғды ішінен Түркі мемле-кетінің сыртқы дипломатиялық шаруаларына жауапты адамдар да шықты. Соның бірі – Дизабұл қағанның атынан 567 жылы Византияға барған Маниах еді. Ол Иранға қарсы Византия мен Түркі мемлекеттерінің өзара әскери одағын құру мәселесін көтерді. Оның ізін ала Византиядан Земарх бастаған елшілік Түркі еліне аттанды. Земарх өз жазбаларында қағанның қабылдауында болғанын, алдын-ала өзін оттың арасынан

өткізгенін, түркілердің келе сала “Темір сатып алындар”, – деп үгіттегенін келістіре жазады. Орта Азия қалалық өнірі мен көшпелілер арасындағы тығыз араластық Батыс Түркі қағанатының Шегүй (610-618 жж.) және Тон жабғы (618-630 жж.) хандарының тұсында барынша жақсады. Қағандардың қыскы астанасы – Шу өзені бойындағы – Суяб қаласы, ал жазғы астанасы – Испиджап (Сайрам) қаласы еді.

Біздің тарихи әдебиетте көне түркі кезеңі VI–XII ғғ. арасын қамтиды. Бұл кезеңде тұтас Орталық Азия билігі түркі тілдес көшпелі елдердің қолында болған. Бірақ түркі руларының алма-кезек күшеюіне байланысты көне түркі мемлекеттерінің аттары өзгеріп отырады. Мәселен, ол бірде Көк Түрік атанса, кейіннен Түргеш делінеді, сонымен қатар, тарихи әдебиетте Енесай қырғыздары, Қарлук, Қимак, Оғыз, Қарахан т.б. тарихи атаулар кездеседі. Сайып келгенде, XI–XII ғғ. Орталық Азия мен Еділ өлкесінде үстем болған қыпшақ руы да сол Түркі мемлекеттерінің бір өкілі. Аталған мемлекеттердің құрамына кірген көшпелі рулардың этникалық тамыры бір, мәдениеті деңгейлес, тілі ортақ болғандығы даусыз. Сондықтан, осы кезеңде өмір сүрген ұлыстарға жеке-жеке қарағаннан ғөрі, “тұтас бір мәдени-этникалық нұсқа” деп қарастырғанымыз жөн.

Этникалық жағынан алғанда, алғашқы түркілер “он оқ бүдүн” атанғаны белгілі. Кейінгі түркі ұлыстарының рулық құрамы әр түрлі өзгерістерге түсті. Мемлекет басшысын түркі тайпалары “қаған” дейтін, ал оғыз кезеңінде “жабғы” деген титул жиі қолданылды. Қағанның ұлдары мен туыстары “тегін” аталған. Қағанның жанында өзіне шын берілген адамдардан “нөкер” жинақталған. Елдің әкімшілік жүйесінің негізін ондық система құраган, әр ұлыс бір түмен қол (10 мың) шығаруға міндет алған. Яғни, біз көне түркілерден туыстық негізге саятын рулық-генеалогиялық және территориялық жақындыққа негізделген ондық системаны қатар кездестіреміз. Кейіннен осы ретті құрылым Шыңғыс хан құрган ұлы империяның негізгі өрнегіне айналды.

Көне түрік заманындағы аса бір белгілі оқиға – 751-ші жылғы Талас шайқасы. Бұл түркі руларының екі қапталынан арабтар мен қытайлар қысқан ауыр уақыт еді. Екі бас-қыншы ел, екі система бір-бірімен соғысқан кезде, түркілер

қайсысын қолдарын білмей, біршама уақыт дағдарды. Ақыры қарлұктар бастаған көшпелі жауынгерлер қытайдың ту сыртынан тиісті. Араб тарихшысы Әл-Әсірдің айтуы бойынша: “Осы соғыста Қытайдан 50 мың адам қаза болып, 20 мың адам тұтқынға түскен. Осы уакиғадан бастап түркі жұрты мұсылмандыққа ден қойды. Көне түркі кезеңінде көшпелі рулардың өз жазу үлгісі қалыптасты (орхон-енисей жазулары), ал көшпелі ел мен отырықшы қоныстардың арасындағы маргиналдық кеңістікте ұлы ғалымдар мен ақындар шықты. Олардың ішінен Әл-Фараби, Махмұд Қашқари, Жүсіп Баласағұни т.б. толып жатқан қайраткерлерді атап өтүге болады.

## ТҮРКІ ЕЛДЕРІ. ОЛАРДЫҢ ТІЛДЕРІ

“Түркі халықтары, негізінен жиырма тайпа. Әрбір тайпаның бірталай ұсақ рулары бар. Олардың саны Ұлы Тәңірдің өзіне ғана аян, мен солардың негізгілерін ғана жаздым. Оғыз түркілерін білуге құмарлық аса көп болғандықтан, олардың тектері мен малдарына, таңбаларына дейін нақтылап көрсеттім. Рум өлкесінде тараған тәртіп бойынша шығыстағы түрік тайпаларының тұратын мекен-жайларын анықтап жаздым. Румға бәрінен де жақын орналасқан тайпа – бажанак, онан кейін қыпшақ, оғыз, иәмәк, башғырт, басмыл, қай, татар, қырғыз тайпалары. Қырғыздар Шынға жақын орналасқан. Онан бері жігіл, тоқси, яғма, оғрақ, жарұқ, жамұл, үйғұр, қытай тайпалары. Қытайды “Шың” деп атайды. Онан соң – тауғаж, бұларды “Машын” дейді. Бұл тайпалар оңтүстік пен солтүстік арасында өмір сүреді. Олардың мекен-жайларын арнайы картада көрсеттім.

Ең таза тіл – тек қана бір тілді біліп, парсылармен арасынан, жат жұртқа барып-келіп, қарым-қатынас жасамайтын адамдардың тілі. Екі тіл білетін және шаһар халқымен араласып тұратын адамдардың тілдерінде алалық бар. Соғдақ, қанжа, арғу тайпалары дәл сондай екі тіл білетіндерге жатады. Жат жұрттармен араласып тұратын хотан, тұбұт, таңұттардың кейбіреулері дәл сондай. Бұлар түркі елдеріне кейінрек келген. Рум өлкесінен Машынға дейінгі орналасқан түркі жерінің ұзындығы 8 мың парсах...

Қаз – Афрасияптың қызының аты. Қазойын шаһарын сол салдырған. Бұл сөздің негізі – “қыздың ойыны”. Қыз үнемі сонда тұрып, серуен құрған. Сондыктан кей адам Қазойын шаһарын Түркі елінің шекарасы деп есептейді. Құм шаһар да шекара болып саналады. Себебі, құм – түркі сөзі. Афрасияптың қызы мұнда тұрақты аң аулайтын. Кейбіреулер Мәруәш шақијан шаһарын да шекара санайды. Өйткені, қыздың әкесі – Тоңа Алып Ер, сол Афрасияптың өзі. Афрасияп Тақмұрастан үш жұз жыл кейін Мару шаһарын салдырған. Кей адам бүкіл Мауреннахды Түрік елі деп те есептейді. Ол Ианкенттен басталады. Оның тағы бір аты – Дизроин (Мыс шаһары). Беріктігіне байланысты солай аталған. Бұл Бұқараға жақын. Осы жерде Қаздың қүйеуі – Сияуыш өлтірілген. Мәжусилер жыл сайын сонда бір күн жиналып, құрбандық шалып, қабіріне қанын шашады. Бұл оларға салт болып кеткен. Бүкіл Мауреннах мен Ианкенттен шығысқа дейінгі жерлерді Түрік шаһарлары дейтініміз, сондықтан. Самарқанд – Семізкент, Ташкент – Шаш деп аталатыны сияқты Өзкент, Тұнкент деген атаулар бар.

Өгө – тегіннен бір саты төмен лауазым. Бұл лауазым мынадай жағдайда шыққан. Зұлқарнайын Шынға қарай ілгерілеген кезінде, онымен соғысу үшін түрік хақаны тек жастардан құралған бір топ әскер жібереді. Ханның уәзірі: “Сіз Зұлқарнайынға қарсы тұру үшін тек қана жастарды жібердіңіз. Олардың арасында соғыс жағдайын жақсы білетін жасамыс адамдарының біреуінің болғаны дұрыс еді,” – дейді. Сонда хақан жасамыс, тәжірибелі деген мағынаны білдіретін сөзді пайдаланып: “Өгөні мұ?” – деп сұрайды. Уәзір хақанды қостайды. Сонан соң хақан дәл сондай адамды әскерге қосып жібереді.

Олар сол күні-ақ шабуылға шығып, Зұлқарнайынның алдыңғы саптағы әскерлерін жеңеді. Түркілердің бір әскері Зұлқарнайынның бір әскерін қылышпен шауып, қак жарып тастайды. Өлген әскер ділдә салынған әмиянын ышқырына байладап алған екен. Сол әмияны да екіге бөлініп, қанға малынған ділдәлар жерге шашылады. Ертесінде түркілер әскері қан-қан ділдәларді көріп: “Бұл не?” – деп таңданысқанда, біреу: “Алтын қан”, – деп жауап қайтарған. Сондықтан ол жердегі биік тау да солай атанып кетті. Қиғыр

еліне жақын орналасқан осы таудың айналасында көшпелі түркі тайпалары жасайды. Зұлқарнайын сол тұнгі шайқастан кейін түрік хақанымен келісім-шарт жасап, мойындаған.

Түркі хақандарының бірі өзінен бұрын болған бір соғыстың тәсілін үйренбекші болады. Бірақ, сол соғыстың жылын анықтауда мықтап қателеседі. Осы жағдайға байланысты хақан халқымен кеңес өткізіп, былай дейді: “Тарихты анықтауда біз қалай қателессек, келешек үрпак-тарымыз да дәл солай қателеседі. Сондықтан біз он екі ай мен аспанның он екі бұрышына негізделіп, әрбір жылға ат қоялық. Бізден кейінгі жыл есебі сол жылдардың айналыс тәртібімен есептелсін. Сөйтіп, бұл іс кейінгілерге мәнгілік естелік, мұра болып қалсын”.

Бұл ұсынысты халқы қостаған соң хақан аңға шығып, барлық аңды Іле өзеніне қарай қууды бұйырады. Бұл өте үлкен өзен еді. Халық тамам аңды қуып келгенде, қорық-қаннан суға қойып кетеді де, алғашқы он екісі жүзіп өтеді. Солардың аты жылдарға есім болып қойылды. Өзеннен бірінші болып өткен Тышқан – жыл басы болып саналады”.

1. Машын – кейде Шығыс Түркістанды, кейде Оңтүстік Қытайды осылай атайды.
2. Рум – Византия.
3. Зұлқарнайын – Александр Македонский.
4. Парсах – орта есеппен 7-8 шақырым.
5. Мәжуси – көп құдайға, бақсылыққа табынушылар.
6. Афрасияб – Тұран (түркі) патшасы. Ежелгі жыр-аңыздардың, өсіреле Ирандық, кейіпкері.
7. Алтын қан – Алтын емел болуы мүмкін.

*Махмұд Қашқари. Тубі бір түркі тілі.  
(Диуан лугати ит-түркі). – Алматы, 1993. – 10-29-бб.*

## ТҮРІК ҚАҒАНАТЫНЫҢ БАСТАУЫ

“Ордада барлығы: “Бұғін бізге ұлы мемлекеттен елші келді (әңгіме 535 ж. қытай елшілігі жөнінде – Ж.А.), енді біздің қағанат қөтеріледі,” – деп бірін-бірі құттықтап, қуанды. Келесі жазда Тумын өз елшісін жергілікті өнімдерді

көрсете үшін аттандырды (Қытайға). Сол кезде Телес елі жужанға соғыс жорығын бастады, ал Тумын болса өз өске-рімен көлденен тиісіп, оларды тас-талқан қылып жеңіп, 50 мың шаңырақ болатын аймақты түгел бағындырыды. Өзінің күшіне, көптігіне көзі жеткен соң Жужан елінің билеушісі – Анахуаньға: “Құда болайық,” – деп, елші салды. Ол болса қатты ашуланып: “Сен, менің темір балқытуши құлым, қалай батылың барып осында ұсыныс жасаисың?” – деген асқақ сәлеммен жаушыны қайтарды. Тумын, ол да ашуға тізгін беріп, екі арадағы дәнекер болған адамды өлтірді, ханмен қатынасуды тыйды; Батыс Вэй әuletіne құда болмақ ниет білдірді, олар келісіп, алтыншы айда, жаз күні оған Чан-ле ханшаны ұзатты. Сол жылы Винь-ди (Қытай ежен ханы) қайтыс болды. Тумын аза салып, көңіл айтуға 200 жылқыны айдатып, елші аттандырды. Фэй-дидің патшалық құрган бірінші жазында, бірінші айда Тумын жужанға өскер жұмсады, Хуайманың солтустік жағында жужандарды тас-талқан қылып жеңді. Анахуань өзін-өзі өлтірді. Ал оның баласы – Яньложен Ци ордасының иелігіне қашты. Қаған Анахуаньның әкесінің кіші інісі Дыншүц-зыны қойды, билеуші қылып... Осы оқиғадан кейін Тумын “Ел хан” деген лауазымды алды, ал “хан” дегеніміз көнеде қолданылған “Шаньюй” дегенмен пара-пар, өзінің әйелін “Қатын” атады, ол да “Яньчжы” дегенмен бірдей, бұрынғыдай Ци әuletімен елші ауыстырып тұрды.

Тумын өлген соң, оның баласы – Қола тұрды, ол Исиғи-хан атағын алды”.

## ӘДЕТ-ҒҮРЫП, ДӘСТҮРЛЕР

“Түріктің әдет-ғұрыптары: шашын жібереді, сол жак етектері (шапанның) белбеуге қыстырулы (немесе сол жак қапталы шапанның үстінде). Кигіз үйлерде, шатырларда өмір сүреді, шөптің шығымына, суға қарай көшіп-қонып жүреді, мал шаруашылығымен, аң аулаумен айналысады, жейтіні – ет, ішетіні – қымыз, теріден, жүннен жасалған киімді киеді. Көне хундар сиякты сыпайылықты не әділдікті білмейді, ар-ұяттары аз. Билеушісін таққа отырғы-

зарда ең жақсы кигізге отырғызып, күннің бағытымен тоғыз рет айналады. Әр айналыста қызметкерлері алдына келіп, тағым етеді. Сөлем ету аяқталған сон, ертеулі атқа мінгізіп, тамағын жібек орамалмен буындырады, содан кейін босатып, тез сұрайды: “Қанша жыл хан бола аласың?”— деп. Қару-жарактан: мүйізден жасалған жақ пен ыскырғыш жебе қолданады, сауыт-сайман, найза-сұңғі, қылыш-қанжар бар. Туларының сабына алтын басты қасқыр орнатылған. Жауынгерлерін “бөрі” (фуле) деп атайды (туріктің қасқырга қатысты генеалогиялық аңызы бар – Ж.А.). Ат үстінде садақпен дөп атады, табиғаты қатал, аяусыз. Жазусызы жоқ. Керек болған жағдайда адам, жылқы санын, алым-салық пен малға байланысты ағашқа көртік жасап санайды. Қағаздың орнындағы бүйрық райын алтын басты садақ жебесі, балауыз белгімен қоса, атқарады. Ай толғанда көбінесе жортұылға, жорыққа шығады. Олардың қылмыс зандары бойынша: адам өлімі, ханға қарсылық, қарсы жауға өту, бөтеннің әйелінің қойнына бару, тұсаулы түрған атты үрлау өлім жазасына кесіледі. Төбелесте болған кемтарлық үшін (жазым) ауырлығына қарай мал-дүниемен құн төлейді. Көзін шығарса, кінәлі жақ қызын береді, қызы жоқ болса, әйелінің жасауын береді; дененің бір жеріне зақым келтірсе, айыпқа ат төлейді; ат немесе басқа бір дүниені үрлаған адам үрланған дүниенің құнынан он есе қылыш айып төлейді. Өлген адамның мәйітін шатырға сақтайды. Ұлдары, немерелері, екі жақтың туысқандары жылқы мен қой сойып, оны шатырдың алдына жайып тастанды, “құрбандық” деп өздері атқа мініп шатырды жеті рет айналады, осыдан кейін шатырға кірерде беттерін пышақпен жарапап, дауыс салады, қан мен жас сөйтіп қатар ағады. Осылай жеті рет жасайды да аяқтайды. Кейін белгіленген күні марқұмның мінген атын, тіршілікте қолданған заттарын мәйітпен бірге жағып жібереді, күлін жинап, жылдың келісілген мезгілінде бейітке көмеді”.


1. Әңгіме “Батыс Вэй Ордасы” жылнамасынан алынған. Бұл шежіре түріктер туралы ең бір қызықты мәліметтерді беретіні белгілі. Адам-аттары – қытайша транскрипция түрінде алынды, егер әркім өз білгенімен долбарлай беретін болса, деректен ештеңе де қалмас деп ойладық.

## Шартты белгілер:



Күмбездер

Сынгас орнатылған көрғандар



1. Устіргұт көркемдәрі
2. Койтас көркемдәрі (Сағыз өзенінде)
3. Олке бойындағы тас мүсіндер
4. Жем өзенінің бойындағы күмбездер
5. Тайшық манындағы тас мүсіндер
6. Көкдомбактағы тас мүсіндер
7. Кара шоқы манындағы тас мүсіндер
8. Баба ата мен Созак күмбездері
9. Жебан ана күмбезі
10. Айша Биби, Бабажа катын, Каражан күмбездері

**Коне түркі дәүірі (VI ғ.-XII ғ.)**

11. Тау түрғен мүсін тастары

12. Тансық манындағы тас мүсіндер

2. “Түркі елінікі” дейтін дәстүрдің бәрі өз жалғасын тапқан жоқ, кейінгі ұлыстардан елеулі өзгерістерді кездестіреміз. Көне түріктерде де ортақ, өте берік сақталған әдет-ғұрыптар болды деп ойлаймыз және әр рудың өз ерекшеліктері болуга тиіс. Қытай тарихнамасы түріктер туралы, жалпы көшпелілер жөнінде сез қылғанда кейде аз, кейде көп астамшылыққа барады. Мәселен, “жужан” сезі қытайша теріс магынага негізделген, негізінде олар да ғұндардың мұрагері. Қытайлар күштіні әлсіз арқылы үру саясатын оларға қарсы да қолданған.

*Н.Я. Бичурин. (Иакинф). – 227-230-бб.*

## ОҒЫЗ НАМА

“...Оғыз қаған қатты қаһар шақырып, Урум қағанға аттануға ниет қылды. Әскермен бірге аттанып, туласын үстап (жүріп) кетті. Қырық күннен соң Мұзтау деген таудың табанына келді. Шатырларын түсіріп, шек болып үйықтап кетті. Таңертең болғанда Оғыз қағанның шатырына құндей бір жарық кірді. Ол жарықтан көк түсті, көк жалды бір ерек бөрі шықты. Осы бөрі Оғыз қағанға сез беріп тұрып, былай деді:

“-Ай, ай, Оғыз!  
Урум үстіне сен аттанар боларсың!  
Ай, ай, Оғыз!  
Қызметіңе мен жүрер болармын!” – деп айтты.

Бұдан соң Оғыз қаған шатырын түргізіп, (жүріп) кетті. (Бір уақытта) қарады, (қараса) әскердің алдын бастап көк түсті, көк жалды бір ерек бөрі шауып барады екен. Ол бөрінің артынан соңына түсіп, шаба жөнелді. Бірнеше құндерден соң көк түсті, көк жалды бүл ерек бөрі тоқтады. **Оғыз-дағы әскерімен тоқтады.**

Ол жерде Етіл деген бір теңіз бар екен. Етіл теңіздің төменгі жағында бір Қара тау етегінде ұрыс болды. Оқпен, найзамен, қылышпен ұрысты. Әскердің арасында көп-көп ұрыс болды, ел жүрттың көңіліне көк-көп қайғы толды. Ұстасу, соғыс жаман болғаны сондай – Етіл теңіздің толқыны қып-қызыл, сіп-сіңірдей болды.

Оғыз қаған басты, Урум қаған састы, қашты. Оғыз қаған Урум қағанның қағандығын алды. Ел-жұрттын алды. Ордасына есепсіз өлі олжа, есепсіз тірі олжа түсті.

...Оғыз қаған әскерімен Етіл деген теңізге келді. Оғыз қаған оған қарап тұрып айтты: “Етілдің сұынан қалай өтерміз?” – деп. Әскерінде бір жақсы бек бар еді. Оның аты – ұлығ Ордабек еді. Үздік, үғымтал бір ер еді. Қараса – жағада қалың тал, ағаш бар екен. Ол бұл ағаштарды кесті, ағаштарға жайғасып өтті. Оғыз қаған сүйсінді, күліп айтты:

“Ай, ай, сен осы жерге бек бол!

Қыпшақ деген сен бек бол!” – деп айтты”.

1. Урум – Византия немесе Шығыс Еуропа елдері мағынасында.
2. Кокжал бөрі – тотем, қасиетті және құдіретке ие. Егер тотем конілді болса – қолдайды, ренжісе – жазалайды. Әр елдің өз тотемі бар. Түркі-оғыз руладының бас тотемі – қасқыр. Қыпшақтардың тотемі – жылан. Кей руларда – түйе (бура), өгіз, қарға, т.б. болған. Тотемнің атын атамайды (табу).
3. Етіл – Еділ өзені.
4. Қыпшақ – ел аты. Неге қыпшақ атанғаны жөнінде бірнеше гипотеза бар, барлығы да ағашпен, ағашты өлкемен байланыстырады.

“Оғыз наме”, “Мұхаббат наме”. – Алматы, 1986. – 40-41-бб.

## “ҚОРҚЫТ АТА КИТАБЫ” – ОҒЫЗ-ҚЫПШАҚ ҰЛЫСЫНЫҢ ҮДЫРАУЫ

“... Бір күні үш оқ пен бұз оқ елі жиналып келіп, Қазан үйінде олжа бөлісті. Екінші жолғы олжа бөлісіне сыртқы оғыздар келмеді. Қазан үйінде олжа бөліскенде, ол әйелінің қолынан ұстап, өзі далаға шығып кетеді екен. Содан соң жұрт үйіне кіріп, олжа бөліскен. Бұл олжа бөлісінен сыртқы оғыз көсемдері – Аруз, Әмен сияқты батырлар хабарсыз қалған еді. Сыртқы оғыз бектері: “Бұл кезге дейін Қазаннның үйінде біз ішкі оғыздармен бірлесіп олжа бөлісуші едік, бұл жолғы олжа бөлісуден бізді неге шет қалдырған?” – депті. Содан соң сыртқы оғыздың бектері баталасып, Қазаннан сүйп, оған бармайтын болыпты, дүшпандық ниет те көрсетеді. Құлбас дейтін адам бар еді, содан Қазан: “Мен мал-

мұлкімді олжаға салғанда, сыртқы оғыздар соны бірлесіп олжалаушы еді, олар бұл жолғы үлеске неге қатыспаған?” – деп сұрады. Құлбас оған “Сен олжа бөлісіне ішкі оғыздарды ғана шақырдың, сондықтан олар бұл олжа үлесіне қатыса алмады”, – депті. “Олар бізге жаулық ниетке көшкен жок па еken?” – депті Қазан. Құлбас тұрып: “Хан ием, онда мен барып, жау ма еken, дос па еken – білейін!?” – депті. Қазан “Білсең, біліп кел”, – деп, Құлбасты жұмысады. Құлбас атына мініп, қасына бірнеше жолдас ертіп, Арудың үйіне барып түсті. Аруд алтын шатыр тіктіріп, балаларының ортасында отыр еken. Амандасты болған соң, Құлбас: “Қазанның басына ауыр күн туды. “Қызыметімде болған Аруд келіп кетсін! – дейді. – Еліме жау келіп, түйелерімді бақыртып қуып кетті, жылқыларымды кісінетіп айдалап кетті. Қаздай қалқыған қыздарымды олжалады. Басыма осындай күн туды. Тәрбиемде болған еді, Аруд тез жетсін, – деді”, – депті. Сонда Аруд: “Уш оқ, бұз оқ елі Қазан үйінен олжа бөліс-кенде, біз бірге баруши едік, соңғы олжа бөлісінен біз шет қалдық. Біздің не айыбымыз болды еken? Қазанның басына күн туса, біздің берер көмегіміз жок. Қазанға еткен қызыметім аз болған жок. Ендігі жерде біз Қазанға дос емеспіз, жаумыз!” – депті. Сонда Құлбас арыла сөйлемді. Тыңдалық, хан ием, ол не деген еken. “Ақылсыз болма, Аруд. Қазан хан орнынан ерте тұрып, жауға аттанбақ. Алатауға ақ шатырларын тікті. Уш жұз алпыс алты батыр жиналды. Ас үстінде олар сенің атынды жоқтады. Бізге тиген жау жок. Сені дос па еken, қас па еken, сынағалы айттып ем, Қазанға жау екенінді білдім, бетіңнен жарылқасын, қош бол!” – деп, Құлбас атына мінді...”

1. Деректе оғыз елінің дағдарыс кезеңі суреттелген (XI ғ.). Оғыз-қыпшақ жаугершілігі осы оқиғадан басталады.
2. Қазан (Қазан-Самар) – оғыз тайпасының ханы (көсемі).
3. “Олжа бөлісу” – бұл институтты қазақтар “шүлең тарату” деп те атайды, этнографиялық әдебиетте “потлач”.

## · КҮЛТЕГІН БАТЫР ТУРАЛЫ

“...Жоғарыда Көк Тәнірі, төменде Қара Жер жаралғанда екі арасында кісі оғылы жаралған еken. Кісі оғлының

үстінен (білік жүргізуге) менің арғы бабаларым Бұмын қаған, Естеми қаған (таққа) отырған еken. (Таққа) отырып, түрік халқының мемлекетін үстап, үкім-білігін жүргізуге берген еken, (оны) көркейте берген еken.

(Ол кезде) төрт жағы бірдей жау еken. Әскер жүргізіп төрт бұрыштағы халықтарды түгел алған еken, бұғалықтаған еken. Бастыны жүгіндірген еken, тіzelіні шөгерген еken. Ілгері (күн шығыста) Қадырхан жышқа дейін, кері (күн батыста) Темір қапығқа дейін (халқын қондырған еken). (Қадырхан жыш пен Темір қапығтың) екі арасында бас иесіз, руы тоз-тоз болған Кок Түрік елі мекен тапқан еken.

(Бұл екі қаған) дана қаған еken, алып қаған еken. Бүй-рықшылары дана еken, алып еken. Бектері де, халқы да сондайлық азбаған еken, түзу жолда еken. Сол үшін де жүртты көп уақыт құраған еken-дағы. Елді үстап, жарғы-жарлығын жасаған еken. Өздері сөйтіп (барып) қайтыс болған еken. (Бұл екі қағанның асына сауын айтқан жерлерден) жоқтаушы, сақтаушы болып ілгері күн шығыстағы Бөкілі шөлді ел, табғаш, тибит, апар, пурум, қырқызы, үч құрықан, отыз татар, қытанақ, татабы – осынша халық келіп, жылаған еken, жоқтаған еken. Олар сондай құлік қаған еken”.

1. Көк Тәнірі, Қара жер – түркі ёлдерінің табынатын қасиетті күштері. Деректе Үйдіқ жер-су деп те жазылған, бертінгі көшпелі түркі-мұңғыл ұлыстары көбінесе Бай ана деп сиынады. Монотеизмнің белгісі – түркілердің Бір Тәнірі деп құлшылдық жасауы болса керек.
2. Бұмын, Естеми – түрік қағанатының негізін салушылар (VI ғ.).
3. Қадырхан жыш (қойнау) – Мұңғылияның шығыс өлкесі, Темір қапығ – Дербент шаһары (солтүстік Ауғанда).
4. Бекли шөл – түріктің бір ұлысы болса керек, мүмкін печенег рулары, табғаш – қытайлар, тибет – тибеттіктер, апар – аварлар, қалғандары түрік, утор тілдес көне рулардың атаулары.
5. Құлік – атақты, данқты. “Құлтегін” ескерткішінің үлкен жазуы 732-ші жылы жазылған. Ол – Елтеріс қағанның кенже ұлы. Қапаған қаған өлген соң, Құлтегін оның үрпақтарын жеңіп, билікті ағасы Білге (Могилян) қағанға алып берді.

*F.Айдаров. Орхон ескерткіштерінің тексі. – Алматы, 1990. – 56-57-бб.*

## БІЛГЕ ТОНЫҚӨК СӨЗІ

“...Түрік жұрты Табғашқа қарайтын еді. Түрік жұрты ханымен болмастан, Табғаштан кетті, ара жігін ашты. Ханды (өз ханы бар жұрт) болды. Ханын қойып, Табғашқа тағы бағынды, кіріптар болды. Тәңірі сонда айтқан екен: “Хан бердім, ханынды мойындармай (Табғашқа) бағындың!”. Бағынғаны үшін Тәңірі өлтірген екен (түрік елін).

...Ақылшы серігі, атақты серігі мен болдым. Шүғай ғұз бер Қарақұмды жерлеп отырап едік. Киік жеп, коян жеп отырап едік. Халықтың тамағы жок еді. (Бірақ) жауымыз тоңірегімізде айналып үшқан жыртқыш құс сияқты еді (де), біз жемтік сияқты едік. Осылайша отырып, тіршілік жасадык.

...Ол сөзді естіп, түнде үйқым келмеді, құндіз отырғым келмеді. Содан соң, қағанымнан өтіндім, былай деп өтіндім: “Табғаш, Оғыз, Қытаң – бұл үшеуі қабысар. (Ортада) қалатын – біз, өзі іші-сыртын қорғалайтын – біз. Тозған жұқа топтауга оңай, тозған жіңішке үзуге оңай.

Жұқа қалың болса,  
Жіктейтүгын алыпты.  
Жіңішке жуан болса,  
Үзетүгын алыпты.

Шығыстағы Қытаңға, түстіктері Табғашқа, батыстағы Құрданға, терістіктері Оғызға екі-үш мың әскеріміз бар, неміз бар?! Осылайша өтіндім. Қағаным, мен өзім, білге Тонықөк, өтінген отінішімді есіте берді. “Көңіліңше жүргіз!” – деді. Осылайша Көк өнді өрлеп, түкен жышына қарай жүргіздім (әскерді). Сиыр-көлікпен Тоғлада Оғыздар келді, әскери алты мың екен. Біз екі мың едік.

Соғыстық. Тәңірі жарылқады. Қайтар жолда қаншамасын өлтірдік. Осыдан соң Оғыздар көтеріле антқа келді. Келтіргендей-ақ келтірдім-ау! ...Елтеріс қаған ақылды жолдасы үшін, алып болғаны үшін – Табғашпен он жеті соғысты, Қытаңмен жеті соғысты, Оғызбен бес соғысты. Сондағы ақылшысы, қолбасшысы мен едім. Елтеріс қағанға, Түрік Беке қағанға, Білге қағанға, Капаған қағанға мен түн үйықтамадым, құндіз отырмадым. Қызыл қаным төгілді, қара терім жүгірді.

Ісімді, күшімді бердім-ау”.

1. Тоныкөк ескерткіші – VIII ғ. кең далада орнатылған төрт қырлы екі бағана тасқа әбден жаксы қашалып жазылған жазу. Тоныкөк Құттығ (Елтеріс) қағанның ең сенімді көмекшісі болды. Жазуда оның өзі қатысқан жорықтар суреттелген.
2. Табғаш – қытай слінің атауы.
3. Кытаң – қидан елі, мәнжүр текстес ел.
4. Оғыз – түрік халықтарының бір тармағы.
5. Өтүкен жошы – Алтай тауларының бір аңғары, түркілердің ата мекні.

## РУМ (ҰРЫМ) ЕЛШІЛІГІ

“Юстиннің патшалық құрған дәуірінің 4-ші жылы Константинопольге түрік елшілігі келді. Оған себеп – қазір түрік қарамағындағы, бұрын әфталит ұлысына бағынған соғды қөпестері қағаннан Парсы еліне жібекті кедергісіз сатуға келісім жасау үшін елшілік аттандыруды өтінген. Дизабул осы өтінішке орай Маниах бастаған елшілікті аттандырган. Парсы патшасы бұл өтінішті аяқсыз қалдыра берген. Соғдылықтар коймағаннан кейін, Қызырау шаһ кеңес өткізді.

Әфталит Катулф жібекті откізіп жібергеннен гөрі, түгел сатып алып, елшілердің көзінше отқа жағуды ұсынды: “түрік жібегін пайдаланғаннан гөрі оны жакқан дұрыс”. Сонымен, жібек отқа жанды, ал елшілер ренжіп қайтты.

Осы жағдайдан кейін, соғдының көсемі Маниах Дизабулға “түріктерге румдықтармен сауда жасаған пайдалырак”, – деп, жібекті сол жаққа өткізуіді ұсынды, өзі де елшіліктің құрамында бармақ болды.

Император тілмаш арқылы скиф тілінде жазылған хатпен танысып, түрік жұрты мен патшалығы жөнінде сұрады. Олар өздерінің төрт иеліктері түгел Дизабулға бағынатындықтарын айтты. Эфталиттерді бағындырып, олардан алым жинайтынын айтты. “Әфталиттердің бүкіл иеліктері сізге бағынды ма?” – деп сұрады император, “Иә”, – деген жауаптан кейін: “Әфталиттер қаланың халқы ма?” – деп сұрады. – “Қалалықтар”. “Ендеше, олардың бүкіл қаласын алдындар ғой?” – деген сұраққа: “Иә”, – деп жауап берді елші.

Бұрын “сақ” атанип жүрген түріктер Юстинге елшілік жібергендіктен, ол да елші аттандыруды дұрыс көрді. Ол

Земарх Киликиялыққа, шығыс қалаларының губернаторына, саяхатқа дайындалуға бүйрек берді. Керекті дайындықтан соң, августың басында Маниах елшілігіне еріп, жолға шықты. Көп күндер жол жүріп, Земарх, оның адамдары Соғдианаға келді, оның алдынан өдейілеп түріктің қарсы алушылары шықты. Олар темір сатып алушы ұсынды. Олар темір кендеріне бай екенін көрсетпек болғаны шығар. Бақсылар екі оттың ортасынан өткізіп, Ақтағ деген тауда отырған қаған ордасына алып барды (алтын тау). Осы таудың қойнауында Дизабул өмір сүреді. Қаған шатыры екі доңғалақты күймеде орналасқан, керек болса, оны бір ат тартады.

Шатырдың іші жібек кілемдермен жайнап тұр. Елшілерге шарап берді, бірақ ол жүзімнен емес, себебі жүзім ол жерде өспейді, үйренбеген, көшпелілердікі (өз ішімдігі қымыз – Ж.А.). Кейін Дизабул оларға екі шатырды көрсетті, алтын мен күміске толы сыйлықтар берді. Земархқа қырғыз елінен түскен тұтқын қызды берді. Земарх Дизабулдың парсыға жасаған жорығына қатысты, Талас қаласында парсы елшілерін көрді, кейін еліне қайтуға рұқсат алды. Онымен Дизабул жаңа елші жіберді, себебі Маниах өлген. Жаңа елшінің аты – Тағма, атағы – тархан. Румдықтар Өкістен өтіп, көп күндерден, ұзақ жолдан кейін жалпақ көлге келді (Арал теңізі). Земарх 12 күн бойы құмдарды жүріп өтіп, Жем, Жайық өзендерінен, көлдерден өтіп, Еділге жетті. Ол Константинопольге 12 түрікті ертіп келді”.

1. Юстин патшалық құрган дәуірдің 4-ші жылы – 568-ші жыл.
2. Эфталиттер – ак ғұндар (Түріктерге дейін Орта Азияны билеп тұрған ғұн тайпаларының бір тармағы).
3. Соғды – Орта Азияның отырықшы өлкесі, соғды халқын “сарпттар” дейді.
4. Рум – Византия.
5. Өкіс – Сырдария.
6. Тархан – хан деңгейіне жақын жоғары лауазым.
7. Скиф тілі – түрік тілін атап отыр.

*Менандр Протектор. Прошлое Казахстана  
в источниках и материалах. Сб I.  
/под.ред. С.Д. Асфендиярова, П.А. Кунте. –  
Алматы-Москва, 1935. – 13-14-бб.*

## ТҮРІК ХАЛҚЫНЫң ШЫFYУ ТЕГІ

“...Түрік елінің бабасы ғұн жұртынан солтүстікке қарай орналасқан “Со” деген иеліктен. Оның қасқыр анадан туған тұқымының бірі – Есеней-ниши-ду адам сенбес керемет қасиеттердің иесі еді. Оның екі әйелі болды: бірі – көк Аспан рухының қызы, екіншісі – қаһарлы Қыстың рухының қызы. Бірінші әйелінен төрт ұл туды, оның бірі аққұға айналып кетті, Кико аталатын біреуі – Апо мен Кем өзендерінің арасындағы мемлекеттің негізін салды; үшіншісі – Чу-си өзенінің жағалауында патшалық құрды. Төртіншісі, ең үлкені, Надулуше атты, Басы-чу-си-ши атты тауда мекен етті.

Сол тауларда, жоғарыда аталағып өткен, ортақ бабадан тараған бір қауым ел бар еді, осы Орда шық түсер уақыттағы шықпен бірге түскен ызғардан тоңып, қатты зардап шекті. Надулуше оларға от жағуды үйретті, бойын жылтыып, карынын тойғызды, сөйтіп, олардың бәрінің өмірін сақтап қалды. Аталған орда ырза болғандығы сондай, оған бағынып, орталарына бек сайлап, өздері түрік атана бастады. Надулушенің тұқымы VI ғ. бірінші жартысында Қытай мемлекетімен араласа бастады”.

1. “Со” – Алтайдың солтүстік қанаты болса керек немесе қытайдың – “ся” ұғымына сәйкес сақ еліне қолданылған атауларының бірі.
2. Би – өзенінің бойында өлі күнге дейін “құманды” аталатын түрік рулары мекен етеді. Өздерін “ку кісі” деп атайды. Бұл елдің негізгі руы – құманды, сонымен қатар, со, тастар, отты, шапраш, тон аталатын рулары бар. Көк түркілердің тотемдік сенімдеріне байланысты қалыптасса керек.
3. “Кико” – бұл атаумен көне қырғыздар қытай деректерінде кездеседі. Қытай тілінде “р” – дыбысы түсіп қалады. “Апау” – Абақан өзені, ал “Кем” – түркіше Енесайдың аты.
4. “Чу-си” – Шүй өзені, Қатынның бір саласы. Осы күні бұл өлкеде телеуіттер мән қазақтар қоныстанған. Таулы Алтай өлкесінде, Қошагаш ауданы. Басы “чұ” – деген өзеннің жоғарғы ағысы дегенді білдірсе керек.

**5. Соныменен, 558-ші ж. дейін қытай жылнамасына енген бұл аңызда түріктің төрт тармағы жөнінде аңыз деректері жинақталған. Құман (ды), Қыргыз, Чукісі, Телеуіт (Телес) және Түркі (Кек). Соңғылары VI ғ. ортасында өте ірі империя құрды. Бұл аңыз Солтүстік Вэй династиясының шежіресінен (386-558-ші жж.) алынды.**

***Н.А. Аристов. Заметки об этническом составе тюркских племен и народностей и сведения об их численности. – СПб., 1897. – 7-б.***

### “ҚҰПИЯ ШЕЖІРЕ” ЗАМАНЫ (Алтын Орда)

XIII ғ. басында ерекше геополитикалық жағдай қалыптасты. Түркі руладының бірнеше ғасырға созылған үстемдік дәүірі аяқталды, енді олар бытырап, отырықшы қоныстарға икемделген әлсіз қауымдарға айналды. Олардың жігер-күші әлсіреп, қайраты мұқалды. Осынау шақта Ішкі Азиядан Шыңғыс қаған бастаған мұнғылдар туын желбіретіп, тарих көністігіне ат ойнатып шықты. 1205-ші жылға дейін Шыңғыс (Темучин) маңайындағы ірілі-ұсақты түркі-мұнғыл тілді тайпалардың бәріне бас игізді, мақсатына жету үшін көшпелі руладың үйымшыл одағын құрды. Оларды отырықшы елдерге қарсы ұлы соғысқа дайындағы. Шыңғыс құрган мемлекеттің құрамына әр түрлі тайпалар кіргенімен (мұнғыл-түркі), өзара даму деңгейі бір еді, тілі ортақ болатын, мәдени тұғыры мен әлеуметтік құрылымы Түркі Қағанаттарының мұрасын толық қабылдаған. Шыңғыс мемлекетінің кеңесін, ханзадалардың тәрбиесін үйғыр ұстаздары жүргізгені де сол себептен. Үйғырлар түркі көшпелілерінің ішіндегі елеулісі еді. 1206-шы жылы құрылтай Темучинді – Шыңғыс деп жариялады. Шамасы – Шыңғұз – бейне сөзінен шыққан болар. Шежіренің айтуына қаранды, осы жиынға үйсін Майқы би, қонырат Сәңкеле би сияқты ел ағалары да қатысқан, он екі ұлыстың басшысы қатарында ақ кигіздің бір пүшпағын көтерген. Сол заманда Хорезм мемлекетінің қарамағында болған Сыр бойындағы қалаларды жаулап алууды Шыңғыс хан 1218-ші жылы бастады. Бас-аяғы бірнеше жылдың ішінде Әму мен Сыр арасындағы отырықшылар қонысын түгел бағындырып, мұнғыл әскері Солтүстік Индия мен Иран жеріне аяқ басты. Ал Жебе мен Сұбедей бастаған 30 мындық әскер Кавказды

талқандап, Еділ бойында қыпшак, алан, славян елдерін мойынұсындырып, 1223-жылы Жетісуға қайта оралды. Таяу Шығысты тұтас жаулап алу 1260-шы жылы қағанның немересі Хулагудың тұсында аяқталды. Ал енді Батыс Еуропаны жаулап алуды Бату жалғастырып, 1242-ші жылы “жеті жылдық” жорықтың негізінде озіне қаратты. Қытайды бағындыру 1207-ші жылы басталып, 1259-шы жылы Құбылай ханның заманында толық іске асты. Яғни, Шыңғыстың бастаған шаруасын оның ұлдары мен немерелері аса табандылықпен жалғастырып, жарты ғасырға жетпейтін уақытта әлемнің негізгі болігін бір Ордаға топтастыруды.


Шыңғыс қаған озінің көзі тірісінде қол астындағы иелікті төрт ұлына боліп берген. Үлкен ұлы Жошыға – қыпшак даласын, Шағатайға – Жетису мен Түркістан онірін, Үгедейге – Шығыс Түркістаннан шығыска қараіфі жерлерді, ал Төлеге – мұнғыл конысын еншіге берген еді.

Жошының көзі тірісінде оның орласы Ұлытауда болды (1227-ж.), ал ол өлгеннен кейін, Шыңғыс немерелерін шақырып алып, он торт ұлдын ішінде билікті Батуға берген еді. 1236-шы жылы осы Бату империяның өскери қүштерін бастап, кенесшілік Сүбедей баһалұрді ертіп, батыска аттанды. Ал енді Батыс жорығынан қайткан соң, орласын Еділ бойына тікті. Осының нәтижесінде мұнғыл империясының батыс болігі “Алтын Орда” атала бастады. Оның ішкі әкімшілік боліктепе есебінде еншілес інісі Сыбанға (Шибан) берген үлесі – “Кок Орда” – Батыс Қазақстан жері мен Еділ жұртты, Батудың оз ағасы Орда Еженге берген үлесі – “Ақ Орда” – қазақ жерінің копшілігі. Бұл өлкені мекендереген елді “ноғайлы” деп атап сол Алтын Орда заманында қалыптасты. Шығыс деректері бұрынғы дәстүрмен бұл өлкені “Дешти Қыпшак” деп атады.

Әуел баста Шағатай ұлысы деп аталған онтүстік-шығыс өлкө XIV ғ. оргасынан бастап екі иелікке болінді: Моголстан және Мауреннахр. Біріншісін – дулат, чорос сияқты кошпелілер мекендереді, ал екіншісінде – барлас, қоңырат, арғын рулары билік жүргізді. Жалпы, Шыңғыс заманынан бері Жетису көшпелі тайпалардың қонысы болып, отырықшылық нышандарын азайтты, қалалардың көпшілігі құлазып, бос қалды. Әсіресе, Шағатай тұқымы-нан сайланған Кебек ханының тұсында (1318-1326 жж.), оның біржолата Түркіс-

## Шартты белгілер:

- Сарай, Багу - калалар
- △ Кол онер оргалыктар
- ◆ Керуен жолдары
- ◆ Аксак Темірдін Алтын Ордаға және Моголстанға жорықтары



Алтын орда мемлекеті (XIII ғ. - XV ғ.)

танға көшүіне байланысты, Мауреннахр отырықшылық үлгісін, ал Моголстан көшпелілік үлгісін ұстанып қалды. Дегенмен, ғылыми әдебиеттегі көп айтылатын қалалардың қиратылуы, қолөнердің құлдырауы шындыққа жанаса бермейді. Алтын Орда дәуірінде империяда 300-дей қала бой көтергені белгілі, олардың көшілігі далалық аймаққа да танымал еді. Әсіресе, көш-керуен жолдары бойында сәулетті қоныстар көп салынды. Алтын Орда заманы сауда-айырбас қатынастарының кең өрістеген кезі. Мұнғыл империясының бір шеті мен екінші шетіне көпестер, елшілер, дін үағыздаушылар емін-еркін саяхаттап жүрді. Соның бір белгісі – көптеген араб саяхатшыларының, Еуропа елшілериңін жазып қалдырған күнделік енбектері. Алтын Ордадан бұрын да, одан кейін де бұл құбылыс кездеспейді.

XIV-XV ғ. Отыrap, Сауран, Сығанак, Жент сияқты Ақ Орда қалаларында бірқатар құрылыстар салынды. Бұл дәуірдегі ең сәулетті ескерткіш – Ахмет Яссави кесенесі де Қала салу мәдениетінің озық жемісі. Жалпы, Орта Азиялық қала мәдениетін, қолөнерді екі түрлі ортаның, бір жағы – отырықшылық, екінші жағы – кошпелілік үштасқан кезеңнің жемісі деп бағалаған дұрыс. Сонымен қатар, Түркістан оңірінің қалалары Алтын Орда дәуірінде Батыс пен Шығысты байланыстырып отырған деддалдық қызметінен айырылған жок. Сонымен бірге, ұлы даланы мекендеген рулардың негізгі кәсібі қошпелі мал шаруашылығы болды. Шығыс Дешті қыпшак рулары Сыр бойында, Қаратай маңында қыстайтын, ал батыстағы коп рулардың қысқы қонысы Еділ бойы, солтүстік-шығыс Каспий жағалауы маңында болды. Кейбір рулар Жайық пен Жем бойында жаз жайлап, қыс қыстаяуга теңіз маңына көшті.

Алтын Орда мен Шагатай ұлыстарының мемлекеттік тіршілігі Шыңғыс ханның “Жаза-Жасак” зандары жинағының аясында жүрді. Алғашқы бетте бүкіл жауап алған кеңістікті Қара қорымнан басқарған болса, кейін келе жергілікті ұлыс басшылары өз биліктерін нығайтты. Осыған байланысты жауап алған өлкелердің дәстүрлі салт-жобасы қайта жаңғырып, қоғамдық дамуда болектене бастады. Мұнғыл ұлыстарында хандардан кейінгі билік қара сүйектен шыққан ру басшыларында еді, оларға өз бүйрүғын орнықтыру, берік әлеуметтік негіз жасау үшін “тархан”,

“қараша бек” лауазымдары берілді. Шыңғыс өuletі өзінің әлеуметтік артықшыларының арқасында өз билігін қанша күшайтемін десе де, көшпелі рулар өз көсемдерінің ынғайына қарады.

Оның бір айқын айғағы – XIV ғ. соңына қарай өрістеген Едіге мен Токтамыс арасындағы шиленіс. Қыпшақ дала-сындағы осындай келеңсіз жағдай Ақсақ Темірдің көтерілуіне жол ашты.

Алтын Орда, Шағатай дәуірі – Қазақстан мәдениетінің жарқын беттерін құрайды. Оның бөліктері – қалалық мәдениет, мемлекет құру мәдениеті, далалық эпос, жыраулар поэзиясы. Бұл дәуірді жеке-жеке ұлыс тарихы деп қарағаннан, тұтас мәдени феномен туғызған орта деп үкқа-нымыз жөн. Бұл дәуірдің аса өркендеген тұстары көшпелілер мен отырықшылардың өркениет нышандарын біріктіріп, сәнді симбиоз туғызғаны айқын. Этномәдени тұтастық көшпелі түркі-мұнғыл жүртінда анық әлеуметтік құрылым идеяларын туғызды және өзінен кейінгі пайда болған мемлекеттерге негіз қызметін атқарды.

## ЖАЗА-ЖАСАҚ

“ I. Шыңғыс бұдан әрі айтады: Менің өсиетімді тыңдауға жылдың басы мен аяғында келген түмен, мың, жұз басы бектері еліне қайтарда әскерін басқаруға рұқсат, ал енді өз жүрттарында отырып, біздің алдымызға келмегендер – үлкен суға түскен тас, қалың қамысқа түсіп жоғалып кеткен оқ сияқты. Ондай адамдар бастық бола алмайды.

II. Әркім өзінің от басын дұрыс бастаса, өз иелігін де анық жолмен жетелейді; 10 адамды жақсылап басқарған, орналастырган әркімге 1000 немесе түменді сеніп тапсыруға болады.

III. Әркім өзінің ішін таза ұстаса, өз иелігінен ұрыны тия алады.

IV. Өз ондығының қамын ойламаған әrbіr бекті әйелі мен балаларымен кінәлі деп санап, оның орнына сол ондықтан басқа адамды сайлаймыз. Түмен, мың, жұз басылармен да солай жасаймыз.

V. Әркім өзінен жоғарыға барғанда, оның сұрағын тосуы керек, сонда сұраққа сәйкес жауап берсін. Бірінші сөйлесе, оны естісе жақсы, әйтпесе сүйк темірді суарған сияқты.

VI. Аға бектер, әрбір жауынгер аңшылық кезіндегідей соғыста да ұран шақырып, белгілерін тақсын, аты мен атағын марапаттасын.

VII. Ел ішінде ұн демес, ұғымды бұзаудай бол, ал соғыс кезінде айғаймен өз жауына ұмтылатын аш құрсақ сұңқардай бол.

VIII. Әр істе байыпты және шешімді бол.

IX. Шөлге шыдамсыз, ашқарақ адамға әскер басқаруға болмайды; жолға есеппен шығатын, әскерін аштық пен шөлден, төрт аяқтысын арықтаудан сактайтын басшы дұрыс.

X. Әскер бектері үлдарды садакпен атуға, атқа мінуге үйретіп, осы өнермен жаттықтырып, оларды ержүрек, ба-тыр қылып тәрбиелеуі керек.

XI. Егерде біздің рудан біреу “Жазаны” бір рет бұзса, оған ақыл айту керек, егер тағы қайталаса, ұрықсан жөн, үшінші рет бұзса, Балджиун – Құлжыр сияқты алыс жерге жіберу керек: ол жерден түзеліп келеді. Егер жөнделмесе, кісен салып, отырғыз. Оған жөнделсе жақсы, ал жөнделмесе – ру болып ақылдасып шешкен жөн.

XII. Тұмен, мың, жұз басылар әр жолы өзінің әскерін дайын, тәртіпті ұстасу керек, себебі, қай уақытта болмасын күн демей, түн демей атқа қонып, бүйрыйк пен жарлықты орындауға тұра келеді”.

1. Жаза, ясса, жасақ – Шыңғыс хан (қаган) уақытында қолданылған зандаударды деректер осылай деп атайды. Оның негізгі ережелері хан тарапынан ауызша айтылып, біртіндеп қағазға түскен.

*Я.И. Гурлянд. Степное законодательство с древнейших времен по XVII столетие. – Казань, 1904. – 67-68-бб.*

## АҒАЗЫ ДАСТАНЫ “ШЫҢҒЫСХАН” (БАСЫ)

“Сосын Шыңғыс хан уәләйяттарды бағындырғанда, бір тарабы – Бағдад, бір тарабы – Үндістан, үшінші тарабы – Дешті Қыпшақ және Еділ дария, ол бұл уәләйяттарды төрт-

бес ұлына мұра қылды. Ирак уәләйатын Құлагу ханға берді, Үгедей ханға өз уәләйатын қойды, Төле ханды өз қасына ертті, Шағатай ханға Бұқара, Самарқанд және Кисар уәләйаттарын берді. Жошы хан ұлдарынан үлкен еді. Ол (Шыңғыс хан) үлкен әскер қосып Дешті Қыпшаққа жіберді, “Аттарыңа жайылым – жем болсын”, – деп, Хорезм уәләйатын да берді. Сонымен, Жошы хан Қыпшақ уәләйата на аттанды, аты мәшіүр Ұлытауға жетті. Бір күн тау арасына аң аулағалы шығып еді. Бір бөлек марал-киктер жолықты. Оны қуалап, атып (жүргендеге) аттан жығылып, мойыны сынып қайтыс болды”.

## ЕЖЕН ХАН, САЙЫН ХАН

“Ежен хан мен Сайын хан мәшіүр тұрап. Тұралы ханның қызынан туған еді. Және он жеті ұлы өзге әйелдерінен болып еді. Бұл Ежен мен Сайын хандықты бір-біріне мұрағат қылды. Сайын хан кіші еді, ағасы Еженге айтты: “Атам орнына ағам сен, яғни әке орынында әкесің, жат жүртқа бар тұрармыз. Хан бол!” – деп. Ежен айтты: “Мениң сенен жасым үлкен екені рас. Бірақ атамыз сені ерекше жақсы көріп, ерке өсіріп еді. Осы уақытқа шейін сенің еркелігінді, бүйрығынды, сөзінді түгел көтердім, ал бәлки хан болсам – бұрынғыдай сенің айтқаныңнан шыға алмаймын. Така арамызда ұрыс-керіс болар. Сен-ақ хан бол. Сенің хандығына мен шыдартмын, бірақ менің хандығыма сен шыдамассың”, – деді. “Ол деген не сөз? Жолы үлкен (Жасақты) ағам тұрғанда қалай хан бола-мын”, – деп, (Сайын) көп жалынды. Қабыл қылмаған соң, айтты: “Болмаса, бір іс қылалық. Ұлы бабамыз Шыңғыс хан қасына баралық. Мен өз сөзімді арыз қылайын, сіз өз сөзіңізді арыз қылыңыз. Қайсысына бабамыздан жарлық болса, содан дегені болады”, – деп еді, бұл сөзді макұл көріп, қабыл қылды. Бір анадан туған екі ұл, өзге аналардан туған он жеті – баршасы қосылып Ұлы ханға көрініске барды. Бұлар ханның қызметіне жеткенде, хан бұларға орда тікті.

Алтын босағалы ақ орданы Сайын ханға салды, күміс босағалы көк орданы Еженге салды, болат босағалы боз орданы Шәйбанға салды. Бәсе, үш жерде Шәйбан оғлан-

дары Тоқтамыш хан, Темір Құтлық және Орыс хан оғланда-  
рынан кеуде көтеріп, мактандың қылар еді: “Біз сіздерден  
артық тұрамыз”, – деп. Оның бірі – орда туралы. Айтар  
еді: “Атамыз Жошы хан өлгенде, ұлы бабамыз Шыңғыс  
ханнның қасына аталарымыз барған еді, Ежен мен Сайыннан  
соң біздің атамыз Шәйбан ханға орда салды. Сіздің атала-  
рыңызға телеген (жабық арба) де салмады”, – дер еді.

Тағы екіншіден: Өзбек хан қаһар қылып, өзінің барша  
оғландарына оларды елдерімен бірге Қыйат Исатайға улеске  
қосып қылып берсе, ол таға да бізге ізет және құрмет көр-  
сетіп: “Қылыш шапқан, жұрт алған Ер-Шәйбан ұлдары,  
бұлар”, – деп екі бөлек елді бізге берді: бірі қарлық, бірі  
бүйрек аталар. Ол екі елді алып Сайын хан анықтаған  
жұртымызда өз хәлімізше тұрдық.

“Біз ол Жыр Құтлының кесенесіне тас кірпіш қой-ғанда  
және таңы Теніз Бұқаның есігінде қор болып, тізе бүккен-  
дердің ішінде біз жоқ болатын едік”, – деп айтар.

Солай болған, Бердібек ханнның кезінде Сайын хан ұлда-  
ры құрыды (тәмәм болды) деп, Жәнібек ханнның анасы  
Тай Дауалы begim: “Енді жұрт пен хандық Шәйбан хан ұлда-  
рына тиер”, – деп, Манғытайұлы Хызыр ханды шақырып,  
Сарай Уәләйатына хан қылды. Сайын ұлдарынан соң ол  
хан тағында хандық бізге тигендер – торелер. Бұл бір соз  
тақырыптың ынғайында айтылды. Енді келдік сөздің  
басына:

Сонымен, Шыңғыс хан оғландарына орда салып, ақ-  
шамда сүйсін-қоналқыға есеп жасады, таңында көрініс  
берді. Он екі қатар түзілді, бектері барлығы отырды тізе  
бүгіп, ас тамак ішілгеннен соң, Сайын хан қайтып жүгінді,  
тағы айтты: “Атамыз өлді, енді орнына әмәндә атам сен,  
жат жұртқа бара тұрармыз”, – деп, “хан болыңыз”, – дедім.  
Қабыл алмады. Не себеппен қабыл алмағанын бітмеймін.  
“Бұл арызымызды сізге айтайын деп келдім”, – деді. Хан  
айтты: “Сайын жосықты сез айтып тұр. Не үшін қабыл  
қылмадың?” – деді (Еженге). Ежен де жүгініп айтты: “Дұ-  
рыс ханым! Жасы үлкен екенім рас. Бірақ біздің атамыз  
оны ерекше сүйіп, ерке өсіріп еді. Бұл уақытқа дейін мен  
оның айтқанынан шықпаған едім. Ол менің айтқанымда  
емес еді. Хан болсам, бұрынғыдай оның айтқанынан шыға  
алмаймын, арамызда кінә, әдепсіздік болар. Сіздің көзіңізге

Алман коршерми", - деп, бұл ұсынысын қабыл алма-дым".  
Деп ен, ханның бұл сөзлерге көзін бұзылып, ұлы Жошы  
жастында түспі, көзінен жасы ағып, екеуіне тағы коп дуа-  
бата киелі. Тағы айтты, "Гаңда бектермен кенесін, сөзлерге  
жакабын беремін", - деді. Гаңында бектерімен кенесін, хан  
жасының саи Еділ дариясқа бойындағы уалайшттарды он көл  
кынып. Саин ханна берді, сол көл - Сырдария бойындағы  
уалайшттарды Ежен ханға берді."

1. Саин хан - Бату хан
2. Қынай Исатай - Озбек хан тұсындағы ірі караша бек - Озбек  
оғисінде жасаған торегерді соның қарамағында жиберіп  
отырған
3. Ак Орда, Кок Орда атаулары Шыныс ханының Жошыдан туған  
немерегерине арналған тиңшіл ұйғердин түсінен шынтуы обден  
мұмкін
4. "Шаппас нама" - XVI ғ. ортасында Сыр бойында түрік (ша-  
татай) тиңшіл де жаистын шыгарма

*Утемиши Хаджи. Чынғас нама. -  
Алматы, 1992. - 91-93-66.*

## ИМПЕРАТОР МЕН ОНЫН КНЯЗЫДАРЫНЫҢ БИЛІГІ

"Онын үстінен, княздар мен басқа атакты жөнс атаксыз  
адамдар олардан (елшилерден) коп сыйлық сұрайды, оны  
алмаса, елшилерді томен бағалауды, ешкімге де санамай  
көзди. Ал егер елшилер ұлы адамдар тарапынан келсе,  
олардан карашаным сыйлыкты алмайды. "Сіз ұлы адамнан  
келдініз, ал сондай аз бересіз", - дейді. Сол себепті, егер  
елшилер өз шаруаларын жақсы бітіргісі келсе, кобірек  
берулері керек. Сондыктан бізге де кажет болғанда, қайы-  
рымынды адамдардың жолға деп берген заттарының үлкен  
бөлігін сыйлыкка таратуга тұра келеді. Тағы бір ескертетін  
нарсес, барлығы императордың көл астында тұрганы сондай,  
ешкімге де "бұл мениңкі немесе сеніңкі" деп айтуга батылы  
бармайды, барлығы да императордың, яғни дүниес-мұлік,  
көлк жөнс адамдар; осыған байланысты жақында импера-  
тордың жарлығы шыкты.

Көсемдердің билігі де осындай, татарлар мен басқалар көсемдердің арасында бөлінген. Көсемдердің елшілеріне, императорлардікіндегі, барлығы да көлік пен тамакты беріп, ешқандай қарсылықсыз жылқыны күзететін, елшіге қызмет істейтін адамдарды бөлуі керек.

Көсемдер және басқалар императорға бірнеше жылға, қанша десе де, сүтін саууға биелерін беруі керек, көсемнің бодандары да өз бастықтарына осындай сый көрсетеді, сонымен, бұл елде еркін өмір сүретін адам жок. Қысқаша айтсақ, император мен көсемдер олардың дүние-мұлкінен не алам десе де, қанша алам десе де құқы бар. Сол сияқты, олардың жеке бастарына да қалай ыңғайлы болса, солай иелік етеді. Жоғарыда айтылғандай, император өлген соң, көсемдер жиналып императорлыққа ханның ұлы – Үгедейді сайлады. Ол бектердің (князьдар) жиналысын жасап, немере туысы Батуға өскер бөліп берді. Оны Ұлы Сұлтанның жеріне, Бессермендердің жеріне қарсы жіберді, олар сарапин (мұсылман) болғанымен, тілі Құманша еді. Ол сол жерге келіп соғысып, өзіне бағындырыды. Ал Бархим деген бір қала көп қарсылық көрсеткен-ді, қаланы айнала ор қазып, үстін жауып қойды; қалаға шабуыл жасағандар сол орға құлады. Сол себепті орды толтырғанға дейін қаланы ала алған жок. Ал Ианкинт деген қаланың халқы бұл хабарды естіген соң, өз еріктерімен оларға берілді, сол себептен қала киратылмай аман қалды. Бірақ олар көп адамды өлтірді, жер аударды, қалаға басқа адамдарды әкелді. Олар Орнас деп аталатын қалаға да шабуыл жасады. Бұл адамы көп қала еді – хазар, рус, аландар және басқалар, көп христиан, оған қосымша сарапандар болды. Қаланың билігі сарапандер қолында еді. Қалада байлық мол еді, себебі ол Ианкинт қаласы орналасқан Бессермен еліне қарай ағып, теңізге құятын өзеннің бойында орналасқан. Басқа сарапандердің онда үлкен базары бар, су арқылы жүретін саудаға ыңғайлы қала еді. Қаланы ала алмаған соң өзенді ортасынан қазып, сонымен қаланың адамы, мал, дүние-мұлкін тұншықтырып бағындырыды.

Осыны жасаған соң олар Түріктердің жеріне енді, олардың өзі нағыз мәжусилер, оларды жеңіп, Руске шықты да, Рус жерінде ұлы Қырғын жасады, қалаларын бекіністерін киравтты, Киевті қоршады, адамдарын өлтірді, Ресейдің

астанасы болған. Біз олардың жерімен өткенде өлген адамдардың шашылып жатқан көп сүйектерін көрдік, қаланың өзі үлкен, адамы мол еді, қазір бар болғаны екі жұз үй, олардың өзі ауыр құлдықта. Рус пен Құманның шығып татар көсемдері венгр мен поляктармен айқасты...”

1. 1235-ші ж. құрылтайдың шешімімен империя жерінде хабар, қызметкерлер қозғалысын қамтитын қызмет пайда болды. Пошта станцияларын “ям” – “жәм” деп атайды. Әрбірінде дайын ат, тамаққа мал тұруы керек.
2. Ұлы Сұлтан – Хорезмдік Мұхамет Текеш болса керек.
3. Бессермен – Еділ қыпшақтары болса керек.
4. Құман – ол да қыпшақ атауының бірі (Еуропалықтар қолданған).
5. Бархим – Баршынкент қаласы, Сырдың бойында.
6. Ианкент – Янгикент, Жанкент – Сырдың төменгі ағысындағы ірі қала.
7. Орнас – Үргеніш (Хорезм елінің астанасы).
8. Хазар – Еділ бойында (VII ғ. қағанат құрған түркі руы, діні – иудей).
9. Алан – осетиндердің бабалары. Иран тілдес көшпелі ру. Шығу тегі сарматтармен тығыз қатысты.
10. Сарацин – Еуропалықтар Батыс Азиялықтарды, мұсылмандарды осылай деп атайды. Тексте – хорезмдік елдер туралы айтылса керек.
11. Түрік – бұл жерде Еділ бойындағы торк (түрік) руы туралы айтылды деп жорамалдауға болады.
12. Киев қаласын мұңғылдар 1240-шы ж. бағындырды. Әскерді бастиган – Бату.
13. Татар – Алтын Орданың негізгі халқын, түрік-қыпшақтарды, Еуропада осылай атаған.
14. Шығарма 1245-1247-ші жж. саяхаттың нәтижесінде жазылған.

*Джиовани дель Плано Карпини. История монголов.  
Путешествия в восточные страны. –  
Алматы, 1993. – 40-42-бб.*

## ТАТАРЛАРДЫҢ ҮЙ-ЖАЙЛАРЫ ТУРАЛЫ

“Олардың еш жерде тұрақты қоныстары жок, болашақта қайдан табатынын және білмейді. Олар Дунайдан бастап, күннің шығысына дейінгі алқапқа жайылған Ски-

фияны өзара бөліп алған. Әр бек өзінің қол астындағы елдің санына орай өз жайылымдарының шекарасын, сонымен қатар, өз малдарын қыста, жазда, коктем мен күзде қайда бағарын біледі. Қыста олар онтүстікке, жылылау жаққа түсіп, жазда солтүстікке, салқын жаққа котеріледі. Суы жок, бірақ жайылымы жақсы жерлерде табындарын қыста бағады, себебі қар судың орнында колданылады. Өздерінің үйкітайдын үйлері талдан тоқылған, донгелекті арбаның үстіне қояды; жоғары қарай талдар шаңырак болып, одан әрі пештің тұrbасында котеріліп тұрады; оны ақ кигізбен жауып, көбінесе ақ балшықпен, ақ топырақпен және сүйектің ұнтағымен жарқыратып сылайды, кейде кара балшықты да пайдаланады. Жоғарғы мойындағы осы кигізді оте әдемі оюмен, суретпен коркемдейді. Кіре беріске әр түрлі матамен әдіптелген кигізді іледі. Түрлі-түсті кигіздерден құрап жүзім сабағын, құстар мен андарды бейнелейді.

Олар осындай үйді кең жасайтыны сондай, кейде ені 30 футқа жетеді. Бірде құйменің екі доңғалағының арасын өлшеп едім – 20 фут болды, ал үстіндегі үй екі жағынан 5 футтан шығып тұрды. Осындай құймені 22 өгіз тартатының санадым, екі қатар жегілген (11x11). Құйменің кіндігі (осі) корабльдің мачтасында, айдаушы үйдің алдында, құйменің үстінде тұрды.

Оның үстіне талдан тоқып, үлкен сандық сияқты торт бұрышты үшік жасайды талдан, бұл жәшіктің үстін қара кигізбен жабады, жауын отпейді, кіре берісі бар, бұл жәшікті де әр түрлі материалдармен коркемдейді. Мұндай сандықтарға олар ыдыс-аяғы мен қазынасын салып, үлкен құймеге мықтылап тіркейді. Үйді түсірген жерлерінде есігін онтүстікке қаратады, құймелер мен сандықтарды екі қатар қояды, екі ірге сияқты. Әйелдер өз құймелерін өте әдемілдейді, оны тілмен жеткізу мүмкін емес, егер суретші болсам, суретін салар едім. Бір бай Мұңғыл немесе Татар осындай құйме мен сандықтардын 100, 200-іне ие болады; Батудың 26 әйелі бар, олардың әрқайсысында кіші үйлерін айтпағанда, орданың артында тұратын бір-бір үлкен үйден бар; кіші үйлер бөлме сияқты, жастар тұратын, әр үлкен үйге 200-дей құйме жақын орналасады. Тоқтаған уақыттарында бәйбіше өз ауласын батыстан сайлайды, одан кейін тәртіп

бойынша шығысқа қарай орналасады, арасы тас лақтырым. Соныменен, бай мұңғылдың ауылы үлкен қаладан кем емес, тек онда еркектер аз. Әлсіз деген әйел 20-30 күймені бір-біріне тіркестіріп басқара береді. Өткелден бір-бірлеп откізеді. Жұріс ақырындығы сондай, қозы немесе өгіз аянына үқсас. Жерлері тегіс”.

## ҚҰДАЙЛАРЫ МЕН САЛТ-ДӘСТҮРІ ТУРАЛЫ

“Есігін оңтүстікке қаратып, үйлерін орнатқанда – үй иесінің төсегі – солтүстік жағында, ал әйелдің орыны – шығыс жағында, яғни үй иесінен солға қарай, егер өз төсегінде, жүзін күнгейге бұрып отырса. Ерлер жағы батыс, яғни оң жақ. Ереккүнде, ешқандай жағдайда корамсағын әйел жағына ілуіне болмайды. Отбасының бас жағында кигізден жасалған қуыршак немесе мұсін тұрады, оны от басының ағасы дейді; осыған үқсас мұсін бәйбішенің бас жағында да тұрады, оны бәйбішенің ағасы дейді; бұл кейіптер іргеге бекітілген, ал олардан жоғары, арасында кішкене, жұқа мұсін тұрады, ол, былайша айтқанда – үй күзетшісі. Бәйбішенің оң жақ бүйірінде, төсектің аяғында, жоғары ішіне жұн тығылған ешкі тұлыбы ілулі, оның жанында әйелдер мен күндерге қараған кіші мұсін бар. Кіре берісте, әйелдер жағында сиыр желіні суретпен бейнеленген, сиыр сауатын әйелдер үшін. Кіре берісте карсы жақта, ереккүнде жағында бие желінің мұсіні тұр, еркектер үшін, бие сауатын. Қай уақытта қымыз ішуге жиналса да, алдымен отағасының бас жағында тұрған, одан кейін бәйбішенің басындағы, одан кейін тәртіп бойынша басқа мұсіндерге шашып барып қана отырады. Осыдан кейін, қызметкер қымыз құйылған кесемен далаға шығып, тізесін бүгіп, оңтүстікке үш рет шашады – отқа тағым еткені, шығысқа бетін бұрып қайталайды, ауаға құрметінің белгісі, осыдан кейін батысқа қарайды, құрметтің көрсету үшін, ал солтүстікке аруақтарға шашады. Отағасы қолына тостаған алғанда, ішпес бұрын бір болігін жерге шашады, егер аттың үстінде отырып ішсе, ішер алдында мойынына не жалына тамызады. Соныменен, қызметкери әлемнің төрт бұрышына тамызық қылыш,

күрмет көрсеткен соң, үйге қайтып келеді, ал екі қызметкер тостағанмен, сол шамада, тағаммен дайын тұрады, қымызды өз орындарында отырған бай мен бәйбішесіне үсыну үшін”.

## ШІМДІКТЕРІ ТУРАЛЫ

“Қысты күні күріштен, тарыдан, сұлыдан және балдан таза, шарап сияқты тамаша ішімдік жасайды, ал шарапты алыс елдерден жеткізеді. Жазды күні олардың қам қылатыны тек қана қымыз. Қымыз қашанда үйге кіре берісте тұрады, оның жанында кішкене музыка аспабы (гитара, негізінде домбыра болуға тиіс) бар өнерпаз тұрады. Мен ол жерде гитара мен виелла көргем жоқ, бірақ бізде жоқ көп аспапты көрдім. Үй иесі іше бастағанда, қызметкердің бірі қатты дауыспен “ага” деп айғайлап, ал өнерпаз болса, домбыраны бір тартып жібереді, үлкен мереке болса, бәрі алақандарын ұрып, музыка дауысымен билейді, еркектері байдың, әйелдері бәйбішенің алдында”.

1. Фут – 304,8 мм.

*Гильом де Рубрук. Путешествие в восточные страны. – Алматы, 1993. – 79-82-66.*

## ҰЛЫ ЖИҢАНГЕРДІҢ КҮНДЕЛІГІНЕН (XIII ғасыр)

“Шыңғыс ханнан кейін Күйік хан биледі, үшінші хан – Бату хан, төртінші хан – Алтын хан, бесінші – Мөңке хан, алтыншы – Құбылай хан – ең үлкен, ең күштісі бәрінен; осы бесеуінің басы қосылса күші Құбылайға жетпейді; оны айтасыз, христиан, мұсылман патшаларының бәрін түгел алсак, Құбылайға қарсы күші жоқ, оның жасағанын жасай алмайды. Осының бәрін, біздің кітапта, толық баяндаймын.

Шыңғыс ханның тұқымынан шыққан барлық ұлы патшаларды үлкен тау Алтайда жерлейді, татардың патшасы

қай жерде өлмесін, тіпті таудан жұз күндік жерде болса да, жерлеуге алып келеді. Ең бір таңғажайыбы – ұлы хандардың денесін тауға әкеле жатқанда қырық күншілік жерден кездескенің бәрін “о дүниеде біздің патшамызға қызмет ет” деп мұрдені әкеле жатқандар қылышпен өлтіреді. Өлген адам о дүниеге барғанда, олардың патшаларына қызмет істейтініне шын сенеді. Аттармен де соны істейді. Билеме өлгенде “о дүниеде қол астында болсын” деп, оның ең жақсы аттарын өлтіреді. Біліп қойыңыздар, Мөңке хан өлгенде мұрде жолында кездескен 20 мың адам өлтірілді. Татарлардан бастадым, тағы да бір өнгіме айтайын.

Қыста татарлар жылы, малға жайылымдық шөбі бар далада, ал жазда сұзы мен тоғайы бар қойнауларда өмір сүреді. Үйлері ағаштан жасалған, арқанмен тартылған, дөңгелек, өздерімен бірге алып жүреді, көшіп-қонуға жеңіл, шыбықтармен жақсы бекітілген, үйді орналастырғанда, есігі онтүстікке қарайды. Күймелері қара кигізben жабылған, күні бойы жауын жауса да су өтпейтіндей жақсы, оған түйе мен өгіздерді жегеді, бала-шағасы соның ішінде. Әйелдері, мен сізге айтайын, еркегіне керектің бәрін өздері сатып алады, сатады да, үй шаруасына берік. Күйеулері еш нәрсеге алаң болмай, соғысып немесе сұнқарларымен аң мен құска саятшылыққа шығып жүреді.

Ет жеп, сүт ішіп, аңнан олжасын ас қылады; сұырды жейді, олар барлық жерде, жазықта көп. Жылқы етін азық қылып, бие сүтін ішеді. Әр түрлі етті жей береді. Өзгенін әйелімен ойнап-құлмейді, жат қылық санайды. Әйелдеріне сенімді, үй шаруашылығымен жақсы айналысады. Үйленгендері былай: әркім қанша әйел аламын десе, тіпті жұз болса да, ерікті, тек оларды асырай алсаң болды...

Ал діндері мынадай: олардың құдайлары бар, “Найзағай” деп атайды, “Жер бетінің құдайы” деп атайды, ол ұлдарын, малдарын, азықтарын сактайты. Қатты құрметпен, оған көп сиынады, ол әркімнің үйінде. Кигіз бен матадан жасап және үйлерінде ұстайды, оған әйелі мен баласын жасап қояды. Әйелін жанына, ұлдарын алдына қояды, оларға да сиынады. Ас ішерде бір кесек маймен құдайдын, оның әйелі мен ұлының ауыздарына жағып, ал сорпасын табалдырықтан әрі төгеді, соны істегеннен кейін құдай өз жақындарымен ас ішті деп, өздері тамақтана бастайды.

Олар, біліп қойыңыз, бие сүтін ішеді, ақ шараптың өзіндей, өте дәмді, қымыз аталады.

Киімдері мұнадай: байлары алтын оқалы, жібектен киінеді, құс қауырсынымен әдемілейді, түлкі, құндыз, жаннат терілерін пайдаланады. Ат әбзәлі және қымбат. Қару-жаралы садақ, қылыш, шокпар, әсіресе садакты көп қолданады, себебі айлалы атқыштар; аркаларын өгіз немесе басқа теріден жасалған, өте қатты сауыт қорғап құрады. Соғыста өте ержүрек, майталман.

Өзгелерден гөрі кезбе, себебі татар шаруасы болса, тұтас бір айға еш азықсыз кетіп қалады; колына түскен аң мен бие сүтін қорек қылады, аты табылған шөпті жей береді, не шалам, не арпа алып жүрудің қажеті жок. Билеушісінің айтқанынан шықпайды, керек болса, түні бойы бесқаруымен ат үстінде өткізеді, аты қашандағыдай жайыла береді. Қындық пен жоқтыққа басқа халықтардан гөрі шыдамды, шығыны аз, басқа жүрттар мен патшалықтарды бағындыруға өте бейімді ел.

Мұнадай тәртіптері бар: татар патшасы жорыққа аттанып бара жатып, өзімен жүз мың атты өскерді ертеді де, оларды былай орналастырады: он адамға бір басшы, жүз адамға біреуін, мың адамға да солай, ал кейде – жүз мыңға да, өзі он-ақ адамды біледі, түмен басы он адаммен байланысады, мың адамның үстінен қойылған ол да он адаммен, жүз үстіндегі ол да ондықпен. Сіз естігендердегідей, әркім өз бастығына ғана жауап береді... Жүз мың, білсөніз, туғ, он мың – түмен, мың, жүз, ондық аталады.

Әскер бір іспен тау немесе жазықпен жортқанда екі күн бұрын жан-жағына, төрт қабырғасына, екі жүзден барлаушы адам жұмсайды, біреулер кездейсоқ шабуылдамасын дегендіктен. Алыс жолға шыққанда соғысқа, екі сүйретпе сүт алады ішуге, ет пісіретін қыш бақырды алып жүреді. Оған қосымша жаңбыр жауса деп, кос алып жүреді. Қажет күн туса, он күн бойы ассыз, от жақпай шабады, аттарының тамырын тесіп, ол кезде қанын ішеді. Олардың қамыр сияқты, қою созылмалы құрғак сүттері де бар, суға салып, әбден езілгенге дейін араластырады, содан кейін ішеді.

*Книга Марко Поро. –  
Алма-Ата, 1990. – 80-82-бб.*

## ШЫҢҒЫС ХАННЫҢ НАЙМАН ЕЛІМЕН СОҒЫСЫ

“Найман Тиаң он күт бегі Алакүш тегіне кісі салып “Шыңғыс хан өзінің тілін алмағандарды өлтірді, жамандарын өзіне бағындырыды. Керейіт жұрттымыздың бір үлкен елі еді, оның ханын да, жақсыларын да қырды, жамандарын өзіне тәуелді етті, басқа да ұсак елдер қорыққаннан барып, өздері бағынып жатыр. Бұрынғы жақсылар: “Он дәруіш бір алашаның үстіне сияр, екі патша жер жүзіне сыймас”, – деуші еді. “Ендігі кезек не сенікі, не менікі. Ол үстімізге аттанбас бұрын екеуміз бірігіп, Шыңғыспен соғысалық”, – деді. Алакүш тегін бұл сөзді естіген соң, бір жақсы кісісін жұмсап, Тиаң ханнан естігенін Шыңғыс ханға жеткізді. Шыңғыс хан бұл сөзді естіген соң, бектерін жинап ақылдасты. Бектердің бәрі: “Қазір атымыз болдырған және арық, атымыз оңалған соң найман үстіне жүрейік”, – деді. Шыңғыс ханның әкесінің інісі Дәрітай ечеке айтты: “Аттарыныздың шаршағанын дәлел етпеніздер, бүгінгі істі ертеңге қалдырғаның ісі бітпес, сіздердің аттарының арық болса, менің елімнің аттары семіз, менің аттарымды мінініздер”, – деді. Хижраның 600-ші, яғни тышқан жылы аттаңып, Тиаң хан үстіне жүрді. Шоша нояңды шолғыншы етіп жіберген еді, ол бір тіл алып, Шыңғысқа жіберді. Оның хабары бойынша, Тиаң хан Алтай сұнының жағасында отыр, найман әскерінен басқа меркіт, ойрат және жойрат әскерлері бір жерге жиналышп, Шыңғыс хан үстіне жүрмек еken. Тиаң хан да Шыңғыстың аттанғанын естіп, екеуі қарсы ұшырасты. Шыңғыс хан соғысуға әскерін дайындал, он қолына інісі Жошы Қасарды, сол қолына үлкен ұлы Жошы ханды қойып, өзі орталық әскерді басқарды. Ертеден күн батқанша, қатты соғыс болды. Тиаң хан ауыр жарагалы болып, найман әскері қашты. Тиаң ханды таудың басына алып шығып, одан ақыл сұрап еді, ол жауап берे алмады. Ханнан үміт үзген соң, найман бектері өзара ақылдастып: “Төремізден, елімізден айрылып, жат қолға түскенше, өлгеніміз артық”, – деп таудан түсіп, тағы соғысты. Найман қолы аз қалғанда Шыңғыс хан: “Сіздердің ерлігіңіз сыйлауға тұрады, мен кек алмаймын, қандарынызды кештім. Найза-қаруларынызды тастап, маган келініздер!”

— деп, бес-алты рет айгайлады. Қабыл қылмай, бірі қалғанша соғысты, бәрі де өлді. Мұны көріп, Тиаң ханның қасындағы кісілер ханды атқа өңгеріп қашты, жол бойында хан жан тапсырды. Тиаң ханның ұлы Күшлік соғыстан аман шығып, өкесінің үлкен ағасы — Бұйрық хан қасына барды.

Шыңғыс хан кейін Ертіс бойында отырған Бұйрық ханның елін шауып, озін өлтірді, Күшлік құтылып кетіп, Түркістанға қара қытай гөрханына барды. Мұнғылдар оны ол жерден де қуды. Ақыры Бадахшанға кетті, қолбасшы Шоша нојян найман билеушісін ол жерде іздең тауып, өлтірді”.

Әбілгазы. — 59-62-66.

## ШЫҢҒЫС ТУРАЛЫ ЕСКІ СӨЗ

“Біздің қазақтың ескі сөзінше: бұл Шыңғыс тауының Шыңғыс атанғаны, баяғыда Шыңғыс хан мұңғол, татарды алып, үлкен хан болғанда, осы Шыңғыс тауында, қол астындағы елдердің топ басы бектері келіп, мына Қарауыл өзенінің күншығыс жағындағы Хан биігінің басына, ақ кигізге салып, хан көтеріп, Шыңғысты алып шыққан. Сонда Ұлы жүздің қазағынан үйсін Майқы би барған екен. “Түтел сөздің тубі бір, түп атасы — Майқы би”, — деп, мақал болған осы кісі. Және Орта жүзден Қоңырат Сәңкеле би барған. Сонда Шыңғыс хан бектеріне ұран, құс, ағаш, таңба беріпті. Ұлы жүз Майқы биге: “Таңбаң — сүргі, яғни малатемір болсын, құсың — бүркіт болсын, ағашың — қара ағаш болсын, ұраның — Салауат болсын!” — депті. Орта жүз Сәңкеле биге: “Ұраның — Қоңырат, құсың — сұңқар, ағашың — алма, таңбаң — ай болсын!” — депті.

Шыңғыс ханның шын аты — Темучин еді. Сол үлкен хан болғанда Шыңғыс қойды: мағынасы — бек мықты, зор деген сөз. Бұл таудың аты Шыңғыс атанғаны сол. Ана биіктің Хан биігі атандып, осы біз қыстап отырған өзеннің Хан өзені атанғаны — бәрі де сол Шыңғыс хан атыменен. Әбілгазы хан сөзінше, бұл таудың бұрынғы аты — Найман кере болса керек”.

1. Мұнғылдың өз шежірелері Шыңғыс хан Орхон-Керулен маңында хан көтерілгенін айтады.

2. Найман кере – Әбілғазы “Найман кіре” дейді, егер парсы сөзі болса – “куң” делінер еді. Бұл оқиға Әбілғазы бойынша хижраның 599-шы жылы болған, яғни жаңа жыл санауымен 1202-ші – доныз жылы делінеді. “Шыңғыс” деп ат қойған Көкше деген баксы, “тәңірінің беті – тіп тінірі” деп атайды екен.

**Шәкәрім... 46-47 66.**

## **“ӘЛҚИССА, ТОҚТАМЫШ ОҒЛАН ҚАЗАҚЫЛАП ЖҮРІП, ОРЫС ХАННЫҢ ЕЛІНЕН ЖЫЛҚЫ ҚУЫП, ЕЛІН ШАБАР ЕДІ”**

“Шырын, барын, арғұн, қыпшақ – Тоқтамыш оғланның ата-аналарының байырғы елдері еді. Бұл оғлан мәзкүр қазақылап жүріп, тарихи істер қыла бастады. Бұл елдердің дәу білекті жігіттері барып, оған нүкер болып, медет бере бастады. Орыс хан енді бұл елдерге бірсызыра жапа қыла бастады. Бұлар енді Тоқтамыш оғланға кісі жіберіп: “Сенің себебінен хан бізге азап қылып, малымызды алып тұр. Басымызға және төнген қатер бар. Бір тірлік қылып біздің пікірімізді қолдамасаң, қиямет күні сенің жағаңда біздің қолымыз тұрар”, – деді. Оғлан бұл сөзді естіп, көңілі сарсан болып, келген кісіге айтты: “Бұл жылы жайлауға шығармыз, елдің соңын ала көшсін. Пәлен судың бойында жайлаңыз, тағы жарағыңызды қылып тұрыңыз. Енші алла, өлмесем, өзім де жетіп көремін сіздерге”, – деді. Жаз да болды. Хан жайлауға көшті. Бұл ел де басқа елдің соңында көшті. Жайлауға да жетті, әрбір судың бойына кетті. Бұл елдер болжам қылған судың бойына келіп жайлады. Халайықтар қымыз ішіп, ойын-қызыққа батты.

Бұл кезде Тоқтамыш оғлан бұл елдің ішіне кіріп келді (жасырын). Алдын-ала келіскендей, барлығы жарактарын дайын қылып еді. Әр отбасы бір тіләгәнға (күйме) екі ат жегіп, ұлы-қызын мінгізіп, Еділ дариясының тарапына қашты.

Екі күннен соң ханға хабар келді. Тоқтамыш оғлан келіп, шырын, барын, арғұн, қыпшақ, тағы әр елден алып, Еділ дарияға ауысты деп. Хан қасындағы кісілермен жақын

тараптарға кісі шаптырып, өзі бұл елдердің сонынан құғын салды. Ханның елдері жайлауға тарқап еді. Аты семірген, майлы еді. Хан қатты жылжыды. Жырақтағы елдерінің шерігі ханға жете алмады, жақындағы елдерінің және аттары семіздігінен (жүре алмай) қалды. Бұларға жақын жеткен кезде ханның жанында кісі аз қалды, екі жұз кісі, көп болса үш жұз кісі болған еді. Құн батып бара жатқанда, қашқан елдің қарауылы ханның шаңын көріп келді. Бұлар кеңес қылды: бұлардың аттарының мойыны қатып келіп тұр. Аз-көп демес, қашан жетсе, бізге тисер. Біз бәрібір өлім кісі. От басының үстінде өлемріз, не тұқымымыз құрымасын, атқа мінуге жарап ұлдар мен Жәлел-ад-Дін сұлтанды, тағы Жақсы қожаны сайлап шығарып, екі жол білер кісі оларды дайын қылсын. Үн естілер шақ жерде әскердің жанында алып жүрсін. Егер жауды біз бассақ, сүренімізді біліп, біздің артымыздан келгей. Егер жау бізді басса, сүренінен мәлім болып тұрар, тұрмай, қаша көрсін”, – деп ынтымақ қылды.

Жәлел-ад-Дінді басшы қылып, Жақсы Қожаны, ол – Үрік Темірдің ұлken ұлы еді, және бірнеше атқа берік оғландарды сайлап шығарды. Жәлел-ад-Дін сол кезде он екі жасында еді. Жақсы Қожа ол да сол қатарлы еді. Олар бұл кеште әскердің жанында, үн естілер жерде бара жатыр еді. Тұннің бір бәсі өткенде, хан бұлардың сонынан қуып жетті. Қөштерін алдына салып, сонынан жасанып барады екен. Хан айтты: “Бұл кісілер бізден көп болып тұр. Нақақ таң атып, біздің аздығымызды көрсе, жаман болар. Тұнде шауып, ұран салып тиелік, азды-көптігімізді білмес, қашар” – деді. Тағы сүрен салып тиді. Бір толғасып шықты. Үрік Темірдің аты жығылды, жаяу қалды. Айғай салды: “Әй, нәмәрт (мәрттігі жок) Тоқтамыш! Сөзіміз анадағы осы ма еді? Қайтып толғанса, мен қалдым!” – дер еді.

Осы кезде оғландар ат басын тартып, бір жерде тұрып құлақ салар еді. Жақсы қожа атасының үнін таныды дағы Жәлел-ад-Дін сұлтанға айтты: “Көрдің бе? Ол менің атам дұр, оны түсірді (ұстады). Одан кейін сенің атанды түсірер. Аталарымыздан айырылып, біз, жас оғландар, не құн көрерміз? Біздің бірге өлгеніміз жақсырақ емес пе?” – деп еді. Алла тағаланың көмегімен Жәлел-ад-Дін, тағы басқа оғландар қолға тап келіп, әрбіреуі шері-мәрт жігіттей, сүрен салып, біржолата ат салды. Ханның кісілері қорқып, тізгінің

тартты. Тоқтамыш оғлан қайта айналып келіп тиді, Үрік Темірді атқа көтеріп алып кетті. Хан кісілерінің аттарының мойыны қатып келіп еді, көп кісіні сонда-ақ алдырды. “Бәлі, соңында қолы бар”, — деп, көп қуа алмады. Түскен кісіні сол жерде оклад қылды окпен (өлтірді).

Ат жарағын алып, елінің соңынан жүрді. Ханның қолға түспеген кісілері аулақ шығып жығылды, қараса – еш жерде хан жок. Бұлардың бірі айтты: “Мен хан қасында едім, ханды екі кісі келіп тұтқанын көрдім. Онан соң, не болғанын білмедім. Қайтып үрыс жеріне келді.

Ханның өлігін тапты. Сол жерден ханның мәйітін алып, қайта елдеріне қашты. Олар (Тоқтамыш) соңымыздан хан жетер деп, ол басқа жаққа қашты. Орыс ханның өлгенінің оқиғасы осы еді.

Өзбектер айтады: “Жәлел-ад-Дін хан оғлан кезінде бір бөлек оғландарды бастап, атасы мен Орыс хан соғысып түрғанда көлдененен ат салып, Орыс ханды жеңіп өлтірді”, – дейтіндер. Жағдайы осы болды”.

1. Өтеміш қажының бұл шығармасы XVI ғ. ортасында қағазға түскен. Тарихи аңыздарға құрылған, қызықты, деректі шығарма.
2. Қазақылық – осы мағынасында өте ерте заманнан бері қолданыста бар, “еркін жүрген ел” деген үғым.
3. Өзбек – Ақ Орданың халқы. Кейін бірде өзбек, бірде қазак, бірде ногай болып қолданылып келді.

*Утемиши хаджи. Чингис наме... – 142-143-бб.*

## “ШЫҢҒЫС ХАННЫҢ ӨСИЕТІ”

“254. Бұдан соң Чингис хаган сартаул (Орта Азиялық Хорезм елі) еліне жіберген Ухуна бастаған жүз елшісі өлтірілгенін естігенде: “Алтын арқанымызды сартаулдарға қидырып, қол қусырып отырамыз ба? Ухуна бастаған жүз жігітіміздің кегін қайтарып, сартаулдармен соғысып, егеске қысас істеп, сартаулдармен шайқасайық”, – деп, дереу аттанғанда, Есүй ханым Чингис хаганға:

«Хаган,

Ұлы асудан асарда,  
Ұлы өзеннен өтерде,  
Ұзак жолга шыгарда,  
Елін қайтып билеуді,  
Етер өситет, алдымен.  
Туган дene солатын,  
Тоңған гүл де оцатын.  
Барша өлем кезегін,  
Батыл ойла алдымен.  
Асқар таудай денеңіз,  
Анат болса көнеміз.  
Қалың елің – Мұңголды,  
Кім билер деп сенеміз?

Пана тұтар денеңіз,  
Пани кетсе көнеміз.  
Қасиетті туыңды,  
Кім ұстар, деп сенеміз?  
Аузыңыздан сұрайық,  
Айттай, қайтіп тұрайық,  
Туылған төрт ұлыңың,  
Таққа кімі лайық?  
Хан ұлың мен бауырың,  
Қарапайым халыққа,  
Қалың тобыр-қатынга,  
Қалай әмір етерін,  
Хаган сізден сұрайық? –

дегенде, Чингис хаган: “Қатын болса да, Есүй тым орынды айтты. Бауырларым мен ұлдарым, Боорчи мен Мухулай, сендердің бір де біріншің есіне бұл сөз тұспеді. Мен де, ата-бабамның артынан бармайтындей, бұл жайды ұмытып кетіппім. Мені өлім соқпай өтердей, шынында да, ойламап-пын. Ал, ұлымның ұлкені – Зұчи еді. Көне, не айтасың? Сен айт!” – дейді. Зұчи сөйлеуден бұрын сөзге Цагадай араласады: “Зұчиге сөз сөйле!” – деп, оны неге нұсқағалы отырсың? Біз Мәргидтің қоқсығына бағынбақпыш ба?” (Бөртені мәргид алып кеткенде, жүкті болғандықтан, солай деп отыр) дегенде, Зұчи қарғып тұрып, Цагадайдың алқымынан ала түсіп, бүй деседі: “Мені хаган әкем сырт көрмегенде, сен неге мені шеттетіп отырсың? Сен менен қандай білгір мықтылығыңмен артықсың? Сен тек долы – шарқаялығыңмен ғана артық шығарсың? Сенімен атысып мерт болсам, бармағымды кесіп берейін, күресіп жығылсам, жығылған жерімнен тұрмайын! Хаган әкемнің жарлығы білсін”, – дейді.

255. Сөйткенде, Чингис хаган: “Зұчиді шеттетуге бола ма? Ұлдарымның ұлкені Зұчи емес пе? Бұдан соң, өйтпендер”, – дегенде, Цагадай жымиып:

Ауызбенен өлтірсе,  
Айтуга сірә болмас-ты.  
Жел сөзбенен өлтірсе,  
Жерлеуге сірә болмас-ты.

Қашып кеткен сұмдарды,  
Қыршынынан қияйық,  
Безіп кеткен құларды,  
Бет қараттай қырайық.

Балаңыздың үлкені,  
Біз екеуіміз оңдалып,  
Богды Экейге тыныс бол,  
Болайық серік сомдалып.  
Қарқара тымақ кигізіп,  
— дейді.

Кешірімді еді Өгэдэй,  
Хаган таққа ылайық.  
Қадірмен Эке жанынан,  
Қалдырмай оны тұрайық  
Қадыл болуын сұрайық,

Сөйтіп, Чингис хаган: “Зұчи не айттар екен, айтсын?” — дегенде Зұчи: “Цагадайдың айтуы бойынша, Цагадай екеуіміз бірігіп жәрдемдесейік. Өгэдэйді ұлық тұтайық”, — дейді. Соңда Чингис хаган: “Бірігу деген не? Жер-ана кен, өзен-көл көп қой. Бөгде елдерді бодам етіп, жеке-жеке болындар. Өз-озінің елдерінді кенейте беріндер. Ал, Зұчи мен Цагадай екеуің айтқандарыңа жетіп, елге құлқі, дұшпанға таба болмай, ынтымақтасып жүріндер. Бұрын Алтын мен Хучар осылайша серттессе де, айтқан сөзінде тұrmай қайтадан қақтығысып, ақыр аяғында неге душар болғанын білесіндер гой? Енді Алтын мен Хучар екеуінің елін сендерге бөліп беремін. Сол құсамай, уәдеге болындар”.

“Ал, Өгэдэй, сен не айтасың? Айт!” — дейді. Сөйткенде, Өгэдэй: “Хаган Экем рұқсат етіп, сөйле дегенде, не айта-рымды білмей тұрмын. “Істей алмаймын” деп қайтіп айта-мын. Истеуге тырысайын. Тек ұрпақтарым, немере-шөберелерім, шөпке орап берсе, сиыр жейтін болып туып, бұланды көздел, тышқанға тигізетін болып жүрмегей. Мен бұдан басқа не демекпін”, — дейді. Сөйткенде, Толуй: “Мен Хаган Экем атаған ағайдың жанында болып, ұмытса — есіне салып, үйіктаса — оятып, ұран салса — үн қосып, атқа мінсе — қамшысы, алысқа жүрсе — серігі, соғысқа — сойылы болайын”, — дейді”.

1. Чингис хаган — Шыңғыс хан.
  2. Қысас — кек қайтару.
  3. Баорчи — Бауыршы, Шыңғыстың атақты қолбасшысы, өз қолында тәрбиеленген.
  4. Мухулай — Мұқалай, ірі қолбасшы. Қытайды бағындыруышы, табы Жалайыр.
  5. Зучи — Жошы
  6. Цагадай — Шағатай
  7. Өгедей — Үгедей
  8. Толуй — Төле
- } Шыңғыс ханының ұлдары

9. Алтын мен Хучар – Шыңғыс ханның інілері, өзінсө серік болған.

*Мұңголдың қупия шежіресі. – Баянолгий, 1979. – 132-135-бб.*

## ӨЗБЕК, ҚАЗАҚ, НОҒАЙЛЫНЫҢ АЙРЫЛУЫ

*Тоқсан баулы айтайын тор өзбекті,  
Заманында мал біткен зор өзбекті.  
Пайғамбардың батасы тиғен дейді,  
Соның үшін байыған сол өзбекті.  
Өзбексіз ел бар ма тамам елде,  
Өзбектің өскені осы бір белде.  
“Тоқсан баулы” өзбек айрылыпты,  
Таңбалының моласы деген жерде.*

1. “Тоқсан баулы” – өзбек ұлысына енген руладың жалпы саны. Кей деректерде “тоқсан екі баулы” деп аталады. XV г. Әбілқайыр бастаған көшпелі өзбек мемлекеті Орал мен Ертіс ара-сын тұтас алып жатты. XVI г. басында оның қурамына енген елдің көпшілігі Мәуреннахрга Мұхаммед Шайбанимен бірге қоныс аударды. Шежіреде өзбек-қазақ болып қоштасқан жер Ұлытаудың маңы дөлінеді (Таңбалы тас). Бертінгі деректерде Орта жүзді “тоқсан екі баулы” деп атайды. Өзбекстанға XV-XVI ғғ. барған руладың көпшілігі өздерін “Дешті-Қыпшақтан немесе Орта жүзден келдік” деп атайды. (Т.И. Султанов пен Б.Х. Кармышева кітаптарын қараңыз).

*Нұржан Наушабаев. Манзумат қазақия. –  
Казан, 1907. – 5-б.*

“Дала өлеміне өйгілі “Ел айрылған” жоқтау-күйін қыр өнерпаздары өлі күнге қобызда ойнайды, жөне көрі ақсақалдардың сезімін босатып, көзінен жас шығарады. “Жұз мың ногай бұлінгенде, Ормамбет би өлгенде, Ордың қара ағашы жанғанда”, – деп жыр төгеді дала жырауы. Бұл күй қазақ пен ногайдың екі бөлінген оқиғасына арналған.”

1. Ормамбет би (1590-1597-ші ж.ж.) ногайлы елінің соңғы тәуелсіз басшыларының бірі. XVII ғ. бастап бұл елдің ішкі ісіне Ресей толық қожалық етті. Осыған байланысты ногайлы этносы ыдырап, оның үлкен белігі Қазақ Ордасының құрамына енді. Ресей шекарасындағы ел бірнеше ғасыр бойы ауыр азапты бастан кешіп, қазіргі күні саны 100 мыңға жетпей отыр.


*Ч. Ч. Валиханов. Киргизское родословие.  
Собрание сочинений в пяти томах. —  
Алма-Ата, 1985. — т. 2. — 166-б.*

### “ҚАСҚА ЖОЛДАН” “ЕСКІ ЖОЛҒА” ДЕЙІН (XV-XVII ғасырлардағы Қазақ хандығы)

XV ғ. – дүниежүзілік тарих үшін жаңа заманның басы. Қазақ халқы үшін өзінің төл мемлекетінің дүниеге келген уақыты. XV ғ. еуразияның далалық өлкесінде “өзбек ұлысы” немесе “Әбілқайыр ханның көшпелі мемлекеті” атаптағын бірлестік ірге көтерді. Бұл мемлекеттің құрамына Дешті Қыпшақ тайпаларының дені енді, олар сондықтан “тоқсан екі баулы өзбек” деп те аталады. Әбілқайыр 1428-ші жылы Оңтүстік Сібірде Шымқай Тұра қаласында (Түмен) 17 жасында хан көтерілді. Алғашқы бетте оның саясаты қайткен күнде де Еділ бойында Батудың құрган Алтын Ордасын иемдену болса, кейін келе онтүстікке ойысты. Оған да себеп мол болатын, алдымен Ақсақ Темір өлген соң, Шағатай ұлысындағы ел бытыраңқы күй кешті, Сыр бойындағы, Хорезм өлкесіндегі қалалар иесіз қалғандай болды. Көрегенің үрпағы өз-өзімен соғысып, ұлы мемлекеттің тізгінің дұрыс ұстай алған жоқ. Ал басты себептің бірі – Дешті Қыпшақ тайпаларының көпшілігінің қыскы қонысты онтүстіктен сайлауына да байланысты еді. 30-шы жылдардың ортасында Әбілқайыр Ұлытау бойында орда сайлап, сол жерден үзамай қыстап жүрді, ал 1446-шы жылы Сырдың бойын иемденіп, ордасын Сығанақ қаласына көшірді. Моғолстан мен Мәуреннахдың көшпелі және жартылай көшпелі руларының көпшілігі Әбілқайыр билігін мойындалап, өзбек ұлысының құрамына кірді. Мемлекеттің ұлан-асыр молаюы ішкі саяси күрестің өрістеуіне басты себеп болғаны анық.

Шағатай ордасынан Әбілқайырға қараған рулар, сонын ішінде арғындар, қыпшақ билігін мойындауға көнбей, 50-ші жылдары сепаратистік ниет білдіре бастады. Бұл ұлы қозғалысты Әбілқайырға бақас Керей және Жәнібек сұltандар костап, ақыры өкпелі рулар Шу бойына қарай ығыс-

# *Қазақ мемлекетінің бастауары (XV ғ. ортасы)*



ты. Моголстан өлкесіне көрші қонған рулар алғашқы бетте “өзбек-қазақ” немесе “қазақ” атанды және Жетісулық көшпелі рулармен тығыз саяси одақ құрып, Әбілқайырға қарсы қүресті бастады. Моголстан ханы Исан Бұғы (1462 ж. қайтыс болды) қазақтарды қалмактарға және өзбектерге қарсы ұтымды шеп есебінде пайдаланды. Бір жағынан хандық билікке таласып жүрген өз ағайыны Жүніске күш бермей кетті. Сол кезеңде Тәшкентті билеген Шайқы Жамал Қара арғын Жұністі кейін билікке өткізбей, кедергі жасап отырды (1466 ж.). Соныменен, Қазақ хандығы атты XV ғ. дәл ортасында өмірге келген мемлекет белгілі дәрежеде көшпелілердің табиғатына тән сепаратизмнің жемісі еді. Осы себептен де болар, қазақ елі көшпелілердің бірнеше мың жылдық өркениеті мен мәдениетінің бірден-бір мұрагері ғана емес, оны қазіргі заманға жеткізуіші жалғыз халық болды.

XV-XVII ғ. қазақ хандығының негізгі саясаты ел есебінде қалыптасу және Сыр бойындағы қалаларды өз меншігіне қарату болды. Тәшкент, Сайрам, Отыrap қалалары онтүстіктерінде ірі сауда-қолөнер орталықтары болды, олардың ішінде көшпелі рулар үшін Сығанак қаласының қадірі жоғары. Шығыс авторлары оны Шығыс Дешті Қыпшақтың “сауда алаңы” деп атайды. Әр жылы көшпелі мал баққан рулар бұл қалаларға жүз мындаған бас мал айдан алып келіп, сатып не айырбастап, өз қажеттерін өтейтін. XVIII ғ. дейін Түркістан өнірінің қалалық аймағы Еуразия далалық елін отырықшылық мәдениетінің жемістерімен қамтамасыз етіп отырды. Бірақ қалалардың құлазу нышандары осы тұста айқын көрінеді. Фылыми әдебиетте бұл кері кетуді ел арасындағы жаугершілікпен көбірек байланыстырады, ал негізінен, мәселе одан әрірек – XV ғ. басталған екі система – көшпелілік пен отырықшылық арасындағы бәсекеде. Мындаған жылдар бойы Еуропа мен Азияның күре тамыры болып келген Жібек жолы XV-XVI ғ. өз жұмысын тоқтатты. Батыс елдері Шығысқа теңіз жолдарын ашты, өз ішінде көсіптердің түр-түрін игерді. Трансевразиялық күре тамыр өз қызметінен айырлды.

XV-XVII ғасырларда қазақтың этникалық құрылымы нығыз орнықты. Әуелде қазақ ордасының Жетісу жерінде ірге көтеруіне байланысты Ұлы жүз, кейін келе “тоқсан екі

баулы өзбектің” Сарыарқадан Мәуреннахрга қоныс аударуына байланысты босаған өлкеде Орта жүз, ал енді Хақ Назар ханың уақытында Ноғай Ордасының бүлін-шілікке ұшырап, қазаққа қосылуының арқасында Кіші жүз құрылды. Сарыарқаның қазақ иелігіне көшуі XVI ғ. басында Қасым ханың уақытында жүзеге асты. Өзбек пен қазақтың бір-бірінен айырылған жері – “Таңбалы тас” Бетпак пен Арқаның шегінде жатыр. Өзбектің ішінен 300 мындаі адам екі өзен аралығына қоныс аударса керек. Мұхамед Шайбани заманында олар Самарқанд пен Бұқараны өзіне қаратып ірі мемлекет құрды. Қазақ пен екі арада Сыр бойындағы қалаларды бөлісе алмай соғысып, “ғаззауат” ашу да XVI ғ. бірінші ширегіне қатысты оқиғалар. Бұл шежіре Рузбекханның кітабынан толық көрініс береді. Қазақ шежіресі Ноғай дағдарысын “Ormambet хан өлген күн, Ордың қара ағашы жанған күн” деген такырыппен баяндайды. Ноғай елінің билігіне ағайынды Жұсіп пен Ысмайылдың таласуы, Ысмайылдың Иван IV-іншіге (қаһарлы) арқа сүйеп, ағасын өлтіруі, өзара соғысқа ноғайлардың қөвшілігінің ұшырауы – Батыс Қазақстан өлкесінің Қазақ хандығының құрамына өтуінің басты себебі болды. Жермен бірге ел де қазақ этносының құрамына енді. Шежіреде Кіші атанғанымен осы жерге автохтондылығы жағынан ноғайлардың (әлімұлы, байұлы, жетіру) басқалардан гөрі үлесі көбірек. Қазақтың үш жүзге бөлінуі – белгілі дәрежеде дәстүрге сүйену болып табылады. Фұн, түркі, тіпті одан әрі сақ заманында этникалық, саяси құрылымын үштікке негіздеу салт болған. Бір жағы көшпелі мемлекеттердің өкімшілік-территориялық бөлісінің бір көрінісі есепті.

XV-XVII ғ. ішінде қазақ хандығы өзіне дейінгі ұлыстардың, өсірессе Алтын Орданың мемлекеттік дәстүрін сінірді. Әлеуметтік құрылым тек қана рулық-генеалогиялық негізге сәйкестенбей, әр түрлі әлеуметтік топтардың үлес салмағы арқасында құрделенді. Мәселен, қазақ хандығындағы төрелер, қожалар немесе төлеңгіттер де дамыған әлеуметтік организмнің элементтері болып табылады. Қандай да бір мемлекет болмасын, саяси билік жүргізуши топтарсыз баянды жұмыс бітіре алмайды. Сонымен бірге, оның үстемдігін жүзеге асыратын қызметкер (төлеңгіттер)

топтар салмақты құрылым үшін қажетті шарт. Қожалар болса, мемлекет мойындаған дінді сақтаушы, елдің рухани шаруасын атқарушы. Қазақ хандығының этноәлеуметтік табиғатында рулық негізге және әлеуметтік топтық дәстүрге бағынған екі жүйе бір-бірімен үйлесіп тұр. Ру басы билер мен батырлар ел мұддесіне сай келетін төрені қолдауға міндетті, төре ішінен таңдалған ұлыс сұлтандары мен хандары қашанда ру басыларымен ақылдасып, әр істе сана-сып отыруы қажет. Дегенмен, кей-кейде ру басшы-ларының қоғам шаруасын бұра тартып, өз руының, ағайы-нының пайдасын қыуп кететін уақыты болады. Хандар мен ұлыс сұлтандары елді уысында ұстау үшін, әр түрлі амал-айла, әдіс қолданады. Соның түрлері – сыртқы елдерге жаугершілік үйымдастырып, олжа табу, елді қашанда соғыс жағдайында ұстап отыру, белді-белді рулармен құда-жеккет байланысын бекіту, өз ұлдарын ірі руларға ұлыс сұлтаны қылышп ұсыну, т.б.

Баяндалып отырған кезеңде қазақ руларының ортак шежіресі түзілді. Оның бір вариантында қазақтың тубі тіке-лей пайғамбарға тартса, екінші варианты Алаша хан тура-лы аңыздарға негізделді. Қазақтың үш жүзін бір адамның тұқымы қылышп келтіру қазақ көшпелілерінің тұтас этнос құрып, үлкен міндеттер орайынан шығуына мүмкіндік тұғызды. XV-XVII ғ. қазақ мәдениеті “Ногайлы-қыпшак” үлгісінде жасалды, материалдық және рухани мәдениет салаларында жеке өрнек салу ұлы далада ол кезде әлі де мүмкін емес шаруа еді.


## ҚОBYЛАНДЫ МЕН АҚЖОЛДЫҢ ЖЕКПЕ-ЖЕГІ

“1446-шы жылы Жошы нәсілінен атақты Ұлығ Мұхамед хан, біздің қазақ – Ормамбет хан дейді, ол өлген соң, Жошы нәсілдері хандыққа таласып, әрбір кішкене хандыққа бөлінді. Ұлығ Мұхамедтің шын аты – Темір еді.

Сол кезде Шибан нәсілінен Әбілқайыр деген хан 1452-ші жылы Қазан ханына да, Қырымға да қарамай, өз алдына Жошы ұлысының күншығыс жағын түгел билеп тұрды. Сонда қазақтың ханы – Әз Жәнібек хан еді, Әбілқайырға

## Шарының белгілері:

- Ресейден Тәуекел ханға келіп ешіллік (В. Степанов ешіллігі)
- Тәуекел ханның Алатаудың жазғы Ордасы
- Калмактардың коньы аударуы (баянтары)
- Тәуек ханның жорыктары
- Казак хандығының XVII ғ. астанасы
- Көркен жолдары



**Казак хандығы (XVI-XVII ғ.)**

қарал тұрушы еді. Әз Жәнібектің шын аты – Әбусағид еді. Тоқай-темір нәсілінен, Барак хан баласы еді. 1455-ші жылы Әз Жәнібек хан немере інісі – Шаһ Керей ханмен тамам қазақты алып, Әблқайырға өкпелеп, Шудағы Шағатай нәсілінен Тоғылық-Темір баласы Есенбұға ханға қарады. Әблқайырға өкпелеген себебін біздің қазақ былай айтады:

“Біздің осындағы арғындардың арғы атасы – Дайырқожа Әблқайыр ханның сүйікті қазысы еken. Әділ айтқандықтан Ақжол атаныпты. Және Қарақыпшақ Қобыланды батыр да Әблқайырға сүйікті еken. Екеуі ішінен жауласып жүргенде бір күні далада Қобыланды батыр Дайыр-қожаны өлтіріп кетіпті. Әз Жәнібек хан біліп, Қобыландыны шарифат бойынша қысас қылышп өлтіруге сұрапты. Әблқайыр хан берейін десе көп қыпшақ бұзылатын болған соң, бере алмай, үш кісінің құнын алып бітім қыл деген соң, Әз Жәнібек хан өкпелеп кеткені, біздің қазақта мақал болып жүргей: “Қара қыпшақ Қобыландыда нең бар еді, Құлыным,” – деген сөз Дайырқожаның сүйегінен айналып жүріп жылаған әкесі – Қыдан тайши деген кісінің сөзі. Аты – Қыдан еді, “тайши” деген – “өлеңші”, “ақын” дегені”.

1. Ноғайлыда Орманбет деген би де болған, оның өмір сүрген заманы да осы меже. Орманбет ханның аты – Мұхаммед еді деу өлі де дәлелсіз. Ұлығ Мұхаммед – Қазан патшалығының соңғы ірі ханы.
2. Әз Жәнібек – “әз” деген анықтама Алтын Орда ханы Жәнібекке де тиесілі болуы өте ықтимал екенін ескерткенді жөн көрдік. Ол өте абырайлы, ықпалды хан болған.
3. Қысас қылышп өлтіру – қазақша айтқанда “қанды кек”.
4. Қыдан – Құтан, Қотан, т.б.

*Шәкәрім. Түрік, қыргыз-қазақ һәм хандар шежіресі. – 31-б.*

## ТАРИХ-И-АБУЛХАЙР-ХАНИ

“Жұмәдүк хан билік құрып, басқарған уақытта Едіге би балаларының бірі – Қазы би, әкесінің үлгісіне сай ай-

мақты игеріп, елді билеп еді. Ол даңқы артқан сайын өктемдігі күшейіп, әділеттің ақ жолынан тайып, қайырым-дышықтың кең шенберінен шықты.

...Дешті Қыпшақтың әмірлері мен көсемдері Қазы мырзаның қиянаты шектен шыққан кезде, оның да бағы тайды, олар келісіп мырзаны өлтірді, сонымен, бұл елдің басына төнген қатерден сактады. Үмітке толып Жұмәдүк ханның ордасына аттанды, ханның сыйлы төрінен орын алды, әмір атанды. Бірақ хан көңілін таба алмады, олжасын бөліп ала алмады, Жұмәдүк хан тәкәппарлық танытты, билікті мадақ тұтты, жаңағы адамдардың жағдайына қарамады. Сол себепті ханнан көңілі қалған әмірлер хан ордасынан қашып, Жайтыр Жалқын деген жерге келді, олардың ішінде Кепек қожа маңғыт, Омар би бүркіт, Мұта қожа, Тұрды қожа маңғыт, Жатан Мәдір нүкіс, Бай қожа батыр, Сары Шиман маңғыт сияқты Жұмәдүк ханға қарсы құресемін деп серттесіп белін буған қарсыластары бар еді.

Жұмәдүк хан бұл хабарды естігенде: “Әскер жиналсын” деп бұйрық берді... және оның әскерінің сол қанатының билігі ұлылығы аян, орыны ерек Әбілқайыр ханда, ал оның он қанаты – ерліктің ұлғісі Қожа оғлан мен өзге батырларда. Хан әскерін ертіп, Жайтыр Жалқынға аттанды...

Осы соғыста алланың әмірімен Әбілқайыр ханды Сары Шиман маңғыт тұтқынға алды, хан он алты жаста еді... Алла тағаланың құдіретімен Сары Шиман ұлы державалық биліктің болашақ иесін, хазіретті танып, оны аманесен сактау үшін, тәрбиелеу үшін, көп еңбек сінірді. Біраз уақыттан соң, жақсы аттарды мінгізіп, қару-жарагын сайқылғып, қайта аттандырыды. Аллаға сыйынып, Әбілқайыр жолға шықты... Жолай періште қасиеттерінің иесі – сұлтан, бақыт пен жақсылық шарапатынан үміттеніп, Алаша батырдың кигіз үйіне аялдады.

Алаша баҳадұр және сол елдің бас көтерер азаматы хазірет алдында тізе бүгіп, қызмет көрсетті, алланың жазуымен қысты хазірет сол жерде өткізді.

Он жеті жасында, 833-ші мешін жылы, мемлекет басына келіп, алтын такқа отырды. Женіс туын көтеріп, ісләм әскерін бастап, құдайға сыйынып, женісті жорықты Тара қаласына бастады...”.

1. Алтын Орданың соңғы кезеңіндегі оқиғалар сурет-теген. Әбілқайыр – Дәulet шайқының ұлы, ол – Ибрагимнің, ол – Болаттың, ол – Мың Темірдің, ол – Бәдіғұлдың, ол Жошы Бұқаның, ол – Баҳадүрдің, ол – Шибаниң, ол – Жошының, ал Жошы – Шыңғыс ханның баласы.
2. Әбілқайырдың жас шағындағы оқиғаларды қазақылық деге атайды.
3. Әбілқайыр ханды Алтын Орда төрелерінің үстем билігіне қарсы болған көшпелі ру басыларының қолдағаны және тәрбие-леп шығарғаны текстен белгілі.

*Масуд бен Усман Кухистани. Тарих и Абульхаири,  
Материалы по истории Казахских ханств XV-XVIII вв.  
Извлечение из персидских и тюркских сочинений. –  
Алма-Ата, 1969. – 141-145-бб.*

## САРДАР ҚАСЫМ – ЕР ЕСІМ

“Әз Жәнібектің тоғыз ұлы болыпты. Оның бірі – Қасым. Бұл тақты Сарайшықтан көшіріп, Ұлытауға орнатыпты. Қазакты ел қатарына қосып кеткен, осы – Қасым хан. Қазақтың ішінде “Қасым ханның қасқа жолы” деген сөз, үлгі-өсиет болып қалды:

*Баласы Жәнібектің Сардар Қасым,  
Қазақтың біріктіріп, құрап басын.  
Осы жер ата-қоныс шекараң деп,  
Найзамен сызып кеткен шекарасын.*

Қасым хан өлген соң, балалары баққа, таққа таласып, өзді-өзі жұлысады. Ноғай, өзбек, қалмақ үшеуі үш жақтан жау болады. Өзара быт-шыт болыңқырап, Қасым ханның бел баласы Ақназарды хан көтеріпті. Ақназар қайратты батыр атансып, өзбек ханы Шибаниларды көтінен пыстырып, ноғай ханы Көшім ханды қорғалатып, үйінен шыға алмастай қылады. Орыстың сол уақыттағы патшасы Иван Ақназарға елші жіберіп: “Жауласпайық, сауда жасап, керуен жүргізіп тұрысайық”, – дейді. Ақназар қазақты Қасымхан тұсындағы халіне жеткізген.

Ақназардан соң Шығай хан болып, бұл аналардай мықты бола алмай, осал болады. Бұдан кейін Шығайдың бала-

сы Тәуекел хан болады. Тәуекел өзбек хандарымен соғысып, оларға қатты сокқы береді. Сарт қазақпен соғысуға шыдай алмай, әлсірейді. Тәуекел хан Тәшкент, Түркістан, Әндіжан, Самарқанд – бәрін өзіне қаратып алып, тақты Тәшкентке көшіреді, орданы Тәшкент қылып тұрған.

Тәуекелден соң Еңсегей бойлы ер Есім хан болды. Өзі Түркістанда отырып, Тәшкентке Тұрсын ханды ие қылып қояды. Сол күнде Имамқұл хан деген өзбекке хан болып, Бұқараны билеп, Еңсегей бойлы ер Есіммен үш рет соғысып, Түркістан мен Тәшкентті ала алмай, женеліп қала берген. Есімханнан кейін қазақ жүдеубас болды. Тәшкеннен айырылып қалды. Есімханнан кейін оның баласы “Салқам Жәнгірді” хан көтерген, бұл кезде қалмақтың Қонтәжісі күшейді. Қазаққа дамыл бермей, тыныштық көрсетпеді. Қысқа күнде қырық шапты. Соғыс болса, қалмақтың иығы аса берді.

Жоңғар женғен жерде қазакты тырп ете алмастай қылып, ойсыратып, шауып кете берген. Қазақ сондай қатты қырғынға ұшырағаннан кейін, іле-шала қайтадан жиналып, қалмақпен соғыса берген. Бақытты ханы жоқ, тайсалмас батыры жоқ, көп жаманның жиылып төбелесе бергенінен не өнеді?!”.

*М.Ж. Қопейұлы. Шежіре (Қолжазба). – 9-10-бб.*

## ҚАЗАҚ ХАНДАРЫ ЖӘНЕ ЕЛ АТАНУЫ

“Әбілқайыр өзіне Дешті Қыпшақты түгел бағындырған уақытында кейбір Жошы тұқымының сұлтандары өздеріне төнген қауіпті сезіп, бас сауғалауды үйғарды. Керей хан, Жәнібек сұлтан және сол қатарлылар аздаған адамымен Моголстанға келді. Ол кезде Моголстанда хандықтың кезегі Isa Бұқа ханда еді. Isa Бұқа хан оларға ерекше қамқорлық көрсетіп, Моголстанның бір бұрышын берді, ол жерде олар қауіп-қатерсіз, тыныш өмір сүрді.

Өзбек ұлысында Әбілқайыр өлген соң, өзара қырқыс басталды, мүмкіндігі барлары тыныштық іздең, Керей мен Жәнібек хандарға қосылуға асықты. Осы себептен олар

әжептөүір күшейді. Олар алдыменен, оздерінің елінің бөлектеніп, біраз уақыт қолынан келер дәрмен жоқ, кезбе болып жүргендіктен, “қазак” атанды, осы атау соларға бекіді. Керей ханнан кейін, хандық тағы оның ұлы Бұрындыққа бүйірды. Жоғарыда аты аталған Қасым хан Жәнібектің баласы еді. Керейдің Бұрындықтан басқа коптеген ұлдары болды және Жәнібектің де Қасымнан өзге ұлдары бар еді. Соның ішінде Әдік сұлтан; Сұлтан Әбу Сайд мырзаның ұлы – Мырза Сұлтан Махмұд олгеннен соң, Жұніс ханның төртінші қызы Нигар ханымды соған беріп еді. Тәшкентті талайтын кезде Әдік сұлтан Шақибек ханнан қашып, қазактарға кетті, Сұлтан Нигар ханым артынан кетіп еді. Әдік сұлтан қайтыс болғанда ханымды ақ некемен Қасым хан алды.

Әдік сұлтанның кейін Қасым хан өте күшейді, ақыры Бұрындық хан елден кетіп, Самарқандқа барып, жат жүртта қайтыс болды. Қасым хан Дешті Қыпшаққа түгел билік жүргізіп, Жошы ханнан кейін ешкім ие болмаған атакданққа бөлөнді, оның әскері үш жұз мыңнан асты. 1518-жылы ол өлген соң, қазак сұлтандары өзара жауласты. Қасымнан кейін, оның ұлы Мамаш хан болып еді, бірақ ол бір соғыстың кезінде ауырып, қайтыс болды. Осыдан кейін Әдік сұлтанның ұлы Тахир хан болды. Ол өте қатыгез адам болғандықтан, оның маңындағы 400 мың адам бір сәтте одан бөлініп, көшіп кетті. Осылай қырғыздың ортасында жалғыз қалып, ең сорлы жағдайда қайтыс болды. Монголстанда бір отыз мың адам жиналдып еді, оған Тахирдің ағасы Бүйдаш хан болды. 1523-жылы қазактар миллион адам еді...”.

1. Қасым ханнан кейін Қазақ хандығы үлкен дағдарысты бастаң өткерді, бірақ ортақ билігінен, абыройлы хандарынан айырылғанымен, жер бетінен жойылған жоқ. Әр ру өз бетімен күн кешті. Хақназар тұсында қайта жиналды.
2. Шақибек, Шайбак, Шахбақыт, Мұқамет – Шайбани ханның лақап аттары.

*Мұқамет Хайдар. Тарих-и-Рашиди. Материалы по истории  
Казахских ханств XV-XVIII вв. –  
Алма-Ата, 1969. – 222-223-66.*

## БАБЫР МЫРЗАНЫҢ КИТАБЫНАН

“Омар Шейх мырза Жұніс ханды соңғы шақырғанда, оған Тәшкент аймағын берді. Бұл кезде Тәшкент Омар Шейх мырзаның қол астында болатын. Кітаптарда Тәшкенттің аты – Шаш, кейде “Чач” деп жазылатын. “Чач садағы” деген сөздің төркіні де содан шыққан болуы керек. Сол кезден бастап тоғыз жүз сегізінші жылға дейін Ташкент пен Шаһрух Шағатай үрпағынан шыққан хандардың қол астында болды. Сол кезде Моголстанның билігі Жұніс ханның үлкен баласы, менің нағашы ағам – Сұлтан Махмұт ханның қолында еді. Омар Шейх мырзаның ағасы, Самарқанд әмірі Сұлтан Ақмет мырза мен мұңғол ханы Сұлтан Махмұт хан Омар Шейх мырзаның шәлкес қылықтарынан шыдамы таусылып, екеуі одак құрды...

Жұніс хан мен Есенбұға – Уәйіс ханның ұлдары. Жұніс ханның шешесі – Темірдің рақымы түскен түркістандық қыпшақ begi Шейх Нұр ад-диннің иә қызы, иә немересі. Уәйіс хан өлгеннен кейін мөғол ұлысы екіге жарылды: бір болігі Жұніс ханға, екінші бөлігі Есенбұға ханға қарады...

Жұніс ханның Шақ бикеден туған екі ұлы, екі қызы болды. Ханның жоғарыда айтылған үш ұлынан үлкен, бірақ үш қызынан кіші ұлы – Сұлтан Махмұт хан еді. Оны Самарқанд пен оның төңірегіндегі жұртшылық Жанике хан деп атады. Сұлтан Махмұт ханнан кішісі – Сұлтан Ақмет еді, ол жұртқа Алаша хан деген есіммен мәшіүр болды. Оның Алаша аталуының себебі: қалмақтар мен мұғолдар кісі өлтірген адамды “алаш” деп айтады-мыс. Сұлтан Ақмет хан болса, қалмақтарды талай рет женіп, көп адамды қырғынға ұшыратқан.

Әдік сұлтаннан кейін Сұлтан Нигар ханымды (Жұніс ханның қызы) қазақ ұлысының ханы Қасым алды. Жұрттың айтуына қарағанда, қазақ хандары мен сұлтандарының бір де бірі бұл халықты дәл осы Қасым сияқты бағындыра алмаса керек. Оның әскерінде үш жүз мыңға жуық адам бар еді”.

1. Омар Шейх мырза – Бабырдың әкесі, Ақсақ Темірдің тұқымы. 1494-ші жылы қайтыс болды.
2. Жұніс хан – Шыңғыстың екінші баласы Шағатайдан өрбитін тұқым. Жетісүй бойының ханы.

3. Могоғолстан – Жетісу өлкесін мекендейген ұлыстар: бір шеті – Тәшкент, екінші шеті – Қашқар (шартты атап). Қазақтар кезінде ол елді “жагат уалайаты” деп атады.
4. Әдік сұлтан – Әз Жәнібектің ұлы.

*Бабыр Захир ад дин Мұқаммед. Бабырнама. – Алматы, 1993. – 25-32-бб.*

## “ЖӘМИФ-АТ ТАУАРИХ (ҚАДЫР-АЛИ БЕК)”

“(Барак) ақырында Еділ мен Жайықтың арасында, Сарайшыққа жақын Қазы Наурызбен ұрыста ажал тапты. Оның ұлын – Жәнібек хан деп атайды. Бұл Жәнібек хан атасының ұлысын биледі. Оның ұлдары көп еді. Аңызға айналған... қағлы 40 інісі бар. Есімдері белгілі ұлдары мен немерелері осы еңбекте айтылады. Аты әйгілі болған ұлдары мыналар: Қасым хан, Қанбар сұлтан. Бұл екеуі бір анадан. Өсек хан, Әдік хан. Бұл екеуі бір анадан. Бауыш, Бүйдаш – бұл екеуі бір анадан. Қожаш хан – бұл анасынан жалғыз еді.

Олардың аса белгілі болғаны – Қасым хан еді. Жаған бикемнен туған еді. Ұзак уақыт атасының ұлысына патшалық етті. Төңірегіндегі уәләйяттарды өзіне қаратты. Оның хикаялары әр жерде кездеседі мәлім-мәшіүр. Ақыры Сарайшықта өлім тапты. Бүгінде оның қабірі – Сарайшықта. Оның ұлы Хакназар хан. Халық сұлтан ханымнан туған. Оның хикаясы – мәлім-мәшіүр. Хакназар хан озара болған қақтығыстарда апат болды. Оның ұлдарынан патшалық біржолата кетті.

Қамбар сұлтан барлық жағдайда Қасым ханың жаңында болды. Әскерінің қолбасшысы. Оның үрпағына патшалық тимеді. Енді Өсек хан, оның ұлы – Болат. Оларға патшалық тимеді. Ақыры Болат сұлтан ұлдарымен ногаймен болған ұрыста шәқид болды.

Енді Қасым ханың замандасы – Жәдік хан еді. Шаяым мырзаменен ұрыста Жыланды төбеде бір ұlyмен шәкит болды. Оның қабірі – Үргеніште, Бакырған ата жаңында жерленді. Жәдік ханың катыны, құмасы көп еді. Ұлдары да біраз болатын. Аты шыққан ұлдары мыналар: **Тұғым хан, Бекей сұлтан, Шығай хан, Мәлік сұлтан, Соңғы**

екеуінің анысы – Абайхан begіm. Тұғым ханның ұлдарын “төфіз сары” деп атайдын. Мәлік ұлы Бешібек сұltанмен, “төфіз сары” ұлдарымен Жағат уәләйаты маңында шәқид болды. Отыз жеті сұltан мәлім-мәшіүр еді.

Бөкей сұltаннан тұқым болмады. Бауыш-Бүйдаштың ұлы – Әдік сұltан. Оның ұлы – Бүйдаш хан. Әдік сұltаннның ұлдарын “бес ұл” деп атайды. Бүйдаш хан Баракұлы Деруіш ханмен соғыста өлді. “Бес ұлдың” үрпағы 24 сұltан сол соғыста шәқид болды. “Бес ұлға” патшалық тимеді, қайсыбірі сол елде келте хандық құрды, аты белгілі болмады.

Бұрындық хан. Оның үрпағы мәртебеден айрылды. Ақмад хан Өзбекияда хан атанды. Шидақ бекпен болған ұрыста Орак мырза шәқид қылды.

Тахир хан болды. Біраз күн хандық құрды, бірақ патшалық сырын білмеді”.

1. Барақ – оның әкесі – Құйыршық, оның әкесі – Орыс хан, т.б. – Жошы тұқымынан.

*Қадыргали би Қасымұлы. Жәмиғ ат тауарих. //  
Р. Сыздықова, М. Қойгелдиев.  
Қадыргали би Қосымұлы және  
оның жылнамалар жинағы. –  
Алматы, 1991. – 251, 258-бб.*

## СҰЛТАН САЙД ХАННЫҢ ҚАСЫМ ХАН ОРДАСЫНДА БОЛУЫ

“Осыдан кейін “Қасым хан Тәшкент түбіне келіп, Сүйініш ханды қоршап тұр” деген хабар келді. Сайд хан кешікпей Тәшкентке аттанды. Ферғана уәләйаты мен Тәшкент арасындағы Кендерлік асуына жеткен кезде, “Қасым хан шегініп кетті” дегенді естіп, қайта Ахсиға келді де Ферғана қамалдарын қүшетті, сөйтті де, қазактарды қайтадан Тәшкентке көтеруге болmas па деген үмітпен соларға аттанды.

Мен ауырып қалғандықтан елде қалдым. Хан аман-есен Моголстандағы белгілі жер Ажуға жетті. Сол кезде Қасым ханың алпыстан асып, жетпіске жақындаған кезі, ал ханың (Сайд) нағыз отызға толмаған орда бұзар шағы еді.

Қасым хан жасы ұлғайғандықтан өзі қарсы алуға орайы болмай, Жошы тұқымынан тараған 30-40 сұлтанды, соның ішінде Жаныш хан, Биниш хан, Мамаш хан, Жан хайдар сұлтан, Қарыш сұлтан – елуді алқымдап, алпысқа басқан көптереген сұлтандарды қосып, қарсы алдынан күтіп алуды бүйірді. Олар ханға келіп, тізелерін бүккен уақытында, солардың ішінен Жаныш хан, Биниш хандар үшін, әсіреке жасы асқан, хан өз орнынан тұрды. Ал қалғандары тізе бүгіп, хан болса оларды отырып қабылдады.

Бір сөзбен айтқанда, Қасым ханның ханды (Сайд) жақсы қарсы алғаны сондай, хан өз өмірінің соңғы күндеріне дейін осы ілтиппатты кездесуді ұмытқан жоқ. Қашанда, реті келгенде, хан, алла рухына иман берсін, Қасым ханды еске түсіріп, мақтап, оның ізгілігін еске түсіріп отыруши еді. Айтпақшы, Қасым хан кездесуден кейін: “Біз – қырдың еліміз, бізде не қымбат, не сирек зат, тауар болмайды, біздің басты байлығымыз – жылқылар; еті мен терісі – біз үшін ең жақсы тамақ пен киім, ал ең тәтті ішімдік – оның сүті мен қымызы, біздің жерімізде не қала, не бақша жоқ, біздің қызық көретін жеріміз – малдың жайылымы, ондағы жылқы табындары, біз өз табындарымызға жылқыны көріп, сүйсіну үшін барамыз”, – деп айтқан екен. Оған (Сайд хан): “Ендеше табынға барайық, жүйріктегізге қарайық, біраз уақытты жұғымды ортада, бірге өткізейік”, – деді. Келген уақытта хан бізге өзінің барлық малы мен жылқыларын көрсетіп: “Менің екі атым бар, оның біреуі барлық табынға тұрады”, – деп айтты. Оларды алып келді, хан өмірінде осы екеуіне тең келер жылқы малын көрмегенін бірнеше қайтара айтып еді. Қасым, жылқыларды алып келгеннен кейін, ханға бұрылып: “Қыр адамына жылқысыз өмір, атсыз өмір – өмір емес, осы екі ат мен үшін ең сенімді, ең қымбат. Екеуін бірдей сыйлай алмаймын, бірақ сіз сияқты қымбатты, қадірлі қонақ үшін, тандауды өзіңізге салдым, қай ұнағанын алыңыз, тек біреуін маган тастап кетсеңіз болды”, – депті. Қасым хан екі аттың да қасиеттерін сипаттап бергеннен кейін, хан біреуін өзіне таңдады. “Ол аттың аты – Оғлан-Торы еді деп атаушы еді; расында да дәл сондай атты ешқашан көргенім жоқ”. Ханға табыннан тағы бірнеше аттарды таңдап алып, Қасым хан тамаша, күшті қымыз толы аяқты өз қолымен ұстап ханға

ұсынды: “Егер сіз осы сусынды ауыз тисеніз, маған деген үлкен құрмет болар еді”, – дейді ол. Хан осының алдында ғана күшті ішімдік атаулының бәрінен бас тартып еді, сондықтан: “Қалай мен өзімнің тәртібімді бұзайын, мен сіз ұсынып отырған ішімдік атаулының бәрінен бас тартып едім”, – деді. Қасым хан оған: “Мен жаңа ғана Сізге сусынның ең қадірлісі деп бізде бие сүті және одан дайындалатын қымыз саналатынын айтып едім; мен сізге ұсынып отырған қымыз – ең жақсысы. Егер менің өтінішімді қабыл қылмасаныз, онда сізді қандай қонақасымен сыйларымды білмей отырмын. Менің қонақжай ордамның табалдырығын Сіз сиякты қымбат қонақ аттау үшін жылдар керек, ал мен үшін Сізге, қадірлі хан, тиісті қонақжайлық көрсете алмау өте ренішті”, – деп, аса уайымды кейіппен төмен қарады.

(Сұлтан Сайд) хан Қасымды ренжітпеу үшін және оған деген өзінің құрметін көрсету ниетімен қалыптасқан тәртібін бұзып, көніл көтерер сусынның аяғын босатты. Қасым хан бұл мезіретке өте риза болды. Әңгіме жанданды. Сонымен, 20 күн бойы олар қатарынан қымыз толы тостағандарды босатумен болды.

Жаз өте шықты. Қазактар Қасым ханның шешімімен қыстауға жылжыды. Қасым хан бұл уақытта шайбанидтерге жорық жасаудың қыындығын мәлімдеді, себебі қыр елі бұл уақытта қыстың тіршілігін ойлауы керек, әскер жасақтау мүмкін емес. Соныменен, қолынан келген әр түрлі сыйын көрсетіп, ықылас білдіріп, бірақ әскердің дайын еместігін сyltau қылып, ханға қайтуға мүмкіндік берді. Өзі тұрақты орнына көшті. Хан Қасым ханға өте риза болып, Әндіжанға қайта оралды. Күз уақыты еді, хан сарайындағы ғалымдардың бірі бұл кездесуді жылнамада “Қазактармен бейбіт бітім” деп атады”.

1. Сайд хан – сұлтан Ақмет хан (Алашаның) баласы, Моголстанның ханы. Ол аталарының ісін жалғастырып, Шайбанид сұлтандармен көп соғысты. Хайдар мырза осы соғыстардың бір сәтін суреттеген. Жетісу және Сарыарқа көшпелілерінің одағы жөнінде сез қозгайды.
2. Сайд хан мен Қасым ханның кездесуі 1512-ші жылы болған.

*Мұхамед Хайдар..., Тарихи Рашиди. – 225-226-бб.*

## ҚАЗАҚТАРДЫҢ МӘУРЕННАХРҒА ШАБУЫЛЫ

“Төуекел қазак Әбдімүмин ханның өлтіріліп, Пірмұқамбеттің хан тағына отырғаны туралы хабар алғанда, Тәшкент пен Мәуреннахрды бағындыруға аттанды. Ол Тәшкентті алғып, кейін Самарқандты шауып, Бұқараға беттеді. Пірмұқамбет ашық майданда қарсыласудың ретін таппай, бекіністің ішінде жасырынды. Шамасы жиырма күн бойы, Төуекел хан Бұқара маңын тонады және таңның атқанынан күннің батқанына дейін екі жақтың арасында ұрыс басылған жоқ. Ақыр соңында қазақтар жеңіле бастады. Төуекел Самарқандқа шегінді. Өзінің інісі Есім ханмен бірге Пірмұқамбет ханмен соғысқа дайындалды. Хан оларды соғыспақ ниетпен тосты. Осы кезде оған Дінмұқамбет ханның ағасы Бақимұқамбет хан келіп қосылды. Хан оның келгенін жақсы ырым көріп, құрмет жасады. Шамасы бір айдай екі жақтың әскерлерінің арасында соғыс, ұрыс толастаған жоқ. Бір күні түнде Төуекел хан шабуыл жасады. Қатыгез ұрыс болды. Төуекел хан ауыр жараланды. Ештеңе шықпағаннан кейін тізгінді тартып, бағытты Тәшкентке бұрды. Осы жарадан Төуекел хан о дүние сапарына асықты”.

1. Әбдімүмин – ол Абдолла II-нің ұлы. Оның өлімінен кейін Мәуреннахр жерінде Аштарханидтер Әuletі орнықты. Төуекел хан осы тартысты пайдаланып, яғни шибан мен аштархандардың соғысын, Бұқара аймағын өзіне қаратып алмак болған.

*Қожамқұл би Балхи Қыпшақханұлы... Тарихи Қыпшақи.  
Материалы по истории Казахских ханств в XV-XVIII вв. –  
Алма-Ата, 1969. – 395-б.*

## ОРАЗМҰҚАМЕТ ХИКАЯСЫ

“Ал Шығай ханның хикаяты, әр жағдайда батырлығы мәшінр. Ақырында жалғыз қалып, апат тапты. Бүгінде қабірі Күмішкентте, Әлі атаның панасында жерленді. Шығай ханның әйелі көп еді. Мәлім-мәшінр үш ордасы бар. Олардан туған үлдары мыналар: Сейітқұл сұлтан, Ондан

сұлтан, Алтын ханым – Байым бикеден туған еді. Тәуекел хан, Есім сұлтан, Сабыр бике ханым – бұл үшеуінің анасы Жағаттың Жақсым бикемі болады. Әли сұлтан, Сұлым сұлтан, Ибрагим сұлтан, Шахим сұлтан – анасы Бұрындық ханның қызы Дадам ханым болады.

Ондан сұлтанның хикаяты әр жерде қаласаңыз кездеседі. Асқан ұлы батыр, атқыш еді. Барлық жағдайда төнірегін жайпаған асқан батыр еді. Шығай ханның уағында әскердің қолбасшысы болды. Оның хикаялары мәлім-мәшһүр. Ақырында қалмақ шаһит қылды. Отыз жасында қаза тапты. Оның қабірі – Қожа Ахмет Яссави, алланың рақымы жаусын, панасында. Оның әйелдері мен құмасы көп еді. Көп уәләйяттардан алып еді. Өз араларынан да алып еді. Мәлім-мәшһүр екі ордасы бар еді. Олардан туған ұлдары мыналар: Алтын ханымнан (Өсек ханның ұлы Болат сұлтанның қызы) туған – ислам патшасы Тәуекел хан, Оразмұқамет хан, Тәтлі ханым; Шүйім ханымнан (Бұрындық ханның ұлы Сұлтанның қызы) туған – Көжек сұлтан. Ол ислам патшасы Тәуекел ханның әскер қолбасшысы. Қазіргі уақытқа дейін сол елде.

Оразмұқамед хан сегіз жасында өзара қактығыста қаза болған ұлы бабасы – Шығай ханнан айырылды. Он үш жасында әкесі Ондан сұлтан шаһит болып, одан айырылды. Біраз уақыт Сейдақ бидің алдында кіріптарлық шекті. Одан он алты жасында барлық христиан патшасы Борис Федоровичтің құлдығына әзір болды. Ол күннен қазірге дейін патша Борис ханның қызметінде”.

1. Әлі ата – Әулие кісі, Мәуреннахр жері.
2. Жағат – Шағатай тәрелері, Шағатай ұлысы, т.б.
3. Сейдақ би – Тайбұғы әuletінен шыққан Сібірдің хандығының соңғы билеушісі. Хандықты Көшіммен таласып алды. Оразмұқаметпен бірге орыс қолына түсті (1590-шы ж.).
4. Борис Федорович – Борис Годунов. Федор патша түсында 14 жыл бойы билікті өз қолында ұстаган, 1598-ж. бастап, өзі патшалық құрған адам.
5. Ондан сұлтан – ұзын оқты Ондан сұлтан. (М.Ж Көпейұлы, Ш.Ш. Үөлиханов, Ж.О. Артықбаев кітаптарын қараңыз).
6. Оразмұхамбет хан – бұл туралы В.В. Вельяминов-Зернов, М. Мағауин зерттеулері бар.

## **ҚҰЛМАҒАМБЕТЕЛШІЛІГІ (ТӘҮЕКЕЛ ХАН )**

«Қантардың 20-күні патшазада Оразмұқамбет (тексте Урусмагмет) диак Василий Шелкаловқа Қазақ Ордасының басты елшісі Құлмағамбетті өз үйіне қонаққа шақыратынын, одан жеке кездесуде өз ағайындары жөнінде сұрап білгісі келетінін айттып, осы хабарды өтініш есебінде патшаға жеткізуді бұйырды. Диак Василий Шелкалов осы өтінішті конюшни боярин және қызметкер (қызметкер мағынасында – Ж.А.) Борис Федоровичке жеткізіп және патшаның жарлығы бойынша қызметкер және конюшни боярин Борис Федорович Қазақ Ордасының бас елшісі – Құлмағамбетті сұлтан Оразмұқамбет сарайына баруға босатты және сол күні елші сұлтанмен кездесті. Елші келген уақытта сұлтанда тілмәштар Степан мен Велямин Степановтар отырды. Және сұлтан елші Құлмағамбетке айтты: “Құлмағамбет, осыдан бұрынғы маған келісінде мен сенен түгел жағдайға қаныққам жоқ, сұрай алғаным жоқ, ал енді баянда маған, біздің ағамыз бен туыстарымыз қалай өмір сүріп жатыр, бастары бірге ме, әлде бөлек пе; осы кезде бұқарлықтармен қалай арасы – бейбітшілік пе әлде соғыс па; ноғайлардың тірлігі қалай; ескі қоныстарында көшіп жүр ме екен; сонымен патшаға елші неге салды, шынымен, патша қол астында болғысы келе ме?”. Одан әрі елші айтты: “Осы уақытта сенің ағаң – Тәуекел хан Қазақ Ордасының басында, ал өзінің інісі – Шахмахмет сұлтанды қалмақ еліне билікке отырғызыды, ал өздері жақын көшіп жүр, аралас; Бұқар патшасымен уақытша келісімге келген, бейбітшілік; ноғайдың “алты ауылы” мен арада тыныштық, ал енді Дінақмет балаларымен, Орыс тұқымымен кейде араз, кейде дос. Тәуекел хан мен сенің ағайындарыңа, сен патшаның сенімінде (қол астында – Ж.А.) деген тұра хабарың жеткен соң, барлығы басы қосылып отырып, Бұқар патшасынан алыс патшаға (Ресей) жақын болуды ойлады. Ал енді, құдай берсе, патшамен достығы көркейсе, патшаның сеніміне енсе, онда Бұқар ханымен жауласар еді, ал патшаның Бұқар ханынан қапы қалмағаны, ноғайға қатты сенбегені керек. Бұқар ханы қазір Үргеніштік Өзім ханды жұртынан қуып жіберді, Үрге-

нішті озіне қаратты, содан кейін ногаймен қосылып, Сарайшықты қала қылып көтергісі келеді; енді Сарайшықты котерсе, одан әрі Астраханға қарайды. Ал енді сен жайына келсек, егер ханым мен сұлтандарды патша ықыласына алса, сениң жібермек болса, рұқсат берсе, мен мәселенің шындығын айтайын, Тәуекел хан аманатқа сұлтандардың бірін жібермек. Патша ықыласы ауып, хан мен сұлтандарға от қаруды берсе, Тәуекел хан мен сұлтандар бірге Бұқар хандығын жаулап алады, ал Тәуекел хан мен сұлтандардың Бұқараға таяу өмір сүретінін де білесін...”.

## ВЕЛЯМИН СТЕПАНОВТЫҢ ЕЛШІЛІГІ

Ханның Ордасына келдік. Ханның алты шатыры түрекен, ол шатырларда ханның жақын адамдары отырды, ал шатырлардың артында кигіз үйлер түр. Кейінгі түрған шатырда ханның өзі отыр екен, жанында Сұтемген биден басқа ешкім де жоқ. Велямин шатырларға жақындай келе аттан түсті және жаяулап ханның шатырына жақындасты, Веляминді ханның жакын адамы Есмайыл батыр қарсы алды. Соныменен, Велямин шатырга енді, хан отырды, ал Велямин ханға ұлы билікті патша, ұлы князь Федор Ивановичтен, бүкіл Ресей елінің самодержеци, басқа коптеген елдердің патқшасы мен иесінен саған, хан ием,... деп сөлемдесу ғүрпін жасады.

Велямин билікті патша және князь Федор Ивановичтен, бүкіл Ресей самодержецинен сөлем ишараттар жасап болып, грамотаны ұсынды және берілген сыйлықтарды тапсырма бойынша көрсетті...

Хан орнынан тұрып, патша жіберген грамота мен сыйлықтарды қабылдап, Веляминге отыр деп бүйірды және сол жерде билікті патша және князь Федор Ивановичтен, бүкіл Ресей самодержецинелік келген грамотаны ашып қарап, Веляминге былай деді: “Менің өзім грамотаны оқи алмаймын, ал өзімнің адамдарым сенімді емес, менің хатшы молдам бұқарлық және айтылар құпия мәліметтердің бәрін Абдолла ханның құлағына жеткізеді”. Билікті патшалық грамотасын өзінің сенімді адамына оқуға бүйірды, бұқарлықтар мен шибандық адамдар біліп қоймасын деп...”

1. Құлмағамбет елшілігі Мәскеуге 1594-ші ж. қаңтарында жеткен, ал Велямин Степанов Тәуекел хан ордасына мамыр-масымда келді.
2. Оразмұқамбет ол кезде Хан Керменде, Касимов қаласы. Ресей иелігі болып табылатын осы өлкеде хан қызметін атқарды. Оның жанында жақын туыстарынан бір топ адам болды.
3. Диак – хатшы жәнс діни лауазым.

*Казахско-руssкие отношения в XVI-XVIII вв. /  
Сборник документов и материалов. —  
Алма-Ата, 1961. — С. 3, 14.*

## ЕҢСЕГЕЙ БОЙЛЫ ЕР ЕСІМНІҢ ЕРТЕГІСІ

“Ер Есім Түркістанда қазақ ханы болып тұрған күнде, Тұрсын хан “Қатаған” деген жүртты Тәшкентте билеп тұрды. Тұрсын хан ант етісіп, Есім ханмен бата қылысты, бір-бірімен жау болмасқа: “Күнбатыс Бұқара, Құқан, Семарқанмен жауласуға мен тұрайын, сен күншығысқа қосын қылып аттан. Ұзын аққан Ертістің сұнының басынан кіріп, аяғынан шық”, — деген соң, мың кісі қосын күншығысқа бет қойды. Ол күнде Шу мен Сарысу асқан соң ұзын аққан Ертіске дейін елсіз, жыртылып айырылған аңдан басқа дәнeme жоқ екен. “Шідертінің өзеніне келіп тынығайық”, — деп қос тігіп жатты, сонда Шұршіт биік қарауылдан қара көрінді, — дейді. “Елсіз-күнсіз далада кім жұруші еді”, — деп аттарын қоя беріп, қаннен-қаперсіз жата берді. Сөйтсে, ол көрінген қара қалмақ қарауылшысы екен. Бұлар бейтам жатқанда, түп көтере аттарын алып кетіп, айдалада мың кісі жаяу қалыпты.

*Мінгені Есімханның алабел-ди,  
Бойында Шідертінің қара көрді.  
Көрінген сол қараны кертағы деп,  
Аттарын шідер салып қоя берді,*

— бұл өлең сол күндерден бері қарай қазақ ортасында жоғалмай, айтып келе жатқан өлең. Аттарынан айырылып, сол мың кісі сол жатқан жерінде он күн жатты. Он күн өткен соң, Есім хан бас көтеріп, сойледі.

—Азаматтар, шоралар, біз бүйтіп жатпайық. Міне, мен жортар аттың он күнде баратын жеріне бір күнде барамын. Маған еруге жарайтындарың бар ма?” — дейді. “Ол қалмақ он күндік жерге бармай орнықпайды. Не Қоки ердің көліне, не Балқаш теңізінің қопасына барып бекінді”, — дейді. Біреу тұрып айтты: “Мен жортар аттың он күнде барап жеріне бес күнде баруға жараймын”, — деп. Біреу тұрып айтты: “Мен жортар аттың жетіп барып қонған жеріне жетіп барушы едім, он күнде баруға жараймын”, — деп. Екі кісі белсеніп шықты.

Еңсегей бойлы ер Есім айтты: “Міне, мен бүгін жүремін. Сол қалмақтың бекінген жеріне барамын, бес күнде келетүғын сізді тосамын. Он күнде келетүғын сізді тосамын. Және қекала қолыма тисе, үстіне мінемін, жауға тиемін. “Ұзын оқты Ондан бол, қайдан болсан, сондан бол”, — деп, айғай-сүрең саламын. Қекала астыма тисе, қалмаққа тағалы торы тай тастамаймын, сонда екеуіңе қолыңа тигенді — ұстатамын”. Міне, сөй деп, қоштасып, жөнеліп берді. Сол күні барды, барса, қалмақ бір қалың жыныс қопаға бекінген еken, айнала қос тігіп, ат біткенді қопаның бір аралына салған еken. Күндіз жанға көрінбей жатады, түнде қопаны аралайды.

Іздеген қекаланы таба алмай, қолына түсіре алмай, тоғыз күн қопаны аралады. Қекаланы көре алмады. Оныншы күн болғанда, жан ұшырып, шарқ ұрып жүрсе, қалмақтың жайсаңы қопаның қалың ортасында, қосын тігіп, қекала ер-тоқым үстінде, қостың босағасында, шылбырын үйге кіргізіп, ұстап отырады еken, “бір айғай шықса, тыныш тұра алмайды, одан соң қолға түсуі жоқ” — деп. Қалмақтар тамақтарын жаңа жеп болып, жауырынды отқа салып, қарасып отырады еken. “Жауырындары не дер еken, тындаійын деп, қекаланың артына келіп, тұра қалдым”, — депті. Сонда жауырынға қарады да: “Еңсегей бойлы ер Есім, дәу де болса, келген шығар, “қекала қолыма түседі” деп шарқ ұрып, қопаны аралап жүрген шығар”, — десті. Сонда біреуі: “Жауырын былшылдай береді. Бұл Есімханың қекаланы іздеп жүргеніне он күн болды”, — депті. Бірі қарай салып: “Ой, Есім қекаланың не алдында тұр, не артында тұр ғой”, — депті. “Шыға сала, біреуі қарап дегендей қекаланың бауырының астына кіріп

отыра қалдым”, – депті. Жалма-жан біреуі жауырынға қарады да: “Ой, осы Есімің көкаланың үстінде отыр ма, астында отыр ма?”, – депті. “Жалма-жан ұшып тұра келіп, шылбырының түбінен қып жіберіп, көкаланың үстіне мініп алдым да, салдым айғайды. Бар міністі қопадан қудым да шықтым, екі жолдас та бір-бір ат ұстасып мінген екен. Баяғы қалған жолдас та жаяу осылай қарай шұбырған екен де, кісі басы бір-бір таяқ кесіп алып, жерге үйген екен, “қаншамыз өліп, қаншамыз қалғанымызды осы таяқтан білейік”, – деп. Сондықтан сол жер “Мыңтаяқ” атанды”, – дейді. Сол жүргеннен бәрі бас қосып жүріп Ертіске түсіп, бөтен жүртпен соғысып, өлгені өліп, қалғаны қалып, мың кісіден қырық кісі қалды дейді. Еліне жақындал қалғанда естіді, Тұрсын хан мұны алдап, қаңғытып жіберіп, Түркістанды шауып, талап, олжалап алып қойғанын. Мұны естіген соң, Есім хан жынданды дейді. Қасындағы жолдастарын өлтіре жаздапты. Байлап қояйық дегенде, қырқын жерге домалатып, бықпырт тигендей қылыпты. Біраздан соң, сылқ етіп құлай кетті. Әрі-бері жатып, басын көтеріп алып:

- *Маган не болды? – дейді.*
- *Сіз жындандыңыз, – десіпті.*
- *Онда мені неге байлан қоймадыңдар? – депті.*
- *Әліміз жетпеді, – десіпті.*
- *Осы отырган бәрің жабылдыңдар ма?*
- *Жабылдық.*
- *Шамаларың келмеді ме?*
- *Келмеді.*
- *Бір кісі жынданса, қырық кісінің өлі келметті. Осы отырган қырық кісі жынданса – дүние толы жанның шамасы келе ме? Кел, бәріміз көтеріле жынданайық та осы бетімізben Тәшкентке кірелік!* – депті. Лап қоя шауып, Тәшкентке кіріп, көзіне көрінгенде қырып, хан Тұрсынды өлтіріпті...

*Қатаганның хан Тұрсын,  
Қай арамды айт ұрсын, –*

деген мақал сонан былай қарай жүрт аузында қалды деседі...”.

1. Есім хан заманында Сарыарқада қалмақтың қоныстана бастаған уақыты, өсіресе Балқашқа қарайғы атырапта. Бұл әнгімеге арқау болған кезекті бір соғыс болса керек (шамасы 1625-ші жж.). Екі ел арасындағы қарым-қатынас тек соғыс түрінде гана емес, сонымен қатар, шаруашылық, әлеуметтік тіршілікте көрініс беріп қояды. 1628-ші ж. Есімнің Тұрсын ханды өлтіргені – ол да анық.

*Копейұлы М.-Ж. Таңдамалы. Екі томдық. — Алматы, 1992. — 2-т. — 146-148-бб.*

## ЕСІМ ХАННЫҢ ТҰРСЫН ХАНДЫ ӨЛТІРУІ

“Ел: “Хан жұртынан безді, кетелік!”, – дегеннен бас-қа сөз айтпады. Шолпан жұлдызы туған соң, топ-топ болып Бұқараға, Түрікпен ішіне кетті. Бір кеткендердің сонынан қудыра кісі жібердім, оларды қайтарып келгенше екі-үш бөлігі тағы кетті. Менің қасымда тұрған жақсылар маған: “Бұл халық жұрт болмас, сіз кете көрініз, біз соныныздан барайық”, – деді. Аз-аздан кете-кете мизамның ақыры, ақыраптың басында үш топ болды: біреуі – Бұқараға, біреуі – қазақ ішіне, енді біреуі – маңғытқа көшті. Шәріп-мұқамбет Бұқараға кетті, мен қазақ ішіне кеттім.

Түркістанда Есім хан қасында үш ай тұрдым. Ол уақытта қазақтың ханы – Тұрсын хан еді, ол Тәшкентте тұратын еді, Түркістанға келді. Есім хан оны көре барды, мені алдына қойып, өзі барып Тұрсын ханға көрініс қылып, қайтып келіп, менің қолымнан жетектеп, алып барды. Тұрсын ханға: “Бұл Жәдігер хан ұлы Әбліғазы, еш уақыт бізге бұл жамағаттан кісі келіп қонақ болған жоқ еді, бізден барғандар көп болар, бұл сіздің қызметінізде болғаны жақсы”, – деді.

Тұрсын хан: “Жақсы, сенің айтқаның болсын”, – деп, өзімен бірге Тәшкентке алып кетті. Тәшкентте Тұрсын қасында екі жыл тұрдым. Екі жылдан соң Есім хан Тұрсын ханды өлтірді.

Есім ханға: “Сіз екі ханнан пайда тие ме деп келіп едім, сіздің ісіңіз мұндай болды, енді рұқсат болса, Имамқұлы хан қасына барайын”, – дедім. “Жақсы айтасың, солай қыл”, – деді. Келіп, Имамқұлы ханды көрдім. Менің Бұқа-

раға келгенімді естіп, түрікпен кісі жіберді: “Әбілғазы келсін, жат жұртта жүрмесін”, – депті. Тұрсын хан Имамқұлы ханның дүшпаны еді, ол өлгеннен соң, Имамқұлы ханның жанында жүрмекке бетім болмады. Имамқұлы хан екі рет Тұрсын қасында жүріп келгенімді есіме салды. Өзбек халқына: “Мен бұл жұртта тұра алмаспын. Сіздер не айтасыздар? – дедім...”

1. Манғыт – Кіші жұз жеріндегі ноғайлар.
2. Шәріпмұқамбет – Әбілғазының інісі, скеуі бірге ағасы Спандиярмен соғысып, ақыры ел бүлінген соң, кетуте мәжбур болған. Бұл оқиға 1625-ші ж. болған.
3. Жәдігер – Әбілғазының төртінші бабасы (Әкесі – Араб Мұқамбет, оның әкесі – Қажы, оның әкесі – Әмін, оның әкесі – Жәдігер).
4. Әбілғазы – Хиуа маңындағы өзбек руладына сүйенді. Ол жердегі халық аралас – түрікпен, өзбек, қарақалпак, қазақ, т.б.

Әбілғазы... – 189-б.

## ТҰРСЫН ХАННЫҢ ҚЫЗДАРЫ

“Бұлай болғанда, біздің 9-шы атамыз Сарының қатыны, Тұрсын ханның қызы – Қоңырбике сол 1628-жылы алып келінген болды. Оны қазақтар былай айтушы еді:

– Атамыз Сарыменен бір туыскан інісі, Әлі деген, бір сартта қызметкер болып жүргенде, Есім хан Қатаған елінің ханы Тұрсынды өлтіріп, Тәшкенді қайта алыпты деп хабар келіпті. Мұны естіген соң, Әлі сарттың жемге байлаған екі атын мініп, елге қарай қашыпты. Жолда келе жатып, әкесінің өлгенінен бұрын сейілге шығып жүрген Тұрсын ханның қыздарына жолығып, оларға сырын айтпай, елге келіп, елден кісі алып барып, Айбике, Нұрбике, Қоңырбике деген Тұрсын ханның қыздарын, қанша нөкер қызы һөм жасау, жолдастарымен алып келген соң, Әліге көріп, бастап барған жүлдесіне Қоңыр бикені барша киім, шатыр-сайманымен берген соң, жасау-киімдерін өзі алып, Қоңырбикені ағасы Сарыға беріпті. Сол Қоңырбикеден біздің 8-ші атамыз Кішік пен Мәмбет сопы туыпты.

Есім ханнан соң баласы Жақангер хан болды. Оны қазак “Салқам Жәңгір” дейді. Одан соң баласы Әз Тәуке хан болды. “Есім ханның ескі жолы” деген жолдан кем қалған бітім жолдарын түзеткен осы еді. “Күлтөбенің басында күнде кеңес” деген жол, бітім сол еді. Бұл Әз Тәуkenін түсында қазаққа қатаған да, қалмақ та, өзбек, сарт та жау болып, Тәшкенді алып, қазақ онда көп тұра алмай, 1652-жылы Әмударияның жағасына ауып, Парсының бергі шетіне барды. Бұл Әз Тәуке Салқам Жәңгірдің, қалмақтың ханының қызы қатынан туған баласы еді. Мұнан басқа Үргеніштегі Файып ханның қызынан туған Үәлібақи баласы бар еді. Жәңгірдің орнына әз Тәуке хан болғанда өкпелеп, Үәлібақи Файып ханға кетіп еді.

Әз Тәуkenін түсында қазақ Әмудариясында тұрғанда, бұрын Парсыға қарап тұрған Афшар деген түрік нәсілінен бір Нәдір шақ деген мықты кісі шығып, Парсы жұртын қаратып алғанда, қазақ содан қорқып, қайта ауып Сырданияға келіпті”.

1. Қазақ шежіресі бойынша: Нұрбике, Айбике – Қаракесек-Шаншарға тиген, Дәүлетбике деген бір қыз – Қанжыгалыға, Жолбике – Сүйіндікке, Қоңырбике – Тобықтының Сары деген батырына тиген.
2. Қатаған – өзбек-қазақ ішіндегі ел, қазақтар көбінесе – шашышқылы деп атайды, мекені Шақарлы өлкелерде – Тәшкент түбі, одан әрі Жиделі-Байсын, Ауганстан жерлері.
3. Афшар – Иранды билеген жеті түрік руының бірі, оларды “қызыл бас – қызыл сөлде” атайды.

*Шәкәрім... – 34-36-бб.*

## КУЙМЕМЕН КӨШКЕН ҚАЗАҚТАР

“Сөзі сенімді, өзі білгір адамдардан естігенім: Олардың үй-жайы аспанның жиегіндей үлкен доңғалақты арбаларға орныққан, бір жұрттан екінші жұртқа түйелермен сүйреп жеткізеді, кәдімгі керуен сияқты. Бір-бірінен қалыспай, іркес-тіркес жүрсе, жүздеген монғол фарсаңына созылып кетеді. Осындаи әр үй бір адамның үй-жайы, себебі ең кедей деген қазақтың жылқысы, түйесі мен қойы мындалап

саналады. Осы сансыз үйдің иелері, осыншама көрнекті адамның бәрі шетінен батыр, әрқайсысы қалың жаумен шайқасында он жауынгерді байлап-матап алады, он жауынгерге ат жалын құштырып немесе о дүниеге аттандырып жібереді.

Соныменен, олардың көші-қоны туралы айтылғанда, олардың (Қыпшак) даласының төрінен Еділ өзенінің жағасына күн сайын жылжи отырып, өзінің тамаша сән-салтатымен, байлығымен, әсем әшекейлер тағылған ақ тиін, манат ішкітерге қымтанип, шымқай жібекке малынып екі ай бойы көшіп, кейде қарды кешіп, қыс қыстайтын қонысына жетеді. Олардың қыстаулары Сейхундариясының жағасына орналасқан, өздері оны – “Сырдария” деп атайды. Жоғарыда айтқанымыздай, Сейхунның жағасы – “най” (түркі тілінде), қамысқа толы, малға отын мол, қонысқа жайлы. Қой саны, шамасы, өскен ағаштан аз болмаса керек, осы қоныстардың шебі майдай, өмірдің тамызығы, ал бұл тамызық қайтадан малға айналып шыға келеді. Осы солтүстік өлкенің бір ерекшелігі де осында болса керек, бір жағдайдан екінші жағдайға өту жылдам, себебі шөптен алынған азық малға айналады, мал адамға өтеді, ал енді жер мен судың өзі тез арада азыққа айналатындей әсер қалдырады”.

*Фазлалах ибн Рузбехан. Михман наме - и Бухара.  
(Бұқаралық қонақтың жазбалары). —  
Москва, 1976. — 94-б.*


### ЕРЛІК ЖӘНЕ СЕРІЛІК ФАСЫРЫ (XVIII ғасырдағы Қазақ хандығы)

Қазақ тарихында XVIII ғ. алатын орны зор. Бұл сынғасыры. Бірнеше жүз жыл ғана өмір сүрген көшпелі мемлекет Орталық Азия басына түскен ауыртпалықты алдыменен қалмақтармен бірге, кейін өздері жеке көтеруге мәжбүр болды. Себебі, XVIII ғ. – көшпелілер жүлдизы жасқаншақтай төмендеген, ал отырықшылар жүлдизының онынан туған кезі еді. Ресей мен Қытай тегеуріні ұлан даладағы түркі-мұнғыл тайпаларын құғыншы қос өкпеден қысқан қасқырдың тағдырына жақындатты. XVII-XVIII ғғ. қазақ-қалмақ арасындағы қарама-қарсылықтың ушығуын тек осы түрғыдан түсіндірген дұрыс. Мәселе екі ел арасындағы ежелгі жаулықта емес, жаугершілік амалдың жоқтығынан және бірін-бірі бағындырып, сол арқылы құшті молайтып, Ресей мен Қытайға қарсы тұру жоспарынан туындейды. Әйтпесе, 1743-ші жылы Абылайдың қалмақ тұтқынынан аман-есен, үлкен сый-құрметпен, күшейіп шығуын, 1756-шы жылы Әмірсана үшін қазақтың Қытай империясымен соғысқа түсуін басқаша түсіндіру қын.

Әз Тәуке хан 1715-ші жылы қайтыс болды. Ол өлгеннен кейін 1718-ші жылға дейін сұлтандардың ішіндегі белдісі – Қайып хан болды, онымен қатар, архив деректерінде Әбілқайыр да аталады. Екеуді Тәуке тұсындағы саясаттың дәстүрін сақтамақшы болып, Ресей мен Жонғарияға, Бұқараға бірнеше елшілік аттандырды. Бірақ қашанда көшпелілер мемлекетінің салтына тән хан билігінің нығаюына, оның өзін көрсетуіне біршама уақыт керек еді. Бұл сыннан Қайып та, Әбілқайыр да өте алған жоқ. Оған 1717-1718-ші жылдардағы Аягөз, Бөгөн, Арыс түбіндегі

женілістер күә. Ресеймен әскери-сауда келісімін жасаймыз деген үміт іске асқан жоқ. Жонғариямен бетпе-бет шайқасуға нар төуекелдеп, хандарының қайраты мен бағы да болған жоқ. Осындай қысылшаң шакта Әбілқайыр 1723-1725-ші жылдары Жонғария соққысынан Батысқа ауған Кіші жұз елін басқарып жүріп, Ресей шекарасына жақындағы. Алдымен (1726-ж.) башқұртпен және Жайық казактарымен территориялық мәселелерді шешу үшін, кейіннен (1730-ж.) бодандыққа біржола қарау үшін ак патшаға елшілік аттандырылды. Бодандық Әбілқайыр түсінігінде протекторатқа жақын еді, ол орыс қаруының көмегімен казактың ұлыс сұлтандары, хандары мен билерінің мысын басып, билікті өз қолына алуды ойлады. Екіншіден, Хиуа мен Бұқара сиякты онтүстік өлкесіне қол созбақшы болды. Өкінішке орай, Ресейдің Петр I заманынан бері жоспарлағаны тіпті басқаша болатын. 1722-ші жылы патша қазақ жерін қайткен күнде де, тіпті миллион рубль ақша кетсе де, Ресейге қаратып, оны Шығысқа ашылған қақпа есебінде пайдалану мақсатын қойды. Осы жоспармен 1715-1716-шы жылдары Ертісті бойлап және Каспийді жағалатып жіберген И. Бухгольц пен Бекович-Черкасский экспедициялары сәтсіздікке ұшыраған соң, Ресей патшасына Әбілқайырдың ұсыныс хаты ойда жоқта табылған отлаға болды.

Ұлы жұз Жонғария билігін XVIII ғ. 30-шы жылдары мойындағы. Олардың негізгі табан тірер қалалары – Тәшкент маңы қонтайшы билігіне 1725-ші жылы көшкен болатын. Орта жүздің билігі біраз уақыт Әбілмәмбетте болғанымен, оның әлсіздігі, Ресейден төнген қауіп, Абылайдың қолға түсүі себепті 1740-шы жылдары Жонғария билігін таныды. Қалдан Серен Орта жұз басшысы Әбілмәмбетке ризалық ретінде Түркістанның 32 қаласының кілтін берді және Абылай сұлтанға қолдау көрсетті. Қалалардың қазақ билігіне көшүі көшпелі рулардың бір орталыққа бағыну процесін жеделдетті және елдің материалдық қажеттіліктерін шешуге қажетті жағдай туғызды. Дегенмен, XVIII ғ. бірінші ширегінде солтүстікке қарай жылжу, Арқа жерінде біржолата қыстап қалу, Ресей бекінішшептерінің айырбас орындарына айналуы – қазақ көшпелілерін терістікке бейімдеп еді. Оның үстіне, Ресей үкіметі



Казак жоғамның иогестарлы-саиси күршімі (XVIII ғ. материалдары бойынша)

**Казак қоғамының поimestарлы-саиси күрүшүлүмү**  
**(XVIII ғ. материалдары бойынша)**

**Хан** – Жогары саяси билік иесі

**Нак** – Хан жаңындағы кенесші

**Атамык** – Ханның сенімді адамы, хан балаларының тәрбиешісі

**Жары** – Мемлекеттің зан шыгарушы жогарғы кенесі

**Каз** – Халық кенесі, хандыктың қарамағындағы елдің атқамінер, жауынгер азаматтарының жиыны

**Ұлы сұратаны** – Билеуши өүлөттің (Шынгыс тұкымы) Ұлыс-елді менгерген өкілдері


**Ел басындар, ру басындар жиыны** – ірі ру одактары көсемдерінің жиыны

**Ақсақалдар жиыны** – Оте сыйлы, кеменгер, жастары үлтайдан адамдардың кенесі

**Ру (ყұу)** – казак қоғамындағы негізгі шаруашылық және саяси Үя

## Шармын белгілер:

- ❖ Казак хандыбынын астанасы
- + Казак-калмак соғыстары, озге де соғыс болған жерлер
- ↔ Калмак аскерлерінің шабуылдау бағыттары
- ↔ Казактардын XVIII ғ. 20-30-шы ж. каша көшуі (Актаңай шұбырынды)
- ↔ Эбілқайырдың Теквелевтан кездескен жер
- ↔ Абылайдың Кекшетаудағы Ордасы
- ↔ Казак ел басшыларының кenesи болған жерлер: Каркарады (Каз дауысты Казьбек билін сінді) Казак ел басшыларының 1710 ж. Каракүмда “Жеті жарғыны” кабылдауы
- ↔ Казак ел басшыларының 1727 ж. Үльтауда откізген кenesi
- ↔ Калмакты токтату туралы шешім кenesi
- ↔ Орда басыдағы ел басыларынын кenesi
- ↔ Казак аскерлерінің XVIII ғ. кимыл козғалысының негізгі бағыттары




**Казак хандығы (XVIII ғ.)**

көшпелі руларды тәуелді ету ниетімен наң мен ұнды тегін таратып, хан-сұлтандар мен батыр-бilerге қысқа ыңғайлы жылы үйлер тұрғызып, өз қамқорлығын көрсете бастады. Түркістан өніріндегі ерте басталған дағдарыс өсерінен айырбас-саудаға ыңғайлы орта іздел жүрген қазақтар үшін бұл қолайлы болды. XVIII ғ. 50-ші жылдарынан бастап Қазақ пен Қытай арасында да сауда-экономикалық қатынастары өрістеді.

Ресейдің, Қытайдың шекараны қазақ жеріне таяп, тіпті сүғына кіріп кетуі халық арасында үлкен аландаушылық туғызды. XVIII ғ. ортасына қарай бекініс желілері қазақтың солтүстік, батыс және шығыс шекарасын толық көмкерді. Көшпелі рулар біресе батысқа, біресе шығысқа толқумен болды, шекаралық алқаптарда жаугершіліктен, өзара барымтадан, жұттан малсыз қазақтар жинақталып, амалдың жоктығынан христиан дініне, егіншілікке, малайлыққа өтүге мәжбүр болды. XVIII ғ. қазаққа толық бодандықты мойындағанымен, қомакты маргиналдық топтың пайда болуына алып келді. Тарихи материалдар маргиналдардың екі түрі жөнінде мәлімет береді. Бірі – 1725-ші жылы пайда болған “құрамалар” (Тәшкент түбінде), екіншісі – XVIII ғ. соңғы ширегінде пайда болған Орынбор, Сібір шекарасындағы “шоқыншылар”. Біріншісіне қалмақтар кінәлі болса, екіншісіне кінәлі – орыстар. Солай дей тұра, маргиналды топтардың пайда болуына бір себеп – далалық өлкеде кошпелілер санының көбейіп кетуінің өсері екенін түсіну қажет. Мәселен, XVIII ғ. екінші жартысында қазақ ішіне қара қалмақ (Жонғариядан), Еділ қалмағы, карақалпақ, башқұрт, қыргыз топтары мол енді.

Тарихи әдебиетте XVIII ғ. қазақ халқының ең бір ауыр кезеңі есебінде суреттеу орын алған. Бұл ғылымға жасалған үлкен қиянат деп білеміз. XVIII ғ. туралы В.В. Радлов: “Өзге халықтар болса, бұл ғасырдың қындығынан көзі жойылып кетер еді, ал қазақтар үшін бұл тамаша-жарқын кез болды. Олардың малы мыңғырып далаға симай жүрді, аласапыран заманда қашанда олжасы үзілген жок”, – дейді, ал Ш. Уәлиханов болса: “Қазақтар Қытайға да, Ресейге де мойынсұнбай, емін-еркін ерлік-серілік дәуірін бастан кешті”, – деп жазады. Қазақтардың бағы-



Казак когамының әлеуметтік құрылымы (XVIII ғ. материалдары бойынша)

## *Казак қоғамының әлеуметтік күрүшілік (XVIII г. материалдары бойынша)*

*Ақ сүйек* – Шыңғыс тұкымы: төрелер  
*Асыл сүйек* – Мұхамбет пайғамбардың жұрағаты (Әли мен Фатимадан тарайтын Үрпак): кожа  
*Тархандар* – кара сүйектен шықкан жоғары лауазым иелері, өкеден балага қалатын мұрагерлік атак, төрелер сияқты тархандар да алым-шығыннан босатылған  
*Жырау* – көшпелілер қоғамында сөүтей (жрец) қызметін атқаралы, ел басқару мен саясатқа араласады  
*Кара сүйек* – ру қурамындағы елдін бәрі кара сүйек  
*Ру қауымдары* – негізгі әлеуметтік үялар

*Батыр* – занды (жолды) орындаушы және бакылаушы, сонымен катар, көл жағдайда ру көсемі

*Бай* – қоғамның ауқатты азаматы, шаруашылығы кемел адам

*Мырза* – конакжай адам, сонымен кагар, елдің басшысы

*Ер азаматтар* – халық кенестерінде дауыска тусетін карулы, атты адамдар

*Жатак-байғұстар* – отырықшылық кәсіп (егін) иесі және кедейлер

*Кірме* – сырттан келген адам, басқа елден немесе басқа атадан

*Шалқазак* – казак арасына жартылай сінген өзге үлт (этнос) өкілі

*Төлеңгімтер* – хан мен сұлтандардың жанындағы көсін, көбінесе өзге үлт тұтындарынан, азат құлдардан, кейде өз руынан қағажу көргөн казактардан қурадалы

*Кұл-куң* – не жаугершілкте түскен тұтын, не сатып алынған бөтөн ел өкілі (мұсылман-сунниттерді құл қылмаган болса керек)

на қарай, XVIII ғ. 40-шы жылдарынан бастап олардың көш басшысы болып араларында Абылай сиякты ұлы адам жүрді. Ол Жонғария, Ресей мен Қытай арасындағы саяси жағдайды оңтайлы пайдаланып, елін заманның қысталада шағынан аман-есен алғып шықты. Әйтпегенде, Қытай қолынан қырылған қалмақ, Ресей жемсауына жүк болмаған башқұрт тағдыры қазақтардың басына нақты төніп түрғаны аян. Абылаймен бірге XVIII ғ. қазақ тарихына аса зор үлес қосқан тұлға есебінде Бұқар жырауды атаған жөн. Сайып келгенде, Бұқар жырау – қазақ атын жырға қосқан, ұлттық сана қалыптастырған, Отан туралы түсінігін оятқан бірінші жырау. Оның “Қазактың қамал қорғаны”, “Қазактың абырой-ары үшін”, “Қазақ деген халқынан, батыр шықкан даңқынан” сиякты сөз орамдары XVIII ғ. қазақ этни-калық тұлғасы сомдалып шыққанын және оның аморфты – алаш, ноғайлы, қазақ-өзбек түсініктерінен алыстап, жеке отау-шаңыраққа иелік ететінін дәлелдейді. Осыған орай елден де толғауға сәйкес жауаптылықты көреміз. 1740-шы жылы Жонғар әскери одағының ішіне кірген қазақтар 1756-шы жылдан бастап Орталық Азия көшпелі ұлыстарының тағдырына өз беттерімен жауап бере бастады. Жонғарияның орыны енді Абылай бастаған Қазақ хандығына өткендей. Тек көшпелілерді сырттан қоршаған орта бұрынғыдан бөлекше еді. Олар үstem, көшпелілік әлсіз болды. Дегенмен, Абылай тұсында Қоқанд пен Қырғызға жасалған жо-рықтар, Башқұрт пен Қарақалпақты бауырға тарту – көшпелілердің жаңа үлкен мемлекетінің өмірге келгенінің ныша-ны еді.

XVIII ғ. соңында, әсіресе Абылай қайтыс болғаннан кейін, қазақ тағдыры күрделі сынға түсті. Ресей протекто-рат шарттарынан шығып, қазақтың ішкі ісіне араласуын көбейтті, хан сайлау дәстүрі Ресейдің ықтиярынсыз іске аспайтын болды. Қазақ жерінен жаңа әскери желілер салынды. Қазақ жерінің шығыс жағы Қытайға қарайтын болды (Алтай және Тарбағатай қазақтары). Қоқанд пен Хиуа оңтүстікке, Жетісуға, Сыр бойына қызығатын болды. Дегенмен де, XVIII ғ. соңына дейін қазақ халқы Еура-зия көшпелілерінің туын құлатқан жоқ, мындаған жыл-дық дәстүрінен тайғаң жоқ, сапасы мен саны кеміген жоқ, рухы жүдеген жоқ.

## СЫБАН РАПТАННЫҢ ХАТЫ

“1696-шы жыл. Кансидің билігінің 37-ші жылы, 4-ші ай. “1. ... Император бүйырды: Халха, сонымен Ойратия өүел бастан бағынышты иеліктер. Өзара тыныштығы болмағандықтан, біз оларға бейбіт өмір сұруді ұсындық, олар болса өзара жаулықты жалғастырып, соғысқа дейін жеткізді. Қаладан қазірдің өзінде Самарқанд, Бұқара, Қазакия, Қыргыз (Булуте), Жәркент, Қашқар, Сайрам, Турфан, Хами сияқты мұсылман иеліктерін бағындырды. Соғыспен бағынған қалалар 1200-ден асады. Яғни, (ол) соғысқа әбден төсөлген мемлекет. Халха оған қарсы шыға ала ма? Барлығы 100 адам шығаратын 7 қошын бір жылдың ішінде қырылады...”.

“2. ...Сыбан Раптан жазады: “Кызметкеріңіз қазактармен соғысты өлі аяқтаған жоқ. Осыдан бұрын Қалдан Тәуке қазактың ұлын тұтқындал, оны далайламаға жіберген еді. Тәуке болса кейін ұлын қайтаруға комектесуді, жаулықты тоқтатуды өтініп, елшілік жіберген еken. Қызметкеріңіз далайламаға елшілік жіберіп, Тәуkenің ұлын қайтарды да, оның жанына 500 адамды қосып, еліне аттандырыды. Тәуке болса, осы 500 адамды түгел өлтірді, одан кейін сіздің қызметшіңізге бағынышты Үркеде батыр тайшыны өлтірді, оның адамдарын тартып алды. Ақыры осының бөріне қоса ұранқайлардың 100 отбасын тонап, алып кетті.

Мениң қайын атам, Аюке, қызметкеріңізге өзінің қызын аттандырган, менің әйелімді оның үлкен ұлы Саньци (Санжап) қорғап, аман-есен әкелуге бүйрық алған. Оларға да жолай шабуыл жасалды. Откен жылдың күзінде қызметшіңіздің көпестері Ресейден қайтып келе жатып, олар да тоналды. Қазактар қызметшіңізге қарсы бірнеше қайтара қылмыс жасады. Осындай зұлымдықтары үшін қызметшіңіз әскерді көтеріп, оларға аттануға мәжбүр. Ұлы мәртебелі қызметшісін соғысты жақсы көреді еken деп секем алып, қауіптенбесін деп, өз жағдайыммен таныстырып отырмын... ”.

1. Сыбан Раптан – Жонғария қонтайшысы, 1727-ші ж. дейін. Бұл құжаттар қытай мен қалмақ арасын жақсы сипаттайды. Екі елдің арасында аңдысу басым екені анық.

2. Тәуке ханның ұлы қалмақ қолына 1682-ші жылғы шабуылда түскен болуы мүмкін. Сыбан Раптан қазақ-қалмақ шиеленісінің жауптылығын қазактарға әдейілеп аударып отыр.
3. “Қызметшіңіз” деген сөзді аудармашылар-пайдаланған, түп нұсқада басқаша болуы да мүмкін.
4. Аюке – Еділ қалмактарының ханы. XVIII ғ. басы.

*Дай цин шэнцзу Жэньхуанди шилу. Международные  
отношения в Центральной Азии в XVII-XVIII вв. –  
М., 1989. – т. 1. – 59-60-бб.*

## ТҮРКІСТАН ӨҢІРІНІЦ СИПАТТАМАСЫ

“Түркістанда және басқа қалаларда бекініс жалдар бар, үйліген топырақ жалдың үстінен саман кірпіштен қорған қабырғасын қалаған. Оның жалмен бірге биіктігі үш сажынның жартысы, кей жерінің ені сажын, кей жері одан қалын, кей жері жұқа, жоғары қарай бір жарым, екі аршын болады. Көбінесе қалаларында топырақтан үйген болмаса, кірпіштен қаланған қорған жок, ал бірақ топырағы тығыз және үгілмейді, қазылған орлары жок. Сол қалалардың бәрінде де бұқарлықтар тұрады, қазактар аз, қазактың бәрі егістігі мен жайылымдық жерлерінде, егіні сүйық, жылқысы мен қойы мол, сиры аз, ет пен сүтті ас қылады.

Ал соғысқа бейім сиқырды Доннан қашқандардан үйренген, соғыс уақытында қазактар 20 мың, одан да көп болып шығады. Қаруы – садақ пен найза, зенбіректері жоқ және ұсақ, ұзын окпанды от мылтықтары аз, ұсталық жағы туралы еш нәрсе белгісіз, ал оқ қару, күкірт, дәрі, қорғасын мен садақты үлкен Бұқариядан алып келеді. Айтударына қарағанда, оқ-дәріге қажетті жабдықты аңы көлдерден алып, казанға қайнатып алады, күкіртті Еркен (Жәркент – Ж.А.) қалаларының тұсындағы таулардан алады, қорғасынды Қарнак қаласында құяды, ал оқ-дәріні жасайтындар – бұқарлық тұтқындар, қызыл мысты Тобыл жолында балқытып дайындайды.

Енді Түркістаннан Сырдың бойымен үш күншілік жолда Өгістау (Юзуганту), откен 203-ші жылы қарақалпақпен қаланың алымын жартылай жинайтын болып келісті және қазактар егін салып бірге тұрады. Және Өгістаудан төмен

Сырдың қапталында 10 күндік жерде Құршіт мешітіне дейін қарақалпақтар көшіп журеді. Ерекше қалалары жоқ, қазақпен әскери шаруасы ортақ және барымтамен күн кореді, саны – 6 мың адам, одан аса шығады, мылтығы қазақтікіндей, зеңбіректері жоқ, ел билеушісі – Тобыршақ сұлтан.

Оларға Тобыл жолымен жалғыз жолмен тау арқылы келеді, одан әрі Сырды өрлей, Түркістаннан Сайрамға дейін 3 күн, Ерген қалаларымен іргелес, батыстағы жері Бұқарияға қарай Сырдан әрі 4-ші құдыққа дейін 4 күншілік, ал төртінші жағы Түркістаннан шығыстағы Таласқа дейін түгел қазақтың қонысы. Қалалар жоқ, 6 күншілік жол, қалмақтың Араптанымен (Сыбан Раптан – Ж.А.) жапсарлас.”

1. Сажын – 2,13 м. Аршын – 71,12 см.
2. Үлкен Бұқария – Мәуреннахр алқабын (Бұқара, Самарқанд) айтады.
3. Еркен – Шығыс Түркістан (Жәркент – деген атаудан шыққан).
4. 203-ші жыл – 1695-ші ж.

*Материалы по истории Узбекской, Таджикской и Туркменской ССР. ч. I. Л., 1932. – С. 265.*


## ҚАЗАҚ РУЛАРЫ ТУРАЛЫ

“Кіші жүз қазақтарын сипаттау. Ол ордаға қанша ру кіретіні, жолы, қай рудың күшті, орташа және әлсіз екендігі төменде сипатталады.

Күшті руы – Алшын, ал Алшын екіге бөлінеді: Қаракесек және Байұлы болып. Қаракесек бәрінен де күшті, алты ру, атап айтсақ: Шекті, Қаракесек, Шөмекей, Төртқара, Қаракете, Қарасақал. Осы алты рудың билігі – Әбілқайыр ханда болды.

Байұлы – Қаракесекке қарағанда төмен (жолы), он екі рудан тұрады деп атап айтсақ: Адай, Жаппас, Алаша, Байбақты, Беріш, Масқар, Таздар, Есентемір, Алтын, Шеихлар (ысық), Шеркас, Тана. Осы он екі рудың басшысы – Нұралы сұлтан.

Жетіру – Кіші жүздегі ең әлсіз рулардың одағы, атап айтсақ: Табын, Тама, Кердері, Керейіт, Жағалбайлы, Тілеу,



- А – Рұлар бірлестігі.  
 Б – Төрелер.  
 В – Қожалар.  
 Г – Толеңгіттер.  
 Д – Шалақазақтар немесе кірмелер, өзге этностармен арасын кеткен қазақтар (мәселең – құрама)

*Қазақ қоғамының этникалық құрылымы  
(XVIII г. материалдары бойынша)*

Рамадан. Жоғарыда айтылған Жетіру Тәуке ханның кезінде қосылған, оның алдында бөлек жүрген. Ал Алшын екіге бөлінген: Қаракесек және Байұлы болып, рулары көп, олардың күші мығым және алшындар жаңағы жеке-жеке жүрген жеті руды ренжіте берген; қазақ әдетімен барымта жасап есесін алуға шамасы келмеген, сонымен қашанда алшын тарапынан таяқ жеп отырған. Сол себепті аталған рулар Тәуке ханға шағым жасап (Тәуке ол кезде Түркістанда тұрған), есесін беруді өтінген. Тәуке ақылды, кең, қазақтың ұлы құрметіне бөлентген басшы ретінде белгілі, бірақ қазақтың дәстүріне байланысты, хан сыйлы болса да, одан қорықпайды, елге өкімі жүрмейді, осыған байланысты жеке-жеке жүрген әлсіз руларға еш көмек жасай алмағандықтан, алшынның таяғынан құтқара алмаған, бірақ жоғарыда аты аталған рулардың бәрінің басын қосып, “Жетіру” деп атапты. Сондықтан алшын тарапынан бір ру жәбір көрсе, қалғандары бірігіп, жетеуlep жүріп барымта алатын жағдайға жеткен. Дегенмен, жетеуінің басы бір жерде қосыла да жалпы алшын алдында әлсіз.

Қазақтың хатқа түсетін заны жок, бірдеме болса ағайын араласып, ауызша ережелермен шешіледі, ал биді сайларда кімді қаласа, екі жақтан соны ұсынады. Би кім кінәлі болса, сол жақты айыпқа тартады, ал күштеп тіпті ханның өзі де жүгініске алып келе алмайды. Кінәлі жақ өз еркімен айыбын мойында маса, онда даугердің руы түгел көтеріліп, барымта алады...

Кіші жұз екі Борсықта, Ор өзенінің жоғарғы бастауында, Елек пен Жем бойында, Жайық қаласынан Жайыққа құятын өзендердің жағасында, тіпті Гурьев пен Каспий теңізіне дейінгі жерлерде көшіп жүреді.

Орта жұзде күшті ру Арғын, құрамында он алты ру бар, атап айтсақ: Қаракесек арғын, Сары жетім шақшақ арғын, Қарауыл кесек арғын, Атығай арғын, Тобықты арғын, Бәсентиін арғын, Қанжығалы қарауыл арғын, Шаншар арғын, Төртуыл арғын, Алтай арғын, Темеш арғын, Бөрші арғын, Қарпық арғын, Ағыс-қалқаман арғын, Қозған арғын, Қақсал арғын. Бұл рулардың басшылары – Барак сұлтан мен Абылай сұлтан.

Орта жұзде Найман құрамында он бір ру бар, Арғыннан гөрі төмен, атап айтсақ: Ақ найман, Бура найман,

Болатшы найман, Қаракерей найман, Теріс таңбалы найман, Дөртуыл найман, Көкжарлы найман, Ергенелі найман, Семіз найман, Бағаналы найман, Садыр найман. Осы рулардың басшысы – Қарасақал, тек сонғы кезде оның дақпырты аз. Орта жүзде Қыпшақ тоғыз рудан тұрады және Найманға қарағанда төмен, атап айтсақ: Торыайғыр қыпшақ, Көкбөрі қыпшақ, Тұйықша қыпшақ, Кетібақ қыпшақ, Бұлтұн қыпшақ, Қарабалық қыпшақ, Таңабұға қыпшақ, Көлденең қыпшақ, Ұзын қыпшақ. Бұл рулардың билеушісі жоқ. Орта жүзде Уақ пен Керей, Кіші жүздің жеті руы сияқты, Тәуке ханның кезінде қосылған, Орта жүздің өзге руларынан жолы төмен болғанымен, бәрінен де бай, бұл үшеуі атап айтқанда: Уақ, Керей, Тарақты. Бұл руларда билеуші – Әбілқайырдың ұлы Ералы сұлтан, ол кезінде аманатта болған. Осы аттары аталған үш руға Төленгіт аталағын бір ру қосылды, ал Төленгіт дегеніміз – хан сарайының қызметкері.

Орта жүз Тобыл мен Есіл өзендерінің бойында, Ертіс өзенінің жоғарғы ағысында, Көкшетау маңында көшіп жүреді. Ұлы жүзде он ру бар, барлығы да – Үйсін аталағы, ал одан бөлінгенде, былай аталағы: Ботбай үйсін, Шымыр үйсін, Жаныс үйсін, Сиқым үйсін, Албан-суан үйсін, Сары үйсін, Шанышқылы үйсін, Қаңлы үйсін, Жалайыр. Оларды Тәшкенттегі хан басқарады.

Сол Ұлы жүзде өте күшті ру – Қоңырат бар, ал ол ру Орта жүзге қарайды, көп жылдар болды, олар Ұлы жүзben қатар көшіп жүр, Қоңырат руы тоғызға бөлінеді, атап айтқанда: Байлар-жандар қоңырат, Оразкелді қоңырат, Құлшығаш қоңырат, Бажман қоңырат, Тоқболат қоңырат, Жаманбай қоңырат, Қаракөсе қоңырат, Жетімдер қоңырат, Құйысқансыз (Куюш қансым?) қоңырат.

Үлкен ордада хандарды қазактың сұлтандарынан сайлайды, қонысы Тәшкентте, бүгінгі күні хандары жоқ, ал хан билігі мұрагерлік жолын сақтамайды, сайлауға байланысты, сол себептен де болар, бұрынғы хандарын біле коймайды, ол жөнінде жазулы тарих жоқ”.

1. М. Тевкелевтің 1748-ші ж. Ресей үкіметі үшін жасаған суреттемесінен алынды.

2. Найман елінің басшысы – Қарасақал деуі шындыққа келмейді. Қарасақал – қазаққа башқұрт арасынан қашып келіп панаған батыр.

*Казахско-руssкие отношения в XVI-XVIII вв./  
Сборник документов и материалов. –  
Алма-Ата, 1961. – С. 406-408.*


## УӘЛИБАҚЫ НӘСІЛІ

“Қалмақпен көбінесе ұрысқан біздің Орта жүз еді. Қазактар үш бөлінерде, күніміз туса, тыныққан соң жиылып, қалмақтан ата қонысымызды алалық деп уағдаласып тарқады. Қалмақтың осы зорлығынан ауып, ішкери орысқа жақын бар-ғандар, 1731-ші жылдарда қалмақтан құтылуға орысқа қарамақ болды. Мұнан кейін Ұлы жүздегі Әбілмұқамбет хан тамам қазаққа хабар айтып, жиылып, қалмақпен ұрыспақ болды. Сол кезде өзіміздің Абылай хан жас, бала күнінде Ұлы жүзге келген еді. Оның мәнісі – мынау. Жоғарыда айтылған Салқам Жәнгірдің бір баласы Уәлібақи хандыққа өкпелеп, Үргеніштегі нағашысы – Файып ханға барды деп едік. Оның баласы – Абылай деген бек мықты болып, жекпе-жекке шыққан батырларды олтіре берген соң, қанішер Абылай атанды. Оның баласы – Қөркем Үәлі, одан Әбілмансұр, біздің хан Абылай дегеніміз осы Әбілмансұр еді. Жоғарғы үш атасы да Файып хан қолында тұрып, хан болмай өлген. Мұның тұсында Файыптың нәсілінен хандық кетіп, жүдеу тартқан соң, Әбілмансұр бала күнінде “қазақ – елім, Сарыарқа – жерім” деп іздел, үйсін Төле бидің қолына келді.

Төле би басында түйе бақтырып, онан соң жылқы бақтырып, акырында әр түрлі мінездерінен ұнап, бала қылып күтіпті. “Кімсін?” – десе, “Білмеймін”, – деп, “Атың кім?” – десе, “Сіз қойған ат – атым болсын”, – деген соң, шашы есken, киімі жыртық баланы – Сабалақ атапты.

Бір күні Әбілмәмбет хан қазақты жиып, қалмақпен ұрысқалы жатыр дегенді естіп келіп, Төле биден рұқсат сұрапты. Төле би: “Балам, саған соғыстан жылқы жақсы емес пе?” – десе: “Желкілдеген тудан, жер кайысқан қолдан қалғанша, жігіт адамның өлгені жақсы”, – деген соң, Төле


Казак қогамындағы әлеуметтік байланыстардың түрлері  
(XVIII F. материалдары бойынша)



## *Қазақ қоғамындағы әлеуметтік байланыстардың түрлері* (XVIII г. материдары бойынша)

- I. а). *Ақ үйлі аманат* – ете курделі халықаралық карым-катынас салты, аманатка берілетін хан мұрагеріне жөне ел басшыларының балаларына арналған дайындалатын ак кигіз үй
- б). *Ешілік* – жарғы, жын, казын шешімімен шығынын бүкіл ел болып аткаратын шаруа
- в). *Айт-серіп* – ел басшылары қабылдайды, ел жауапты болады
- II. а). *Мәжіліс* – үш жұз әқілдерінін жиыны, бас косуы
- б). *Жынын-той* – бүкіл халықтық мереке
- в). *Кеңес, қаз, жарғы* – бүкіл халықтық манзызы бар қоғамдық шарулар шешілтін кездесулер
- III. а). *Әдем-гүрып, салт* – жалпы этностық дәстүрлер, елдін басын қосады
- б). *Тіл, әдебиет* – осы халықка ортақ тіл мен әдебиет, түсністік құралы
- в). *Дін, нағым-сөзімдер* – этностың басын қурап бір-біріне жақындастырып тұратын фактор
- IV. а). *Кұда-аңда* – рұлар мен әлеуметтік топтарды бір-бірімен туыстастырады
- б). *Күрдас-тамыр* – туысы белек адамдарды бір-біріне жақындастырып тұратын дәстүрлер, шарашылық мүдде
- в). *Дос, жандос* – туысы белек адамдарды жақындастыруға мүмкіндік беретін катынастар
- V. а). *Ас беру, шүлен таратуу* – әлеуметтік омірді регтеп жеке адамдар мен рулардың қоғамдық карым-катынастар тиисті орын алуына мүмкіндік береді
- б). *Конакасы (міндееммі)* – баба мұрасы есепті бүкіл казак баласының басын косатын, жауаптылық артатын дәстүр
- в). *Болінбеген енші* – казак баласына ортак енші, бір-біріне комектесуге міндеттейді

# Казак когамының рулык курамы мен күрүлмөмөн (XVII ғ. материалдары бойынша)



би рұқсат берілті. Барса, қазақ пен қалмак екі төбеге жиылып, ортасында – қалмақтың Фалдан Церен деген ханының күйеуі, Хонтажы деген әскер басының баласы Шарыш деген батыр қазақтан жекпе-жекке батыр сұрап тұр екен. Әбілмансұр ханға барып: “Тақсыр, бата беріңіз, мен мынаған барайын”, – дегенде, хан бата берген соң, Шарышқа қарай “Абылай!”, “Абылай!” деп ұран салып барып, Шарышты өлтіріп, басын кесіп алып: “Жау қашты!” – деп, ұран салып айғай салған соң, қалмақтар қашып, қазақтар қырып, бір мезгілде бір жерге келіп, хан шатырын құрып, Әбілмәмбет Әбілмансұрды қасына отырғызып: “Шырағым, сен кімсің, “Абылайлап” шапқаның қалай?” – десе: “Мен қанішер Абылайдың – немересі едім. Соғыста жолы болған атамның атын ұран қылдым”, – дейді. Сонда Әбілмәмбет хан: “Қарағым”, “Бауырым”, – деп сүйіпті де, халқына айтыпты: “Баяғы Уәлібақының нәсілінен бір жалғыз бала қалды деп естіп едім, бұл сол екен. Сіздер ұнатсаңыздар, үлкен хандық – осының орайы еді”, – деп, халыққа ұнап, үш жұзден тоқсан жақсыны ертіп барып, өздері қасиетті көретүғын – арғын-шақшақ нәсілінен Жәнібек деген кісіден бата алып, Әбілмансұрды үлкен хан қойыпты. “Абылай” атанғаны жоғарыда “Абылайлап” шапқанынан болар. Абылайдың хан болғаны 1735-ші жылдың маңайы болар. Сонан соң, біздің Орта жұздің жақсылары: “Бұрын үлкен хандар Ұлы жұзде болушы еді. Бұл ханды өзіміз сақтаймыз, қалмақпен көп ұрысатуғын да біз”, – деп Төле биге сый алып барып, Әбілмансұр-Абылайды алып келіпті”.

1. 1735-ші ж., шындығында да, Абылайдың ел бастаған кезі. 1733-ші ж. Сәмеке хан қайтыс болды, оның орынына отырган Әбілмәмбет Орта жұздің билігін көбінесе Абылайға тапсырып, өзі Түркістанда отырды. 1740-шы ж. орыс-қазақ келісіздері кезінде Абылай өте беделді сұлтан есебінде көзге түседі. Ал нағыз ақ кігізге орап, хан көтерілген уақыты – 1771-ші ж.
2. Абылай хан туралы жазба деректер мен қазақ шежіресінің материалдарын қаранды: Ж. Омар. Бұқар жырау / “Он екі тарих”. – Қарағанды, 1994.

## 1740-ШЫ ЖЫЛҒЫ ОР КЕЗДЕСУІ

“Бұл екі арада қолжазбада құпия советник Татищевтің ү.м.и. сарайына шақырылғаны, полковник Тевкелевтің құпия советниктің бірсыныра істеріне разы болмай, наразылық айтқаны, ерекше тексеру комиссия келіп, 1739-шы жылы 17-маусымда Татищевтің орынына Орынбор комиссиясының басшысы болып генерал-лейтенант князь Василий Урусовтың тағайындалғаны, бұл уақытта қазак жерінде екі керуеннің тоналғаны жайында айтылды. Генерал-лейтенант Орынборға келгеннен кейін қазак хандарымен жұздеспекші болып, Орта жүз Әбілмәмбетке (ол 1739-шы ж. Орта жұздің ханы болып сайланған) поручик Гладышев пен Таймас тарханды жіберген.

Бұл уақытта, 19-тамызда Әбілқайыр ханның үлкен ұлдары – Нұралы мен Ералы сұлтандар келіп, 22-сі күні генералда болды. (Әбілқайыр хан 1740-шы ж. кездесуге келген жоқ. “Қонысым алыс, науқаспын”, – деп, сөлем айтты, ал, шын мәнінде, Татищев өзіне сеніп тапсырған керуеннің қазак қолында тоналғанына қымсынған еді. Бұған қоса өзіне Орта жүз ханы Әбілмәмбеттен кем құрмет жасала ма деп тосылды, ол екеуінің өуелден араздығы бар еді. Әбілқайыр: “Генерал-лейтенант өзі әскерімен маған келсін, Сыр бойында қала салынсын”, – деп, өзінің ұсақ қажеттері мен уәждерін айттып, талаптар қойды).

Генерал қазақтың атақты ру басысы – Жәнібек батырға: “Сіздің сінірген қызметінізді жақсы білемін, ол үшін ү.м.и. мейіріне лайықтысыз”, – деді. Миллерді тұтқыннан босатуға қосқан қызметін сұлтандар көзінше айтты, Орынборда осы істің баяны анық екенін аңғартты. Осы арада қалада кепілде (аманатта) жүрген Қожақмет келіп, ағалары мен ру басыларына сәлемдесті. Бұдан кейін ү.м.и. адап болуға айт берісіп, қонақасы жеді. Бірінші столда, ортада – генерал, он жағында – Нұралы мен Қожақмет сұлтандар, сол жағында – Ералы сұлтан мен Жәнібек батыр, одан әрі штаб-офицерлері мен қазақтың 74 ру басы отырды. Қонақасыдан соң ү.м.и. атынан Нұралы сұлтанға күміс қынды қылыш, штуцер, төрт кез қызыл шұға, бір қара түлкі, төрт кез алтын парша, Ералы сұлтанға осындағы тарту, Жәнібек батырға күміс қынды қылыш, бір жұп

бесатар, төрт кез қызыл шұға, бір тай қамқа, бір қара тұлкі сый берілді".

1. Ү.м.и. – ұлығ мәртебелі император
2. Г-л. – генерал-лейтенант В. Урусов.
3. Штуцер – мылтық түрі

*П.И. Рычков. История Оренбургская (1730-1750). –  
Оренбург, 1896. – 42-б.*

## ЕДЛІ ҚАЛМАҚТАРЫН ҚҰҒАН ЗАМАН

"Қазақ ханы Нұралыдан осы әскердің басшысына арнайы келген хабаршы жолды өзгертуге мәжбүр қылды. Ол хабар мынадай еді: қалмақтар Ор өзенінің бастауына сокпай, Мұғалжар тауы арқылы Үргызға шыққан және шапшаң алыстап барады, хан болса оз ордасының бір болегімен соңынан қалмай өкшелеуде, бар мүмкіндігімен ұрыс салуда.

Хан ақыр соңында Ресей әскерлерінің Ор өзенінің жағалауын қойып, тұра Үргыз өзеніне шығуын талап етеді, біріккен күшпенен қашқын бүлікшілерді тоқтату үшін. Хабаршы осыған қоса бізге тағы томендеғі жаңалықтарды жеткізді: өздерінің хандары мен бірнеше сұлтандары бастаған қазақтар қалмақпен екі рет соғысқан, бірі – Мұғалжар тауларында, екіншісі – Жем өзенінде. Екеуінде де қарсы жақ бас сауғалады, Табуилу және Арселен деген екі атақты зайсанын жоғалтты, коп адам женимпаздардың қолында олжа болып қалды. Қалмақтың мініс атына аса мұқтаждығы туралы бұрынғы хабарды жаушы растиады. Осы себептен қалмақ өте мұсәпір халде, қыскы ауыр жолда аттарынан айрылған олардың көпшілігі балалары мен дүние-мұлкінің қалдығын жаяу арқалап барады..."

\* \* \*

"Ханның жіберген адамы бізге ауызша мына хабарды жеткізді:

1) Бұлардың ең бір атақты тарханы – Дәуітбай, өз руын және басқа бағыныштыларын түгел жинап алып, бар

мүмкіндігі келгенше, қалмақты токтатпақ ниетпен Торғай өзенінің арғы жағасында тұр еken.

2) Қытай шекарасына жақын көшіп жүрген үлкен орданың (Орта жүз) ханы – Әбілмәмбет Абылай сұltаннан қалмақтардың Ресей бодандығынан қашып, Жоңғарияға отпек ниетпен келе жатқанын, өз көне иелігін жаңғыртпақ еkenін естігеннен кейін, олардың алдынан өзінің ұлын бастатып бір бөлігін жіберген еken, мақсаттары – қалмақтарды ескі қонысына өткізбеу.

Ауызша айтқан бұл хабарды не тіпті теріске шығаруға, не растауға болмайды. Себебі қазақтардың арасында мактана білудің өзі өнер деп табылады. Олардың бізге жіберген хабарларының қаншалықты шындыққа жанаспайтынына кейін анық көз жеткіздік.

Осындай сенімді жолбасшымыз болған соң, таңертең түстік-шығысты бетке алып, Торғай өзеніне бастадық”.

1. Бұл оқиға 1771-ші ж. болған. Ресей үкіметінің Еділ бойын игеріп, қысымшылығы асып бара жатқаннан кейін, Еділ торғауыттары өз отандары – Жоңғарияға қайтпақ болып, қыс ішінде үдере көшкен. Сол қашқан елді қуып, Ресейден өскер шыкты. Капитан Н. Рычков сол өскердің құрамында болған.
2. Дәуітбай тархан – Шақшақ Жәнібек батырдың ұлы. Тархандық атағы өкесінен мұраға калған.

*Н.Н. Рычков. Дневные записки путешествия  
в киргиз-кайсацкой степи в 1771 г. –  
СПб., 1772. – 6-19-66.*

## “ЖЕТИ ЖАРҒЫДАН” ҮЗІНДІ

“Бірінші орынды кек заңы алады: қанға қан, зақымға зақым, ұрлық, тонау, зорлық, зинақорлық өлім жазасына кесіледі. Осы ережелерге сәйкес өлген адамның туыстары қылмыскерді өлтіруге хақылы, ал қолын, аяғын, құлағын, т.б. мүшелерін зақымдаса (шапса) сол мүшесінен айрылуы керек. Дегенмен, билердің шешімі немесе даугер жақтың келісімі бойынша қылмыс үшін кесілетін кесімді ақыны төлеп, жазаны жеңілдетуге болады.

Қылмыскер құн төлеп өзінің жанын сақтап қала алады, яғни әр өлген ерекк үшін 1000, ал әйел үшін 500 қой

төлесе. Закым келтірген немесе біреудің бір мүшесін шауып тастаған адам тиісті жазасына сәйкес белгілі мал санын төлейді. Мысалы, ұлken бас бармак үшін – 100 қой, шынашқ үшін 20 және тағы сондай.

Кімде-кім Сұлтанды немесе Қожаны өлтірсе, ол туысқандарына жеті адамның құнын төлейді. Сұлтан мен Қожаны ренжіткен адам (сөзбенен) айыпқа бір тоғыз мал береді, ал қол жұмсаса – 27 мал (үш тоғыз үйірімен).

Егер әйелі күйеуін өлтірсе, тек өлім жазасына кесіледі, егер туыстары отінбесе, кешпесе ешқандай құн оның жаңын сақтап қала алмайды. Осы тәртіпке тек аяғы ауыр әйелдер енбейді, олар күйеулерін өлтіргендегі үшін жазаланбайды, бірақ өмір бойы жек көрінішті және арсыз атанағы. Егер күйеуі әйелін өлтіретін болса, ол өлім жазасынан құн төлеп құтылуына мүмкіндік бар.

Балаларын өлтіргені үшін ата-анасты еш жаза алмайды; тек некесіз туған сәбиін жаман атактан коркып (үялып) өлтірген әйел өлім жазасына кесіледі.

**Өзін-өзі өлтірген (қол көтерген) адамдар болек жерлениді.**

Егер де әйелді атты кісі қағып кетіп, содан ол закымдаңып және содан түсік тастаса, кінәліден мына есеп бойынша айып талап етіледі: бес айлыққа дейінгі сәбиге – әр айына бір жылқыдан; 5-9 ай аралығындағы сәбиге – әр айына бір түйеден. Зорлық адам өлтірумен бірдей және сол себепті кінәлі өлім жазасына кесіледі немесе әйелі үшін күйеуіне, қызы үшін туыстарына құн төлейді; бірақ зорланған қызға үйленсе және ол үшін қалың малын төлесе өлім жазасынан да, құн төлеуден де босатылады... Құдайға тіл тигізгенді, егер жеті күә болса, таспен ұрып өлтіреді.

Егер кімде-кім христиан дінін қабылдаса, оның туысқандары дүние-мұлкін түгел тартып алады.

Құлдардың өз иелеріне арызы еш жерде қабылданбайды. Олардың иесі құлдарға шексіз билік жүргізеді, өміріне, өліміне шексіз билігі бар.

Ата-анасына тіл тигізген немесе қол көтерген ұлды қара сиырға теріс мінгізіп, мойнына ескі қара құрым кигізді байлап, жаңағы сиырды ауылдарды аралатып жүргізіп, оның үстінде отырғанда қамшымен үрады; ал қыздың аяқ-колын байлап, не істесең оны істе деп, анасына береді.

Үрліғы ашылған үрлаған затын үйірімен үш тоғыз есе қайтарады, ол жаза “айып” деп аталады. Егер мал үрласа, онда кінәлі түйеге бір құлды, жылқыға бір түйені, қойға бір жылқыны үстеме қылып беруі керек. 100 түйенің нарықы 300 жылқы, 1000 қойға тең.

Егер кімде-кім үрліқ және кісіні қатар өлтірсе, ол екі қылмысы үшін жауап береді.

Отағасының үрліғын білген әйелі мен балаларына жаза жүрмейді, себебі от басының, ағасының сыртынан сөз жүргізуге рұқсат жок. Жүйрік тазы мен қыран бүркітті өлтірген жақтан иесі құл не күн талап етуге хақылы... .

Егер жауапкер билерге сенбесе, оларды ауыстыруды өтіне алады. Егер жауапкер биге келмесе, не кесілген айыпты төлей алмаса, онда оның туыстары немесе ауылдастарынан алынады, олар болса кінәліден өздерінің шешімі бойынша қайтарады.

Қылмысты мойынға салу үшін кемі екі, көбінесе үш күә қажет. Куә табылмаған шакта ант беріледі (жан беру), бірақ не даугер, не жауапкер өздері ант бере алмайды, олар үшін өзінің адалдығы мәшкүр, белгілі адамдар ант беруі керек. Әйел жынысы, сонымен қатар, қызметкерлер мен құлдар куәлікке жүрмейді.

Істің басы-қасында жүрген билер мен ара ағайындарға дауға түскен кесімнің оннан бір бөлігі тиесілі.

Егер кінәлі деп табылған жақ билер шешімін орында маса немесе ел ағасы қылмыскерді жақтаса және істі шешуден қашқақтаса, онда даугер билердің рұқсатымен барымта жасауға хақылы...

Ханның өзі, барлық сұлтандар, билер мен ру басылар ел шаруасын шешу үшін күз айында, даланың ортасында бір жерге бас қосуға тиіс.


Ел жынына бір де бір қазақ қалмай, бәрі қаруымен келуі керек. Қарусыз адамға жастар орын бермеуге хақылы, оның дауысы жоқ.

Сұлтандардан басқа, қару көтеруге жарамды әр адам хан мен ел басыларға жыл сайын өз дүниe-малының 20/1 бөлігін беруі қажет.


Әр ру, одақ, бөлімшениң өз таңбасы болуы керек. Сол заманда-ақ малға, дүниеге салуға, айыруға үлестіріп берілген”.

**XVIII ғ. көрші елдерге жылына  
сатылған малдың көлемі:**

- А – қой
  - Б – жылқы
  - В – түйе-көрең саудасы
  - Г – сиыр – күнделікті  
колданыста
- (барлық сан шамамен альянған)



**XVIII ғ. басындағы казак шаруашылығы**



**XVIII ғ. сонындағы казак шаруашылығы**

Түркістан  
Кытай  
Ресей  
Кеңшепелі мал шаруашылығы

1. "Жеті жарғы" 1710-ші ж. Қаракүм кеңесінде қабылданды делінеді. Бірақ оған енген ережелер ертеден бери белгілі.
2. "Жарғы" – заң деген ұғымда немесе жоғарғы кеңес деген мағынада. Алтын Орда уақытында көшпелілерге белгілі.
3. "Жеті" – кеңеске қатысушы билер саны.

*А.И. Левшин. Описание киргиз-казачьих или киргиз-кайсацких орд и степей. ч. 3. — СПб., 1832. — 170-178-бб.*

## ШУРШІТ ҚЫРҒАН ОҚИФАСЫ

"1. Цяньлун билігінің 21-ші жылы. 6-шы ай. "Батысты бағындыруыш" цзян цзюнь Дардана қазақ-қытай соғысы жөнінде хабар етеді:

Қызметкерінің өзінің әскерімен "Жарлы" деген жерге жетіп, барлауға Ябу таңды жіберді. Мәлімет бойынша, қазақ жауынгерлері таудың қараңғы, қорқынышты қойнауларына тосқауыл жасаған. Жетінші айдың 3-ші күні Билигунды солтүстік қанаттағы төбені алуға, сонымен бірге, Урдэнді өз жүздігімен қазактарды таудан алдаң алыш шығуға жібердім. Өзім мың әскерді бастап, 2 мыңнан асатын әскерге (қарақшы) қарсы шабуылға шықтым. Менімен қатар Цинухун, Тэтунэ Ердене, Али гун, Оши, Ханина, Мин Жүй басқарған он қанат пен сол қанаттың отрядтары соғысқа кірісті. Сіздің қызметкерінің Дардана жалпы басшылықты жасады. Қарақшыларды ержүректілікпен жойып, 570 адамды өлтірдік, 11 жауды тірі ұстадық. Көп адам жаралы болды, садақ оғымен. Одан кейін, 11-і күні, қарсыластарымызды қуалап, Нұра деген жерге жеттік. Қатар сап құрып, алға жылжыдық. Екі мың қарақшыны кездестірдік: жанкештілікпен ұрысқа үмтіліп, 340-ын өлтірдік, тірідей 10-ын ұстадық. Соның ішінде Әмірсана-ның зайдандарының бірі – Чжананьбу қолға түсті. Қызметкерінің олардан қинап тұрып сұрады, біздің Қожаберген мен Әмірсана бастаған әскермен соғысқанымыз мәлім болды. Әмірсана, ұлы армия біліп қоймасын деп, өзінің көк байрағын ауыстырыпты, ол ұлы армияға қарсы тұра алмай, бірінші қашты. Онымен бірге, тұтқын қазақ Шолақ және тағы біреуі: "Ағайындымыз, Абылай қарамағынанбыз", – деп айтты. Әмірсананы ұстап беру жөніндегі император гра-

мотасын Абылайға жеткізуге дайын екенліктерін білдірді. Осыған дейін қолға түскен Шорман деген казак, ол да Шолак пен Аралбайдың ағайынды екенін, Абылайға жақын екенін білдірді.

Қызметкерініз Аралбайды аманатқа алып қалып, Шолакты 7-ші айдың 12-і күні 15 күнге Абылайға Әмірсананы қайтару жөніндегі бүйрықты жеткізуге аттандырды.

2. Цянылун билігінің 21-ші жылы, 9-шы ай. “Шекарыны белгілеуші” оң фуцзянцзюнь Хадаха қазақ-қытай соғысы жөнінде хабар етеді:

Бәйцзы Дарчжа өз қарауылышын алдынан Баян тауы-нан батысқа қарай жылжып бара жатқан қазактың мың адамдық тобы жөнінде мәлімет берді. Қызметкерініз (Хадаха) 600 адамдық Саньдубу жасағын қазактың алдынан кесек-көлденең жұмсал, өзі комекке аттанды. Біз бірге шабуыл жасап, жендік. 100-ден аса адамды өлтіріп, аттар мен арбаларды алдық. Одан басқа 5 адамды тұтқынға алдық. Оларды азаптап, барлығынан бірдей біздің әскердің Абылай әскерімен соғысқанын білдік. Ал Әмірсанана мен Қожаберген қазак мындығын бастап, Батыс колоннасымен соғысуға кеткен (яғни, Дарданага қарсы – Ж.А.). Тұтқындар айтты: “Әмірсанана қазақ жеріне аяқ басқаннан бастап, біздің жүздің көрі ақсақалдары: “Ол шұршітке бағынып, төрт ойраттың түбіне жетті. Енді оған сатқындық жасап, біздің жерімізге қашып келді, сонымен бізге бақытсыздық әкеледі. Егер оны үстап алып, қайтарып бермесек, ешқашан тыш өмір сүре алмаймыз”, – дейді. Бірақ, Абылай: “Әмірсанана өлім-нен қашып қараганға қорғалақтаған торғайдай. Оны үстап алып, шұршітке беру – арға сын”, – деп, Әмірсанамен келісім жасап, қазак руладынан әскер жинақтауға бүйирдь.

Абылай алдыменен мың адамдық топты басқарып, Қазылық маңына келді. Осы жерде ол ұлы армиямен соғысып, оның құдіретін көрді, женілді. Бірақ, оның алдында ұлы армияның жылжығанынан хабар алып, өз ауылдарын алыс қоныстарға көшіріп жіберді...

Одан басқа, Абылайдың тағы бір отрядымен, Бөгенбай бастаған, шайқаста 20 адамнан көп өлтірдік, 1 адам тұтқын, 40 ат олжа.

Абылай мен Бөгенбайдың сонына түстік. Қарақшылар шашырап кетті.

3. Цяньлун билігінің 22-ші жылы. 2-ші ай. Император жарлығы:

Былтырғы жылы сатқын және көтерілісші Әмірсана қашып, Абылайға тығылды. Біздің Батыс және Солтүстік бағыт әскерлерінің басшылары кінәні бір-біріне тағады. Дардана батыс бағыттың әскерін бастап, Әмірсанға аз-ак қалды, бірақ ақымақтықпен айрылды. Солтүстік әскері, Хадаха, Абылайдың қай жерде екенін біліп отырып, уақытты созып, оны қолға түсіре алмады. Алғашқы уақытта қумай, әскерді тоқтатып отырды, соғыс ісінде ұсақ-түйек болмайды, енді келіп, міне, бір-біріне жауаптылықты артып, қолдан шығарды. Бір-бірін кінәлауға бола ма?

Біз қолынан түк келмейтін адамдарды алыстағы жорыққа пайдаландық, бір шешімге келу қын. Жорыққа барғандардан сұрасақ, олардың айтқаңы бір-біріне сәйкес. Ақтайтын еш еңбектері жоқ. Дардана, Хадаха және басқа әскер басылардың бәрі қателескен, оларды бұрынғы орнында қалдыруға болмайды.

Дардана мен Хадаха ақ сүйек түқымынан шыққан. Оларды атақ-лауазымдарынан босатуды бұйырамыз, олармен бірге екі армияның лауазымды адамдарын, әскер басыларын жазалау керек”.

1. Бұл үш күжат 1756-1757-ші жж. қытай-қазақ соғысын айғақтайды. Қазақтар көшпелілердің тәсілімен қаша соғысып, Сарыарқаға дейін шегінген, қуудың қызығына түскен қытай армиялары қыстың аязы мен боранына қалып, қатты азап шегіп, көп адамын жоғалтып, өзер деп еліне жетті (20 мыңның 3 мыңы). Текст қытай тілінен аударылған, терминдері сол қалпы, қазақтарды, кейде “қарақшы” деп те атайды, көшпелілерді солай атаяу қытайда ежелден бар.

*Цинская империя и казахские ханства XVIII-XIX вв. /  
Сборник документов и материалов. —  
Алма-Ата, 1989. — т. 1. — 109-112-бб.*

## ҚАЙЫП ХАН II – МУНИС ШЕЖІРЕСІНДЕ

“Қайып хан. Ол Батыр ханның ұлы. Өз өмір соқпағының басында ол қазақтан кетіп, Бұқараға барды және Нәдір

шак Мәуреннахды иеленген уақытта, соған қызмет істеуге келді. Үлкен соғыстар мен жорықтардың кезінде ол шаһ маңында жүрді. Қораз бекпен бірге, күн Арыстан шоқжұлдызына қонақтаған кезде, яғни 1746-шы жылдың шілде айында келіп, хорезм шаһтарының тәжіне ие болды. Ол таққа отырған соң, екі күн өткенде Қораз бек Әбілғазы ханның нөкерлерінің ішінен Артық инақ пен Саидалы биді өлтіруге тікелей қатысқан 18 адамды өлтірді.

Оның заманында бағыныштылары тыныштық кешті, ал мемлекет ісі Қораз бектің қарауында, билігі қолында болды. Қайып ханның атағынан басқа ештеңесі де болған жок.

Әңгіме. Сенуге тұрарлық әңгімелілердің айтуынша, Қораз бектің өліміне мына жағдай себепші болған. Тауық жылы, 1751-1752-ші жылдардың айларында, Мұқамбет найман инақтың ұлы – Күшік бек Гүрленде мас болып, бір жесір әйелді қатты ренжітсе керек. Бұл уақытта хан Шайх Жәлел тауы маңында аң аулап жүреді. Жаңағы жесір әйел сол жерде ханға арыз айттып келеді. Хан Мұқамбет инаққа ауызша сөзбенен қылмысы туралы ескертіп, қалаға келген соң, Күшік бекті, жақын нөкерлерімен ұстап, қамап қояды.

Қораз бек маңғыт руына тиесілі бос жатқан, игеріл-меген жерлерді көркейтемін деп Гүрленнен онтүстікке қарай арық тартып жатады. Осы оқиғаны естіп, ауыр ренжіп, Хиуаға келеді де, ханның рұқсатынсыз Күшік бекті жабылған жерінен босатып және ханның атына бірсызыра ретсіз сөздер айтады. Осы себептен ханның жүрегін жек көрушілік өртеп, қайткен күнде де өлтірсем деген ой келді. Келесі күні, ол (Қораз бек) қабылдауға келгенде, оны мылтықпен атып өлтірді, оның сонынан Шәкір бекті де аттандырды. Қораз бектің жақын адамдарынан он адам және маңғыттың бас көтерерінен алпыс адам өлім жазасын алды. Бұл рудан Артық инақ алты жыл, Қораз бек бес жарым жыл бүкіл Хорезмді жеке билеген еді. Олардың кундерінде қатал қанау, ойына келгенде істеу және бетімен кетіп зан-ды мойындау, бұлғақ күшейген еді. Дегенмен, мырзалығы жағынан, олар Атымтайға жақын еді. Бекабад Қораз бектің салғызған туындысы болады.

Осы оқиғадан кейін Қайып хан билік ісін өз қолына алды. Оның арты қанаудың шектен тыс артып, қанағат

колемінен шығып кетуіне ұласты. Ол бес қаланың қауымдарына 40 мын тіллә салық салды. Ол бақытсыздар мен кедей-мұсәпірлердің көз жасына қарамады. Осы себептен Қыпшақ Матан аталық, найман Ибрахим инақ және нүкүз Ешнияз наиб, оны Шаңқай деп те атайды, Күрленде бас котеріп, ал Үргеніштен Бабаджан Ақсақтан қолдау тапты.

Осы себептен хан қорқып, 1756-шы жылы, сиыр жылы болатын, өзінің мұрагері қылып кіші інісі – Қарабайды қалдырып, “Ұлымды көремін”, – деп, көп әскермен келген әкесі Батыр ханға қосылды. Олар Бак Мұрат деген жерде жолығып, содан Дәшті Қыпшаққа аттанды, сол кеткеннен Әуез инактың тұсында, көп жылдар бойы хандық қызметінен кейін қайтыс болды. Хорезм иелігінде оның билік құрган уақыты – 11 жыл. Біз оның 30 ұлы бар деп естідік. Әбді-Әзіз хан, Шахгазы хан және Жәнгір хан соның ішінде. Алла бұйыртса, енді солар жөнінде әңгіме қозғап корейік...”.

1. Нәдір – парсының афшар әuletінен (қызылбас) шыққан билеушісі. XVIII ғ. ортасы, 1740-шы ж. Хорезмді, Бұқараны жаулап алды.
2. Хиуа-Хорезм-Бес қала – Сырдың төменгі ағысындағы әр түрлі өзбек, түркімен, қарақалпақ рулары мекендеген өлке, аратұра қазақ, түркімен, парсы бұл елдің билігіне араласып отырған. Оған себеп – бір-біріне мойынсұнбайтын рулық құрылымы.
3. Гүрлен – Хиудан батыска қарай орналасқан елді мекен.
4. Атымтай – Хатымдай, араб ауыз әдебиетіндегі мырзалықтың үлгісі саналатын кейіпкер.
5. Қайып II-ші деуімзеге себеп, оның атасы, яғни Батырдың әкесі де, Қайып аталған, 1718-ші ж. өлген хан.
6. Хиуа мемлекетінің тағында билік құрган қазақ төре-лері туралы қараңыз: Артықбаев Ж.О. Қазақ этнографиясы: қоғам және этнос. XVIII ғ. – Қарағанды, 1995.

*Мунис (Шер Мұхамбет бен Әмір Ауез би мираб) /  
Феродоус ал Иқбаль. Материалы по истории  
Казахских ханств XV-XVIII вв. –  
Извлечение из персидских и тюркских сочинений.  
Алма-Ата, 1969. – 469-470-66.*


## XIX ғасырдағы ҚАЗАҚСТАН (Өліара кезең құжаттары)

Көне замандардан бері қазақ жері көшпелі елдердің құтты қонысы болып келді. Дүниежүзі үлкен өзгерістерге түсіп жатқан уақыттарда бұл өлке бірқалыпты ырғақпен ғасырдан ғасырға шығып отырды, не бір күрт даму, не бір әлеуметтік қайшылық бұл қоғамдарға тән емес еді. Тек табиғаттың әсері, ішкі демографиялық өсу, жер тапшылығы және рухани еркіндік, жауынгерлік дәстүрлер оларды қозғалысқа итермелейтін. Сөтін салғанда, көшпелілер дүниежүзілік империялар құрып отырды, Батыс пен Шығысты судай сапырылыстырды, отырықшылықтарды бағындырып, мемлекеттер құрды. Осы үрдіс XVIII ғ. сонына дейін қазақ-жонғар ортасында өз жалғасын тауып келді. Ал, енді, XIX ғ. ол заңдылықтардың шенберінен шықты. Оған басты себеп – қазақ жерінің осы ғасырда Ресейдің нақты отарына айналуы деп білеміз. 1822-1824-ші жылдардағы “Жарғыларға” дейінгі қазақ бағыныштылығын протекторат деп атағанымыз жөн (өзге елдің қамқорлығына көшу, ішкі жағдайындағы тәуелсіздік), 1867-1868-ші жылдардағы “Уақытша ережелерге” дейінгі бағыныштылықтың түрін “вассалдық” деп атаған келіседі, себебі ол – белгілі дәрежеде алым-салығын төлеп, сыртқы тәуелсіздіктен қол үзүмен байланысты. Таза отарға (колонияға) айналу – “Уақытша ережеден” кейін ғана болған жағдай. Оның бір белгісі – қазақ жерінің иесі болып Ресей империясының атануы, әкімшілік биліктен қазақты ығыстыру, әлеуметтік топтардың (төре, қожа, төлеңгіт) жойылуы, елдің тұтас қара боданға айналуы. Сонымен, XIX ғ. қазақ үшін үш ғасырдың жүгін көтеріп келді десек, артық айтқандағы болмас.

*Қазақстан XIX ғ. бірінші жартысында*

Иллармийи беъзиъати

- Бекей ханының иртээлтийн (1801-1845 ж.ж.)
  - Көнсөнчирүүлэх хантын ордига (1817-1847 ж.ж.)
  - Кийин жүзгүүн (1824 ж.ж.)
  - Формалдан кийин султан-правитель баскорттын болшөгрөсөрөө болтууну)
  - Долдуктой округтадын ордига.
  - Мактари (Лузан) (1822 ж.ж.)
  - Реформадын кийин жүзгүүн
  - Ордига дистрікттердің багыты
  - Сүйрәнде Ордигор (Сюяр) губернаторлықтарының шекарасы



Қазақтың солтүстік өлкесіндегі Ресей әсері алдымен кең тараған қайыршылық болды (әсіресе, С. Датұлы көтерілісінен кейін үдеп кетті), малдан айырылу (жер тапшылығы және сауданың кесірінен) егіншілік кәсіптің кең тарауы, шөп шабу, саудаға бейімделуден сезілді. А.И. Левшиннің жазуынша, XIX ғ. басында әр жылы қазактар Ресейге 1 млн. қой, 100 мың жылқы сатқан, осынша малды Қытай, Бұқара, Хиуа елдеріне жөнелткен, яғни қазақ әлі де малды ел болған.

Оның бір айғағы XIX ғ. бірінші жартысында ел ішінде 10-20 мың жылқысы бар байлар сирек болмаған. XIX ғ. екінші жартысында мал саны шектеле бастайды, егер дәстүрлі кезенде малдың негізгі қоры орта шаруада болса, ғасырдың сонына қарай аз малдың өзі байлардың қолына жинақталғаны аян. Осыдан-ақ Қазақстандағы әлеуметтік ірі өзгерістердің басы мал шаруашылығындағы дағдарыспен байланысты екенін аңғару қын емес. Әрине, егіншілік және өзге кәсіптер (мұжыққа, орыс-қазаққа жалдану, жәрмеңке саудасына араласу, өндірісте жұмыс істеу) мал шаруашылығынан босаған жұмыс қолын өзіне сіңіріп жатты. XIX ғ. бірінші жартысында Қазақстан жерінің негізгі халқы қазақтар еді. Қалыптасқан дәстүр бойынша олар руларға бөлініп, ал рулар жүздерді құрады. 1822-1824-ші жылдары қабылдаған “Жарғылар” қазақ этноәлеуметтік тіршілігінің осы зандылықтарынан аса алмады. Хан билігін жойғанымен, рулық байланыстар сақталды, бұрынғы ұлыс сұлтандардың орнына аға сұлтандар отырды. Тек “Жарғы” қазақ ішіндегі әдет-ғұрып зандарына көп кесел келтіріп, мәселен, билер институтын әлсіретті. Тіпті ру басыларын аға сұлтанды сайлауға енгізген жоқ. Осы шара арқылы патша үкіметі көшпелілердің басқарушы элитасын екіге жарып тастанды, сұлтандар мен би, батырлардың өзара жаулығын қоздырды. 30-шы жылдары бүл күрес өршіп, әкімшілік тәртіпке үлкен нұқсан келді. “Жарғы” бойынша руларды территориялық тұрғыдан болыстықтарға бөлгенімен, нақты шекара орнату мүмкін болмады. Негізгі өзгерістер тізбегі 1867-68-ші жылдары басталады. Оған басты себеп – осы жылдары қазақ өлкесінің Ресейдің ішкі колониясына айналуы деуге болады. 60-шы жылдары Қоқанд және Хиуа билігіндегі Түркістан

өніріне қарулы қол жіберіп, қалаларды (Тәшкент, Шымкент, Әулие ата) бағындырған соң, империя шекарасы Бұқара әмірлігіне шықты, тіпті әмірдің өзі де бағыныштылығын мойындағы.

Осыған қарамастан, көшпелілер XIX ғ. бірнеше дүркін ірі қотерілістерге шығып, өз тәуелсіздіктерін қорғап бақты. Шынтуайтына келгенде, оларды ұлттық-азаттық деген німізben, көшпеліліктің Ресей әкелген жаңа өмір-салтына қарсы реакциясы деген жөн. Мындаған жылдар бойы еркін өмір сүрген шаруашылық-әлеуметтік система реформалармен бірге енген жерге бөліну, алым-салық, кәсіпке бейімдеу, әкімшілік жүйені, т.б. қабылдай алмады. Мысал ретінде, Бөкей ордасында 30-шы жылы өрістеген Исадай мен Махамбет қотерілісін айтуға болады. Бұл қотеріліс – Жәнгір ханның Орда жерінде жүргізген реформаларына қарсылықтың ең ушыққан түрі. XIX ғ. қазақ жерінде белең алған қотерілістердің ішінде К. Қасымов бастаған 10 жылдық күресті ғана “ұлт-азаттық” деп атауға негіз бар. Себебі, басқа қотерілістерге қарағанда, Кенесары мен оны қоршаған әлеуметтік топтардың өз бағдарламасы, ұлттық-мемлекеттік мұраттары болды. Оның ең басты талабы – Абылай хан тұсындағы еркіндікті сактау, ішкі шаруада тәуелсіз болу, Ресейді тек сырттай ғана мойындағы өмір сұру. Үлкен күреске жалғаспағанымен, Арынгазы бастаған қозғалыстың мақсат-міндеттері Кене ханның жоспарымен тоғысады. Қазақ жеріндегі XIX ғ. соңғы қотеріліс (1870-71-ші жж.) – Адай руының ішіндегі реформаға қарсы қозғалыстың нәтижесі. Бірақ бұл қотеріліс қазақ рулагынан қолдау таппай, шектеулі аймақты ғана қамтыды. Бұл да болса көшпелілердің әлі де ұлттық міндет-мақсат қоя алмайтын, бір-бірін ортақ мақсат жолында қолдай қоймайтын қасиетіне байланысты.

Ресей отаршылдығының оң нәтижесі болды ма? Бұл мәселе қандай тарихшыны болмасын толғандырмай қоймайды. Қай ел үшін болмасын, отар болу үлкен бақытсыздық, соның ішінде еркін көшпелі ел үшін бодандықтан асқан сорлылық жоқ. Қандай ел болмасын, өз бос-тандығын өз еркімен бермейді. Бірақ отаршыл ел де, адамзат дамуынан қол үзбейді, жақсылық пен жамандық оған да тән. Ресейдегі 60-шы жылдардағы реформалар капиталистік

дамудың көзін ашты. Эр түрлі реформалар-дың (зан, оку-ағарту) шапағаты қазақ жеріне де түсті. Осының нәтижесінде “оқуға сенген – ұмытшақ, жазуға сенген – жаңылшақ” деп келген қазақ оқу-білімге бас қойды. Бас-аяғы 20-30 жылдың ішінде жаңа заман талабына сай зиялы қауым өсіп шықты. Оның көрнекті өкілдерінің бәрі де Ресей жоғарғы және орта оқу орындарынан өткендігін ескерген жөн. XIX-XX ғ. шектескен тұсындағы осы зиялы қауымның жанқиярлық қызметі мен қайраты қазақ елін этнос және қоғам есебінде апattan (жойылып кетуден) аман алып қалды.

Сонымен қатар, XIX ғ. – ісләм дінінің бұрын-соңды болмаған дәрежеде қанат жайған уақыты. Қазақ жерінде мындаған мешіттер салынып, оның шәкірттері Орта Азия мен Еділ бойы оқу орындарының ғұламалық бұлағынан сусыннады. Екі ғасырдың тоғысқан тұсына қазактар иманы бұзылмаған қалпында келіп килікті. Көшпелілерге тән ит жандылық пен ісләм діні сінірген иман қазактың талай апattan аман өтіп, осы күнге дейін жетуінің басты кепілі болды.

XIX ғ. екінші жартысында жер мәселесі қара шекпендердің қоныс аударып, қаптап келуіне байланысты ауырлады. Ен шұрайлы деген жерлер солардың үлесіне көшті, бұл саясат патша заманындағы ең бір ауыр, кесапаты Совет (Кеңестік-ред.) дәуірінен кем емес саясат еді. 1916-шы жылы қазақ жерін түгел қамтыған көтерілістің бір басты себебі – осыдан келіп туындағаны анық. Дегенмен, XIX ғ. соны – XX ғ. басында халықтың үлттық құрамында өзгерістер болғанымен, қазактың үлес салмағын тым азайткан жок, олар саны жағынан өзінің үстемдігін сақтап қалды.

Оның үстіне XX ғ. басында ауыл-болыс, ояз болып жүрген халықтың басын қосатын амал – газет-журнал шығару ісі қанат жайды. Қазақ сауатты, кітап оқығыш халық қатарына ене бастады. Әрине, ол кітаптардың көпшілігі діни тақырыпта болғанымен, арасында жаратылыс ғылымы мен көркем әдебиет те кездесетін. Шежірені жариялау да осы кезеңдің жемісі.

Қазақ халқы өзін мемлекет ретінде XV ғ., үлт есебінде XVIII ғ. сезінсе, XIX ғ. басында одан айырылса, аяғында

қайта жаңғыртты. Сондықтан оқу-білімге деген үмтүлұс – “ұлт-азаттық қозғалысы” деуге лайық.

## “СЫРЫМ БАТЫР”

“Қазақ мемлекеттігінің орнықтылығы және тәуелсіздігі ішкі үйымдастыру ісіне ғана емес, мұның үстіне сыртқы қатынастарға да байланысты екендігін Сырым жақсы біле-ді. Ол империямен жақындасу қажеттігін және осы жақындасудың қандай экономикалық нәтижелері бола-тындығын жақсы түсінеді. Бірақ империя тарарапынан агрессиялық әрекеттер болуынан үнемі қауіптеніп отыра-ды да, ол патша үкіметіне сенбейді. Халық бұқарасының көтерілісіне басшы болып жүріп, ол генерал-губернатор-ға бір мәрте де барған емес және барамын деп, ізденген де жоқ. Соғыс жанжалының қалай да болмай қоймай-тындығын ол алдын-ала көрген, Патша өкіметтерімен сөзге кіріскенде, Сырымның дүрысында көздеген бірден-бір мақсаты: жұз ішіндегі ішкі күреске уақытша болса да, патша өкіметтерін араластырмау, сұлтандарды патша әкім-шілігінің қолтықтауынан айыру. Бұл мақсатқа Сырым жетеді, генерал-губернатордың патша әкімшілігін жүзді басқару системасына сініру жөніндегі жоспарлары, аны-ғында, жоққа шығарылады. Патша өкіметтерімен арасы-ның ашылуын Сырым таяу уақытқа күтеді. Ол соғысқа әзірленеді, бірақ, мұнымен қатар, ішкі алауыздықпен берекесі кеткен, әлсіз қазақ мемлекеттілігінің күш-куаты айбарлы Россия империясына сай келмейтіндігін ол жақсы біледі. Халық анызының айтуына қарағанда, ол имperi-ямен соғыса қалған күнде, Орта Азия халықтарының бәрінің күшін біріктіріп барып қана женілмей шығуға болады деп есептеген. Бұл халық анызына біз сене ала-мыз, өйткені ішкі саяси үйымдастыруда да Сырым бірлікке ру старшиналарының бірауыздылығы арқасында жетемін деп есептеген. Ру старшиналарына Сырым халық бұқа-расының әкімдері деп қараған. Біз тағы бір анызға сене аламыз, бұл анызда патша үкіметімен арадағы болашак жанжалдарда женіле қалған күнде Сырым көбінесе им-периямен шектес аудандардағы тіршілікке өте қажетті мал

жайылысынан қалай да айрылатындығын уайымдайды. Осы аңыздарының бірінде мынадай делінген: Сырым Хиуа ханымен сөйлескенде, оның алдына Россиямен соғыса қалған күнде деп, үш шарт қояды: “Бірінші – Хиуа қазақтарға қару-жарақпен, адамдармен, атпен және азық-түлікпен көмек-тесуге тиіс; екінші – жеңіле қалған күнде Хиуа хандығының жерінен қазақтарға қоныс берілуге тиіс, сонда Сырым қазақтардың осы жерге ескіден келе жатқан правосы бар екендігін еске салады; үшінші – қара қалықтардан бұрын қазақтарға тиесілі мал-мұлікті қайтарып беру”.

Дегенмен, патшалық Россиямен қалайда соғыс болмай қалмайтындығын ұғынып, Сырым мұнымен қатар, сол соғысты болдырмау үшін немесе кешеуілдету үшін барлық шараларды қолданады”.

1. Сырым батыр бастаған қозғалыс 1783-1793-ші ж. аралығында болды. Бұл қозғалыс хан билігінің Ресей отаршылдарының қолында ойыншық болуынан туындағы.

*M.P. Вяткин. Сырым батыр. –  
Алма-Ата, 1952. – 270-271-бб.*

## СІБІР ҚАЗАҚТАРЫ ТУРАЛЫ ЖАРҒЫ

### **Кіріспе**

“3. Бұл қазақтар жөніндегі ерекше Жарғы: біріншіден, басқару міндеттерін, екіншіден, қазақтар туралы өзге ұлттардан (бұратаналардан) бөлек шешімдерді, үшіншіден, Жарғыны іске енгізу жөніндегі тәртіпті тиянақты баяндауға арналады.

### **Бөлінуі. Бірінші тарau.**

4. Линиядан тыс қазақтардың қазіргі жағдайына орай-лас олардың көші-қон жері болыстарға, болыстар ауылдарға бөлінеді, ал олар қазіргі атауларын сақтайды.

5. Ауылда 50-70 шаңырак, болыста 10-12 ауыл болуы жалпы талап етіледі.

6. Болыстарды басқаруға ынғайлыш болу үшін, олар округтерге бірігеді.

7. Округтің құрамында жалпы 15-20 болыс болады.

## **Басқару. Екінші тарау.**

19. Әр округта Округтік Приказ (Дуан – Ж.А.) құрылады.

20. Приказда Аға сұлтанның төрағалығымен Облыс бастығы бекітетін екі Ресейлік заседатель және сайлау бойынша екі сыйлық қазактан заседатель.

21. Округтік Приказдың кеңесі, аудармашылары мен тілмәштарі штат бойынша болады.

22. Округтік Приказдың полицейлік (жазалаушы) және сот билігі бар.

23. Округтің ішкі тәртібін шекаралық қазактар командасы құрайды, олар, мүмкіндік болса, сол жерге қоныстануы керек.

## **Жазалау тәртібі. Үшінші бөлім.**

59. Барлық сұлтандар өздеріне бағынышты болыстармен Округтік Приказға тікелей бағынады.

62. Халықты қорғау, қыншылық болса, керекті көмекті корсету.

63. Ағарту, енбекке үйрету және шаруашылық пайда-сына әр адамды, барлығын баулу.

64. Қазаққа тән күнделікті тәртіпсіздікті (тонау, барымта, үкіметке мойынсұнбау) өте тез тыюды барлық қүшпен қолға алу.

113. Сұлтанның рұқсатынсыз бір жерден екінші жерге көшуге тиым салу.

## **Шаруашылық тәртібі. Төртінші бөлім.**

117. Аға сұлтандар, Округтік Приказ мүшелері мен болысты басқарушы сұлтандар, сонымен қатар, емші, хатшылар, аудармашылар мен тілмәштар, келісімді түрде штат бойынша жалақысын алып отырады.

118. Жаздың сонында қазактардан жылдық жасақты малмен жинау: жүз бастан біреу, түйелерден жиналмайды.

119. Нанға қазақ тарапынан елеулі сұраныс болмаса да, аурудан малдары қырылып қалса, аштықтан сақтау үшін деп егіншілікті қолдау, әр округте қазыналық нан саудасын жасау, сатуды үйимдастыру.

171. Даға (қырға) қоныстанған казактарға 15 десятиналық қөлемде жер беру.

172. Егіншілікпен айналысадеген немесе шаруашылық құрылышы бар әр қазаққа 15 десятинадан жан басына беру.

### **Сот тәртібі. Бесінші тарау.**

205. Барлық сот ісі қазактарға байланысты үш түрге бөлінеді: а) қылмыстық; б) тұрмыстық дау; в) басқару тәртібіне қарсы арыз.

206. Қазактарға байланысты қылмыстық істерге: 1) мемлекетке сатқындық, 2) адам олімі, 3) тонау мен барымта, 4) үкімет орындарына ашық бағынбау жатады.

209. Қылмыстық істі қозғау Округтік Приказ тарапында.

215. Қылмыстық істер ауылдар мен болыстарда билердің араласуымен атқарылады.

216. Билер ол істерді ауызша, бірақ қазактардың дәстүріне, ғадетіне сәйкес шешелі.

### **Ерекше шешімдер. Алтыншы тарау.**

244. Қазактардың осы күнгі діні мұсылмандықтан горі мәжусиге мазмұн жағынан келетін болғандықтан, оларды көптең шоқындыруға үміт бар. Облыстық басшылық күштемей, ақылға салып, үгітпен жұмыс істесе, Қырға арналған ерекше діни миссияны шақыра алалы.

245. Әр казақ өзінін ұлын Империяның ішіндегі кез келген оку орнына жалпыға тән тәртіп бойынша орналасыруға құқылы.“


1. 1822-ші ж. қабылданған бұл Жарғы 10 тараудан тұрады. Барлығы 319 ережесі бар.
2. Жарғы тек Сібір қазактарына, яғни Орта жүзге арналған, ал Кіші жүздің жерінде жеке “Орынбор қазактары туралы жарғы” қабылданды, 1824-ші ж.

*А.И. Левшин. Описание... Ч. 3. – С. 243-301.*

## **ҚАСЫМ СҰЛТАННЫҢ ХАТЫ**

“Сіздің құзырыныңға жеткізуді озімнің міндетім санаймын. Менің қазактарымның (ордынцы) арасында еш тыныштық жок, бұл жағдай мені оте ренжітеді. Оның үстіне, Омбы бастығы генерал Капцевич Kokшетауда жиылдыс орнын (қала салу) ашты, ол жер біздің жерде, қазакқа қарасты қыр өлкесінде; онымен қоймай, біздің сұлтандар мен

# XIX г. 60-90 жылдарындағы Қазақстандың әкімшілік белгілері



бilerді сол орынға күштеп жиналыска (отырысқа) жинап, сонымен реніш тудырып отыр. Біздің сұлтандар мен билер бастаған қазактар мұнымен келіспейді, олар бұл жерлерде сот орындарының ашылуына қарсы, оған себеп Абылай ханға сенімді болған адамдардың ішінде ешқайсысы да ол орындардың ашылуы туралы өтініш білдірген жок.

Омбы генералы император ағзамға – Абылай ханға сенімді болған сұлтандар мен қазактар өздері осы сот орындарының ашылуын және онда жиналыс болуын тіледі деп жалған, әділетсіз ұсыныс айтқан. Біз өз тарапымыздан император ағзамға жалынышты отінішімізді жібердік, бірақ оны Сібір жағынан өткізбегенін анық білеміз.

Осындай себептерге байланысты мен өзімнің сұлтандарым мен қазактарым атынан ұлы патшадан бізге оз қалыптасқан әдет-ғұрыпымызға сәйкес, кезінде мениң атам Абылай хан тұсында қалай өмір сүрсе, солай өмір сүруге бұдан әрі рұқсат беруін өтінеміз. Біздің император ағзамға қарсылық көрсетпейтінімізді, оған қарсы шықпайтынымызды айтқанды жөн санаймыз. Біз қолымыздан келгенше оған құлшына қызмет істеуге дайынбыз, оған да, бізге де пайда түсіне ниеттіміз. Тек біз жиналыс орнын ашып, ол жерлерде билік құрындар дегеніне келіспейміз және қабылдамаймыз. Егер де бұл қазақ жеріндегі орталықтар жабылмаса, онда біз өзіміздің ескі қонысымызда қала алмаймыз, сондыктan сіздің жоғарғы мәртебеніз түсінік береді деген үмітпен жоғарғы ұлық император алдында біздің отінішімізді орындау жөнінде өз сөзіңізді айтарсыз деп сенеміз. Біз ол хабарды асыға күтеміз.

Осы хатты жазушы, сөз сонында, Сіздің ұлы мәртебенізге үзак жылдық денсаулық пен сәттілік тілейді.

Сұлтан Қасым Абылайханұлы өз қолыммен мөрімді бастым."

*Жазылды, 1825 ж. 24 маусымда.*

1. Бұл хат Орынбор өскери губернаторының атына жазылған.
2. "Присутственные места" дегенді "жиналыс орыны" деп аударық, бұл негізінен "Округтік Приказ", оны ашу қазақша "Дуан салды" немесе "қала салды" делінеді. Бұл орталықтарға әкімшілікпен бірге өскер де келді. Қазақ шаруаларының көшіп-

қонуына, еркіндігіне бұл “дуан орталықтары” ерекше тос-  
қауыл болды.

3. Қасым сұлтан қазақ қоғамын әлі де Абылай уақытындағы тәртіппен ұстауга болады деп сенсе керек, бірақ 1820-шы ж. қазақтың бір де бір беделді ханы, оны сөзсіз мойындайтын халқы қалмады. Жалпы, ел болып бодандыққа мойынсұнған уақыт, асаулығы басылған.

*Материалы по истории политического строя.  
Сб.1. — Алма-Ата, 1960. — С. 137-189.*

## УАҚЫТША ЕРЕЖЕЛЕР (1868-ші жыл)

“61. Әкімшілік бөлінісі.

1. Орынбор және Сібір облыстарының қазақтары және Семейпалат, қазіргі құрамымен, Орал және Сібір казакорыстары әскерінің жерлері төрт облыс құрайды: Орал, Торғай, Ақмола және Семейпалат.

2. Орал және Торғай облыстарының бас басқармасы Орынбор генерал-губернаторлығына, ал Ақмола мен Семейпалат — Батыс Сібір генерал-губернаторлығына қарайды.

13-16. а) Орал облысы — 4 уезге, Торғай облысы — 4 уезге, Ақмола облысы — 4 уезге, Семейпалат облысы — 4 уезге бөлінеді.

21. Облыстық басқару жүйесі әскери губернатор және облыстық басқармадан құралады.

44. Әр уездің басқару жүйесі уезд басшысының қолына жинақталады.

58. Көшпелі ел, қазақтар, әр уезде болыстарға, болыстар ауылдарға бөлінеді.

59. Болыстарға, ауылдарға бөліну уездерде жергілікті жағдайға байланысты жүреді және губернатор тарапынан бекітіледі. Ауылда 100-200 шаңырақ, болыста 1000-2000 шаңырақ болуы көзделеді.

60. Болысты қатар қыстау жердің ынғайына қарай, көрші ауылдардан құралады.

62. Болысты болыстық басқарма, ауылды ауылдық старшын басқарады.

68. Эр болыста 50 шаңырақ бір сайлаушы (елубасы) шығарады, осылар өз жиналыстарында болыстық басқарма мен оның кандидатын сайлайды.

92. Сібір және Орынбор қарамағындағы қазактар, осы облыстар қолемінде, империяның ортақ зандарымен, әскери сотпен және халық сотынан соттасады.

93. Әскери сотпен қазактар: сатқындық үшін, үкіметке қарсылық, қарсылық үндеу, поча мен қазына транспортына шабуыл жасау, телеграфты бұлдіру, христиан болам дегендерді өлтіру, қызметкерлерді өлтіру қылмыстары үшін сотталаады.

94. Империяның жалпы қылмыстық зандарымен қазактар: кісі өлімі, тонау, барымта, көпес керуендеріне шабуыл жасау, өзге иеліктеге қашу, жалған ақша шығару, қазына мүлкін үрлау, үкімет басқармаларының тәртібін бұзу, қызмет қылмысы үшін сотталаады.

97. Әскери сот пен жалпы империялық соттың қарамағына жатпайтын қылмыстар бойынша, өзара ұрыс-керісі бойынша билердің хүкіміне жүгінеді.

168. Орынбор және Сібір қазактары әр шаңырақтан жылына 3 руб. кибиточный сбор төлейді (алым-салық).

169. Көшпелі елдің міндетіне: жергілікті басқарманың шығыны (ауыл старшындары мен болыстардың жалақысы), шабармандарының шығыны, жол бойын жондеп отыру, поча трактын ұстau, жазды күні ауруларға (емдеу кезінде) үй тігу, ауылдардың үстімен жүрген қызмет бабындағы чиновниктерге үй тігу, отынын әкеліп беру.

205. Почта жолынан алыс жерде чиновниктерге рұксат қағазы бойынша көлікке at беру.

210. Қазақ жайылымындағы жерлердің бәрі мемлекеттік болып табылады және қазактарға қоғамдық негізде беріледі.

211. Жеке меншік жер иеленуші болып тек патша ағзам тарапынан сыйға алған жерлер және иелігі акті бойынша зандастырылғандар саналады.

230. Ресейден қоныс аударушы орыстарға, Сібір қалаларына орнығатын адамдарға белгіленген жеңілдіктер беріледі.

231. Башқұрт, татар, және Азиядан шыққандар қалалар мен қоныстарға орнығып, жеке бөлінбей, қалыптасқан қоғамға енеді, оларға орысқа берілгендей жеңілдік берілмейді.

251. Өздерінің діни мәселелері бойынша қазақтар Орынбор мұсалмандарының діни жиынынан шығады.

252. Жергілікті жерде діни мәселелерге иелік жергілікті моллаларға, оларды азаматтық басқармаларға бағындыру арқылы іске асады. Олар Ішкі істер министрлігіне бағынады.

254. Моллалар тек Ресей бодандығындағы қазақтар арасынан ғана сайланады, басты шарты — сотқа тартылған адам ұсынылмайды.

258. Мешіт көтеру тек генерал-губернатордың рұқсаты арқылы ғана іске асады”.

1. 1865-ші жж. Орта Азияны бағындырган Ресей үкіметі Қазақстанды толық отарлау барысында Түркістан өлкесіне арналған “Ережелер” (1867-ші ж.) шығарды.
2. 21-қазан 1868-ші ж. қабылданған “Уақытша ереже” атымен белгілі бүл құжат далалық өлкедегі қазақ елінің XIX ғ. екінші жартысындағы дамуы барысына жөн сілтеген негізгі заң.
3. Алғашқы бетте әр облыста 4 уезден болады, дегенмен, кейіннен өзгерістер болды. Көпшілігі 5-7 уезден құралды.

*Материалы по истории политического строя... —  
C. 323-340.*

## СИЫР ЖЫЛҒЫ ОҚИФА

“Сиыр жылы Баян аулада дуан саламын деп орыстар ағаш кестіре бастайды. Осы жылы он шамалы қытайлар келіп, ағаш кестірмеймін, қала салдырмаймын, қазақтар саған қарамайды, бізге қарайды деп, орыстармен таласады. Бұл Әбәйділдә ханның, Шоң мен Торайғыр билердің заманында, осылардың тұсындағы дәуір еді. Ел жайлауда отырған мезгіл еді. Ағасы Шоң биден тіленіп, мұның жауабын мен берейін деп, Торайғыр келеді. Кекшетаудан Әбәйділдә хан келеді. Орыстың Бөлкебайы қазакқа: “Шұршітке қарайсың ба, бізге қарайсың ба? Айт шынынды?” — деп ақырды. Әбәйділдә хан үндей алмады, қорқып, сасып, не дерін білмей қалды. Бөгеліп қалады. Торайғыр: “Ей, Бөлкебай, осы жүрген уақытында өзіңе біреу маған бағын десе, не айттар едің?” — дегенде, Бөлкебай: “Біздің қарап тұрган патшамыз бар. Қасықтай қанымыз, шыбындей жанымыз қалғанша, соның жолында боламыз. Оның билігінсіз еш-

кімге қараймыз деп айта алмаймыз”, – дейді. Торайғыр: “Ендең біздің де сондай қарап тұрған патшамызың бар. Атабабамыздан бері Бұқарға бағынып келе жатқан жүртпыш, бос жатқан жер болған соң, малдың қамы үшін Сарыарқаға келіп едік. Енді бұл жерге ие табылса, біз де өз патшамызың барайық. “Мұнда да жер-су бар. Көшіп кел”, – дер ме екен, жоқ, “Малыңың қамын қыл”, – дер ме екен? Қазіргі ханымыз Мирфидар деген кісі”, – дейді.

Орыстар көптік қылып: бізбен бірге Омбыға жүресіндер. Арыздарыңды, сөздерінді Омбыдағы ұлығымызыңға айтасыңдар деп зорлап, өздерімен бірге Әбәйділлә хан мен Торайғыр биді алып, Омбыға келеді. Жолдағы бәсентиін ағайындар “Жібермейміз, тартып алып қаламыз”, – деп қам жасағанда, Торайғыр: “Тырп етпендер, текке жек корінішті болмандар. Бізді өлтірсе де алмайды, бізге залал қыламыз десе, өздері де орындарында тыныш отыра алмайды. Жоғарғы ұлығына барып, бетпе-бет сөйлесіп, қазақ жеріне қала салмайтын, қазақтан солдат алмайтын қылып, бетін ашып келейін”, – депті.

Омбыда жетпіс күн жатыпты. “Орыстың дәмін татпаймын”, – деп, Сапар деген сарттың үйінен сүт алдырып ішіпті. Шәйді алғаш рет Омбыда көріпті. “Бұл не деген ас?” – деп сұрағанда, “Шәй”, – деген соң, “Мына шіркін, ішкен кісінің мейір-шапағатын шайып кететін неме екен”, – депті. Үрттап алғанын қайта төгіп тастапты. Қантты көріп: “Бұл немене?”, – деп сұрапты. “Қант” деген ас”, – депті. “О, қудай-ай, мына шіркіннің өзі тәтті болса да, жеген кісіні қатты қылатын қудың өзі екен”, – депті. “Сірә, мына екеуін ас деп ішкен бізден соңғы жүрттың бір-біріне достығы болмас, сойған малыңың сирағы мен төстігі болмас”, – деген екен. Бөлкебай алдына шақырып алып: “Қолыңа сақина-жүзік салайық, басыңа қалпақ кигізейік, үстіңе шекпен жабайық, беліне қылыш асындырайық, арылмайтын шен берейік”, – дейді. Торайғыр: “Қолыма сақина салсам, ауылымда үстам бар, соларға соктырып, өзім де саламын. Қалпақ киетін болсам, қойдың жүнінен неше түрлі қылып, бастырып кием десе, табылады. Қылыш асынсам, үсталарым бар, неше түрлісін согады. Берем дегеніңнің бәрі де өзімнен табылады, сенікін не қылайын, алмаймын”, – депті.

“Бізге анда-санда өзің не Шоң келіп тұрсын. Жеріңе, еліңе қайтараіық деп тұрмыз”, – дейді. Торайғыр: “Өзінде ақылдан дәнеңе жоқ екен ғой. Сенің ақ патшаң біздің ауылға неше рет келіп еді. Шоң сондай, қазактың ақ патшасындай кісі. Ол сенен не аламын деп келеді. Ал мен сегіз санаттың қатар кісісімін. Сегіз санаттың сенің біздің ауылға неше рет келіп еді? Біз де сондай керексіз орынға қанғырып жүрмейтін кісіміз”, – депті. Бөлкебай: “Сен аюдан күшті екенсің. Аюды үйреткенде, жетпіс күнде құрдай жорғалатушы еді. Сені еліктіріп, көндіре алмадық, еліңе қайта бер”, – депті.

“Әбділдә хан мен Торайғырды орыстар алып кетті”, – деп қорқып, Баянаулаға Шоң, Қекшетауға Уәлихан тоқалы Айғаным қала салдыра бастаған екен. Торайғыр Шоңға қатты өкпелеп: “Бір жолдың билігін маған бермедің, мені елдің құрмалдық токтысы етіп, шалып жіберсең болмаушы ма еді?!. “Менің билігім інімде, інім көніп келсе, қала салдырамын. Інімді үстап әкетіп, өзіммен жауласып тұрғанда сенің тілінді қалай аламын? Не деп саған қараймын?” – деп отырып алсаң, қала сала алмаушы еді. Маған беттеп аяғын баса алмаушы еді. Сөйтіп, аяқсыз қалдыруышы едік қой”, – депті. “Орыска қарамаймын”, – деп көшу себебі осы көрінеді. Торайғыр, Шонты, Ізден абыз құрдас екен. Елден кеткен жылы Қуандық жібермей, алты ай Аманкелдінің қосын қыстаған екен. Ізден абыз әдейі Торайғырды іздел барса, Жетімқоңырда отыр екен. “Баянаула, Қызылтаудан сен қалайша адасып біткен жерсің, Айдабол, Құліктен Торайғыр сен неғып адасып жүрген ерсің“, – деп көріскенде, Торайғыр өкіріп жылаған екен. Шонты да барған. “Қайтпасаң, емшегімді көкке сауамын”, – деп, шешесі Борсық бәйбіше барыпты”.

1. Қытай делегациясы 300 адам Fұбайдолланы хан (Әбәйділдә хан) сайлауға Баянаулаға 1824-ші ж. жазда келді.
2. Бөлкебай – полковник С.Б. Броневский болуга тиіс (Омбы басқармасы).
3. Шоң өзінің қала салуға келісімін 1826-шы ж. ақпанда қағаз жүзінде тапсырды, яғни Торайғырдың Омбыда абақтыда болуымен қатысы тығыз.
4. Әбәйділдә – Уәлидің үлкен ұлы, Абылайдың немересі (Fұбайдолла хан).

- Мирфидар – мұндай есіммен Бұқар тағында болған билеуші жоқ. 1800–1826-шы жж. – Қайдар төре, 1826-шы ж. – Құсайын, онымен қатар, Насұраллах – 1827–1860-шы жж. билей бастады: осы жылдан – Мұзффар-ад-дин. Мирфидар – Әбділхан хандығының уәзір бектерінің бірі болуы мүмкін.
- “Бұрын Бұқар ханына бағындық” – деген сөздің мәнісі – ерте заманда (XV-XVII ғғ.) қазақтың қысқы қонысы, саяси орталығы Сыр бойында, одан әрі Жиделі-Байсында болған.

*М.Ж. Конев. Шежіре... – 60-68-бб.*

## КЕНЕСАРЫ ХАННЫҢ ТАЛАПТАРЫ

“Сіздің құзырыңызға мына мәселелерді түсіндіру бақытына ие болғаным ризамын. Сіздің аталарыңыздың патшалық құрған дәуірінде, ал бізде Абылай хан заманында ел тыныш және жайбаракат еді, оны ешкім де бұзбайтын. Екі патша да екі ел арасында бейбіт саудаға жол берді, біздің елде алым-салық болмаушы еді. Одан кейін заман өзгерді, оның көрінісі – біздің халқымыздан жасақ (алым) жинау және әр-түрлі қыспақ көрсету. Бұрынғы бейбіт келісімді бұзып, сіздің қарамағыңыздығы кіші бастықтар, бүкіл қазақ елі түгел Ресей бодандығын қабылдады деп, жалған ақпар берді. Осыны себеп қылып, менің атам Абылай қарамағында болған жерлерде сегіз диван (Приказ-Округ) белгіледі. Бұл біздің халқымыз үшін аса бақытсызық, әсіресе жасақ (алым) талап ету. Бүкіл қазақ халқының атынан, оның бейбіт өмір кешіп, жоқшылыққа ұшырамауы үшін, мен сізден, Ұлы патша, талап етемін: Қазакты бұрынғы қалпында қалдырып, жаңадан ашылған сегіз округтік диванды, қырда салынған-ашылған басқа бастамаларыңызды жойсаныз. Осы сөздерді сізге жеткізу бақытына ие болып отырған, Кенесары Қасымов. Өз мөрімді қойдым”.

- Кенесары хаты. 1838-ші ж. желтоқсанда Николай патшага жазылған.

*Национально-освободительная борьба казахского народа под предводительством Кенесары Касымова. – Алматы, 1996. – С. 120-121.*

### “ЕЛУ ЖЫЛДА ЕЛ ЖАҢА, ЖҰЗ ЖЫЛДА – ҚАЗАН” (XX ғасыр)

XX ғасырды Ресей империясының отары болып бастаған Қазақ елі ғасырдың соңында тәуелсіздік туын котерді. Қазақ елі басынан өткерген жұз жылдың жүгі, оның ауырт-пашилығы бірнеше ғасырға жетіп артылады. Аштық пен жоқшылыққа, адам қаны судай болып аққан қанды қасапқа толы XX ғ. сонынан аман отіп, елдігімізді сактап, жеке мемлекет болып, орда тігіп отырғанымызды Алла тағаланың қазаққа тартқан сыйы деп қабыл алмасқа шараң жок.

XIX ғасырда Ресей капитализмі қазақ өлкесінде тауарлы-ақшалы қарым-қатынастарды орнықтырды, көшпелі мал шаруашылығын күйретіп, отырықшылық пен өндірістік дамудың негізін салды.

Оның бөрі халыққа оңайлықпен келген жок, дегенмен, ол өзгерістерді нәубет деп айта алмайсын. Себебі адамзат баласының даму жолы бір – ерте ме, кеш пе өлемнің алдыңғы қатарлы елдері түскен сарапқа тұсу керек болды, базар нарқын сезінбей, бастан өткермей ел қатарына қосылу киын.

Капитализмнің текпісінің арқасында қазактың өз ішінен саудагерлері, байлары (көсіпкерлері), өндіріс жұмысшылары шықты. XX ғ. басындағы қазақтың зиялды қауымы да осы өлеуметтік-экономикалық дамудың жемісі. Ал XX ғ. тіршілігі жоғарыдағы суреттен тіпті бөлек.

Еуропада XIX ғ. ортасында пайда болған социализм идеялары ғайыптан тайып дамуы бәсен, феодалдық-самодержавиялық дәстүрі мығым Ресейде өз иесін тапты. 1917-ші жылғы казан төңкересі Ресей аумағындағы елдердің

бөріне де бұрын-соңды болмаған нәубетті әкелуі де осы қарама-қайшылықта жатыр. Социалистік аталатын революция Ресей империясының ыдырау процесін тағы да жүз жылға шегіндіріп, адамзат кошінен бұрып жіберді.


ХХ ғ. басында ұлт-азаттық қозғалысы Қазак жерінде жаңа сипатқа ие болып келе жатқан еді. "Алаш" ұранымен үйімдасқан зиялы қауымның ең таңдаулы оқілдері көшпелілердің азаматтық қоғамы туғызыған асыл құндылықтарды Еуропаның білімімен суарып, бітімі болек, рухы биік, тамыры терең мәдени үлгі үрдісін салды. Совет заманында небір қыын-қыстауға түскен уақытта да осы негіз қазақ халқының өз-өзін сақтап, елдік нышандарынан айырылмауына сеп болды. Бүгінгі күнгі бостандық пен тәуелсіздік те сол Алаш зиялыштарының қажырлы енбекінің жемісі деп таныған жон.

Қазақстан жеріндегі ХХ ғ. оқиғалары жалпы ССРО (Кенес Одағы – ред.) құрамында омір сүрген басқа елдердің басынан кешкен тағдырдан өзгеше емес: қазан төңкерісі; азамат соғысы – ак қашып, қызыл қуу; ұлы кәмпеске мен индустрIALIZация; жоқшылық пен аштық; 1941-1945-ші жылдар аралығындағы соғыс; тың игеру.

Осы негізгі белестердің ара-арасы халықка, оның ең озық азаматтарына қарсы бағытталған репрессиялар: ату, асу, жер аудару. Өндірістің дамуы, темір жолдың салынуы, қалалардың пайда болуы, жалпыға міндепті орта білім, жалпыға тегін денсаулық сақтау – социализмнің жемісі, жеткен жетістігі деп түсінсек, осы жетістікке жету қаншама меҳнатпен келгенін еске түсірсөн, жаңың түршігеді. Сол себептен болар, жігер-күшінен, рухынан айырылған, сорпаның бетіне шығар тектілерінен ажыраған халық дел-сал күйден онша айыға алмай келе жатқаны.

ХХ ғ. тарихына ой жүгірту, сана сарабына салу жаңа басталды. Ескі марксистік-лениндік докторлардан құтылып, қоғамдық дамуымызға, этникалық ерекшеліктерімізге коніл аударып жатырмыз. Бұл процесс болашакта өз жалғасын табатыны, соған байланысты ХХ ғ. тиісті бағасы берілетіні де аян. Ол бағаның сарапшылары болашак үрпак өкілдері болмақ.

# Қазақстандағы 1916 жылдың көтеріліс



## ҚАРҚАРАЛЫ ПЕТИЦИЯСЫ

1905-ші ж.

Император ағзамга Қарқаралы-Семейлік  
қазақтардың талабынан

Омбыда әр түрлі мекемелер өкілдерінің жиналысында қырғыздардың (қазақтардың) өкілдерін Земствоның жиынына жібермеу жөніндегі жек көрінішті министр А.Г. Бұлышының жобасына жақын шешім қабылданыпты.

Бұндай жағдай – дала өлкесінің басты тұрғындары (қазақтардың) жағдайын білмеудің салдары – бізді қатты аланнатуда. Қандай әділет бар. Қазақтарды хұқықсыз, зансыз топқа енгізу қайдан шыққан? Иә, біз мал шаруашылығымен айналысамыз. Бірақ ол қанғу емес қой. Мал шаруашылығымен айналысу неге біздің сайлау хұқымызға шек қоюға себепші болмақ? Қазақтар қоғамдық және мемлекеттік мақсатты орыс шаруаларынан кем түсінеді деп кім қорытынды жасай алады, тіпті басқа отырықшы “бұратаналармен” салыстырмай-ақ қояйық. Кім қазақтардың мұддесін қорғамақ, кім біздің мұқтаждығымызды дұрыс түсіндіреді?

Қазақ мемлекеттік орталық архиві.  
64-қор, 1-тізім, 322-іс. – 116-парақ.

## 17-ШІ ҚАЗАН МАНИФЕСІ

Біз, екінші Николай

Алланың мәрхаматымен

“БүкілРусия императоры әрі дара билеушісі, Польша патшасы, Финляндия ұлы князі уә ғайры, уә ғайры, уә ғайрылары.

Астанада және Империямыздың көптеген жерлерінде болып жатқан бүліктер мен ереуілдерден Біздің жүргімізді ауыр қайғы басты. Осы ереуілдердің аяғы ел ішінде тәртіп-тің бұзылуына соқтыруы, Державамыздың тұтастығы мен бірлігіне қауіп төндіруі мүмкін.

Үкіметке Біздің мынадай қалауымызды екі етпей орындауды жүктейміз.

1. Әр адамның іс жүзінде толық азат болуы, ожданына,

ойындағысын айтуына, жиналыстар өткізуіне, одақ құрула-  
рына ерік берілуі негізінде халыққа түпкілікті азаматтық  
бостандық жариялансын.

2. Мемлекет Думасына сайлау жұмысын кідіртпей  
жүргізу, Дума шақырылуына аз уақыт қалғанын ескере  
отырып, қазірден бастап бұл сайлауға мүмкін болғанын-  
ша халық ішіндегі мүлде сайлау хұқығы жоқ таптар Дума  
сайлауына араластырылсын, алдағы уақытта жалпы сай-  
лау хұқығымыз белгіленген заң тәртібі бойынша өрбі  
беретін болсын.”

*1905-ші жыл 17-қазандагы патша манифесі.*

## “АЛАШ” ПАРТИЯСЫНЫҢ ПРОГРАММАСЫНЫҢ ЖОБАСЫ

### I

#### Мемлекет қалыпты

“Россия демократическая, федеративная республика  
булу.

(Демократия мағынасы мемлекетті жұрт билеу. Феде-  
рация мағынасы құрдас мемлекеттер бірлесуі. Федеративтік  
республикада һәр мемлекеттің іргесі бөлек, ынтымағы бір  
болады. Һәр қайсысы өз тізгінін өзі алып жүреді).

Үкімет басында учредительное собрание мен Г. Дума  
қалауынша келісімді жылға сайланатын президент болу.  
Президент халықты министерлер арқылы бағу, ол министр-  
лер учредительное собрание мен Г. Дума алдында жауап-  
тар болу. Депутаттар тегіс, тең, төте һәм хуфия сайлаумен  
болады. Сайлау хақында қан, дін, еркек-әйел талғаусыз  
болады.

Законды жалғыз ғана Г. Дума шығаруы һәм. Г. Дума  
хұммет үстінен қарап, іс тексеруі, запрос (сұрау) жасау хакы  
да Г. Думада болады. Мемлекет салығы Г. Думада салын-  
бау.

### II

#### Жергілікті бостандық

Қазақ жүрген облыстардың бәрі бір байланып, өз тізгіні  
өзінде болып, Россия республикасының федерациялық бір

ағзасы болуы. Реті келсе, қазак автономиясы сыйбайлас жүрттармен әзірге бірлесе болуы, реті келмесе, бірден-ақ өз алдына жеке болуы. Қайткенде де осы күнгі земство-лықты қабыл алуы.

“Алаш” партиясы қазак ұлтының би, болыс, ауылнай-лары сияқты орындарында қызмет ететін адамдар болуына жаһид қылады. Земстволардың управаларында, мили-цияларында таза қызметші боларлық адамдардың атын халық қалауына салады.

“Алаш” партиясы ғаділдікке жақ, нашарларға жолдас, жебірлерге жау болады. Күш-куатын игілік жолына жұмсап, жүрт таркы ету жағына бастайды.

### III Негізгі хұқық

Россия республикасында дінге, қанға қарамай, еркек-әйел демей адам баласы тен болу.

Жылыс жасауга, қауым ашуға, жария сөйлерге, газет шығаруға, кітап бастыруға – еркіншілік, хұқымет қызметшілері иесінен рұқсатсыз һеш кім табалдырығын аттау-шылық; сот сұрамай, билік айтылмай, тұтқын қылмау-шылық; қылмысты болған адам судья бар жерде 24 сағат ішінде, судьясыз жерде бір жетіден қалмай судьяға тапсырылып жазба судья хұқімімен жабылуы.

Kіci хатын ашқанға айып, оқығанға жаза болуы.

### IV Дін ісі

Дін ісі мемлекет ісінен айырылулы болуы. Дін біткенге тен хұқық. Дін жоюға ерік. Кіру-шығу жағына бостандық. Муфтилік қазақта өз алдына болуы. Неке, талақ, жаназа, балаға ат қою сияқты істер моллада болуы, жесір дауы сотта қаралуы.

### V Билік һәм сот

Һәр жүрттың билік пен соты тұрмыс ыңғайына қарай болуы. Би һәм судья жергілікті жүрттың тілін білу. Арасынан жерде соттың тергеу-тексеруі һәм хұқімі жергілікті жүрттың қай көбінің тілінде айтылуы. Би һәм судья орынынан

тергеусіз түспеу. Билік һәм сот жүзінде жұрт біткен тең болуы; Құдайдан соңғы күшті би һәм судья болып, кім де болса, олардың хұқіміне мойынсұнуы. Айтылған хұқім тез орынына келуі. Зор жазалы қылмыстар присяжный сот-пен қаралуы. Присяжнылар қазақтан алынуы. Қырдағы ауыл, болыс ішінде билік пен сот жұрт үйғарған ереже жолымен атқарылуы.

## VI Ел корғау

Ел корғау үшін әскер осы күнгі түрде үсталмауы. Әскерлік жасына жеткен жастар жерінде үйретіліп, жерінде қызмет ету: әскер табына бөлгенде туысқан табына қарай бөлу. Әскерлік міндептін қазақ атты милиция түрінде атқаруы.

## VII Салық

Салық мал-аукат, табысқа қарай байға – байша, кедейге – кедейше ғаділ жолмен таратылу.

## VIII Жұмысшылар

“Жұмысшылар закон панасында болу. (Қазақ жерінде завод-фабрика аз, сондықтан қазақтың жұмысшылары да аз. “Алаш” партиясы жұмысшылар турасында социал-демократтардың меньшевик табының программасын жақтайды).

## IX Ғылым – білім үйрету

Оқу ордаларының есігі кімге де болса ашық һәм ақысыз болуы; жұртқа жалпы оқу жайылуы. Бастауыш мектептерде ана тілінде оқуы; қазақ өз тілінде орта мектеп, университет ашуы; оқу жолы өз алды автономия түрінде болуы; хұқімет оқу ісіне кіріспеу; мұғалімдер-профессорлар өзара сайлаумен қойылуы; ел ішінде кітапханалар ашылуы.

## X Жер мәселесі

Учредительное собрание негізгі закон жасағанда жер сыбағасы алдымен жергілікті жұртқа берілсін деуі; қазақ жер

сыбагасын отырган жерлерден алғы орналасқанша, қазақ жеріне ауған мұжық келмеуі; бұрын алынған жер-лердің мұжық отырмадандары қазаққа қайтуы; қазаққа тиетін жер сыбагасын жергілікті комитеттер кесуін; сыбаға өлшеу – норма жердің топырағы мен шаруалық түріне қарай жасалу; сыбағадан артылған жер земство қолында болу; артық тұрған жерден ел өскенде ауық-ауық сыбаға кесіліп берілу; Түркістанда жермен бірге су сыбағасы да кесілу; жерді қазақ үй басына иеленбей, ауыл-аймақ, туысқан табына меншік-теп алу; өзара әділдік жолымен пайдалану.

Жер законінде жер сату деген болмау, hər kіm өзі пайдалану. Пайдасынан артық жер сатылмай, земствоға алыну. Жердің кені, астығы, байлығы қазынанікі болып, билігі земство қолында болу.

Аса зор ағаш, зор өзендер мемлекеттікі болып, аз ағаш həm көл байлықтары земство мүлкіне саналу.

Жоба жасаушылар: **Фалихан Бекейханов**, Ахмет Байтұрсынов, **Міржақып Дулатов**, Елдес Ғұмаров, Есенғали Тұрмұхамедов, **Ғаддулхамит Жұндібаев**, Фазымбек Бірімжанов.

*“Қазақ”, 1917-ші ж., 21-қараша, сейсенбі.*

## АЛАШ ҚОЗҒАЛЫСЫ ЖЕТЕКШІЛЕРІНІҢ КӨЗҚАРАС ЭВОЛЮЦИЯСЫНА БАЙЛАНЫСТЫ КЕЙБІР ҚҰЖАТТАР

*Ахмет Байтұрсыновтың “Қазақ” газетінің  
окырмандарына арнау сөзі*

“Заманына қарай адамы” деген сөз бар. Мұның мағынасы – заманың түріне қарай іс істей. Төнірекке қара-сақ, тұнерген-тұнерген бұлттар көрінеді. Тұбі қандай – белгісіз. Не боларын білмейміз. Нұр болып жауып, жерімізді көгертіп, несібемізді молайтар ма, болмаса дауыл бол соғып, үйімізді жығып, үй-ішімізді шашып тастар ма? Көзіміз бұған жетпейді. Жалаң аяқ, жалаң бас, жендеріміз киосіз, етектеріміз жилюсыз ашылып-шашылып қамсыз жатқан халықпаз. Күннің не боларына көзіміз жетпей түр, дауыл-ды жауын ету қолымыздан келмесе де үйлеріміз қира-май, шашылмай қалуына амал ету керек емес пе? Сол ама-лға кіруге жүртқа мұрындық болатын нәрсенің бірі – га-

зет. Халыққа газеттің керегі қандай екенін айтып өткеніміз ұнамсыз болмас.

Әуелі, газета – халықтың көзі, құлағы һәм тілі. Адамға көз, құлақ, тіл қандай керек болса, халыққа газет сондай керек. Газеті жоқ жүрт басқа газеті бар жүрттың қасында құлағы жоқ керен, тілі жоқ мылқау, көзі жоқ соқыр саналады. Дүниеде не болып жатқанын көру жоқ, не сойленіп жатқанын есту жоқ, өз пікірін айту жоқ. Бөтен дүниежүзіндегі халықтар телеграмма, телефон, почталардың арқасында бір-бірімен хабарласып, газет арқылы жүртты жиып, бір үйдегі адамдардай сөйлесіп отыр. Дүниеде болып жатқан істер, сойленіп жатқан сөздер кімге пайдалы, кімге залалды екендігін күні бұрын біліп, пайдалы болса шаттанып, залалдысынан сақтанып тұрады.

Екінші, газет – жүрттың уланбасына медет нәрсе. Олай болатын мәнісі жүрттың білімді, пікірлі, көргені көп көсемдері, оқығаны көп ғалым адамдары газет арқылы халықтың алдына түсіп жол көрсетіп, жөн сілтеп, басшылық етіп тұрады.

Үшінші, газет – халыққа білім таратушы. Олай дейтініміз, газеттерден жүрт естімегенін естіп, білмегенін біліп, бірте-бірте білімі молайып, запаны өсіп, пікірі ашылып, қыр асты жетпекші.

Төртінші, газета – халықтың дауысы. Жүртім деп халықтың арын арлап, зарын зарлап, намысын жоқтайтын азаматтары газета арқылы халықтың сөзін сөйлеп, пайдастын қорғап, зарына қарсы тұрып, қарғаға көзін шоқытпаска тырысады.

Халыққа газетаның осындай қызметтері бар екенін білген жүрттар газетті киетін киімі, ішетін тамағы, үстіндегі үйінен соңғы керек нәрсеге санайды. Газетаның пайдасын білімді, өнерлі халықтар көбірек біледі. Сондыктан неғұрлым білімді, өнерлі халықтар болса, соғұрлым газета, журналдары көп... Атала жүртіммыздың, ауданды үлттыммыздың әруақты аты деп газетіміздің есімін “Қазақ” қойдық. Үлт үшін деген күштің ұлғаюына күшін қосып, көмектесе қызмет ету қазақ баласына міндеп. Қызмет етемін десендер, азаматтықтың зор жолының бірі осы.

Милет халін ойымызға алып, қызмет етуді мойынымызға алып, талаптанған бір ісіміз осы. Құдай сәтін салғай.

”Әмин” деп қол жайып, “оп” деп күш қосып, “Алла” деп іске кірісепті.

“Қазақ”, 1913-жыл, N1.

### Ә. Бекейханов

*Мен кадет партиясынан неге шықтым?*

Кадет партиясы жер адамға меншікті болып берілсе де жөн дейді. Біздің қазақ жерді меншікті қылып алса, башкұрдаша көрші мұжыққа сатып, бір аз жылда сыптырылып, жалаңаш шыға келеді.

Кадет партиясы үлт автономиясына қарсы. Біз алаш ұранды жұрт жиылып, үлт автономиясын тікпек болдық.

Француз, орыс һәм өзге жұрттың тарихынан көрінеді, молла хұқіметтен ақша алса, сатылып кетеді. Рухани іс аяқ асты болды. Жалование алған моллалар хұқіметке жетекшіл болып, еріп кетеді. Біздің қазақ-қырғыздың ісін көркейтетін болсақ, хұқімет ісінен бөліп қойған он болады. Оны орысша “отделение церкви от государства” дейді. Кадет партиясы менің бұл пікіріме өзгеше қарайды.

Осы үш жол айырылғаны биыл ашыққа шықты. Мен соңан соң қазаққа Алаш партиясын ашуға тырыстым. Мұны мен июльдегі жалпы қазақ съезінде айтқан едім.

Фалихан

“Қазақ”, 1917, 23 декабрь, N256.

### “Қазақ” – саяси партияға...

“Қазақ” – саяси партияға кірген кісі, кірген партиясының программасына мақұл болады. Оナン шыға жайылам деген екен, партия программасына пікірі яки ісі қайшы болса, ондай жағдайда партиядан шыққанға есеп береді. Фалиханның пікірі кадет программасынан айырылғандығы жағдайы қазақ һәм күзгі күнгі Сібір съездеріне мәлім еді. Орынборда болып өткен желтоқсанның 5-13-інде соңғы жалпы қазақ-қырғыз съезінде Фалихан топқа кадет партиясынан шыққандығын баян қылды. “Кадет партиясынан неге шықтым?” деп себептерін көрсетіп жазған мәнісі сол.

“Қазақ”, 1917, N256. Кеңес Нурпейісов.

Алаш һәм алашорда. – Алматы, 1995.

1930 жыл

## СОЗАҚ КӨТЕРІЛІСІ: АҢЫЗ ЖӘНЕ АҚИҚАТ

Созақ көтерілісіне тарих қандай баға береді? Оның сипаты, мақсаты қандай? Қозғаушы күштері кімдер? – деген тәрізді шым-шытырық сұрақтар қазіргі тарихшыларды мазалап отыр. Бұл көтеріліс туралы шындықтан жас үрпақ әлі күнге дейін хабарсыз. Өйткені оның объективті де шынайы тарихы әлі толық жазылған жоқ. Көтеріліс басылып қалған соң, көп кешікпей-ақ ол туралы И. Сталиннің өзі де хабардар болды.

“Көсемнің” салқын қабағына тап болып қалармын деп қорықты ма, жоқ әлде оны дер кезінде хабардар ету өзімнің міндетім деп түсінді ме, ол жағын кім білсін, әйтеуір 1930-шы жылдың наурыз айында Голощекин И. Сталинге жазған жабық хатында төмендегі сөздерді айттыпты: “...Ақпанда біз үш бұқаралық карулы көтерілістерге кездестік.

Біріншіден, Сырдария округінің Созақ ауданында. Аудан малды, рулық қатынастар өте көп сақталған, дінбасылардың ықпалы күшті және Ташкенттегі үлтшыл басшылықпен тығыз байланысты. Партия – совет жұмысының әлсіздігі және бұрмалаулар белен алғып кетті. Бұл көтеріліске төмендегілер тән: көтеріліс басшылары бір ауданнан, қатысқан байлар және ишандар; мұқият даярлық, екі айдан астам уақыт жүргізілген көтеріліске халықтың көпшілігі тартылды, оларға аудан коммунистерінің едәуір бөлігі де қосылды. Ұйымдастыру ұраны діни: “Исламның атынан”, “Байларға қарсы кенес зандарын қолдануға тыйым салу” болды, “армияны рулық принциппен, әрбір қатысуышыны ру басы – байдың қолдауымен ұйымдастыру”, әскери шайқастағы жанқиярлық. Біздің жағымыздан 50-ге тарта адам өлді және азапталды. Олардың жағынан шайқаста 400-ден астам адам шығын болды. Олардың жағынан басқа аудандардың халқын тартуға байланысты жүргізілген көп жұмыстарды біздер дер кезінде талқандадық. Бұл аудандарға ұйымдастырушылық және бұқаралық жұмыстар жүргізу үшін көптеген қызметкерлер жөнелтілді (2948-ic, 44-п). “Қазақ аудандарындағы басшылықтағы және жұмыстағы дөрекі қателіктер туралы” Қазақ өлкелік партия комитетінің шешімінен бұрын отрядтың қазіргі бар комотрядтардың

зиянды ықпалын және жанжалдарды шешуге дұрыс кел-  
меуін атап көрсетеміз. Әсіреле, Созак, Сарысу аудандарын  
еске ала отырып ескертудің және банды шайкалардың  
ықпалын жойып жіберудің саяси шараларын қолдануды  
ұсынамыз.

*Голошекин. 21 сәуір, 1930 жыл.  
Қазақ өлкелік партия комитеті.  
Алматы (2954-ic, 13-п.).*

Бұл жерде мынаны айтпай кетуге болмайды: жоғарыда, Сталинге және төңірегіндегілерге коммунистік отрядты окружкомдардың “санкциясымен”, яғни мақұлдауымен ОГПУ үйымдастырыды және “күресті өскери тәсілмен бастап” жіберді деп Голошекин өтірік айтып отыр. Бұл отрядтар шын мәнінде оның өзі қол қойған қаулыға сәйкес, яғни оның өзінің үйымдастыруымен құрылды.

Сөзіміз дәлелді болу үшін сол қаулыдан үзінді келтіреміз. Қаулы Өлкелік партия комитеті жабық бюросының 1930 жылғы 7-қантардағы мәжілісінде қабылданған. Ол – “Қарақалпақтағы, Бостандық және Батпаққара аудандарындағы контрреволюциялық бас көтерулерге саяси бағаны бекіту” деп аталады. Мұнда мынадай жолдар бар:

“VI. Қазіргі кезеңнің контрреволюциялық бас көтерулерімен күресудің міндеттеріне бейімделе отырып, ПП ОГПУ органдарына өзінің жұмысын қайта құру ұсынылсын.

ПП ОГПУ-ге бұл мәселені нақты анықтау және өлкелік комитет қарауына ұсыну тапсырылсын.

VII. Коммунистерден, комсомолдардан және мұқият іріктелген партияда жок жұмысшылардан және батырақтардан әрбір ауданда жауынгер отряд үйымдастыру окружкомдарға ұсынылсын, отрядтарды тікелей парткомға баян-дырып, олармен үздіксіз өскери оқу-жаттығу өткізілсін.

*Төрага Голошекин. Хатшы Ряднин (2926-ic, 28-п).  
Талас Омарбекова. “Зобалаң”  
(Қазақстандагы 30 ж. XX г.  
Болған саяси көтерілістер). –  
Алматы, 1994.*

## АШТЫҚ

Бүкілодақтың Орталық Атқару Комитетінің  
төрагасы М.И. Калинин жолдасқа ҚАКСР  
Максим Горький ауданының N4 ауылдық  
кеңесінің азаматы Дүйсенбінов Нұргалидан  
1932 жылғы 10 ақпан

Қазақстанда тұратын барлық халық аштан өліп жатыр, кейбір жерлерде тұтас ауылдар халқының қырылуы байқалады, мысалы, Павлодар және Ертіс аудандарының N9, 10, 11 ауыл кеңестері, сондай-ақ Қазақстанның басқа аудандарында.

Соңғы уақытта барлық жерде халық қырылып, өле бастады, егін шықпай қалды, барлық мал мемлекетке тапсырылған, ал мемлекет тарапынан колхозшылар нанмен жабдықталмайды, халықтың ішіп-жейтін ешнэрсесі жоқ. Әрбір қожайынның жеке пайдалануында және колхоздарда бір де бір мал, жылқы жоқ. Рынокта базар және еркін сауда өткізілмейді, оларға жергілікті жерлерде тыйым салынған, астық мүлде жоқ. Жергілікті үйымдарда жұмыс істейтін қызметшілер, село-ауылдардың төрағалары мен мүшелерінің жергілікті активі, партия үялары мен кандидаттық топтардың хатшылары, сондай-ақ аудандық үйымдардың қызметкерлері өзгелердің мүлкін тонаумен айналысада. Егер қайсыбір азаматтан немесе колхозшыдан бір тілім нан, бір қадақ үн және бір кесек ет корсе болғаны, бейне бір мемлекетке тапсырылатын сияқты тартып алады да, өздері пайдаланады, шындығына келгенде, мұндайларды олардың өзі ішіп-жеп қояды. Сонымен бірге, ақшаны, жақсы киімді және басқа да әртүрлі мүлікті тартып алады, тінту жүргізіп, халықты корқытады. Бұнымен қатар, пара алуша де айналысады, кім не алғысы келсе содан алады. Егер қайсыбір адам пара бергісі келмесе, ол кедей немесе орташадан төмен адам болса да, ол даусынан айырылады, көмпескеленеді (мүлкі), сөйтіп ол енді кулак деп саналады. Осы қырғын өлім, көмпескеден, пара мен мүлкінің тоналуынан (қорыккан) халық беті ауған жаққа кетеді; қайыршы болып қайыр сұрап, тіпті басқа өлкеге немесе округке ауа көшеді. Мынадай жағдайлар болды: әкесі мен шешесі аштықтан өздерінің жас балаларын тас-

тап, өздері кетіп қалған. Бұл Қазақстанда халықтың бұдан әрі тіршілік ете алмайтынын (корсетеді), өмір сүру өте сұмдық, киын. Оның үстіне жергілікті өкімет орындары осы аш халықтан әртүрлі бүйымдар мен азық-тұлік дайындау науқанын жүргізеді, ал халық болса оны орындау салдaryнан өзінің тамағына бір тілім де нан таба алмайды. Жергілікті өкімет орындары халықтың бұл қырылуы аштықтан емес, қайта тырысқақпен ауырудан деп иландырмақшы болады. Шынына келгенде, халық арасында тырысқақ ауруы жок. Мұны жоғарыдағы органдарға хабарламай, жасырып отыр. Жергілікті үйымдар халыққа Кеңес өкіметі бейне бір тонаумен айналысады, әсіресе орташа кедей шаруашылығына дүшпандық (көзқараста) дегенді үғындырып, село шаруашылығын социалистік жолмен қайта құруды сәтсіздікке ұшыратуда. Біздің ауданың және Қазақстанның басқа аудандарының барлық халқы аштықтан Кеңес өкіметіне наразы болып отыр. Аштықтан басқа (халық киім-кешектің болмауынан азап кешуде), өнеркәсіп товарларымен жабдықталмайды.

Осы өтінішті жолдай отырып, Сізден өтінетінім:

1) халықтың аштан олуін, қырылуын тоқтату (үшін) шұғыл шараптар қолданып, мемлекет тарапынан тамақ өнімдерімен жабдықтау, олар жөнінде жүргізілетін әртүрлі дайындау науқандарын тоқтатып, өнеркәсіп товарларымен қамтамасыз ету және жер-жерде еркін сауда, базарлар мен рыноктар ашу керек.

2) Талап-тонаумен, пара алушмен айналысып, басқалардың мулкін пайдаланатын, Кеңес өкіметін халыққа дүшпан (етіп) көрсетіп, ауыл шаруашылығын социалистік жолмен қайта құру-ды сәтсіздікке ұшырататын барлық аудандық үйымдар мен жергілікті өкімет орындарының қызметкерлерін, белсенділерді, ауыл-село Кеңестерінің төрагаларын, мүшелерін бүкіл дүниежүзі пролетарлық революциясының жаулары ретінде қатаң қылмыстық жауапқа тарту керек.

Осы өтініштің нәтижелері туралы төмендегі мекен-жайға сәйкес почта арқылы хабарлауды өтінемін.

*Качира поча болімшесі, Қазақ АКСР (Бұрынғы  
Павлодар округінің) Максим Горький ауданы,  
N4 ауылдық кеңес Дүйсенбинов Нұргалиға.*

## ОРАЗ ИСАЕВТЫҢ ХАТЫ

Тамыз, 1932 ж.

“Сталин жолдас!

Қазақ ауылындағы қазіргі жағдай мені мына бір жайты тікелей Өзінізге хабарлауыма мәжбүр етіп отыр.

Бізде, Қазақстанда атқарылған және атқарылып жатқан істерді түгел тізіп, Сіздің уақытыныңды алғым келмейді. Одактың бір бөлігі ретінде Қазақстанда жасалып жатқаның бәрі социализмнің еліміздегі жалпы жеңісінің нәтижесін бейнелейтіні хақ. Алайда, Қазақстанның халық шаруашылығының аса маңызды бір саласы — мал шаруашылығы, оны дамытуда түбірлі өзгерістер болғанымен (совхоздар, колективтендіру), сан тұрғысынан алғанда тұптутра қиямет жағдайға ұшырап отыр. Бұл арада біздің жағдайымыз сөзсіз, өзгеше, оны мал шаруашылығын дамытуды тұтас алғандағы жалпы қыншылықтармен салыстыруға әсте болмайды.

1929 жылғы есептің деректері бойынша Қазақстанда 40 миллион бас мал болған (төлді бөліп-жармай түгел қоса есептегендегі), ал қазір не бары 6 миллиондай мал қалды, оның 2 миллионы совхоздарда, ал колхоздық сектор мен жеке меншік сектордағы 4 миллион бас малдың көп бөлігі қазақтың бұрынғы негізгі мал шаруашылық аудандарында емес, орыс аудандарында. Мал шаруашылығы қазақ халқының көпшілігі үшін негізгі кәсіп және бірден-бір дерлік табыс көзі болғандықтан, мал шаруашылығының мұндай жай-күйі қазақ жүртyn күйзелтіп отыр. Тұрасын айту керек, мал шаруашылығындағы қазіргі қалыптасқан жағдай қазақ ауылын өркендетуде қолымыз жеткен табыстармызды едәуір кемітіп тастайды.

Орталық Қазақстанның 10-12 қазақ ауданында халықтың едәуір бөлігі қазір де аштыққа ұшырауда. Алынған болжамды деректерге қарағанда, биылғы көктемде 10-15 мың адам аштан өлген, әсіреле 1931-жылы ерекше етек алған жаппай қонысынан ауу, басқа өлкелер мен республикаға кету қазір де токталмай отыр. Көптеген қазақ аудандарында 1929-жылмен салыстырғанда халықтың жартысы да қалмаған. Өлкедегі шаруалар қожалықтарының жалпы саны 1931-жылдағыдан қазір 23-25% кем. Арып-ашыған

қазактар мен олардың панасыз балалары өнеркәсіп орындарының, Семей мен Ақтөбе аудандарындағы совхоздардың, темір жол станицаларының тоңірегінде сендей соғысады, үрлықпен айналысуда, колхоз егініне түсіп, масакты көктей жұлуда. Аштық ойдан-қырдан жиналған елдің есепсіз кө-беюі, тазалықтың жоқтығы, жүқпалы аурулардың (қара шешек, сүзек, қантышқақ және басқа) таралуына жол ашты.

Қазақстан Одақтың негізгі мал шаруашылық ауданы болып табылатындықтан, мал шаруашылығының қазіргідей күйге үшірауы Одақтағы азық-түлік және шикізат қорына қазірдің өзінде-ақ салқынын тигізіп отыр: биылғы жылы нашар орындалып жатқан ет дайындау жоспары 1929-1930 жылдары іс жүзінде дайындалған еттің 1/6 бөлігін ғана құрайды, жұн және тері дайындаудың жайы да тап осындаі. Құрылышы аяқталып қалған Семей ет комбинаты 1931-жылдың аяғында да Қазақстанның өз шикізатымен тіпті бір ауысымның жұмысын қамтамасыз ете алмады.

Малдың осыншалық жаппай қырылуының себептері қандай? Мұндай себептер көп. Олардың негізгілері жайында айтайын. Жүртқа мәлім, ет откізу жоспарын шамадан асыра белгілеуге, яғни товарлылықты шамадан асыра қалыптастыруға, жарамсыздыққа шығаруға қарамастан, мемлекетке ет дайындаудан мал басының кеміп кетуіне келген зиян шамалы ғой деп білемін... Мал басының кеміп кетуіне соңғы бірқатар жылдарда егіннің шықпай қалуының көп ықпалы болды...

Мал шаруашылығын қазіргі күйге душар еткен басты себеп Қазақстанда партия саясатының, артта қалған ұлт аудандарындағы колективтендіру туралы Сіздің талай рет айтқан нұскауларының бүрмалануы деп білу керек. Бұл күштеп колективтендіруден, барлық малды ықтиярсыз қоғамдастырудан және мал дайындау ісінде тікелей озбырлық жасаудан көрінді. Мұның бәрі негізінен жергілікті жерде, аудандарда жасалады, ал Өлкелік комитет осы бүрмалаударды жеткілікті түрде батыл түзеп отырмады”.

*Қазақ қалай аштыққа үшірауды?  
Касіретті жылдар хаттары. –  
Алматы, 1991.*

## ӘУЕЗОВТЫҢ АШЫҚ ХАТЫ

...Менің өткендегі жазушылық қызметімнің айқын белгілері “Еңлік-Кебек”, “Қаракөз” сияқтылары еді. Бұлар бүгінгі төңкеріс дәуірінен алыстағы қазақ салтын көрсетумен қатар, өздерінің екшелеп алынған тақырыптары бойынша төңкеріс тематикасынан әдейі аулакқа жайылып кеткендігі және үлтшыл жазушылардың тобына кеткендікті білдіретін нәрселер. Мен сол жазушылардың қатарына кіріп, 1920 жыл мен 1928 жыл, аздаپ 1929 жылдың аяғында Қазақстандағы және Ташкендең баспасөзге әсер етіп, баурап алмақ боп әрекет еттік. Сол жылда оқушы тобына тар үлтшылдық бағытында әсер етіп, әдеби шығармалар, сындар, айтыстар арқылы үйымдар қандай іс жүргізсек, жастар арасына үлтшылдық күйін тараттық. Бұл әрекеттің барлығы ортақшыл партиясы мен кеңес үкіметінің сол жастарды интернационалдық рухында баулимын деген міндет бағытында негізсіз қарсы жүріп отыр. Мен қазірде жаңағы сияқты шығармаларымның бүгінгі күннен аулак кетіп, бірбеткей тақырыптарды ғана екшелеп алғандығын айып деп, кінә деп қоймаймын. Сол тақырыптарды суреттеген, таратқан әдісін салт-санашылдық – суреттеулік реңтіндегі қалыптасуын да теріс деп білемін.

Мениң шығармамның көпшілігі сарнамашылдық бетімен болуымен бірге, өткен дәуірді төңкерісшіл сарыншылдық жолымен сипаттаудан қашық болды. Қайта ескіліктің кейбір залалды салттарын жарыққа шығарып өсүмен, ол салтты жақтаушыларды аз-аздап пікірі жолындағы құралсызданумен қатар, бәрібір мен өз шығармаларымның көпшілігімен аны-ғында беті ашық үлтшылдық күйіндегі жазушы болып шықтым.

Ал бұл жол – біздің аймактың кеңесі тарихи өсуінің корытындысында төңкеріске жаулық жолы болып шықты. Себебі, жаңағыдай шығармалардың пікір, сезім жолындағы теріс әсері, біздің уақытымызыдағы қазақ жастарының ойына да, рухына да тиетін болды. Өйткені біздің жастар өткен күнін жаңа танып келе жатқан, жаңа оянған, артта қалған елдің жастары болатын. Корытындысын айтқанда, мениң әдеби қызметім, сол жастардың көңліндегі, салт-санасындағы үлтшылдық күйін женілдетіп, сейілдетуге

арналмай, қайта соны нығайта түсуге арналып кетті. Қазіргі күнде мен өзімнің бұрынғы жазушылық жолымдағы бағытыма ғана емес қазақ әдебиетін тексерген тарихшы, зерттеуши есебіндегі қызметіме де теріс деп қараймын.

Түгелдеп айтқанда, төңкеріс жолдарының қоғамдық заказы мен төңкерісшіл жұртшылықтың тілегіне біржолата үйлеспейтін сөздерім болған. Бұл ретке қосылатын төңкеріс жолындағы жылдар ішінде қазақ әдебиетінің жолы қандай болу туралы “Шолпан” журналының бетінде ертеректе айтқан пікір. Бұл салт-санда жолында залалды пікір еді.

Сол қаталарым кейбір кейінгі тексерулерімнен де арылған жоқ. Мысалы, соған ұқсаған қаталар Абай шығармаларын тексеруімде де бар.

Онан соң, “Алқаның” бағытын әдебиеттегі жаңа төңкөрісшіл бағыт деп қабылдауды да теріс еді. Анығында ол марксшылдыққа құр ғана иек сүйеп отырып, негізінде бұрынғы тар ұлтшылдыққа қайта тереңдетіп, қайта қалыптаپ, қайта нығайтамын деген жол болатын. Мен оның негізгі бағытын қаталасып барып, көтере бағалаппын. Қазір де қазақ жазушыларының алдында түрған төңкерістік міндеттерді түсіну жолында, мен ол “Алқаның” теріс ұлтшылдық бағытынан бойлап астым. Сондықтан бұдан bylай, онымен ешбір байланысым жоқ деп санаймын.

Тағы бір сөз, ауыр қатам деп санайтыным қазақ баспа-сөзінің жүзіндегі төңкерісшіл марксшілдің сынына құлақ салмауымда.

Дөлелсіз сыңаржақтықпен қарап, барлық сынды түгелімен үйымсыз жазушыларға арналған жаулықтың ғана сыны деп санап жүрдім. Өз ісімнен ол сынның ролі де, мақсаты да ортақшыл емес. Жазушыны әдебиет жүзінде соққыға жығудан басқа емес деп біржақты теріс баға беріп жүрдім, сонымен сынның негізгі – ғылыми негізді төңкерісшіл басшы екенін ескермедім. Сынға осылайша теріс қараған көз-қарасымен соңғы жылдарға шейін келдім де, әдейі ұстанған көніл құрылышы есебінде, жұртшылық алдында өзімнің қаталарым туралы да үндемей сөз көтермей келдім. Бұл да қатамның бірі еді.

Енді Қазақстан правдасы мен Социалды Қазақстан арқылы барлық Қазақстан жұртшылығының алдында өзімнің бұрынғы әдеби-саяси істерімді осылайша айқын күйінде

айыптасты-нымды ашық жарияламақ боламын. Сонымен бірге, енді бұрынғы қаталарымды төңкөріс ісіне барымша бой салып, ұдайы адаптация мен түзетуге бекінгенімді білдірмекпін. Енді мәдениет салт-сана майданының ең жауапты, ең қызу тартысының кезеңдерінде іс істеуге өзімді-өзім міндеттеймін деп санаймын.“

Әуезұлы Мұхтар.  
Социалды Қазақстан. 1932. 10 маусым. –  
Әуезов үйі, FMO-ның қолжазба қоры. 676-п. 1-6 п.

## ТҮРКСІБТЕН МОСКВА – ДОНБАСС МАГИСТРАЛЫНА ДЕЙІН

Түркістан-Сібір темір жолы құрылышына тағайындалғаннан кейін біздің алғашқы кезекте түпкілікті іздестірулермен айналысұымызға тұра келді, өйткені соларға сүйене отырып, жол трассасын белгілеу, сметаның басты жобасын жасап, қажетті жұмыс күшін, материалдар, көлік, жабдық мөлшерін анықтау керек еді.

Негізгі құрылыш штабын тез арада құрып алдып, біз іздестіру жұмысын, ал соңан соң жолды бір мезгілде екі жағынан – Сібір (Семей) жағынан және Орта Азия (Фрунзе) жағынан сала бастауға үйғардық. Құрылышта біздің алдымыздан зор қындықтар туды. Түрксібтің бүкіл өн бойында ағаш, цемент, металл мүлде болған жок, құрылыш материалдарының қандайы да болсын өте тапшы еді.

Солтүстікте Семейден немесе онтүстікте Фрунзеден осы ауқымды да ауыр салмақты материал мен механизмдерді темір жол пунктіне дейін ат, өгіз түйе жегілген арба-лармен жүздеген километр қашықтыққа тасып жеткізуге тұра келді.

Құрылыш басталар жерге дейін трассаның көп бөлігі адам аз қоныстанып, нашар игерілген жерлермен өтсе, Айнабұлақтан Сергиопольге дейінгі 500 километр болатын орта тұсы мүлде елсіз еді. Осы қыншылықтардың бәрі артта қалды.

Бізге өкімет пен партияның Орталық Комитеті зор көмек көрсетті...

Құрылыш басшылығы құрамының негізгі үйіткесі окуды 1926-1927 жж. бітірген жас кеңес инженерлерінен тұрды. Құрылыш барысында олар оздері де үйреніп, мамандығы жоқ жұмысшылардың көпшілігін де үйретti. Құрылыштың аяқ кезінде бізде енді 10 мыңдан астам білікті казақ жоне қыргыз жұмысшылары болды.

Біздің темір жол салу тәжірибеліде тұнғыш рет Түрксібте механизмдер кеңінен қолданылды. Түрксіб темір жол құрылышы жұмыстарын механикаландырудың тәжіри-бемектебіне айналды.

Алайда құрылышты механикаландыру жонінен Түрксібпен салыстырғанда Москва-Донбасс өлдекайда озып кетті. Бұл жол Одақтағы үлгілі жол болмақ. Оның колемі де, мұндағы жұмыс ауқымы да Түрксібпен салыстырғанда анағурлым басым.

Қазір Москва-Донбасс магистралында жұмыс істеп жүрген біз, бұрынғы Түрксіб құрылышшылары, өз үлесімізге бірінші бесжылдықтың алғашқы ірі темір жолын да, екінші бесжылдықтың қуатты магистралын да салудың асқан зор бақыты тиғенін мақтаныш етеміз.

*Еселе жылдары. –  
Алматы, 1969. – 123-124-бб.*

### Т. РЫСҚУЛОВ ісі 1937-38 жылы

КСРО атынан СССР Жоғарғы сотының өскери колледжесі құрамында:

Армвоенюрист Ульрих,

Бригвоенюрист Зарянов,

I Рангалы военюрист Кандыбин,

I Рангалы военюрист Костюшко,

СССР прокурорының орынбасары Рогинский –  
Үкім шығарды.

*Москва қаласы, 8 февраль 1938 жылы.*

Жабық сот мәжілісі.

Қаралды: Рысқұлов Тұрар Рысқұловичтың ісі, 1894 ж. туған. РСФСР совнарком төрағасының бұрынғы орынбасары. РСФСР қылмыс кодексінің 58-1а, 58-2, 58-8, 58-11 статьялары бойынша белгіленген қылмыстары бойынша...

Үкім шығарды:

Рысқұлов Тұрар Рысқұлович жазаның ең ауыр түрі – атуға кесілсін.

Үкім өзгермейді, қайта қарауға жатпайды.

*Шерхан Мұртаза “Тамұқ”. Атамура–Қазақстан.  
Алматы, 1994. – 199-б.*

Военная Коллегия  
Верховного Суда  
Союза ССР  
– февраля 1938 г.  
N00260238  
г. Алма-Ата

Совершенно секретно  
НАРОДНОМУ КОМИССАРУ  
ВНУТРЕННИХ ДЕЛ КАЗ. ССР  
КОМИССАРУ ГОСУДАРСТВЕННОЙ  
БЕЗОПАСНОСТИ 1-ГО РАНГА  
ТОВ. РЕДЕНС

Прошу Вашего распоряжения о приведении в исполнение приговоров Выездной сессии Военной Коллегии Верховного Суда Союза ССР от 26 февраля 1938 года в отношении осужденных высшей мере уголовного наказания – расстрелу:

- |                  |            |                |
|------------------|------------|----------------|
| 1. Ашихина       | Алексея    | Ивановича      |
| 2. Биленко       | Владимира  | Леопольдовича  |
| 3. Богатикова    | Алексея    | Семеновича     |
| 4. Бураева       | Уразгалия  |                |
| 5. Варламова     | Николая    | Николаевича    |
| 6. Васильева     | Павла      | Алексеевича    |
| 7. Воробьева     | Иосифа     | Иннокентьевича |
| 8. Джансугурова  | Ильяса     |                |
| 9. Джантлеуова   | Шахи       | Османовича     |
| 10. Джелезбаева  | Максута    |                |
| 11. Джулдыбаева  | Аскарбека  | Табылбековича  |
| 12. Дюйсенова    | Хакима     |                |
| 13. Журлова      | Владимира  | Лукича         |
| 14. Зефирова     | Сергея     | Павловича      |
| 15. Исқакова     | Гарибуллы  | Мусабаевича    |
| 16. Искалиева    | Султана    |                |
| 17. Исмагулова   | Газиза     | Манаповича     |
| 18. Кабулова     | Ильяса     | Юсуповича      |
| 19. Караплеуова  | Селимгирея |                |
| 20. Касабулатова | Исенгалия  | Киреевича      |

21. Кенжина	Асфендира	Кенжиновича
22. Куленова	Салымхата	
23. Кулетова	Казмухамеда	Карибаевича
24. Лекерова	Азимбая	Лекеровича
25. Майлина	Беймбета	Жармаганбетовича
26. Мухамеджанова	Капана	
27. Орумбаева	Мукаша	
28. Распопова	Виктора	Яковлевича
29. Сабитова	Бигима	
30. Сафарбекова	Садыбека	
31. Сейдалина	Асгата	Фазиловича
32. Туртаева	Шахмана	
33. Устинова	Сергея	Платоновича
34. Часовникова	Виктора	Ивановича
35. Чомонова	Рахметжана	Калимановича
36. Шанина	Жумата	Тургумбаевича
37. Юсупбекова	Хамзы	

Председатель Выездной сессии  
Военной Коллегии  
Верховного суда Союза ССР  
ДивВоенюрист (қолы)

Горячев

### КАРЛАГ

1934-1940 жылдар арасында қылмыстық сипаты бойынша Карлагтағы тұтқындар топтары:

1934	1935	1936	1937	1938	1939	1940
------	------	------	------	------	------	------

контрреволюциялық қылмыс жасағандар:

Саны:	7113	7435	6660	6603	15392	18286	19181
-------	------	------	------	------	-------	-------	-------

Проценті:	27	19,5	24	20	43,9	57,7	55
-----------	----	------	----	----	------	------	----

Ерекше қауіпті қылмыс жасағандар:

533	1038	262	483	1056	557	1278
-----	------	-----	-----	------	-----	------

Кеңестік басшылық тәртібіне қарсы болғандар:

6408	10863	9694	13146	11132	4263
------	-------	------	-------	-------	------

24,3	28,4	35	41,7	8	13
------	------	----	------	---	----

Түрмистық қылмыс жасағандар:

12830	19896	11195	11799	8534	8009	13977
-------	-------	-------	-------	------	------	-------

48,7	52,1	40,7	37,4	24,8	27	41,3
------	------	------	------	------	----	------

Д.А. Шаймұқанов, С.Д. Шаймұқанова. –  
Карлаг. Алматы, 1997.

## 1941-1945 жылы СОҒЫС ЖЫЛДАРЫ

*M. Әуезовке жазылған хаттан*

Сәлем Сізге, Мұхтар аға!

Ташкенттен келісімен мен жан-тәніммен сегізінші гвардияшыларға баруға тырыстым, Бауыржанмен бірге болуды аңсадым. Мені Момышұлы басшылық ететін батареяға комиссар етіп жіберді. Бірақ сол арада-ақ мені кері шақырып алып, қазақ тілінде газет шығару ісін үйымдастыруды тапсырды.

Толассыз төнген ажал оғы гүрсілдеп жатқанда блиндажда отырып, туған даласын қатты сағынған қазақ жауынгерлеріне өз тілінде газеттер мен кітаптар оку өте қуанышты.

Алматыдан келген делегаттар өздерімен бірге осында едәуір мөлшерде қазақ тіліндегі кітаптар әкеліпті, олардың ішінде Сіздің “Абай” романының да бар еken. Бұл кітаптарды біз алғы шептегі жауынгерлерге апарғанымызда, біздің қазақ жауынгерлері сүйсініп қайран қалды. Бұл оларға аспаннан түскендей күтпеген сый болып көрінді.

Мениң мынадай көріністі талай рет көруіме турға келді: білтелі шамның жарығы әлсіз ғана сығыраяды, жауынгерлер топталып отырады да, біреуі дауыстап оқып, қалғандары мұқият ден қойып тыңдайды. Көбінесе Сіздің “Абайды” оқып отыратын еді.

Жақында блиндаждардың біреуінен мен осы романның әбден тозған бір данасын тауып алдым. Бүкіл кітап айқыш-үйқыш жазуға толы еken. Оның көп адамның қолынан өткені бірден-ақ көрініп тұр. Жазулар мынадай сипатта: “Өте жақсы кітап, атақ-данқы арта берсін, Абай”; “Осы кітапты оқып шыққан соң, мен бүгін үш фашисті өлтірдім. Мерген Үркімбаев”; “Мен бұл кітапты немістердің тылында жүріп оқып шықтыйм. Бүгін фашистермен кескілескен шайқасқа түсіп, олардың 10-ын өлтіріп, үшеуін тұтқынға алдым, 24. X. 1942 ж.”

Барлық жазулар осы сияқты.

*Сіздің Құрманбек*

*8-ші гвардиялық атқыштар дивизиясы 1073-ші гвардиялық атқыштар полкінің командирі, майор Бауыржан Момышұлына жауынгерлік*

*Мінездеме*

*1942 жыл, маусым*

1910 жылы туған, 1942 жылдан БКП(б) мүшесі, ұлты қазақ, әлеуметтік тегі – қызметші. Жалпы білімі – орта, әскери білімі – бір жылдық. 1932 жылдан 1934 жылға дейін (осы уақытқа дейін) Қызыл Армия қатарында. 1941 жылдың қыркүйегінен майдандағы армияда.

Момышұлы жолдас құрылған күннен бастап, 8-ші гвардиялық дивизия қатарында. Ол дивизиямен бірге даңқты жауынгерлік жолдан өтті. Кеңестік Отанымыз жолындағы ұрыстарда Момышұлы жолдас өзін Ленин партиясының ұлы ісіне адал берілген ерекше ержүрек әрі батыл командир ретінде көрсетті.

Момышұлы жолдастың тактикалық даярлығы жақсы, өзінің әскери білімін неміс-фашист оккупанттарына қарсы кескілескен шайқастарда, іс жүзіндегі командирлік жұмыста арттырған және ол білімін ұрыста шебер қолданды.

1941 жылғы шілде-қыркүйек айларындағы кезеңде атқыштар батальонының командирі болған капитан (қазіргі майор) Момышұлы жауынгерлер мен командирлерді өз Отанына шексіз берілгендей рухында тәрбиелеп, өз батальонының жауынгерлік құрамының сапалы әскерлік даярлығына қол жеткізді.

1941 жылғы қазан айында Москва үшін болған ұрыстарда Момышұлы жолдас басқарған батальон жауға қарсы ерлікпен шайқасып, оған елеулі сокқы берді.

1941 жылғы қараша айынан Момышұлы жолдас – 1073-ші полктің командирі, ол басқаратын полктің жауынгерлік құрамы Батыс майданда жаудың тегеурініне батыл тойтаратыс беріп, оның бірқатар әскери құрамалары мен көpte-ген техникасын жойды.

Дивизия басқа бөлімдерімен бірге Момышұлының полкі неміс оккупанттарын Москва түбінде (Волоколам бағытында) талқандауға жол ашты.

1942 жылдың қысы мен көктемінде Калинин майданында 1073-ші гвардиялық атқыштар полкі бастапқы кез-

де, қар қалың түскен қыс, қатты аяз және жол қатынасы аса қызын жағдайда, ал сонан соң көктемгі лайсан, батпақты жерлерде шабуыл жасай отырып, жаудың көптеген танкілерін, автомашиналары мен басқа да өскери техникаларын жойып жіберді, ондаған селолар мен деревняларды азат етті.

Дивизияның бүкіл еліміз алдында белгілі жалпыға мәлім еңбектері, оның гвардиялық болып қайта құрылып, жауынгерлік Қызыл Ту орденімен және Ленин орденімен наградталуы майор Момышұлы басқаратын 1073-ші атқыштар полкінің жауынгерлік табистарымен байланысты.

Қазақ халқының адап ұлы, өзінің Кеңес елінің абыройы мен тәуелсіздігін қолына қару алып қорғап жүрген осы халықтың таңдаулы өкілдерінің бірі – майор Момышұлы үкімет наградасына ұсынылды.

*Дивизия командирі полковник Серебряков*

*Дивизияның өскери комиссары полк комиссары Лобов*

*Дивизия штабының бастығы подполковник Гофман*

## 1950-ші жылдар:

### ЕЛ ТАҒДЫРЫ – ЕР ТАҒДЫРЫ

*Жазықсыз кінәлі болғаным ба?*

Москва, Кремль

И. В. Сталин жолдасқа

Қымбатты Иосиф Виссарионович!

Менің өмірімнің соңғы кезеңіндегі төтенше жағдайлар Сіздің өзінізге осы бір, қажет болғандықтан ұзактау хатты жолдауыма мәжбүр етіп отыр.

Мен совет дәуірінде жоғарғы оқу орынына түсіп, оны бітіріп шыққан қазактардың бірімін. Өзімнің саналы өмірімнің 32 жылдан астамын (жоғарғы оқу орынындағы оқу мерзімін қосқанда) партия мен халықтың мүддесіне адап қызмет етуте арнадым, оның ішінде 15 жыл Орталық Қазақстан өнірінде геолог қызметінде және 11 жылға жуық Советтік Қазақстан ғылыминың жетекшісі болдым...

Қазақстан КП(б) Орталық Комитеті Бюросының жабық мәжілісі 1951 жылғы 23 октябрьдегі шешімімен мені төмендегі үш факты бойынша кінәлі деп тапты: 1) партия-

ға өтерде өзімнің әлеуметтік шыққан тегімді жасырғаным, 2) 1927 жылы менің редакциялауыммен және алғы сөзіммен шыққан Едіге туралы аныздың қателігін 1945 жылдан кейін айыптағаным, 3) Фылым академиясының кадрларын жат элементтермен бұлықтырғандығым. Тағы бір айта кететін жәйт, “айыптаудың” соңғы екі пункті маған бұрын да тағылған еді, мен олар жайында Орталық Комитет Бюро-сында жазбаша түсінік бергенмін, ал бірінші айып тосынан, Қазақстан КП(б) Орталық Комитеті Бюросының мәжілісінде алып тасталған тағы екі айып бар: яғни, 1) 1927 жылы Едіге туралы аныздың менің редакциялауыммен шыққандығын осы уақытқа дейін жасырғаным және 2) 1917 жылы үлтшыл “Алашорда” партиясының үгітшісі болғаным-мыс. Осы көрсетілгендердің үстіне Қазақстан КП(б) Орталық Комитеті Бюросының шешімінен кейін мерзімді баспасөзде жарияланған материалдарға сүйеніп, Қазақстан КП(б) Орталық Комитеті Насихат бөлімінің менгерушісі Храмков жолдас Қазақстан Компартиясының V съезінде маған “үлтшылдарды қанатына алған” деп айып тақты. Осы алты пунктен тұратын айыптаулардың әрқай-сының нақты іс жүзіндегі көрінісі мынадай:

1) Партияға өтерде өзімнің әлеуметтік шыққан тегімді жасырып қалғандығым туралы.

Айыптаудың бұл пункті мынадай документті деректердің негізінде жай бір жөнсіз бірдене болып шығады. Партияға өтер алдында жазған өмірбаянымды мен түп-тура атам Сәтбайдың ірі бай болғандығын көрсетуден бастаймын. Оның 4 баласы бар еді: менің әкем – Имантай және оның үш бауыры, оның ішінде біреуі, ең кенжесі, қазақтардың салты бойынша әкесінің бүкіл дүние-мұлкін мұра еткендіктен бай болды, ал қалған екеуі кедей еді. Менің әкемнің шаруа жайына келетін болсак, мен өзімнің өмірбаянымда оның 100-150 қаралы ұсақ малы, 40-50 жылқысы болғандығын көрсете келіп, “Менің әкемнің бар шаруасы таза малшылық көсіпке байланысты болғандықтан, оның кірісі мен шығысының нақты тепе-тендігін ескере келгенде, менің көзқарасым бойынша, оның шаруа жайын орташа ауқаттылар қатарына жатқызуға болады” деп жазған едім. Менің бұл дәйектемемнің дұрыстығы мынадай фактілерден көрінеді: 1) Әкем Имантайдың шаруашы-

лығы, 1927-1928 жылдарға берілген бірынғай ауыл шаруашылық салығының менде сақталған ордерінің көшірмесі негізінде, 78 ұсак малдан, 21 жылқы мен 12 ірі қарадан тұрады. Оның шаруашылығынан түсетін бүкіл жылдық кіріс 586 сом 20 тиын болып есептелініп, оған 72 сом 98 тиын салық төлеу белгіленген. Мына жайды атап көрсеткен жөн: 1927-1928 жылдар салық салу органдары тарапынан Қазақстандағы мал басына өте мүқият санақ жүргізілген жылдар болып саналады. Өйткені бұл жылдары Қазақстанда маңызды саяси шара – байлар мен жартылай феодалдардың малы мен мұлкін конфискеу жүргізілді. Осы документтерден көрініп тұрғанындай, мениң әкемнің шаруашылығындағы мал саны менің өмірбаянымда көрсеткендегіден анағұрлым кем болып шықты және жылына 600 сомға жетпейтін (ал айға 50 сомға жуық) кіріс беріп отырған, демек, мұны тіпті де “байдікі” деп санауға болмайды. Бұл тұжырымның әділ екендігін ВКП(б) Орталық Комитетінің Қазақстанда мал шаруашылығын өркендешту жөніндегі шаралар туралы 1932 жылғы қаулысы да қуаттайтыды. Онда Қазақстанның таза мал шаруашылықты аудандарында (мәселен, менің әкем тұрған Баянауыл секілді – К.С) жеке меншікте 150 басқа дейін ұсақ мал үстауға рұқсат етілген, оны орташа шаруашылық ретінде қарастырылғанда орташа ауқатты шаруашылық болғанына қарамастан мен атамның ірі бай болғанын, ағамның кезінде Совет өкіметінің тарапынан репрессияға ұшырағанын, ал немере бауырымның бірі бұрын “Алашорда” партиясы қатарында болғанын ешқашан жасырған емеспін. Осы фактілердің бәрін партияға өтер кездегі өмірбаянымда егжей-тегжейлі жазған болатынмын. Осының бәрі менің әлеуметтік шыққан тегімді жасырды деген айыптың ақиқатқа ешбір жанаспайтындығын бұлтартпай көрсө-теді. Айта кетейін, арғы тегімнің осындай болғандығы ғана менің партия қатарына келуімді ұзақ уақыт тежеді, әйтпесе мен партияға өтуге идеялық тұрғыдан әлдеқайда ерте, Жезқазғанда жұмыс істеген кезімде-ақ әзір едім.

2) Едіге жөніндегі аңыздың менің редакциялауыммен және алғы сөзіммен 1927 жылы шығуы қате болғандығын өзімнің айыптамағаным туралы.

Менің алғы созіммен 1927 жылы кітапша болып шыққанша Едіге туралы аңызды Уәлиханов, Мелиоранский, Потанин, Диваев жинастырып жариялаған, ал менің кітапшам шыққаннан кейін де Батырлар жырының 1-томының авторлары мен редакторларынан бастап, түрлі оқулықтардың, жинақтар мен пьесалардың құрастырушыларына дейін ол қөптеген адамдардың еңбектерінде жарияланды. Едіге “халық батыры ретінде” Қазақстан КП(б) Орталық Комитетінің Насихат бөлімінде әзірленген Қазақстан Орталық Комитетінің барлық секретарлары және басқалар қол қойған белгілі “Қазақ халқының қазақстанның майдангерлерге хатында” да ерекше атап қөрсетілген болатын. Бұл деректер Едіге туралы редакциялық эпосты тұңғыш насихаттаушы мен емес екендігімді, әсіресе дәйекті насихаттаушы емес екенімді дәлелдей түседі...

Бұл арада мынаны атап қөрсеткен жөн. Қазақстанда ешкім де Едіге туралы өткенде жіберген қателіктерін жұрт алдында айыптаған емес, ал олардың ішінде жоғарыда айтылған “Қазақ халқының қазақстанның майдангерлерге хатына” қол қойған Қазақстан КП(б) Орталық Комитетінің секретарлары да болғаны той. Сондай-ақ бұл мәселе еш жерде ашық талқылаудан өткен емес. Бұдан 20 жыл бұрынғы Едіге туралы кездейсоқ қателігімді айыптау қажеттілігі туралы ойыма да келмегенін осындай жәйттермен түсіндіруге болады.

3) Фылым академиясы кадрларын былықтырғаным туралы.

СССР Фылым академиясының Қазақ филиалында, әсіресе соғыс жылдарында, қорғаныстық маңызы бар жеке нақты міндеттер шешіліп жатқан кезде, ғылыми жұмыстар интенсивті өсіп, жалпы өрлей түскен шакта негізінен кадрлардың іскерлік қабілетіне, олардың белгілі бір халық шаруашылық немесе қорғаныстық маңызы бар нақты тақырыпты орындау қабілеті мен біліктілігіне баса назар аударылды. Жұмысқа қабылданатындардың анкеталық де-ректері, сол кездегі тәртіп бойынша, кадрлардың стандартты “есеп листогы” арқылы толтырылатын, онда, әдетте, жұмысқа қабылданатындардың туған-туысқандары мен жақын-жақыбайларына қатысты мәселе койылмайтын. Мұның өзі белгілі дәрежеде жұмысқа жаңадан қабылдан-

ғандардың жақын туыстарының репрессияға ұшырағанын жасырып қалуға немесе ол жағдайды орағытып өтуге өсеретті; екінші жағынан, филиалға, кейіннен академияға жоғары оқу орындарын жаңа ғана бітіргендер есебінен қабылданған жас мамандардың өмірбаян деректерінен кейде қолайсыз жәйттер ұшырасты, ал бұл жәйттер өлгілер жұмыска қабылданғаннан кейін, оларды құпия материалдарға жіберуге тиісті органдардың тиым салу барысында аныкталды. Ғылым академиясы өткенінде саяси құдік бар бірқатар ірі ғалымдар мен мамандарды директивалы органдардың рұқсатыменен, саналы түрде технологиялық немесе биологиялық мақсаттағы жекелеген, практикалық жағынан актуальды ғылыми тақырыптарды зерттеуге пайдаланды. Саяси жағынан құдікті деген кадрлардың біразы филиалға 1941 жылға дейін, яғни оның басшылығына мен келмей тұрғанда-ақ қабылданған...

Академия кадрларын тазарту ісін біз 1950 жылдың аяғына карай негізінен аяқтадық. 1951 жылдың жазында ВКП(б) Орталық Комитеті комиссиясының құрамында Алматыға келген Шишкін мен Митрейкин жолдастар академия кадрларын тазарту барысымен танысу үстінде бұл мәселеде біз жіберген кейбір асыра сілтеушіліктерді атап көрсетті. Қазіргі кезде академия кадрларының негізін сонғы жылдары өз қабырғасында даярланған, партия мен халық ісіне әбден берілген, творчестволық жағынан белсенді жас ғылыми қызметкерлер құрайды. Бұл фактілер академия кадрларын былықтырды деген айыптың Қазақстан КП(б) Орталық Комитетті Бюросының шешімі қабылданған кезге дейін тағылғанын, шынтуайтқа келгенде, тек тарихи мәнісі ғана болғанын көрсетеді.

Осы айтылғандарға тағы мына жәйтті қосу ғана қалды: бұл пункттердің барлығы бойынша маған тағылған айып, сонымен бірге менің оған берген түсініктерім 1951 жылы, яғни менің Қазақ ССР Ғылым академиясының президенті болып қайтадан сайланғанымнан көп бұрын ВКП(б) Орталық Комитеттің комиссиясында Қазақстан КП(б) Орталық Комитеттің екінші секретары Кругловтың қатысуымен қаралған болатын.

Осы тұста маған бұрынырақ тағылған және Қазақстан КП(б) Орталық Комитетті Бюросының мәжілісінде растал-

май қалған екі пункт бойынша да түсінік бере кету артық емес шығар деп ойлаймын.


4) 1927 жылы менің редакциялауыммен шыққан Едіге туралы аңызды жасыру фактісі туралы.

Бұл айыптаудың жосықсыздығын мына жәйттің өзі-ақ аңғартады: бұл кітап совет заманында Москва қаласындағы орталық баспалардың бірінен едөүір тиражбен жарық көрген. Бұл кітаптың “жасырылмағандығын”, мысалы, 1943 жылы Алматыда жарияланған СССР Фылым академиясы Қазақ филиалының мерекелік ғылыми сессиясының “Еңбектерінде” (202-бет), сонымен бірге 1939 жылы басылып шыққан қазақ халқының Батырлар жырының бірінші томындағы библиографиялық түсініктемелерде менің кітабымның көрсетілген фактілерінен айқын көрінеді. Қазақстан КП(б) Орталық Комитетінің Бюросында айыптаудың бұл пункті расталмаған деп табылды.

5) Менің 1917 жылы “Алашорда” ұлтшылдық партиясының бейнебір үгітшісі болғанымды жасырып қалғандығым жайында.

Бұл айыптау “Сарыарқа” газетінің 1917 жылғы 9 ноябрьдегі номерінде “Алашорда” партиясының үгітшілері ретінде 1917 жылы халық арасына жіберілген адамдардың аты-жөні жазылған үлкен тізімге байланысты тағылды. Ол тізімде менің де фамилиям аталыпты. Газеттің бұл номерін мен бірінші рет 1951 жылы күзде Алматыда көрдім. 1917 жылдың күзінде мен туберкулезben ауырып, ауруханада жаттым, ал содан кейін емделу үшін ауылға кеттім. Ол кезде мен бар болғаны 18-ге жаңа толған едім және насхат түгілі, тіпті, жалпы саясат жөнінде ештеңе ойға алған емеспін. Алашордашылардың газетіне менің фамилиямның қалай және неге түскені маған белгісіз. Менің жорамалдауымша, сол кездегі азғана қазақ интеллигентиясын, оның ішінде оқушы жастарды өз жағына тарту мақсатында алашордашылар оқып жүрген қазақ жастарының бірі мені де қосқан болу керек; бәлкім, мұнда сол кезде “Алашорда” партиясында болған менің немере ағайым Әбікейдің белгілі бір ролі болуы да ықтимал. Мен ешқашан алашордашылардың үгітшісі болмағандықтан және де үгітшілік сияқты жұмысты сол уақыттағы архивтік және әдеби материалдардан оп-оңай табуға болатындықтан, мен сол кезде-ақ

# Қазақстаниң осы заманы әкімшілік орталықтары



осындағы материалдарды егжей-тегжейлі қарап шығуды табанды түрде талап еткенмін. Қазақстан КП(б) Орталық Комитеті Бюросының мәжілісінде айыптаудың бұл пункті де расталмаған деп табылды.

Енді айыптаудың соңғы, Қазақстан КП(б) Орталық Комитеті Бюросының 1951 жылғы 23 наурыздан шешімінен кейін, маған сырттай таңылған пунктіне көшейін.

6) Академияның президенті болып тұрған кезінде “ұлтшылдарды қанатына алды-мыс” деген айыптау жайында.

Менің түсінігімше, осындағы бұлынғыр пайымдауды бетке ұстап, Қазақстан тарихы мен әдебиетіне байланысты кейбір мәселелерді түсіндіруде бүрмалаушылықтарға жол бергендердің қатарына менің де фамилиямды қалайда қосуға тырысуышылқ байқалады...

Айыптау авторы мені “ұлтшылдарды қанатына алды” дегендеге, меніңше, сірә, Е. Бекмахановтың біраз уақыт академияда жұмыс істегендігін айтпақшы болған шығар. Е. Бекмаханов Қазақ ССР Фылым академиясына басшылық жұмысқа 1947 жылдың майында, яғни докторлық диссертациясы жұмысы негізінен Қазақстан КП(б) Орталық Комитетінде қызмет істеген кезде, Москвадағы Фылым академиясы Тарих институтының ғалымдары тарапынан кеңес алып жүріп жазған еді. Е.Бекмаханов 1947 жылғы 22 майдан 1948 жылғы 20 июняғе дейін, яғни бір жылдан сөл астам уақыт ғана Қазақ ССР Фылым академиясы Тарих институты директорының орынбасары болып істеп, Қазақ мемлекеттік университетінің кафедра менгерушісі қызметін қоса атқарды. 1949 жылғы 29 априльден бастап ол университеттегі негізгі жұмысына ауыстырылды да, академияда тек қосалқы жұмыс атқарушы ретінде ғана қалдырылды.

Жоғарыда келтірілген фактілер Е. Бекмахановтың Қазақ ССР Фылым академиясының қабыргасында қандай да бір берік орын тебуіне және ғылыми мансапқа ие болуына мүмкіндік бермегенін бұлтартпай дәлелдейді. Сондықтан осының өзі-ақ академия президенті ретінде менің тара-пымнан оған “қамқорлық” жасалды деген фактіні жоққа шығарды. Содан кейінгі бір назар аударатын жәйт, “Правда” газетінде “Қазақстан тарихының” мәселелері маркстік-лениндік тұрғыдан баяндалсын” деген мақала шыққанға

дейін Кенесары Қасымовтың көтерілісін түсіндіруде Москвадағы СССР Фылым академиясының ірі ғалым-тариҳшылары мен Қазақстан КП(б) Орталық Комитеті Насихат бөлімінің басшы қызметкерлерінің, тіпті, Қазақстан КП(б) Орталық Комитеті секретарларының арасында әйтеуір бір түсініспеушілік болды...

Осы фактілердің барлығы маған “ұлтшылдарды қанатына алды” деген айып тағудың қысынсыз екеніне бұлтартпас дәлел бола алады. Мен шын мәніндегі өз кінәмді мынадан көремін: Қазақстан фылымының басшысы болған кезімде мен Қазақ ССР Фылым академиясының идеологиялық ғылыми мекемелеріне барлық уақытта да қолма-қол басшылық жасап отырған Қазақстан КП(б) Орталық Комитетінің Насихат бөлімінің беделіне толығынан сеніп, идеология мәселелеріне тиісінше жете мән бермеппін. Бұған қоса мынаны атай кеткен жөн: Қазақ ССР Фылым академиясының идеологиялық ғылыми мекемелерінің бүкіл тыныс-тіршілігі мен жұмысы жөнінде Қазақстан КП(б) Орталық Комитетінің Насихат бөлімі, әдетте, менің қатысуымсыз-ақ және мені хабардар етпей-ақ шешім қабылдай беретін, мені тіпті өздерінің мәжілістері мен кеңестеріне шақыруды ұмытып кете беретін.

Революцияға дейін, мәдениет жағынан өте-мөте мешеу қалған Қазақстан жағдайында, Совет өкіметі жылдарында республиканың ғылым деңгейі мен қауырт өркендер келе жатқан халық шаруашылығы арасында орын алып отырған төзгісіз үйлесімсіздік жағдайында мен ғылыми кадрларды, өсіресе республиканың жергілікті халық есебінен өсіруді маңызды мемлекеттік міндеттердің бірі деп санаадым.

Сіздің кадрларды сүйіспеншілікпен аялап өсіру қажеттігі жөнінде айтқан кеңесінізді еске ала отырып, мен ғылымға ұмтылған әрбір адамды қуана қарсы алып, қолдан отырдым, ғылыми және мәдени жағынан өсуінде оларға жанжақты көмектесіп, ықпал еттім. Қадрларды өсірудегі осынау тер төгілген жұмыстың нәтижесінде, жоғарыда атап көрсетілгенідей, қазіргі кезде Қазақ ССР Фылым академиясы — мықты ғылыми колектив, оның құрамында 60 ғылым докторы мен 300-ге жуық ғылым кандидаты бар. Жаңадан даярланған сан-сан ғылыми қызметкерлердің

ішінде, өкінішке орай, жекеленген теріс мінезді элементтер де болды. Бірақ бұл жекелеген адамдар академияның партия мен халыққа жан-тәнімен берілген көптеген жас мамандар тәрбиелеудегі жұмысының нәтижелерін ешқандай да кемсіте алмайды.

Осы айтылғандардан мынадай ой туындайды: егер маған “қанатына алушы” деген ат тағыла қалған болса, онда шын мәнінде ғылымға үмтүлған кез келген жастарды қанатыма алып, мәпелеп өсіруге ат салыстым. Ал осылай адамдарға шексіз ілтипат пен сенім көрсетуден ғана өзімнің Қазақ ССР Ғылым академиясына басшылық жасаған кездегі кемшіліктерімнің бірін көремін: сондай кезде академияның ғылыми кадрларының арасына бірлі-жарым түбі шикі адамдар өтіп кеткен шығар... Бірақ мен өзіме тағылған “ұлтшылдарды қанатына алды” деген айыпты үзілдікесілді қабылдай алмаймын, сөйтіп, оны жоғарыда келтірілген бұлтартпас деректердің негізінде объективті емес және түп-тамырымен өділетсіз деп санаймын.

\* \* \*

Соңғы күндерге дейінгі менің саналы өмірім мен қызметімнің қысқаша нәтижесі осындаі... Мен өзімнің тап қазіргі хал-жағдайыма сабырлы қарағым келеді, ол ауыр болғанымен, өмірдегі бір кездейсоқтық деп санаймын. Осыған байланысты, жолдас Сталин, Сізден бұл мәселенің жуық арада объективті түрде қаралуына ықпал етуінізді сұраймын, соның нәтижесінде менен “ұлтшылдарды қанатына алушы” деген масқара айып-таңбаның және маған берілген партиялық жаза алынып тасталады деп көміл үміттемін.

Менің күш-жігерім әлі жетеді және алдағы уақытта оны Ұлы Отанымға қызмет ету үшін, партия қайда жіберсе, кез келген қызметті орындауга бүкіл күш-жігерімді аямай жұмсаймын.

Зор құрметпен академик Сәтбаев

1952 жыл, 20 қантар

*РСФСР Қоғамдық қамсыздандыру министрі  
Н.А. Муравьева жолдасқа*

Советтік фольклорға көп еңбегі сіңген, Қазақ ССР халық артисі Александр Викторович Затаевич Москва қала-сы, Дмитрев көшесі, 40, 93 үй, телефон В1-09-58-де тұра-тын қызы Ольга Александровна Затаевичке дербес пенсия тағайындауды өтінеміз.

Қазақ совет музыка мәдениетінің дамуында А.В. Затаеви-ч (1889-1936) творчестволық еңбегі жағынан қоғамдық-саяси қайраткер, этнограф ретінде алатын орны ерекше. Революциядан бұрын А.В. Затаевич қазақтың халық музыкасын зерттеуші алдыңғы қатарлы орыс оқымыстыла-рының бірі болды.

Ол он бес жылғы экспедициялық-зерттеу жұмысының нәтижесінде 2350-ге тарта ел аузында жүрген халық әндері мен күйлерін жинап, “Қазақтың 1000 және 500 әндері мен күйлері” деген тақырыппен теңдесі жоқ еңбек жазып шығарды.

Бұл қазір қазақ совет музыкасының негізін салуға үлкен үлес қосты. А.В. Затаевичтің ғажап еңбегі музикалық мұра ретінде дүниежүзілік прогрессивті қоғам қайраткерле-рінен, пролетариат жазушысы М. Горькийден, академик А.А. Асафьевтен, Ромэн Ролланнан зор баға алды. Қазақ совет музыкасына сіңірген еңбегін бағалай келе, А.В. За-таевичке “Қазақ ССР-нің халық әртісі” деген атақ берілді. Өмірлік пенсия тағайындалды. Оған қайтыс болғаннан кейін Москвадағы Новодевичье де Қазақстан үкіметі ескерт-кіш орнатты.

Оның жан-жақты еңбегін жинап бастыруда әдеби секретары әрі жәрдемшісі өзінің қызы О.А. Затаевичтің де еңбегі ерен. Әкесі қайтыс болғаннан кейін оның ғажайып еңбегін бір ізге салып, музикалық еңбегін әрі апарды.

Қазіргі уақытта Ольга Александровна Затаевич ауыр нау-қастың әсерінен жұмыс істей алмай жүр. Сондықтан да оның материалдық жағдайын ескере отырып, республика-лық қөлемде пенсия тағайындауды сұраймыз.

*Қазақ ССР Фылым академиясының президенті,  
академик Сәтбаев*

*1958 жыл, сәуір*

## **1986-жыл “ЖЕЛТОҚСАН” ЫЗФАРЫ**

### **Қазақ Кеңестік Социалистік Республикасының атынан ҮКІМ**

Қазақ КСР Жоғарғы Сотының қылмыстық істер жөніндегі сот алқасы мына құрамда:

Тәрағалық жасаушы – Қазақ КСР Жоғарғы Сотының мүшесі – Е.П. Грабарник, Қазақ КСР Жоғарғы Сотының халық заседательдері: А.Т. Тұсіпбеков және Л.Ф. Юсупова, хатшылар: Ж. Тагай мен К. Бұқанбаеваның хатшылық етуімен, Мемлекеттік айыптаушы: Қазақ КСР прокуратурасының бөлім бастығы, юстиция аға кеңесшісі Е.Д. Баймұхаметовты, қоғамдық айыптаушылар Ж.М. Жұмабаев, М. Толысбаева, Ә.С. Оразовты, актаушылар: М. Әлиайдаров, З.И. Исаев, С. Әлімғазиева, Е.Н. Сотириадиді және жәберленушілер: Г.П. Савицкая, А.Е. Савицкий, Г.Г. Ведель, И.П. Зимулькин, З.Д. Ибраимов, А.А. Алмабековты қатыстыра отырып;

Қазақ КСР Жоғарғы Сотының сот мәжілісі залындағы ашық сот отырысында 1987 жылдың 25 мамырынан 16 маусымына дейін Қайрат Ноғайбайұлы Рысқұлбековтың (туған жылы т. т...) айыптау ісін қарай келіп, жоғарыда айтылған оқиғалардың (барлығы 10 том – Ауд.) негізінде Қазақ КСР Қылмыстық істер жүргізу кодексінің 287, 299 және 301- баптарына сәйкес сот алқасы Үкім етеді:

Қайрат Ноғайбайұлы Рысқұлбеков кінөлі деп табылып, мынадай қылмыстық жазаға тартылсын – Қазақ КСР Қылмыстық Кодексінің 60-бабы бойынша 3 жылға бас бостандығынан, 65-бабы бойынша 15 жылға бас бостандығынан айыруға, Қазақ КСР Қылмыстық кодексінің 173-1-бабы бойынша ең жоғары – өлім жазасына, атуға кесілсін...

Қазақ КСР қылмыстық істер жүргізу кодексінің 314-бабына сәйкес үкім түпкілікті болып есептеледі, кассациялық тәртіппен қайта қарауға және шағым жасау жолымен өзгергілуге жатпайды.

*Тәрағалық етуші: (қолы) Е.П. Грабарник  
Халық заседательдері: (қолдары) А.Т. Тұсіпбеков  
Л.Ф. Юсупова*

*1987 жыл, 16 маусым*

## **ҚАЗАҚ КСР ЖОҒАРФЫ КЕҢЕСІ ПРЕЗИДИУМЫНЫң ҚАУЛЫСЫ**

Жасалынған қылмыстың өте ауырлығын, қоғамға қауіп-тілігін және одан туындаған қайғылы жағдайларды, Қазақ КСР Прокуратурасының кешірім жасамау жөніндегі қорытынды пікірін назарға ала отырып, сондай-ақ, Қ. Рысқұлбековке нашар мінездемені ескеріп, Рысқұлбеков Қайраттың кешірім сұрау туралы өтінішін қанағаттандырмаяуға шешім қабылдансын.

*Қазақ КСР Жоғарғы Кеңесі*

Президиумының төрагасы: (қолы) *C. Мүқашев*

*Қазақ КСР Жоғарғы Кеңесі*

Президиумының хатшысы: (қолы) *C. Нұрпейісов*

*1987 жыл, 20 тамыз*

\* \* \*

## **КСРО ЖОҒАРФЫ КЕҢЕСІ ПРЕЗИДИУМЫНЫң ЖАРЛЫГЫ**

1986 жылғы Алматы оқиғасының белсенді қатысушысы, айыпкер Қ. Рысқұлбековтың өтінішін қарай келіп, КСРО Жоғарғы Кеңесінің Президиумы 23.04.88 жылғы N8836 – XI жарлығымен Қ. Рысқұлбековке кешірім жасап, ату жазасын 20 жылға бас бостандығынан айыруға ауыстырды.

*КСРО Жоғарғы Кеңесі*

Президиумының төрагасы: (қолы) *A. Громыко*

## **ТҮРКИЯДА**

Польшамен, Чехословакиямен, Венгриямен және Батыс Германиямен салыстыра болсақ, Түркиядың реңми және реңми емес үйымдар мен қоғамдардың қазақ-туркі студентін құтқару үшін пәлендей әрекет жасамағаны анғарылды. Ал Батыс Германияның Мюнхен қаласында орналаскан “Түрікелі” комитеті Түркия баспасөзі мен басқада үйымдарына жеткілікті материал жіберген болатын. Түрікелі комитеті таратқан ондай мағлұмат пен мәлімде-

мелердің кейбіреулері Анкарада шығатын “Иени Форум” (“Жаңа форум – ауд.”), “Яңқы” (“Жаңғырық”), Әзәрбайжан және Ыстамбұлда шығатын “Иени Баты Тракия” (“Жаңа батыс Тракия”) сияқты журналдарда басылды.

Түркиядағы күнделікті газеттерде Қазақстандағы 1986-шы жылғы демонстрацияларға байланысты жарияланған маңызды мақалалардың кейбіреулері мыналар:

Эргүн Гөзе, Қазақстан орыстардың емес, қазақтардікі (“Тәржүман” газеті – 1987-ші ж. 11. 01.);

Нұри Эсин. Қазақстан оқиғалары – Ресейдегі ұлттық қарсыласудың алғашқы көрінісі (“Гұнайдын” газеті – 1987-ші ж. 17.01.);

Жошкун Қыржа. Кеңестік Ресейдегі түркілер (“Хұрийэт” газеті – 1987-ші ж. 30.12.);

Иылмаз Құтұна. Қазақстан оқиғалары (“Тәржүман” газеті – 1987-ші ж. 23.12.);

Зафэр Атай. Көтеріліс (“Тәржүмән” газеті – 1987-ші ж. 23.12.).

1986-шы жылдың желтоқсан айында Қазақстанда болған оқиғалар туралы Түркиядағы кейбір журналдарда да мақала жарияланды. Мысалы, Анкарада шығатын “Иени форум” журналының 1987-ші ж. Ақпанды 178-санында “Түркілерді жоқ етуге бағытталған болгар-орыс ынтымақтастыры” және “Қазақ патриоттарының ұрандары” атты мақалалар жарық көрді.

Ыстамбұлда шығып тұратын “Түрік әлемі бойынша зерттеулер” журналының 1987-ші ж. сөүірдегі 47-санында басылған Хасен Өралтайдың “Қазақстан – қазақтардікі” деп аталған 18 беттік мақаласында Қазақстандағы желтоқсан оқиғалары туралы назар аудараптық мол мағлұмат берілген.

*Ислам коференциясының*

*Бас хатшысына*

*Мюнхен*

## **ЖИДДА**

*Сауд Арабиясы*

*Бісмілләһ ирраһман ирраһим*

*Жоғары мәртебелі Бас хатшы мырза!*

Өзіңізге белгілі, 1986 жылғы 17-18 желтоқсанда Қазақстанның астанасы – Алматы қаласында қазақ студенттері-

нің екі күнге созылған демонстрациясы болды. Бұл туралы Кенестердің СОТА және ЖБА агенттіктері де хабарлады. Демонстрацияға қатысқан студенттердің “Қазақстан – қазактардікі!” деп жазылған транспаранттар алып жүргені және қөшелерде машиналарды қиратқаны, бір дүкенді өртегені анықталды. Демонстрацияны үйымдастырған студенттер жайында “ұлттыл элементтер”, “бұзакылар”, “ішкіштер”, “нашакорлар” сияқты коммунистерге тән сөздер айтылды.

Батыс баспасөзі және басқа ақпарат құралдары 1986 ж. 17-18 желтоқсан күндері Қазақстан астанасы – Алматыда демонстрацияға шыққан студенттерді”, “Қазақстан – қазактардікі!”, “Дербестік талап етеміз!”, “Біріккен Ұлттар Үйіміна мүше болу хұқығын талап етеміз!” деп жазылған транспаранттар алып жүргенін және үрандағанын хабарлады. Осы уақыттарға қуә болған адамдардың білдіруінше, Алматыдағы демонстрацияға қатысу үшін басқа қалалардан, жақындағы елді мекендер мен ауылдардан көп қазақ келген, демонстрацияны басу үшін орыстар 70 мың солдаттар апарған.

1986 ж. 17-18 желтоқсан күндері Алматыда қазақ студенттерінің бастауымен болған бұл демонстрацияның негізгі себебі: 74 жастағы Дінмұхаммет Ахметұлы Қонаевтың қызметінен алғынан, орынына орыстың тағайындалуы емес. Ол тек кеседегі суды тасытқан соңғы тамшы ғана. Демонстрацияның негізгі себебі, француз профессоры Александр Беннигсеннің “Монд” және “Нью-Йорк таймс” газеттерінде атап көрсеткеніндей, әлдекайда теренде жатыр.

Қысқаша қасиетті хадистерде айтылғандай, “Бір мұсылманның қасіреті басқа мұсылмандардың да қасіреті болып табылады”, “Мұсылман – мұсылманның бауыры”. Қазақтар да діні бір бауырымыз. Қазақстандағы орыстандыру әрекеттері мен соңғы оқиғаларға байланысты күшейе түсken орыстардың зорлық-зомбылығының жоғары мәртебелі ислам басшылығының жиынында қаралуын қамтамасыз етулерінізді мұсылманшылық, адамгершілік және адам хұқықтары атынан отінеміз.

*Әсмайыл Пынар  
Түркіелі комитетінің  
президенті*

*Жәнібек Оралтай  
Түркіелі комитетінің  
хатшысы*

## **ЕЛ АҢСАҒАН—ЕГЕМЕНДІЛІК ЖЫЛДАРЫ**

*КазССР Мемлекеттік егемендігі туралы*

*Декларациясы*

“ҚазССР Жоғарғы Советі Қазақстан халқының еркін білдіре отырып, КазССР Мемлекеттік егемендігін жариялады және осы Декларацияны қабылдайды”.

*Алматы, 1990 жылғы 25 қазан.*

*ҚазКСР президенттінің жарлығы*

*Семей ядролық полигонын жабу туралы*

Қазақ КСР-нің территориясындағы Семей облысында 1949 жылдан бері ядролық қару сынау жүзеге асырылып келді. Осы уақыттың ішінде онда 500-ге жуық ядролық жарылыс жасалып, оның өзі мындаған адамдардың денсаулығы мен өміріне нұқсан келтірді.

Қазақ КСР – КСРО мен АҚШ арасындағы стратегиялық әскери тепе-тендікті қамтамасыз еткен ядролық потенциалды жасау жөніндегі өз борышын орындағанын ескеріп және республика жұртшылығының талаптарына құлақ асып қаулы етемін:

1. Семей ядролық сынақ полигоны жабылсын....

*Қазақ КСР-нің Президенті Н.Ә. Назарбаев*

*Алматы, 1991 жылғы 29 тамыз.*

*Қазақ КСР-нің атауын өзгерту туралы*

*Қазақ КСР Жоғарғы Кенесі қаулы етеді:*

1. Қазақ КСР-нің атауы Қазақстан Республикасы болып өзгерілісін.

*Қазақ КСР-нің Президенті*

*Н.Ә. Назарбаев*

*Алматы, 1991 жылғы 10 желтоқсан.*

*Елдегі жағдай мен 1997 жылга арналған ішкі*

*және сыртқы Саясаттың негізгі бағыттары туралы*

*КР Президентінің Қазақстан халқына жолдауы*

*Kіріспе*

Қазақстан мемлекеттік тәуелсіздік алғаннан бергі бесінші жыл да аяқталып келеді. Тарих ауқымында алғанда, бұл

қас-қағым сәт, уақыт жиынтығы ғана, ал мұндай уақыттың ішінде, өлбетте, мемлекеттік дамудың сапалық жағынан жаңа үлгісін қалыптастыру біршама қын. Тегінде, баяулық қоғамдық процестер табиғатының өзіне тән, өйткені саяси және экономикалық құрылыштың, қоғамдық құндылықтардың, өмірлік мұраттардың алмасуы ондаған жылдарға созылады...

*Алматы, 1996 жыл, қазан.*

*1998 жылды “Халық бірлігі мен үлттық тарих жылы” деп жариялау туралы.*

Республика азаматтарының, қоғамдық бірлестіктері мен үйымдарының көптеген өтініш тілектерін ескере отырып, жалпы үлттық татулық пен үлттық тарихты зерделеуді қамтамасыз ету мақсатында қаулы етемін:

1. 1998 жыл “Халық бірлігі мен үлттық тарих жылы” деп жариялансын...

*Қазақстан Республикасының Президенті  
Н.Ә. Назарбаев*

*Ақмола, 1997 жылғы 10 желтоқсан.*

### *Қазақстан – 2030*

*Барлық Қазақстанның тардымын осіп-өркендеу, қауіпсіздігі және әл-ауқатының артуы*

### *Ел президентінің Қазақстан халқына жолдауы*

Ұзақ мерзімді басым мақсаттар мен оларды іске асыру стратегиялары. Біздің еліміз мен айтқан перспективаларға қол жеткізу үшін мынадай ұзак мерзімді жеті басымдықты іске асыру қажет:

1. Үлттық қауіпсіздік. Аумақтық тұтастығын толық сақтай отырып, Қазақстан тәуелсіз егемен мемлекет ретінде дамуын қамтамасыз ету.

2. Ішкі саяси тұрақтылық пен қоғамның топтасуы. Қазақстанға бүгін және алдағы ондаған жылдар ішінде үлттық

стратегияны жүзеге асыруға мүмкіндік беретін ішкі саяси тұрақтылық пен ұлттық біртұтастықты сақтап, нығайта беру.

3. Шетел инвестициялары мен ішкі жинақталымдардың деңгейі жоғары ашық нарықтық экономикаға негіз-делген экономикалық өсу.

4. Қазақстан Азаматтарының денсаулығы, білім мен әл-ауқаты.

5. Энергетика ресурстары.

6. Инфрақұрылым, әсіресе көлік және байланыс.

7. Кәсіби мемлекет.

### РУХАНИ МҰРА (Қазақстан тарихына қатысты әдеби нұсқалар)

#### “ТҮРІК БІЛГЕ ҚАҒАН СӨЗІ”

“...Табғаш жұртының сөзі тәтті, қымбат, заты жұмсақ екен. Тәтті сөзімен, қымбат затымен арбап, алғыс елді сонша жақын келтіреді екен. Жақын кондырганнан кейін сол жерде (оларға) жаман мінез-қылық үйретеді екен. Игі, ақылды кісіні, иғі батыр кісіні жүргізбейді екен (өз еркімен). Бұл кісі жаңылса ру-тайпасына, үрім-бұтағына дейін болатпай ұстайды екен. (Табғаштың) тәтті сөзіне, жұмсақ қымбат затына арбалып, көп түрік халқы жоқ болды.

... Ол жерге барсанадар, Түрік халқы, өлер-ақсың! Өтүкен жерінде отырып, керуен-тіркеу жіберсең, ешқандай мұның жоқ. Өтүкен жерінде отырасыңдар, мәңгі ел тұтып отырасың.

Түрік халқы сен тоқсың да, арықсың да. Аш-тоғынды ойламайсың: бір тойсан, аштықты ойламайсың. Соның үшін (ел) көтерген, тойдырган қағанның сөзін алмастан, жер-жерге бардың, оның бәрінде аздың-тоздың. Сол тұрып қалған жеріннің бәрінде тіріліп жүріп едің.

Тәнірі жарылқағаны үшін, өзімнің құтыйм бар үшін қаған отырдым. Қаған (болып) отырып, жоқ-жітік халықты түгел жинадым, шығай (жарлы) халықты бай қылдым, аз халықты көп қылдым. Әлде бұл сөзімде жалған бар ма?!”

#### ЖОРЫҚ ЖЫРЫ

Мен былай дедім:  
— Мен білге Тонықөкпін.  
Алтын қойнауын асып келдік!

Ертіс өзенін кешіп келдік!  
(Кім) келсе де “батыр!” – дедім.  
(Олар біздің ойымызы) білмейді.  
Тәнірі Ұмай, қасиетті Жер-су  
Жазалайтын болады, ойлану керек!  
(Жау) көп деп неге қашамыз?  
Азбыз деп неге қорқамыз?  
Неге (оларды) басындырамыз?  
Шабамыз! – дедім,  
Шаптық. Жойдық.

## ҚҮЛТЕГІНДІ ЖОҚТАУ

Інім Күлтегін қаза болды,  
Мен өзім (қатты) қайғырдым.  
Көрер көзім көрместей,  
Білгір ақылым білместей болды.  
Мен – өзім (қатты) қайғырдым.  
Ғұмырды Тәнір берер,  
Адам баласы бәрі өлгелі туған.  
Мен осылайша қайғырдым.  
Көзге (ыстық) жас келіп,  
Көңілді ауыр шер басып,  
Мен тағы да күйіндім,  
Қатты қайғырдым.

### 1. VIII ғасыр

*F. Айдаров. Орхон ескерткіштерінің тексі. –  
Алматы, 1990. – 70-104-66.*

## "СОПЫ БОЛУ ОҢАЙ МА?!"

“Ей, Дәруіш, білгіл, ең бол, әуелі – кәлима шарифат, екінші – кәлима тарифат, үшінші – кәлима мағрифат, төртінші – кәлима хақиқатты білмек керек.

Егер соғы болып, бұл кәлималарды білмесе, соғы емес. Дәруіштің мақамы қырық түр. Егер біліп амал қылса, дәруіштігі.

Ол надан түр, ол қырық мақамның он мақамы шарифатта түр, он мақамы тарихатта түр және он мақамы мағрифатта түр және он мақамы хақиқатта түр.

Шарифаттағы он мақам бұл түр:  
Бірінші, иман келтірмек. Алла тағаланың бірлігіне  
және барлығына және сипатына және затына.  
Екінші, намаз оқымақ.  
Үшінші, ораза тұтпақ.  
Төртінші, зекет бермек.  
Бесінші, қажыға тәуап қылмақ.  
Алтыншы, жылы сөйлемек.  
Жетінші, ғылым үйренбек.  
Сегізінші, ғазіреті Расул сали Аллоһи тағала Әллахи  
уассаламның сұндеттерін орынға келтірмек.  
Оныншы, нәһи-мәңкүр қылмақ  
(білмегендерге үйретпек).  
Он мақам тарихатта түр:  
Бірінші, Тәубе.  
Екінші, Пірге қол бермек.  
Үшінші, Кауф уәржә, яғни хақ тағаланың азабынан  
қорқып, рахметінен үміт қылмақ.  
Төртінші, білмегеніңді орынға келтірмек.  
Бесінші, ләzzat шәуітін тәрк қылмақ.  
Алтыншы, пірдің қызметінде болмақ.  
Жетінші, пірін жамандамау.  
Сегізінші, насиҳат естімек.  
Тоғызыншы, адал сұғы болмақ.  
Оныншы, шарифаттан бөлінбеу керек.

Он мақам мағрифатта түр:  
Бірінші, пина болмақ (жүзін жасырып ұстау)  
Екінші, дәруіштікті қабыл қылмақ.  
Үшінші, әр іске табанды болмақ.  
Төртінші, адал талап қылмақ.  
Бесінші, мағрифат қылмақ.  
Алтыншы, шарифатты, тарихатты толық тұтпақ.  
Жетінші, дүниені тәрк қылмақ.  
Сегізінші, акыретті мойындамақ.  
Тоғызыншы, шаригат сөзін білмек.  
Оныншы, хақиқат сырын білмек.  
Он мақам хақиқатта түр:  
Бірінші, шындықпен болмақ.  
Екінші, жақсы-жаман танымак.  
Үшінші, ұлық іске бұрын қол салмак.

Төртінші, алланың ісіне разы болмақ.  
Бесінші, өзінің несібесіне риза болмақ.  
Алтыншы, кісіге азар бермегей және  
пақырларға қарсы болмағай.  
Жетінші, қағиданы тұтпақ.  
Сегізінші, әркімнен сырын сақтамақ.  
Тоғызыншы, шариғат, тарихат, хакиқат мақамын білмек.  
Оныншы, ғамал қылмақ.

*Кожа Ахмет Яссаяудің "Даналық жолы Хикметтерінің"  
алғы сөзі. Аударған Сыраш Итенов.  
"/Қарқаралы" журналы. N3/91  
Кожа Ахмет Йассауи. Хикметтер. –  
Алматы: "Өнер", 1995.*

## ЕЛШІ БОЛУДЫҢ ШАРТЫ

...Елші сан түрлі істерді тындырады,  
Игілікті істер елшілер арқылы іске асады.  
Елші өте елгезек, тапқыр, сақ болуы керек.  
Білімді, сөзі мағыналы, көреген болуы тиіс.  
Әрбір сөздің ішкі және сыртқы мағынасын  
түсіне білсін.  
Өйткені бүлінген істерді келістіретін де елші.  
Файырымды болсын, ашқөз болмасын.  
Сенімді, шыншыл ісіне адал болуы тиіс.  
Ашқөз адам ар-намыстан жүрдай болады,  
Көзі тоймайтын жан елшілікке лайық емес...  
Адамда сана мен білім болса,  
Білімі сан түрлі істерді жүзеге асыруға  
мүмкіндік береді.  
Парасатпен түрлі жазуларды оқып үйренсе,  
Жазу (кітап) оқыса – ақылы артады.  
Жазса, оқыса, (ғибрат) сөздерді тындараса,  
Сол арқылы өзін-өзі данышпан етеді.  
Түрлі өнер игеріп, бәрін тегіс білсе,  
Сол өнер шапағаты оның жүзін нүрға бөлейді.  
Кітаптар оқыса, әрі сөз сырын білсе,  
Өлең-жырлар оқыса, әрі өзі де жазатын болса,  
Астрология, медицина, әрі тұс жори білсе,  
Оның болжамы қашанда дұрыс шығып жатса,

Математика мен геометрияны білсе,  
Саннан тұбір шығарса, әрі шекараларды  
ажырата білсе,  
Барлық тілдерді білетін болса,  
Түрлі жазуларды білсе, көркем өрі келістіріп жазса...

*Жүсіп Баласагұн. “Күттүй білік”. –  
Алматы. – 265-266-бб.*

## ҒЫЛЫМДЫ ҮЙРЕНУДІҢ ШАРТЫ

Захируддин Әл-Байхакий: “Шейх Әбу Насыр Әл-Фарабидің аты – Мұхамед-ибн Тархан болып, шыққан тегі Түркістанның Фараб деген жерінен екен. Бұл кісі “Муаллим ас-Саний” – “Екінші ұстаз” деген лақап есім алған. Ислам ғылымдары арасында одан бұрын мұншалықты ақылы алғыр адам болмаған еді.

Әбу Насырдың көп трактаттары болған. Мен Рай шаһары бастығының кітапханасынан бұл кісінің шығармаларын көрдім. Сол жерде мен Әбу Насырдың небір шығармаларын көрдім, тіпті ондай кітаптар жайында ешқашан естімеген де екенмін. Тағы бір айта кететін жәйт, көрген кітаптарымның көвшілігі Әбу Насырдың өз қолымен жазылған, яки оның шәкірті Әбу Закария Яхия ибн Адидің қолымен көшірілген еді.

...Ғұлама Әбу Насыр Әл-Фараби айтқан екен: Кімде-кім хикмат (философия, даналық) білімін оқып үйренуге кіріспек болса, ол ең алдымен жас болуы, ниеті дұрыс, әдепті, қайырымды адам болуы керек. Ондай кісі адамдарға мейірімді, таза, адал болуы, азғын қызықтардан: күнө, қиянат, зұлымдық пен аярлықтан таза болуы тиіс. Білім жолына түскен жан күнделікті күйбең тіршілікті ойламауы қажет. Хикмат білімін оқып үйренуге кіріспек болған адам білімді де, ғалымдарды да құрмет тұтатын кісі болуы шарт. Ондай кісі ғылым адамдарынан басқа ешбір нәрсені қадірлейтін болмауы керек. Білімді кәсіп, өнер етіп алмауы керек, әрі оны мал-дүние табу құралы етіп жібермеуі қажет. Кімде-кім мұны керісінше істейтін болса, онда ол көзбояушы саналады. Жалған ақша таза ақша есептелмейтіні сияқты, жалған сөз ешқашан мәнді сөз болмайды. Егер мінез-құлқы біз айтқандай емес, теріс мінезді кісі болса, ол

ешқашанда ғалымдар қатарына қосылмайды. Ағаштың өсіп-жетілгенін бұтақтың жемісіне қарай бағалайды ғой. Сондай-ак адамның басына қонған бақыттың тұрақты болуы мінез-құлыққа байланысты. Кімде-кім өзін өз дәрежесінен жоғары көтермек болса, ондай адамның өсу жолына тосқауыл қойылады.”

*Захируддин әл-Байхакий. Әбу Насыр Әл-Фараби туралы. //  
Н. Келімбетов. Қазақ әдебиетінің ежелгі дәуірі. –  
Алматы, 1986. – 108-109-бб.*

## БІЛІМ ҚАЗЫНА

Білікті білім жинап кәсіп етер,  
Білімнің дәмін татып өсіп өтер.  
Білдірер білім елге білім сырын  
Біліксіз білімді аттап, басып өтер.

Тура сөз біліксізге қаза болар,  
Насихат, пайдалы сөз жаза болар.  
Надан жан қанша жусаң тазармайды –  
Талай кір жуған сайын таза болар.

Білімдар: “Істі біліп, бекін!” – дейді.  
Ақылмен іс істеген өкінбейді.  
Білмеген талай жұмыс істей жүріп,  
Амал жоқ, тубінде сол опық жейді.

Білікті біліп айтар сөзін ұтар,  
Ол емес бос сөзінді бедел тұтар.  
Білімсіз не айтса да білмей айтар –  
Өз тілі өзінің кеп басын жұтар.

Алла өзін біліммен құт етеді.  
Қайырызыз надандықты жұт етеді.  
Білімді үйренбеген талай қауым  
Құдайды қолдан жасап бұл етеді.

Өнеге, білген сөзі – насхат, жол,  
Араб пен азияттың сүйгені сол.  
Кедейдің көртіп жейтін малы – білім,  
Білімнің жоқ-жігітке(?) берері мол.

*А. Иүгінеки. Ақықат сыйы. – Алматы, 1985. – 72-73-бб.*

## НАҚЫЛ СӨЗДЕР

“...Баят руынан Қорқыт ата дейтін білікті, сөуегей адам болыпты. Тәнірі зердесіне салған соң оның барлық болжамдары қатесіз болған... оғыз тайпаларында Қорқыт ата ең қын деген мәселелерді шешкен. Қандай ғана қын іс болмасын Қорқыттың кеңесін алмай, ел ешбір жұмыска қол үрмаған. Ел оның барлық билігін бұлжытпай орындаған. Қорқыт атадан бір сөз мынадай: “Тәнірге сыйынбаған адамның тілегі қабыл болмайды. Тірің құрамаса, ешкімнің бірі екеу болмайды. Тәнірі пәндесінің маңдайына жазса, сол болады. Оның жазуынсыз адам жамандық көрмейді, ажал келіп өлмейді. Өлген тірілмейді, кеуденен жаңын кетсе, ол қайтып келмейді. Жігіт тірісінде Қаратаудай қылып, бір күн тыным көрмей дүние жияды, баиды, бірақ ішінен өзіне тиісті үлесін ғана жейді. Сулар қанша тарамтарам болып, тасып аққанмен, теңіздерді толтыра алмайды. Менмен, тәкәппар адамды Тәнірі сүймейді. Басқалардан өзін жоғары ұстаған адамға Тәнірі бақ бермейді. Өзіңнен тумаса үл өгей, қанша бағып-қақсан да үл болмайды. Ер жетіп, ат жалын тартып мінген соң өз жөніне кетеді, бәлки ол тәрбиелеген адамды көрдім-білдім деген сөзді де айтпас. Құлді қаншама үйгенмен төбе болмас. Қара есектің басына жүген таққанмен тұлпар болмас. Күнге сары пай шапан жапқанмен бәйбіше болмас. Қар қаншама қалың жауғанмен жазға бармас. Гүлденіп өскен бәйшешек күзге бармас. Тозған мақта бөз болмас, ежелгі жау ел болмас. Ат қиналмай жол шалмас. Қайыспас қара балтасыз жау алынбас. Мыңғырған мал жиғанмен, адам жомарт атанбас. Анадан өнеге көрмеген қыз жаман, атадан тағылым алмаған үл жаман. Ондай бала ел басын құрап, үйінен дәм беруге де жарамас. Ананың көңілі балада болар, жақсы ана үшін бала – екі көздің сыңары. Ұлың өсіп жетілсе, ол от басының мереійі, бас-көзі. Атадан қалған малы болмаса, баланың күні қараң. Ақылсыз балаға ата дәүлетінен қайран жок”. Қорқыт ата өзінің ел жұртына тағы мынадай өсиет айтқан: “Жол қыындығын көрмеген, жабы мінген жігітке арғымақтан пайда жок. Қолына қылыш ұстап көрмеген қорқақ, қылыш сермеп, күшінді сарп етпе. Батыр туған жігіттің садағының оғы да қылыштай кесіп түседі. Қонағы жок қараша үйден құлазыған түз жақсы. Ат жемейтін ашы

шөптің гүлденіп өспегені жақсы. Адам ішпес суды жылға қуып ақпағаны жақсы. Атаның атын былғаған ақылсыз баланың әке омыртқасынан жаралып, ана құрсағында шырланып, тумағаны жақсы. Ата даңқын шығарып, өзінің тегін құған балаға ешкім жетпейді.”

“*Корқыт ата кітабы*”. – Алматы: “Жазушы”, 1996. – 7-8-бб.

## ТЕКТІЛІК ТУРАЛЫ

“Бұл үгіт-насихатты жазушы Ескендірұлы Қабус, Қабусұлы Бушмагир, Бушмагирұлы Емір Қайқауыс өзінің перзенті Гиланшахқа: “Ей, перзентім, мен қартайдым, тәнімді күн сайын қуатсыздық жайлап келеді, өлім уақыты да жақын қалды. Тірлікте мәңгі өлмейтіндердің бірі – кітап, оны құртып жіберетіндей құдіретті күш жоқ. Мен өзімнің төрімнен көрім жақын екенін сезіп, өлім жарлығы қолыма тимей тұрган шакта, білген ақыл-кеңесімді кітапқа жазғым келді. Әрбір қыын істі жеңіп, соңғы үрпақтарға үлгі боларлықтай жақсы атақ қалдыру үшін әрекет жасау жөнінде бірнеше әңгіме баяндаймын, сен ғибрат алғайсын, ал мен аталық парызымды өтейін”, – деді...

“Ей, перзентім, есінде болсын, өнерсіз жан – өнегесіз, оның ешкімге де пайдасы тимейді. Ондайлар бұтасы бар да, көлеңкесі жоқ, тікенді ағашқа үқсайды. Өзіне де, өзгеге де пайдасыз болады.

Егер адам текті, асылзада өuletінен болса да, өнері болма-са халықтың ізет-құрметінен макрүм қалады. Нәсіл гауһарынан да, өнер өрнегінен де құр алақан жанның тағдыры одан да жаман болады. Жаратылыстан текті, асыл, сұлу болғанға мастанба. Өйткені тектілік пен тән сұлұлығы, өнерпаздық жан сұлұлығымен толықтырмаса еш нәрсеге арзымайды. Мысалы, ұлы дәрежелі болу шыққан тегіне емес, ақыл-біліміңе байланысты. Ата-анаңың қойған есіміне де есірме. Ол бір сыртқы сипаттан басқа ештеңе де емес. Қалайда сен өнерлі болып, жақсы атаққа ие болу үшін талаптан, атыңа ісің сай болмаса, ол саған лайықты ат болмайды.

Егер адам текті асылзада болғанымен, өнері болмаса, оны ешкім де елемейді. Бұл екі гөуһарға бірдей ие болған адамды көрсөн, етегінен ұстап, қолынан шығарма. Мұндай жан

жалпы халықтың қажетіне жарайды. Барлық өнерден сөз өнері жақсы екенін білгенің жөн. Өйткені басқа жан-жануарлардан адам баласы он түрлі қасиетімен артық. Бұл абзал қасиет тек адамның бойындаға бар. Оның бесеуі сыртқы тән дүниесін жайласа, бесеуі ішкі жан дүниесінде жасырынған. Ішкі жан дүниеде: жаттап алу, оны ұзақ есте сақтау, қиялдау, ажырата білу, сөз сойлеу, көру, иіс білу, дәмін тату, тітіркенгіш сезімдер болады. Бұл қасиеттердің кейбірі жануарларда да бар, бірақ адамдағы қасиетке тен келе алмайды. Сондықтан да адамзат басқа жан-жануарлардың үстінен үстемдік құратын падишасы.”

1. Қайқауыс – XI ғ. Орта Азияда өмір сүрген аса білімдар ғалым.

*Қайқауыс. Қабуснама. – Алматы, 1992. – 20-б.*

## АСАН ҚАЙФЫ МЕН ӘЗ ЖӘНІБЕК

“Қазақтың әуелгі замандарында қазақ халқын билейтін Әз Жәнібек деген хан өтіпті. Ол уақыттар қазақтың билеушілері һәм қазактардың көбі азына зорлық жүргізетін заман екен. Бірақ сонда да билеушілері жерінің, халқының қалыбына қарай қандай жаманшылықтардан тылуға өз ақылымен заң шығарған екен. Ол Әз Жәнібек ханың бір Әулиезада ақыл иесі – Асан қайғы деген адамы болыпты. Ол Асан қайғы ілгеріде не нәрсе уайымды болады, соны айтып отырады екен. Хан оның сөзін екі қылмайды екен. Әз Жәнібек хан Қаракөз деген сұлуды алып, ел-жұрттың жиып, үлкен той қылады. Бұл тойға Асан қайғыны да шақырады. Ханың шақыруышы Асан қайғыға келіп:

“Әз Жәнібек хан сізге жіберді: “Үлкен тойым бар, Қаракөз сұлуды алғалы жатырмын, соған тойға келсін”, – дейді. “Ханыңа сәлем де, мен баар той емес екен, бармаймын”, – деп шақыруышыны қайтарып жіберді.

Әз Жәнібек хан өзі мініскер кісі екен, “Құладын” деген құсты қайтарып, бабына келтіріп аққу алғызды. Оған һәм той қылды. Ол тойға және кісі жіберіп, Асан қайғыны шақырды. Той қылған себебі: ол құладын деген құс бұл хан аққу алғызғанынан бұрын түқым заты бір торғай іліп көрген емес екен. Шақыруыш келіп айтып еді, Асан қайғы мәнісін

әбден сұрады. “Ей, жаным, ханыңа сәлем айт, мен барап той емес екен, бармаймын”, – дейді. Хан өзі ойлы кісі екен. Ол уақытта бұрын суға қайық-кеме жүргізілген екен. Хан өзі ойлап кеме жасатып, бір үлкен судан халқын өткізіп, арғы жағындағы неше жылғы ту шөпті малға жегізіп, семіртіп, бұған және той қылған екен. Осы тойға һәм Асан қайғыны шақыртты. “Ханға сәлем айт, бұл тойы мен барап той емес екен”, – деді. Сонымен, той қылышп, ақылшы қайғыны ешбір лаж етіп алдыра алмайды. Көп ойлап, бірқатар заманнан соң және бір шақырушы жіберді: “Қайғыға менен көп сәлем, келсін, ел азды, жұрт тозды. Соның мәнісін бір ақыл қылу керек еді. Бұл қайтсе тыныш болады, соның ақылына келсе екен. Ол кісі келмейінше лажы жоқ сықылды көрінеді”, – деп. Жіберген кісі келіп, ханның сәлемін айтқан. Мәнісін сұрап алып: “Қайыр, енді барайын, жұрт тыныштығы деген бір құдайға жаар, сауаптан мақұрым қалмаспый”, – деп ханға сәлем беріп отырды. Хан бек хош алып, бірқатар отырғаннан кейін, Асан қайғыдан сөз сұрай бастады. “Тақсыр, мен сізді мұнан бұрын үш той қылышп шақырдым, не себепті келмедині? – деді. Сонда Асан қайғы айтқан екен:

Ей, хан, мен айтпасам білмейсің,  
Айтқаным көнбейсің.  
Жайылып жатқан халқың бар,  
Аймағын көзделеп көрмейсің.  
Қымыз ішіп қызырып,  
Мастанып қызып терлейсің.  
Өзіңнен басқа хан жоқтай,  
Елеуреп неге сөйлейсің?!  
Қорған салдың бейнет қып,  
Қызметшің жатыр ішіп-жеп,  
Мұны неге білмейсің?  
Қатын алдың қарадан,  
Айрылдың хандық жорадан.  
Ел ұстайтын ұл таппас,  
Айрылар ата-мұрадан,  
Мұны неге білмейсің?!  
Құладын құстың құлы еді  
Тышқан жеп жүнін түледі.  
Аққу құстың төресі  
Ен жайлап көлді жүр еді.

Аңдып жүрген коп дүшпан,  
 Елге жау боп келеді,  
 Құладын қуды олтірсе,  
 Оз басыңа келеді!  
 Құлын келіп сені олтірер,  
 Осыны Асан біледі,  
 Мұны неге білмейсің?  
 Тіл алсаң іздеп қоныс кор,  
 Желмая мініп жер шалсам,  
 Тапқан жерге ел көшер,  
 Мұны неге білмейсің?  
 Ей, Жәнібек ойласаң,  
 Қылышты заман болмай ма?  
 Суда жүрген ақ шортан  
 Қарағай басын шалмай ма?  
 Мұны неге білмейсің?  
 Қош, аман бол,

**Жәнібек**  
**Енді мені кормейсің!!!“**

1. Эз Жәнібек. Ол туралы “Тауарих гузида-и-шусрат наме” деген кітапта: “Одан кейін Озбек хан болды. Кейіннен хандық оның ұлы Жәнібекке кошті. Оны “Әзіз Жәнібек” деуші еді. “Дәшті елнің Шах Жаны еді, ал қараша халқы тәні еді” деген шумак олең де бар. Оның билік құрган уақыты 1340-1357-ші жж.
2. Асан қайты – кошпелі ногайлы-қазақ ұлысының ойшыл кеменгері. Қазақ ішінде ол туралы тарихи аңыздар коп. М.-Ж. Көпейұлы: “Асан қайты айтканы тұра келіп, Эз Жәнібекті құлы олтірді”, – дейді. Кейін Асан қайты елін алып, Жиделі Байсын көшіп кеткен екен-мыс деген сөз бар. Жыр Алтын Орда мемлекетінің ыдырап, кошпелілердің үлкен дагдары-ска түскенінен сыр тартады.

*Дала үоләйаттың газеті... – 1901, 613-б. –  
 Алматы, 1992. – 413-415-66. //  
 XV-XVIII ғг. Қазақ поэзиясы. –  
 Алматы, 1982. – 65-66-66.  
 (Өлең нұсқасы толық емес болуы мүмкін)*

### “МАХАББАТ НАМЕ”

Ақшам айы корінді – мейрам айы,  
 Мұқамет Қожа бек – дәүлет құмайы.

Бұйырды ол – Өрге (Орда – Ж.А.) тігілді,  
Қазан көтеріліп, мәжіліс құрылды.  
Хусани пернесіне түсіріп саз,  
Жыршы бұл газелді қылды уағыз...

*Гәзел:* Жаратқан тән ішінде жан жаратты,  
Сені көріктілерден жоғары хан жаратты.  
Жүзінді күн сияқты жаратты,  
Тағдыр біздерді таңырқауға қаратты.

Толған айды қарағайдың басына шығарып,  
Ай бетінде гүл қауызын жаратты.  
Жамалыңды жаһанға жарқыратты,  
Мені сол суретінде қаратты.

Халыққа құбыла болды жамалың,  
Сені жаратқан күн...

*Мадаи:* О, арыстан жүректі Қоңырат үрпағы,  
Кіші жастан ұлықтардың ұлығы.

Бақыт көзі, береке кеніші,  
Мұқамет Қожа бек – Әлем қуанышы.

Еліміз жансыз тән еді бұрын сенсіз,  
Шаһтың шаһы – Жәнібек ханға етегесіз.

Әскерін дінге қуат берер,  
Фаридуннің кенішін мұскінге берер.

Сүлеймендей салтанатты падишасың,  
Жүсіптің жүзі мен Мәсихтің демі тиген.

Желден асар желгенде атың,  
Күн сияқты жаһанды тұтты атың.  
Мың жылдан соң Хатымдай тірілсе егер,  
Сенің атыңды естіп жерді өбер.

1. Шығарманы 1358-ші ж. түрік Хорезм ақын Ақ орда хандарының бірі Мұқамбет бекке арнап жазған. Мекені – Сыр бойы.

*Мұхаббат нағе. –  
Алматы, 1986. – 87-90-66.*

## ШАЛКИІЗ ЖЫРАУДЫҢ БИ ТЕМІРДІ ХАЖЫ САПАРЫНАН ТОҚТАТУФА АЙТҚАНЫ

Қарабас күспен шалдырып,  
Көк теңіздің үстінде,  
Көтеріп желкен аштырып,  
Уай хан ием, жук тиеттің кемеге,  
Ниет еттің тәңірінің үйі Кебеге.  
Жұқ тиетсөң кетерсін,  
Ниет етсөң жетерсін,  
Жетсөң тауап етерсін.  
Етектеп жиған көп халқың,  
Сұлтан ием, кеткенінде  
Кімге аスマр етерсің?

.....  
Темір еді ханымыз,  
Теңіз еді халқымыз,  
Тебірлерге қалғанда,  
Тенселер сойды ауыр ноғай жұртыныз!  
Соқса бір жілік сындырған,  
Көк қоянның қос құлағын тұндырған,  
Көгілдірдің жез қанатын сындырған,  
Тегеурінді болат темірдің  
Тегеуріні өзіңсін!..

1. Шалкиіз (Шәлгез) Тіленішұлы – Ноғай Ордасының атақты биі және жырауы (XV ғ. соны – XVI ғ. басы) XV-XVIII ғғ.

*Қазақ поэзиясы. – Алматы, 1992. – 75-76-бб.*

### “ҚЫҢЫР ЕР”

“Еңсегей бойлы, Ер Есім,  
Есім, сені есірткен,  
Есіл менің кеңесім.  
Ес білгеннен, Есім хан,  
Қолыңа boldым сүйесін,  
Қолтығыңа boldым демесін.  
Ертеңгі күн болғанда,  
Елің кеңес құрғанда  
Айналып ақыл табарға

Есіктегі ебесін  
Сонда ханым не дейсің?  
Мен жоқ болсам, Есім хан,  
Ит тұрткіні көресің.  
Жиембет қайда дегенде,  
Не деп жауап берерсің.  
Меніменен, ханым, ойнаспа,  
Менің ерлігімді сұрасаң –  
Жолбарыс пенен аюда,  
Өрлігімді сұрасаң –  
Жылқыдағы асау тайындей.  
Зорлығымды сұрасаң –  
Бекіре менен жайындей.  
Беріктігімді сұрасаң –  
Қарағай менен қайындей.

1. Есім хан заманындағы асау батыр, қыңыр ер, езулі жыраулардың бірі – Жиембет (XVI ғ.)

*XV-XVIII ғғ. Қазақ поэзиясы. – Алматы, 1982. – 92-б.*

## ҚАРАҒАЙФА ҚАРСЫ БІТКЕН БҰТАҚ

Салпаң да салпаң жортармын,  
Сары азбанға қосымды артармын.  
Торлаусыз өскен құланмын,  
Мезгілсіз жусап өрермін.  
Қайранға біткен құрақпын,  
Саусағым жерге түсірмен,  
Жапанға біткен терекпін,  
Еңсемнен жел соқса да теңселмен.  
Ой, мен қарағайға қарсы біткен бұтақпын,  
Балталаса да айырылман.  
Сыртым – құрыш, жүзім – болат.  
Тасқа да салса майырылман!

1. Ақтамберді – XVII ғ. сияқты күрделі заманда өмір сүрген тұлғалардың бірі. Ол ерлік ісімен, жыраулық қа-ситетімен, елге сінірген еңбегімен қара қазақтан оқшаша тұрган биік емен.

*XV-XVIII ғғ. Қазақ поэзиясы. – Алматы, 1982. – 96-97-бб.*

## ЕРДІ ЖОҚТАУ

Қазақтың ханы – Абылай,  
Ақиықты аспанға  
Ашпастай ғып торлады,  
Құлағанға үқсайды,  
Қазақтың қамал қорғаны,  
Кайғырмаңыз, ханзадам,  
Айтпасыма болмайды,  
Батырың өтті Бөгенбай!

Қиядан қиқу төгілсе,  
Аттың басын тартпаған,  
Қисапсыз қол көрінсе,  
Қорқып жаудан қайтпаған,  
Қазақ деген халқынан,  
Батыр шықкан даңқынан,  
Қарсыласқан асылдар  
Қорғасындай балқыған,  
Батырың өтті Бөгенбай!  
Өкпе қылған ел үшін,  
Жауда кеткен кек үшін,  
Қазақтың абырой-арына  
Сарып қылған бар күшін,  
Қайыры болсын халқына,  
Сабыр қыл, ойлап келмесін,  
Қарияң келіп жырлап тұр  
Еңбегі сіңген ер үшін,  
Батырың өтті Бөгенбай.

1. Бұқар жырау (XVIII ғ.) – бірнеше мың жылдық көшпелілер поэзиясындағы соңғы ірі тұлға. Оның деңгейі – оғыздың Қорқытымен, ногайлының Асан қайғысымен қатар. Ол – тек жырау емес, қазақ ұлттық сана-сезімінің іргесін бекіткен ұлы идеолог-құрылышсы.

*XV-XVIII ғг. Қазақ поэзиясы. – Алматы, 1982. – 130-131-бб.*

## ЖҰРТЫМА ҚҰРБАН БОЛСАМ ДЕП

Алай ма, сұлтан, алай ма!  
Астыма мінген арғымак  
Аяңдай түсіп марай ма?

Арғымак дейтін жығылар,  
Найза бойы жар келсе,  
Жабыдайын жалтандап,  
Түсер жерін қарай ма?

Арғымак атқа айдай таға қақтырса,  
Кілегей қатқан Әділдің  
Көкше мұзынан таяр ма?!

Ата ұлының баласы,  
Асыл ерге малың бер,  
Малың бер де басың қос,  
Басыңа тарлық түскенде  
Ардақтаған әділ жанын аяр ма?

Ханнан кетім ала алмай,  
Арқаның алпыс екі саласына барғанда,  
Айдаһардай арбадың,  
Арбадың да қалмадың.  
Қайрат қылар ер біз болсак,  
Заманында болған “сұлтаным”  
Бізді жіпсіз байладың.

1. Махамбет – XIX ғ. ортасына дейін ерлік, елдік дәстүрін сақтаған қазақ қогамының ер ақыны. Оның өлеңдері – еркін рухтың биік желбіреген туы. Ақын басына түскен қыншылық сөттерінің өзінде де өжеттілігінен таймайды, ол жанын ары үшін құрбандыққа шалған өрен азамат.

*XIX ғ. әдебиеті. Хрестоматия. —  
Алматы, 1992. — 36-38-бб.*

## ОТЫЗ ТОҒЫЗЫНШЫ СӨЗ

“Рас, бұрынғы біздің ата-бабаларымыздың бұл замандастылардан білімі, күтімі, сыпайылығы, тазалығы төмен болған, бірақ бұл замандастылардан артық екі мінезі бар екен. Ендігі жұрт ата-бабаларымыздың мінді ісін бір-бірлеп тастап келеміз, әлгі екі мінезін біржола жоғалтып алдық. Осы күнгілер өзге мінезге осы өрмелеп ілгері бара жатқанына қарай, сол аталарымыздың екі ғана тәуір мінезін жоғалтпай-

тұрсақ, біз де ел қатарына кірер едік. Мінез жоқ болған соң, әлгі үйренген өнеріміздің бәрі де адамшылыққа үқсамайды, сайтандыққа тартып барады. Жұрттықтан кетіп жатқа-нымыздың бір үлкен себебі сол көрінеді. Ол екі мінезі қай-сы десен – әуелі ол заманда ел басы, топ басы деген кісілер болады екен. Көші-қонды болса, дау-жанжалды болса, билік соларда екен. Өзге қара жұрт жақсы-жаман өздерінің шаруасымен жүре береді екен. Ол ел басы, топ басылары қалай қылса, қалай бітірсе, халық та оны сынамақ, бірден-бірге жүгірмек болмайды екен. “Қой асығын қолыңа ал, колайыңа жақса, сақа ғой”. “Бас басыңа би болсан, Манар тауға симассың, басалқаңыз бар болса, жанған отқа күймессің”, – деп, мал айтып тілеу қылып, екі тізгін, бір шылбырды бердік саған, берген соң, қайтып бұзылмақ түгіл, жетпегенінді жетілтемін деп, жамандығын жасырып, жақсылығын асырамын деп тырысады екен. Оны зор тұтып, әулие тұтып, одан соң, жақсылары да көп азбайды екен. Бәрі өз бауыры, бәрі өз малы болған соң, шыныменен жетесінде жоқ болмаса, соларды қамын жемей қайтеді? Екіншісі – намысқор келеді екен. Ат аталаң, аруақ шақырылған жерде ағайынға өкпе, араздыққа қарамайды екен, жанын салысады екен. “Өзіне ар тұтқан жаттан зар тұтады екен”, – деп, “Аз араздықты қуған көп пайдасын кетірер”, – деп, “Ағайынның азары болса да, безері болмайды”, – деп. “Жол қуған қазынаға жолығар, дау қуған бәлеге жолығар”, – десіп. Кәніки, енді осы екі мінез қайда? Бұлар да арлылық, намыстылық, табандылықтан келеді. Бұлардан айырылды. Ендігілердің достығы – бейіл емес, алдау, дұшпандығы – кейіс емес, не күндестік, не тыныш отыра алмағандық.”

1. Абай – қазақ халқының жаңа дәүірінің рухани іргетасын қалаған ұлы тұлға. Ол бірнеше мың жылдар бойы көшпелі тіршілік кешкен қазақ қоғамының отырықшылық, сауда, кәсіп, т.б. өркениет нәтижесін мойындаитын кезінде туган ойшыл. Байырғы рухтан қол үзіп, соны сынаған алғашқы ғұлама және қайраткер.

*A. Құнанбаев. Екі томдық шыгармалар жинағы. – Алматы, 1986. – т. 2. – 155-156-бб.*

## ПАЙДАЛАНЫЛҒАН ӘДЕБИЕТТЕР ТІЗІМІ

1. Абай (Ибраһим) Құнанбаев. Бірер сөз қазақтың тубі қайдан шыққаны туралы. Екі томдық шағармалар жинағы. – Алматы, 1986. – 2 т.
2. Авеста (Перевод с авестийского Ивана Стеблин-Каминского). – Москва, 1993.
3. Алпысбаев Х.А. Памятники нижнего палеолита Южного Казахстана. – Алматы, 1979.
4. Акишев К.А. Курган Иссык (Искусство саков Казахстана). – Москва, 1978.
5. Асфендияров С.Д, Кунте П.А. Прошлое Казахстана в источниках и материалах. Сб. I. – Алматы-Москва, 1935.
6. Аммиан Марцеллин. Прошлое Казахстана в источниках и материалах. Сб. I. – Алматы-Москва, 1935.
7. Аристов Н.А. Заметки об этническом составе тюркских племен и народностей и сведения об их численности. – СПб., 1897.
8. Айдаров F. Орхон ескерткіштерінің тексі. – Алматы: «Фылым» баспасы, 1990.
9. Әлкей Марғұлан. Ежелгі жыр-аңыздар. – Алматы, 1985.
10. Әбілғазы Баһадүр хан. Шежіре-и-турік. – Алматы, 1991.
11. Бичурин Н.Я. (Иакинф) Собрание сведений о народах, обитающих в Средней Азии в древние времена. – М.-Л., 1950. – т. I.
12. Бабыр Захир ад дин Мұқамед. Бабырнама. – Алматы, 1993.
13. Вяткин М.В. Сырым батыр. – Алматы, 1952.
14. Гумилев Л. Қиял патшалығын іздеу. – Алматы, 1992.
15. Геродот. История в девяти книгах. – Москва, 1972.
16. Гурлянд Я.И. Степное законодательство с древнейших времен по XVII столетие. – Казань, 1904.
17. Диваев А. Тарту. – Алматы, 1992.
18. Даала уәләйятіның газеті. – Алматы, 1992.
19. Дай цин Шэнцзу Жэнъхуанди шилу. // Международные отношения в Центральный Азии в XVII-XVIII вв. – Москва, 1989. – т. 1.
20. Ертегілер. Қазақ халық әдебиеті. 4 т. – Алматы, 1989.
21. Жұсіп Баласагұн. Құтты білік. – Алматы, 1986.
22. Захируддин Ел-Байхакий. Әбу Насыр Әл-Фараби туралы. // Н. Келімбетов. Қазақ әдебиетінің ежелгі дәүірі. – Алматы, 1986.
23. Иүгінеки А. Ақиқат сыйы. – Алматы, 1985.
24. Иордан. О происхождении и деяниях гетов. – М., 1960.

25. Кастанье М.А. Надгробные сооружения киргизских степей. – Оренбург, 1911.
26. Книга Марко Поло. – Алматы, 1990.
27. Казахско-русские отношения в XVI-XVIII вв. / Сборник документов и материалов. – Алматы, 1961.
28. Құрбанғали Халитұлы. Тауарих хамса. – Қазан, 1910; Алматы, 1992.
29. Қазақ ертегілері. – Алматы, 1991. – 3-т.
30. Қадырбаев М.К. Памятники Тасмолинской культуры. Древняя культура Центрального Казахстана. – Алматы, 1966.
31. Қорқыт ата кітабы. – Алматы, 1986.
32. Қожамқұл би Балхи Қыпшақханұлы. Тарихи Қыпшақи./ Материалы по истории Казахских ханств в XV-VIII вв. – Алматы, 1969.
33. Қожа Ахмет Иассауи. Хикметтер. – Алматы: «Өнер», 1985.
34. Қорқыт ата кітабы. – Алматы, 1996.
35. Қайқаус. Қабуснама. – Алматы, 1992.
36. Құнанбаев А. Екі томдық шағармалар жинағы. – Алматы, 1986.
37. Левшин. Описание киргиз-казачьих или киргиз-кайсацких орд и степей. Ч. 1-3. – Спб, 1832.
38. Қөпееев М.Ж. Қазақ шежіресі. – Алматы, 1993.
39. Қөпейұлы М.Ж. Сарыарқаның кімдікі екендігі. – Қазан, 1907.
40. Медоев А.Г. Гравюры на скалах. – Алматы, 1979.
41. Маргулан А.Х. Бегазы-Дандыбаевская культура Центрального Казахстана. – Алматы, 1979.
42. Махмуд Қашғари. Диуан-лұғат ат-түрік. – Алматы, 1993.
43. Менандр Протектор. Прошлое Казахстана в источниках и материалах. СПб. I./ Под.рек. С.Д. Асфендиярова, П.А. Кунте/. – Алматы-Москва, 1935.
44. Монголдың құпия шежіресі. – Баян-өлгий, 1979.
45. Масуд бен Усман Кухустани. Тарихи Әбульхаири./ Материалы по истории Казахских ханств в XV-XVIII вв. Извлечение из персидских и тюркских сочинений. – Алматы, 1969.
46. Мұқамет Хайдар. Тарих-и Рашиди. Материалы по истории Казахских ханств XV-XVIII вв. – Алматы, 1969.
47. Материалы по истории Узбекской, Таджикской и Туркменской ССР. Ч. 1. – Л., 1992.
48. Мунис. Шер Мұхабет бен Әмір Ауез би мираб. Фердоус ал Иқбаль. // Материалы по истории казахских ханств в XV-XVIII вв. – Алматы, 1969.
49. Материалы по истории политического строя Казахстана. т.1.– А, 1960.

- Национально-освободительная борьба казахского народа под предводительством Кенесары Қасымова. – Алматы, 1996.
50. «Оғыз наме», «Мұхаббат наме». – Алматы, 1986.
51. Омари Ж. Бұқар жырау. Он екі тарих. – Қарағанды, 1994.
52. Өтеміс Қажы. Шынғыс наме. – Алматы, 1992.
53. Путешествия в восточные страны Плано Карпини и Гильома де Рубрука. – Алматы: Ғылым, 1993.
54. Рашид-ад дин. Сборник летописей. т.1. кн.1. – М, 1952.
55. Рычков П.И. История Оренбургская. – Оренбург, 1896.
56. Рычков Н.Н. Дневные записки путешествия в киргиз-кайсацкой степи в 1771 г. – СПб. 1772.
57. Сыздықова Р., Қойделдиев М. Қадырғали би Қасымұлы жәнс оның жылнамалар жинағы. – Алматы, 1991.
58. Тұрсынов Е.Д. Қазақ ауыз әдебиетін жасаушылардың байыргы өкілдері. – Алматы, 1979.
59. Тевкелев М. Опись казахских родов и племен. Казахско-русские отношения в XVI-XVIII вв. – Алматы, 1961.
60. Тойнби А.Дж. Постижение истории. – Москва, 1985.
61. Уәлиханов Ш. Таңдамалы. – Алматы, 1985.
62. Уәлиханов Ш. Қазақ шежіресі. Сборник соч. в пяти томах. – Алматы, 1985. – т. 2.
63. Цинская империя и казахские ханства. XVIII-XIX в.в. (Сборник документов и материалов). – Алматы, 1989. – т. 1.
64. Шәкөрім Құдайбердіұлы. Түрік, қыргыз-қазақ һөм хандар шежіресі. – Орынбор, 1911.
65. Юдин В.К. Чингиз-наме. – Алматы, 1992.
66. Юстин. Эпитома сочинений Помпея Трого. // Вопросы древней истории. – 1954. – N2-4.)
67. XV-XVIII ғғ. Қазақ поэзиясы. – Алматы, 1982.

# **ҚАЗАҚСТАН ТАРИХЫ БОЙЫНША**

## **МЕМЛЕКЕТТИК ЕМТИХАН**

### **СҮРАҚТАРЫНЫң ТІЗІМІ**

1. Қазақстан тарихы пәні және оны оқытудың маңызы, кеңедерге бөлу.
2. Қазақстан тарихының тарихнамасы және негізгі деректері, методологиясы.
3. Қазақстан тас дәуірінде. Қазақстан тарихының ежелгі дәуірінің шаруашылығы және әлеуметтік құрылымы.
4. Қазақстан қола дәуірінде. Дәуірдің ерекшеліктері, шаруашылығы және әлеуметтік құрылымы.
5. Қола дәуірінде Қазақстан жерін мекендейген тайпалардың мәдениеті және этникалық тарихы.
6. Скиф-сақ дәуірі. Дәуірдің ерекшеліктері, шаруашылығы және әлеуметтік құрылымы.
7. Скиф-сақтардың мәдениеті және этникалық тарихы.
8. Қазақстанның ерте көшпелілері Евразиялық әлемде. Олардың Алдыңғы Азия (Таяу Шығыс), Қара теңіз бойы және Орталық Азия елдерінің саяси оқиғаларына араласуы.
9. Орталық және Орта Азия, Европа елдеріндегі ғұндар мемлекеті.
10. Үйсін және Қаңлы мемлекеттері. Шаруашылығы, қоғамдық құрылышы және түрмис-тіршілігі.
11. Ғұндар, үйсіндер және қаңлылар мәдениеті.
12. Көне түркі дәуірі. Дәуірдің ерекшеліктері, шаруашылығы және әлеуметтік құрылымы.
13. Көне түркі тайпаларының мәдениеті және этникалық тарихы. Ұлы Жібек жолының көне түркі мемлекеттерінің экономикалық және саяси дамуына әсер етуі.
14. Көне түркі мемлекеттерінің Шығыс және Батыс елдерімен саяси қарым-қатынасы. 751-ші ж. Талас шайқасы және оның Орталық Азия этномәдени өміріне әсері.
15. Қыпшақтар Қазақстанның ортағасырлық тарихында.
16. Ерте ортағасыр дәуіріндегі көшпелілер мен отырықшылар арасындағы өзара қарым-қатынас. Көшпелілер қоғамының экономикалық және мәдени өмірінде қалалардың алатын орыны.
17. Көшпелілік және оның негізгі даму кезеңдері. Көшпелі өндірістік қарым-қатынастарының спецификасы.
18. Көшпелі халықтардың әлеуметтік құрылымы, рулық құрылымы, басқару және билеу институттары.
19. Шыңғыс хан мемлекетінің құрылуды. Отырар тағдыры және Мәуреннахрдың басқа да қалалары.

20. Алтын Орда дәуірі. Дәуірдің ерекшеліктері, шаруашылығы және қоғамдық құрылымы.
21. Алтын Орда дәуірінің мәдениеті. Қалалардың салынуы, отырықшылық және көшпелілік симбиозы. Исламның дамуы. Әдебиет.
22. Алтын Орданың ыдырауы. Ақ Орда және Көк Орда. Орталық Азиядағы саяси процестер.
23. XIV ғ. сонындағы Темір империясы мен Дешті Қыпшақ тайпаларының арасындағы өзара қарым-қатынас.
24. Көшпелі өзбек мемлекеті. Өзбек ұлысының этникалық құрылымы.
25. Қазақ хандығының қалыптасуы. Қазақ хандығының құрылуды жөніндегі далалық ауызша тарихнама.
26. “Қазақ” этонимі жөнінде. Әлсүметтік және этникалық мазмұны.
27. Қазақ хандығының нығаюы. Қасым хан және оның ішкі сыртқы саясаты.
28. Хақназар хан. Қазақ жүздерінің құрылуы. Қазақ жүздерінің этникалық құрылымы.
29. XVI-XVII ғғ. II-ші жартысындағы қазақ хандығы. Тәуекел және Есім хандар заманы.
30. Қазақстанның Тәуке хан тұсындағы саяси жағдайы. “Жеті жарғы” зандар жинағы.
31. XVII-XVIII ғғ. қазақ-жонғар қатынасы.
32. Жонғар хандығының күшесінде. Оңтүстік Қазақстан қалаларының жаулап алынуы. “Ақтабан шұбырынды” жылдары.
33. XVII-XVIII ғғ. қазақ-орыс қатынастары.
34. Қазақстанның Ресейге қосылуының басталуы. Протекторат кезеңі.
35. Әблілхайыр хан — жеке тұлға, саясаткер.
36. Жонғарлардың дағдарысқа үшірауы (XVIII ғ. ортасы) және Абылай ханның күшесінде. XVIII ғ. ортасындағы Қазақ хандығының ішкі және сыртқы саясаты.
37. Абылай хан — жеке тұлға, саясаткер.
38. XVIII ғ. II-ші жартысындағы қазақ-қытай қатынасы.
39. XV-XVIII ғғ. қазақтардың шаруашылығы.
40. XV-XVIII ғғ. қазақ қоғамының әлеуметтік құрылымы.
41. XV-XVIII ғғ. қазақ мәдениеті.
42. XVIII ғ. қазақ мәдениеті. Бұқар жырау, Үмбетей, Ақтамберді және басқа да жыраулардың шығармашылығы.
43. Қазақтың билері. Олардың XVII-XVIII ғғ. Қазақ қоғамындағы ролі. Төле би, Қаз дауысты Қазыбек би, Әйтеке би.
44. XVIII ғ. Түркістан оазисінің қалалары. Оның қазақ этносының тағдырына әсері.

45. С. Датов бастаған Кіші жұз қазақтарының көтерілісі.
46. Қазақстандағы орыс-казак отарлауы. Шекаралық бекіністердің салынуы.
47. XVIII ғ. Қазақстан мен Ресейдің мәдени-экономикалық қатынасында Орынбор, Троицк, Семей және т.б. қалалардың алатын орыны.
48. XVIII ғ. сонында көшпелі шаруашылықтың дағдарысқа үшін руы және жер мәселесінің өршүі.
49. XVIII ғ. сонында хандық биліктің әлсіреуі. Нұралы және Уәли хандар. Ішкі және сыртқы саясаты.
50. 1822-1824-ші жж. реформалар. Хандық биліктің жойылуы және әкімшілік-территориялық жүйенің құрылуды.
51. Бөкей хандығының құрылуды. Жәңгір хан және оның реформаторлық қайраткерлігі.
52. XIX ғ. басындағы Қазақстанның онтүстік бөлігіндегі жағдай. Қокан және Хиуа хандықтарының Қазақстанның онтүстігін қанауы.
53. Батыс Қазақстандағы отарлауға қарсы қозғалыс. Арынғазы және Қаратай сұлтандардың, Жоламан мен Есет билердің бастауымен болған қозғалыстар.
54. М. Тайманов пен М. Өтемісов бастаған қозғалыс.
55. К. Қасымұлының бастауымен болған үлт-азаттық қозғалыс. Мақсаты, маңызы және қозғалыстың негізгі кезеңдері.
56. Қазақстанның Ресейге қосылуының аяқталуы.
57. XIX ғ. I-ші жартысындағы қазак қоғамындағы әлеуметтік қатынастар және әлеуметтік топтар.
58. XIX ғ. I-ші жартысындағы қазақ шаруашылығы.
59. 1867-1868-ші жж. "Уақытша Ереже". Оның Қазақстанның болашақтағы тағдырына өсери.
60. 1869-шы ж. Кіші жүздегі көтеріліс.
61. 1870-шы ж. Адайлар көтерілісі.
62. XIX ғ. II-ші жартысында Қазақстанға қоныс аудару қозғалысы.
63. XIX ғ. II-ші жартысында отырықшылық пен егіншілік дамуы.
64. XIX ғ. II-ші жартысында өндіріс пен сауданың дамуы.
65. XIX ғ. II-ші жартысында Қазақстанда сауда-ақша қатынастарының қалыптасуы.
66. Қазақстанның XIX ғ. мәдениеті: әдебиеті мен өнері.
67. А. Құнанбаев және оның Қазақстан мәдениетінде алатын орны.
68. XIX ғғ. ғылым және оқу-ағарту ісі. Ы. Алтынсарин мен Ш. Үәлихановтың қызметі.
69. XIX ғ. діннің дамуы және діни өмір.
70. XIX ғ. Қазақстанның материалдық және рухани мәдениеті.

71. XX ғ. басындағы Қазақстанның әлеуметтік-экономикалық дамуы.
72. 1916-шы жылғы көтеріліс.
73. Қазақ қоғамы 1905-1907-ші жж. орыс революциясы жылдарында. 1905-ші ж. 17-қарашадағы Манифест.
74. Қазақстан Қазан революциясы қарсаңында. “Алаш Орда” партиясының құрылуы. XX ғ. басындағы үлттық интелигенция.
75. Қазақстанда Совет үкіметінің құрылуы және азаматтық соғыс.
76. Қазақ АССР-нің құрылуы және Түркістан Советтік Социалистік Республикасы.
77. Қазақтандық индустриализация. Жетістіктері мен кемшіліктері.
78. Күшпен коллективтедіру. XX ғ. 30-шы жылдарында қазақтардың босып кетуі, аштықтан қырылуы.
79. Қазақтандық “Кіші Қазан” идеясы. Тоталитарлық жүйенің орнауы.
80. XX ғ. 30-50-ші жж. Қазақстанның үлттық интелигенциясын құтын-сүргінге ұшырату.
81. Қазақстан 1941-1945-ші жж. Ұлы Отан соғысы жылдарында. Қазақстан соғыстың арсеналы ретінде. Қазақстанның алғы шепте.
82. Тың және тыңайған жерлерді игеру: он нәтижелері мен зардалтары.
83. Қазақстанның үлттық құрылымының өзгеруі (1930-50-ші жж.).
84. Қазақстан Хрущевтік жылмық кезеңінде: реформалар және демократиялық идеялардың жандануы.
85. Қазақстан Совет қоғамының дағдарысы кезеңінде (70-80 жж.).
86. Қазақтандық Қайта Құру. 1986-шы ж. оқиға. Қоғамның демократиялық жаңғыруға бағытталған қозғалысы.
87. XX ғ. Қазақстан ғылыми мен мәдениеті.
88. Қазақстанның Үлттық егемендігі жөніндегі Декларация. Қазақстанның қалыптасу мен даму стратегиясы.
89. Қазақстанның Конституциясы (1995-ші ж.). Республиканың мемлекеттік рәміздері.
90. Қазақстан қазіргі дәуірде. “Қазақстан—2030” стратегиялық бағдарламасы.

## МАЗМҰНЫ

<i>Алғы соз</i> . . . . .	3
<i>I mapay.</i> Тарихты тануға бастайтын сара жол . . . . .	5
<i>II mapay.</i> Ертегіден де ескі тарих . . . . .	21
<i>III mapay.</i> Мық қорымдарын тұрғызған қауым . . . . .	34
<i>IV mapay.</i> Алтын киімді ерте көшпелілер . . . . .	48
<i>V mapay.</i> Ерте күнде отты күннен ғұн тұған . . . . .	63
<i>VI mapay.</i> Бөрі басты байрақ көтерген ел . . . . .	80
<i>VII mapay.</i> “Құпия шежіре” заманы . . . . .	98
<i>VIII mapay.</i> “Қасқа жолдан” “ескі жолға” дейін . . . . .	123
<i>IX mapay.</i> Ерлік және серілік ғасыры . . . . .	150
<i>X mapay.</i> XIX ғасырдағы Қазақстан . . . . .	181
<i>XI mapay.</i> “Елу жылда ел жаңа, жұз жылда – қазан” . . . . .	198
<i>XII mapay.</i> Рухани мұра . . . . .	240
<i>Пайдаланылған әдебиеттер тізімі</i> . . . . .	257
<i>Емтихан сұрақтарының тізімі</i> . . . . .	260